



C. 4

S. C

O. 6

N. 22

14

4


C

O

~~IIa 251 f 3~~








IOANNIS CÆSARII  
VIRI VNDECVNQVE  
DOCTISSIMI,


Nunc recens HERMANI RARIANI Vuelsdalij  
fructuosis SCHOLIIS illustrata,  
& in multis locis emendata.

*Accessit huic IOANNI MYRMELII Isagoge  
in decem Aristotelis Prædicamenta.*

*Biblio*



VENETIIS, M D LXXII.  
Apud Ioannem Mariam Lenum.



PRIMARIIS, OPTIMEQVE SPEI  
ADOLESCENTIBVS, IVLIO  
ET SYLAESTRO FLACCIS  
FRATRIBVS.

*Hermanus Raianus Vuesdalius S. P. D.*



NIMADVERTO multa verè & graviter a M. Tulio grauissimo studiorum humanitatis censore scripta esse, sed illud multo verissimè & grauissimè ab eodem memoriæ proditum esse, meum semper iudicium fuit; Dialecticè & Rhetoricè ministras, comitesq; omnis esse sapientiæ. Hæ enim sunt artes, quibus sublimiores disciplinas omniumq; rerum magnarum cognitionem, methodica docendi ratione & ornatè explanamus. Quibus à puero, qui rectè instituti fuerunt, gradum ad grauiores disciplinas tuto, facileq; facere possunt, nec eas illotis (vt aiunt) manibus tractabunt. Habent enim ea adiumenta quibus perfacile, (ingenij acumine accedente) sensa scriptorum, quantumuis abdita & abstrusa assequi possunt, & ea diserte copioseq; eloqui. Quæ duo non omnibus a principe rerum Deo indulta concessaq; sunt. Nam fieri potest, vt rectè quis sentiat, tamen id quo sentit, polite eloqui non possit. Contra vero, permulti accuratam & diligentem latine loquendi elegantiam habet, sed

in rerum obscurarum sensum implicatum, ac in-  
uolutum penetrare nequeunt. At magnæ profe-  
cto dotis est, scripta aliorum dextre intelligere,  
maioris explicare posse, maximè vero optimè de  
ijs sentire, id quod nemini cōtingere posse ausim  
constanter asseuerare, nisi ei qui maiori quadam  
vi mentis præditus, artis dicendi, & disserendi  
præcepta, per omnes numeros calluerit: Quæ ab  
Aristotele & Cicerone ingenio, eloquentia, do-  
ctrina dissimilibus tradita, ad posteros magno stu-  
diosorum emolumento perucnerunt. Hi sunt ma-  
iorum gentium scriptores, quorum fontibus mi-  
nuti, tanquam minorum gentium, hortulos suos  
irrigauerunt. Cicero facilis, copiosus, sitientis le-  
ctoris animum non modo non explens, sed siti-  
bundum a se dimittens. At Arist. perplexus, con-  
cisus, oscitantem lectorem fallens, præteriensq; .  
Itaq; nemo non mediocriter literis tinctus, Cice-  
ronem ob incredibilem lectionis voluptatem, &  
dictionis facilitatem minimo assequitur nego-  
tio. Verum Arist. ob implicatam, sinuosamq; ora-  
tionem, Delio quodam natatore egere videtur,  
qui non in superficie natet, sed in profundum se  
immergat, & illas densa, difficultatum tenebras  
discutiat. Quæ Trebatium Iurisconsultum (etsi  
studio ardentem) multosq; alios a lectione Aristo-  
telis reiecerunt. Nec id profecto mirum. Magni  
enim autores, quorum nomen est in illustri, pro-  
nuntiare non dubitauerunt, dementiæ simile esse,  
si quis legendis libris Aristotelis, ipsius se speret  
con-

consequuturū sententiam. Quinetiani ipse Arist.  
 (ne longe ab eamus) epistola ad Alexandrum scri-  
 pta, obscuritatem suam testatus est. Quam ita il-  
 lustrare, vt *τὴν ἀλήθειαν πρὸ τῶν ὀμμάτων ποιῆν* vi-  
 diamur, perarduum esse videtur. Vereq; a Plinio  
 dictum est obscuris lucem dare difficile esse. Cæ-  
 terum illud mihi semper mirum est visum, cur Ari-  
 sto. mirādum in modum obscuritatem adamarit,  
 cum in Rhetoricis præcipiat *ἡ πρώτη σου λόγου ἀρε-  
 τὴ τὸ σαφές*. Noc est, prima orationis virtus, perspi-  
 cuitas est. Ad illud respondere quis poterit, illud  
 Platonis verissimum esse, Difficilia quæ pulchra,  
 omnemq; artem, doctorem lumenq; desiderare.  
 Arist. aut (si Simplicio credimus) consulto obscu-  
 ritati potius, quàm perspicuitati studere voluit, vt  
 vulgus, quod autore Platone est *ἀκάριστον, ἀπαίδε-  
 τον, βέλκανον*, à suis libris, in quibus arcana posteris  
 tradiderat, procul arcet. Vulgus enim, vt omnia  
 quæ primotibus attigit labris, inuulgare solet, ita  
 multa parum rectè intellecta immundo contactu  
 tanquàm Harpyiæ Vergilianæ, conspurcare, & con-  
 taminare consuevit. Hæc immodica Aristotelis  
 in omnibus, & præcipuè in Organo obscuritas,  
 argumentum mihi suppeditauit, vt has breues no-  
 tas in Ioānem Cæsarium conscribere. Nam cum  
 neminem ex tam ampla philosophorum familia  
 hac tempestate viderem, qui iustos in Dialectica  
 Arist. (quod tamen eruditi viri scriptis polliciti  
 fuerant) conscripsisset commentarios, existima-  
 ui me haud medioere operæpretium facturum, si

probus, & literas literatosq; vnice amat, cui nihil  
est prius, quam vos probatissimos & doctissimos  
esse, omnisq; in eo chari stat cura parentis. Huius  
probitatem, diligentiam, industriam, vt imitemi-  
ni, vos etiam atq; etiā hortor. οἱ γὰρ βίος τῷ γόνεον  
κατ' ἄρην τοῖς πατρίν, ὅτιν, καὶ ὡς περ φήσιν οἱ νομοθέται,  
καὶ κληρονομεῖν, ὡς περ ἦν ἔκλος τοῦ πατρὸς καὶ τῆς μη-  
τρὸς ἀγαθῶν οὐκ ἔστιν ἀρετῆς καλοκαγαθίας ἀμφοτέρων.  
Hoc est, vita parentum liberis est speculum:& (vt  
aiunt Legnlatores) quacumq; modum oportet li-  
beros heredes esse fortunarum parentū, ita etiam  
virtutis & probitatis vtriusq; . Adhuc patriam ha-  
betis Italian, quæ inuētrix, nutrix, alitrix omnium  
bonarum & magnarum artium semper extitit. Ho-  
rum omnium exemplo moniti contendere, & eni-  
ti toto animo debetis, vt vos aliquando in summo  
honoris & iuris civilis fastigio (cui ætas vëstra des-  
tinata est) stare possitis. Nec committendum est,  
cum omnia vobis, tanquam diuina virgula sup-  
petant, ne amplitudini & maiestati Italici nomi-  
nis, & Flaccorum imaginibus non respondisse vi-  
deamini. Quamobrem pergitte, & in id studium,  
in quo estis incumbite, vt vobis honori, parenti-  
bus vtilitati, & Reipubl. emolumento aliquando  
esse possitis. Valete, Lugduni, ex Diuæ Tri-  
nitatis Gymnasio. Η' χάρα τοῦ κυρίου παντοκράτο-  
ρος μεθ' ὑμῶν.  
Ad



AD PVERVM LIBERALIBVS  
STVDIIIS OPERAM DANTEM

*Hendecasyllabi paranetici.*

**F**ac discas Dialecticē sitior  
Synceræ puer eruditionis :  
Quid nugæ tibi proderunt canora  
Quid cognoscere Pegasi volatum,  
Hortos Hesperidum, caput Medusæ,  
Stymphali volucres, cruore Nessi,  
Infectam tunicam, nouas in auras  
Tractum Cerberon Herculis catena,  
Ni discreueris atra candidis, &  
Falsis vera, probata fabulosis.

Fac discas Dialecticē sitior  
Synceræ puer eruditionis :  
Exacta hæc, ratioq; discendi,  
Disciplinaq; disputationum,  
Definire docet, scire totum,  
Argumenta scientes explicare,  
Enthymemata curta, syllogismos  
Integros ratione congruenti,  
Informare loco, modo, figura :  
Complecti generale singulatim,  
Exemplo simili probare dictum.

Fac discas Dialecticē sitior  
Synceræ puer eruditionis :  
Hæc ars vera docet, facit scientes,  
Omnes in methodos viam ministrat,  
Instrumento tenens scientiarum.

Illustrans genus omne disciplinæ,  
A diuerticulis specuq; recta  
Ducene ad speculationis arcem:  
Hæc filum tibi Thesei dat, vt ne  
Ingressus Labyrinthon impliceris.  
Alcidæ quoque porrigit trinodem  
Clauam, nec patitur deesse flammæ,  
Ne succrescat Hydræ caput recisum.

Fac discas Dialecticæ sitior  
Synceræ puer eruditionis:  
Hac quicunque minus peritus arte  
Parui pendet eam piliue fecit,  
In mendacia, lapsus & tenebras,  
A recta ratione deuiavit;  
Vt qui florigeris sudans in hortis,  
In re constituit beatitatem  
Nobiscum pecoriq; beluisq;  
Communi, patientiam perosus,  
Quem captum domuit tenax voluptas,

Fac discas dialecticæ sitior  
Synceræ puer eruditionis:  
Olim floruit hac disertus arte  
Inuenta domitor truci tyranni,  
Hac Zeno quoque Cittæus alter  
Vitæ concolor actione functus.  
Aeternum bene nomen hac peritus  
Chrysippus sibi comparauit, aure  
Purgata, ingenioq; perspicaci,  
Adq; vnguem cumulans suos acervos,  
Hac & Carneades laboriosus

Purgans



Purgans elleboro capax cerebrum.  
Et fortis schola tota Stoichorum,  
Doctus Nicomachi pater, platoque  
Immortale sibi decus tulerunt,  
Hac Peringius eruditione  
Necnon & studijs poeticorum  
Librorum iuuenes sacris Mineræ  
Imbutos polit excolitque nostram  
Qui fortemq; vicissitudinemque  
Expertus tibi Paule militauit,  
Magne Saxonie docens in vrbe,  
Hinc ludere tibi, deinde rursus  
Paulo militat inclyto labore,  
Sic fortuna vices suta rotauit.

Fac discas Dialecticæ sitior  
Synceræ puer eruditionis:  
ved vitanda tibi libido quædam  
Rixandi puerilis, ingenique  
Ostentatio vana, & aucupatus  
Fluxæ gloriosæ, suis Sophistæ  
Mæandris rapidum diem terentes  
Gryphis, tendiculis, strophisque ludant:  
De lana quoque litigent caprina:  
In vanisque libris recentiorum  
Tanquam Lotophagos apud tenaces  
Sirenium scopulosve consenescant.  
Te fili studiose metientem  
Fac tempus iuuet expediti ori  
Maturoq; gradu viam secare,  
Quantum de Logicis sat est, acuto

Commendare animo: dehinc vacare

Marali sophiæ, sacra que libris

Scripturę pietatis admonere

Multos, in vitia valens & arte,

Sic votum superi tuum secundent.

Fac discas Dialecticę fior

Syncerę puer eruditionis.

Τοῦ αὐτοῦ εἰς τοὺς αὐτοὺς.

Παιδείας ὀρθῆς κεφαλὴ χαλεπὰς, καὶ μεγάλου  
Εἰς πόνου, καλῶς κρηπίδα θεῖναι θέοι,  
Τρισμάκαρες νεάρους ὑμᾶς ὅω ἔμμεναι ὁῖω,  
Οἷ μεμαθήκατε δὲ, μήδεα πυκνὰ λέγειν,  
Καὶ πρᾶττειν λιπαρῶς ἀνθρώπινα ἀγλαὰ δῶρα,  
Οἶα θεὸς πᾶσιν οὐχ αἶμα δῶκε βροτοῖς.  
Σπᾶδετε ὅω βραδέως νεανίσκοι παλλὰς ἀθήνῃ,  
Τμετέρων σπουδῶν ὄρχαμος ἑσομένη.  
Ερμάννου ἐμέθεν μεμνημένοι ἦματα πάντα  
Μνητάμενος καὶ σφὶν ἀμφοτέροιν αἰδῶς.

EIVSDEM HERMANNI RAIANI

VVEDALII AD EOSDEM FRATRES.

E P I G R A M M A.

Dv m pueri p̄onunt lingua fundamina prima,  
Hinc premit exactor, torquet & inde labor.  
At solidum postquam iuvenes nouere laboris  
Fructum, fit facilis, qui grauis ante labor.  
Felicis Flacci, quibus hæc cognoscere primum,  
Inq; animo penitus, sculpere cura fuit.  
Hæc morum splendor miris cum dotibus ornat:  
Est quibus adiunctus gratus in ore lepos.  
Nec mirum: clari Flaccis, oriundus yterque,  
Quos prætextatis moribus hi referunt.  
Felicis nostri memores vos viuite Flacci;  
Flaccorumque memor, credite, semper ero.

**A V T O R E S Q V I I N H O C**  
opusculo citantur hi sunt.

**E X G R A E C I S.**

Plato	Porphyrius
Aristotelis	Herodotus historicus
Theophaſtus	Diogenes Laertius
Themiftius	Suidas
Cleomedes	Athanaſius
Galenus	Ioannes Damascenus
Necephorus	Georgius Trapizuntius
Gilbertus Poretanus.	

**E X L A T I N I S.**

M. Cicero	Prifcianus Grammaticus
Vergilius	Donatus Grammaticus
Ouidius	Diomedes Grammaticus
Horatius	Martianus Capella
Perſius	Macrobius
Iunenalis	A. Gellius
Seneca	Iuſtinus Historicus
F. Quintilianus	Anſelmus
C. Plinius Secundus	Alexander Hegius
Victorinus	Rodolphus Agricola
Higinius	Laurentius Valla
Lactantius	Georgius Valla Placentinus
Solinus	Thomas Linacer
Ambroſius	Ludouicus Viues
Hieronymus	Iacobus Faber Stabulenſis
Auguſtinus	Iudocus Clithoucus
Seuerus Sulpitius	Buredanus
Boetius.	

## De Dialectices origine.

QVEMADMODVM animus noster tribus potissimum dotibus (vt Plato in Menone docet) ornatus est, intellectu, ratione, & sensu. ita triplex philosophia his respondet. Quæ in cognitione rerum, & nature explicatione posita est, intellectui respondet. hic. n. est quo abstrusas, & abditas rerum causas inuestigamus: huius partis philosophiæ, Plato in Timæo semina sparsit. Quæ in discretione rerum expetendârû, & fugiendarum posita est, sensui respondet. Nam hæc præcepta tradit, quibus mores formamus, & indomitos affectus regimus. Quod totum in operationibus humanis, quæ in sensus incurrunt, positum est. Hanc partem philosophiæ Plato in libris de Republica, & alijs locis, delineauit. Quæ quid quiq; sit consequens, & repugnans tradit, rationi respondet. Hæc enim præcipuè vtimur, cum vnum ex alio colligimus. Quod præcipuum est munus Dialectici.

## De Dialectices scopo.

DIALECTICES negotium circa tria maximè versatur, voces simplices, enunciationes, ratiocinationes: idq; iuxta triplicem intellectus operationem, simplicem, quæ voces simplices, compositam, quæ enunciationem, & eam quæ quid quanq; rem sequitur, spectat. Huius rei sexto capite tertij libri de Anima apud Aristotelem mentio est.

## De discrimine Dialecticæ, & Logicæ.

QV I προλογόμενα artis, alicuius tradunt, numerosas questionum series texere consueuerunt. Vnam questionem hoc loco breuiter attingam, de qua etiamnum docti inter se disceptant. Tempore Stoicorum Dialectica nomen imperfectæ artis erat. Nam Stoici (vt Cicero initio Topicorum ad Trebatium docet) iudicandi partem, diligenter persecuti sunt, quam Dialecticen vocabant. Inueniendi partem,

partem, prorsus neglexerunt. Aristoteles deinde, inuenien-  
 di partem adiecit, totamque artem absoluit, quam σοφικὴν  
 vocauit. Hac enim de re, ipso Aristoteles vltimo cap. ij. lib.  
 Elenchorum gloriosè gloriatur. Platon in Euthydemō pau-  
 lō scrupulosius hæc seiunxit. Logica, inquit, ars est tradens  
 regulas, nominum, orationum, argumentationum. Diale-  
 ctica est sagax Philosophantis indagatio, regulis his vtens. ad  
 rationes rerum inuestigandas, diuinarum presertim. Et  
 ideo Dialectica apud Platonem Theologiam significat.

## Quid est Dialectica,

EST ARS de qualibet re proposita probabiliter disse-  
 rendi. Dialecticam artem esse ex artis finitione, & commu-  
 ni hominum consensu condiscere facile possumus. Ars, vt  
 Cleanthes ait, Est potestas, ordinem ac viam efficiens. At  
 Dialectica viam, & ordinem cæterarum disciplinarum tra-  
 dendarum demonstrat, est igitur ars. *Probabiliter.*] Id pro-  
 prium maximè Dialectici videtur, vt finitio syllogismi Dia-  
 lectici primo capite primi libri Topicorum, monstrat.  
*Διαλεκτικὰς δὲ συλλογητὴς ὁ ἐξ ἐνδόξου συλλογιζόμενος,*  
*De qualibet re.*] Si Dialecticus de qualibet re disserit, vide-  
 tur ergo eum omnium rerum petitiuū esse debere. Diale-  
 cticus, viam & rationem de quolibet Themate proposito  
 tractando, tradit: nec ipse omnium rerum est peritus. Qua-  
 de re, Aristoteles omnium bonarum artium magister, ita  
 pronuntiat, libro. j. Priorum, cap. trigesimo primo, ἡ μὲν  
 αὐτὸς δὲς, κατὰ πάντων, ἡ αὐτὴ καὶ περὶ φιλοσοφίαν καὶ  
 περὶ τέχνην ὁπιασοῦν καὶ μάθημα. Hunc locum valde illu-  
 strat, id quod Fabius Quintilianus vltimo capite secundi  
 libri scribit. Orator non omnes causas nouit, & debet pos-  
 se de omnibus dicere.

# IN COMMENDATIONEM ARTIS<sup>9</sup>

Dialecticæ , pariterque & de eius usu , &  
vtrum Philosophiæ pars sit ,  
necne Ioanni Cæsarij.

## P R A E F A T I O.

**I**NTER liberalia studia, quæ vulgo ita dicta sunt, autores Seneca, quod sint libero homine digna, nō minima existimari cēseriq; debet Dialectica, ob id scilicet, q̃ ceteris artibus & disciplinis ancilleē quodāmodo ipsa, & suū prætet obsequiū, cū interim nihilominus & ipsa pars philosophiæ & sit, & habeatur, quippe quæ propriū perinde ac reliquæ bonæ artes finem retineat. Est autem hic inuentio iudiciūq; rationum , quemadmodum id tradit ac docet Boetius quoque, haud ignobilis apud Latinos philosophus , vltimus tamen (si Laurentio Valle credimus) eruditiorum. Itaque hæc ars, quatenus quidem ipsa suum habet retinetque finem iisq; à sola philosophia consideratur, pars vtique philosophiæ ponēda est. Quatenus vero finis ille ad alias quoque philosophiæ partes suam pollicetur exhibetque operam, instrumentum ipsius philosophiæ, & sciendi ratio non ab re iudicata est. Quo etiam nomine tanto magis hæc ars amplectenda fuerit studiosę iuuentuti . De qua quidem arte, quanquā complures ante me , vt etiam post me quidam , tam ex Græcis quā ex Latinis hominibus, non sine laude scripserunt : ex his tamen alij quidem adeo operose atque prolixè, vt discētib; illam, aut etiam legētib; fastidium propemodum pariāt: alij tanta vfi breuitate, vt eius rei institutioni neutiquā satisfacere probentur , partim ob artis subtilitatem , partim ob quorundam ingenia non ita prompta atque capacia : quidam vero tam confuse, atque ( vt ita dixerim ) argute, vt quantum quidem ad ipsam institutionem attinet , maiorem in mo-



dum profuerit, eam artem non ex illis addidiscere conari. Omitto nunc eos, qui de eadem arte scripserunt & ipsi quidem, verum adeo barbare adeoque inerudite, ne dicam insulse, ut si quis paulo liberalius institutus in eorū libros incideret, videlicet ut Dialecticam inde discere veilet, aut saltē pro explorato habere posset, qualisnā ars ea sit, is haud dubie nō tam autores tales, quam artem ipsam cōtemneret protinus, reiceretque. Hoc ipsum cum ego tandem animaduertissem, expertus nimirum iam multo ante ea omnia, cōpi mecum cogitare, quo nam pacto huic tantē molestiæ remedium qualecunque, vel per me tandem affēretur, si modo iam scopum ipsum attigi: simulque aggressus sum colligere in vnum hincinde ex non contemnendis autoribus eius artis pręcepta, sed sumatim & per compendium, atque de his componere Tractatus aliquot, videlicet numero decem quos & ita digessi atque disposui (si tamen iudicio isto meo non fallor) ut totius fere artis vim in his comprehendisse videri possem, adeo ut nihil, quod ad artem ipsam, pertinet, desiderari queat, nisi ab eo fortassis, cui non satis fuerit capita sine genera rerum, iuxta Ciceronis consilium, percepisse atque tenere, per quæ reliqua ipse persequatur. Verum non minus vsus sum & ipse breuitate, iuxta Horatii in Arte doctrinam, sed temperata ut citra fastidium atque magnum laborem studiosus lector Dialecticam ex hac nostra institutione facile assequi possit, modo idem non sit auribus usque adeo delicatis, ut elegantiam dictionis magis spectet & obseruet, quam rem ipsam, quæ docetur ac traditur. Hunc ego velim prius ipse secum expendat, atque animo reputet illum Manillij versiculum, quā iudicium suum ferat nimis alioqui pręceptis, quo doctor ille studiosos artium admonitos esse vult, artes plerasque tales esse, ut non admodum orationis elegātiās affectent, sed doceri contentæ sint. Versiculus autem ille huiusmodi est, Ornari res ipsa negat, contenta doceri,

At nunc etiam priusquā finem huic præfationi imponam, quorundam grauissimorum autorum sententias breuiter subscribendas subiiciendasque existimaui, ut ex quibus



bus intelligere etiamnum poterit diligens lector qualisnam ars sit Dialectica, & quatenus in ipsa discenda immorandum sit, simul etiam vnde & quomodo inuentio eius habeatur, tum vero quod præter hanc artem aliarum artium studia non sint contemnenda, contra falsum & temerarium aliquorum iudicium. D I X I.

*Cicero in Bruto.*

D I A L E C T I C A ( inquit ) ars est, quæ docet rem vniuersam distribuere in partes, latentem explicare definiendo, obscuram explanare interpretando, ambiguam primū videre, deinde distinguere, postremo habere regulam, qua vera & falsa iudicantur, & quæ quibus propositis sint, quæque non sit consequentia.

*Julius Gellius Cap. viii. lib. xvi.*

D I A L E C T I C A E, inquit, disciplinæ studiū, atque cognitio in principijs quidem tetra & aspernabilis, insuauisq; esse & in ciuilibus videri solet, sed vbi aliquantulum processeris, tum denique & emolumentum eius in animo dilucebit, & sequetur quædam discendi voluptas insatiabilis. Cui sane si modum non feceris, periculum non mediocre erit, ne vt plerique alij, in illis Dialecticæ gyris ac meandris, tanquam apud Syreneos scopulos conseneskas.

*Augustinus in libro de ordine.*

Scientia argumentandi, diuidendi, definiendi, non ab hominibus pro arbitrio instituta est, sed, in rerū ratione comperta est.

*Boetius eius libri principio, quem de syllogismis  
cathegoricis inscripsit.*

S E D qui ad hoc opus(inquit) lector accedit, ab eo primum petatum velimus, ne in his quæ nunquam alias attigerit, statim audeat iudicare: ne ve, si quid in ludo puerilium disciplinarum rudis adhuc & nondum firmus acceperit, iam vt sacrosanctum amplexandum, atque etiam colendum putet, alia enim teneris atque imbuendis adhuc auribus accommodata: alia firmis ac robustioribus doctrina mentibus referuatur. Quare si quid est quod discrepabit, ne statim obstrepat, sed ratione consulta, quid ipse sentiat, quid nos offeramus, veriore mentis acumine, & subtiliore consideratione diiudicet. Ita nanque eueniet, vt quæ in primo statim studendi auditu didicerunt, perspecta penitus ac potius deprehensa contemnat. At si iam quisquis suæ scientiæ defensor cupidus esse malit (habent enim hoc quoque vitij homines, quos comprehendit vetus ac longa segnities, vt ab arreptis semel opinionibus non recedant: ne in senectute discendo, nihil vsque in senectutem didicisse videantur) si inquam malint vindicare quàm vertere, quæ vulgati semel studijs imbiberunt, nemo expetit vt priora condemnent, sed vt maiora quædam atque altiora coniungant. Non enim vna eademque diuersarum ratio disciplinarum, cum sit diuersissimis disciplinis vna atque eadem subiecta materies. Alter enim de qualibet orationis parte Grammatico, aliter Dialectico differendum, est. Nec eodẽ modo lineam vel superficiem Mathematicus, vel Physicus tractat. Quo fit, vt altera alteram non impediat disciplina, sed multarum consideratione coniuncta, fiat vera naturæ atque ex omnibus explicata cognitio. Hæc ille.

*Quid sit philosophia, & item quid sapientia, similiter quid philosophus, & qualem eum esse oporteat, ex Alcino Platónico Philosopho, de doctrina Platonis, interprete Marsilio Ficino.*

PHILOSOPHIA est appetitio sapientiae, vel solutio animae à corpore, & conuersio quaedam ad ea quae vera sunt atque diuina. Sapientia est diuinarum humanarumque rerum scientia. Philosophus autem est, qui à philosophia nomen accipit, quemadmodum à Musica musicus. Et qui philosophus futurus est, ab ipsa natura sic institutus esse debet, ut primo quidem ad omnia disciplinarum genera facilis ac promptus existat: deinde ut non ijs quae in fluxu versantur, sed illis quae semper eodem modo consistunt, mentem adhibeat. Tertiò loco, ut natura sit verax, ab omni mendacio penitus alienus. Quisquis enim veritatis audius, à diuinorum contemplatione mentem conuertit, voluptates corporis parui pendit. Oportet præterea liberali animo philosophum esse. Etenim rerum vilium estimatio homini veritatem rerum contemplaturo aduersa est. Huius insuper voluntas iustitiam diligit, quippe cum veritatis, temperatiæ, liberalitatis studiosus existat. Adde quòd ingenij acumine atque memoria illi opus est hæc nanque philosophum virum perficiunt. At qui hæc quidem naturæ dotes, cum disciplina atque educatio decens adhibita est, perfectum virtute virum perficiunt: verum si negiectæ sint, maximorum scelerum causa sunt.

*De tribus apud philosophos differendi generibus, ex præfatione Marsilij Ficini in librum de voluptate.*

TRIÀ sunt apud philosophos differendi genera. Vnum, quo certam aliquam quæstionis partem disputando descen-

# P R A E F A T I O.


dimus atque approbamus : vt Peripatetici ac Stoici fecere. Alterū, quo quaestione propofita, diuerfas ad id quod queritur, ſententias rationesque referimus, vt propoſitis, pluribus, inuicemque collatis, quid ex his probabilius veriſimiliusque appareat, eligamus : quo Academici, ac Socratici pene omnes uſi ſunt. Tertium genus Scepticorum maxime proprium eſt, qui cum omnia indifferentia eſſe putent, nec certum aut probabile habeant quicquam quod ſequantur (ea enim, quę natura ordine ſeiuncta diſtincta que ſunt, confundunt atque permifcent) ab excellentiſſimis quibuſque philoſophis reiiciuntur.

# D I A L E C T I C Æ

## I O A N N I S   G A E S A R E I

### T R A C T A T V S P R I M V S.

Qua ratione à prædicabilibus initium huius artis  
tentandum sit, licet in ea omnium mi-  
nima sint prædicamenta.

 Venadmodum qui legendi, & lecta  
rectè intelligendi callem quærunt, pri-  
mum quidem elementa ac literas di-  
scunt, inde ad syllabas trāscendunt, &  
syllabis aut ad diſtiones perueniunt,  
& deniq; ad orationem ipsam: ita qui  
totius philosophiæ instrumentū, hoc est differendi ar-  
tē, quam *διαλεκτικήν* Græci uocant, expētunt in præ-  
dicamentis dignoscendis in primis erudiri debent, inde  
ad interpretationem progredi, ab interpretatione de-  
mum ad syllogismorum ferri figuras. Decem nanque  
prædicamenta tanquam elementa sunt quedam, quip-  
pe quæ simplices sunt voces, & disiunctæ, & per se  
duntaxat inspectæ. Verbi gratia, Substantia,  
quantitas, ad aliquid, qualitas, ubi, quando, face-  
re, pati, compositū esse habere, & quæ sub ipsis sunt,  
ut species sub ipsis generibus, & quæ ex ipsis diuisa, ut  
quæ specificæ differentiæ appellantur. Verū enim  
uerò cum prædicamentorum ratio haud ita facilè à  
quouis percipiatur citra cognitionem prædicabilium,  
quam certè & ipse Porphyrius prædicabilium autor  
ad Chrysaorium scribens, etiamnum necessarium esse

# DE PRAEDICABILIBVS

inducat, non solum ad eam, quæ est apud Aristotelem prædicamentorum doctrinam intelligendam, verum & ad alia quædam nempe ad diuisionem ad definitio- nem, & ad demonstrationem: quæ tria potissima sunt ad comparandas disciplinas instrumenta, vtpote cuius gratia hanc artem inuentam esse constat. De ipsis prædicabilibus (quæ vocantur) prius quam breuissimè dicendum est, simulq; ab his initium huius artis ten- tandum.

QVEMADMODVM) Propositio qua per similitudi- nē docet methodū in arte disserēti obseruandā. Decem nan- que] Boni authores id quod simplex, & rei alicuius initium est subinde elementum vocant. Sic decē illa genera rerum quia simplicia, & initia huius artis sunt, elementa μεταφορι- κῶς dicūtur. Ita Florus lib. i. cap. j. hoc nomē vsurpauit. Ita ex varijs quasi elementis, congregauit corpus vnum, popu- lum Romanum ipse fecit. Disiuncta] Sinuosa & perplexa quæstio fuit apud tenebrosos sophistas quomodo decē ge- nera rerū distingueretur. Hæc paucis ex Peripateticorum scola sic expedienda est. Predicamentatione, & non re ipsa distincta sunt: Omnia enim ad substantiam veluti funda- mentum referuntur. Nam in homine omnia genera summa pectare possumus, quæ singula suis notis distinguuntur. Et per se duntaxat inspectæ] Hic locus in speciem difficilis, aliquid negotij lectori faceffit. Cuius hūc puto sensum esse: Decē illa genera, vt ordinē & classē prædicamēti cōsti- tuunt, per se considerant: sed, vt ex eisdem pronūciata con- ficiuntur, ad aliud referunt, nimirum ad ipsam propositio- nē: Vt species sub ipsis generibus] Ex hoc loco colligere facile possumus, speciē & differentiā in eo ordine reponi, in quo illorum genus vt animal est in substantia in qua est homo brutū, particeps rationis, expertus rationis. Verum enim vero] Respōdet tacitæ quæstioni. A quinque vocibus est incipien- dum quia hæ conferunt ad sequentium cognitionē. Est or- do doctrinæ & naturæ: Hæc quinque vniuersalia sternunt

viam

viam ad sequentia, & simplicia sunt. *Etiannum*] Porphyrius statim in vestibulo suę introductionis quā ad Chrysaorium discipulum suum scripsit, quadruplicem proponit: quinque vniuersalium vtilitatem. Conferunt ad predicamenta, quia hæc ex vniuersalibus componuntur. Ad *fnitionem*] quia omnis finitio si plena & perfecta est, ex genere & differētia constat. *Ad diuisionem*] quia diuisio est generis in species per differētiās diductio. *Ad demonstrationem*] quia demonstrationis terminus medius est finitio alterius extremi: vt si dicas, omnis multitudo ex vnitatibus collecta est par vel impar, omnis numerus est multitudo ex vnitatibus collecta, ergo est par vel impar. Quo fit vt hæc voces his quatuor per vtilēs sint.

### Prædicabile quid sit.

PRAEDICABILE igitur vox est quæ de pluribus vniuoce prædicari potest, vt genus, vt species, vt differentia, vt proprium, vt accidens. Horum enim vnunquodque tam voce quàm ratione eadem de pluribus prædicari natum est, id quod de singulis paulò post proprio vniuscuiusque loco latius explicabitur. Quo fit, vt indiuiduum prædicabile dici non possit. nisi improprie: quippe quòd de vno solo prædicatur tantum: vt Socrates, quæ vox de ipso tantum Socrate prædicatur. Quæ eadem tametsi de alijs quoque compluribus prædicatur, id certè iam non vniuoce, sed æquiuoce fit. Veluti si Catonis nomen de vtroque Catone Censorio, atq; Vticensi, & de tertio itam illo prædicaretur, de quo Iuuenalis Satyra secunda, Tertius è cælo cecidit Cato: si modò tertius aliquis fuit. prædicabile igitur aliquid quidem propriè tale dicitur, aliud verò minus propriè.



# DE PRÆDICABILIBVS

*Prædicabile.*] Id quod est apud Arist. Το καθολικόν .i. apud Dialecticos recētes, vniuersale vel prædicabile. Neque quorundam immodicam diligentiam quæ (autore Plinio) plerunque obesse solet, probō, qui nimirum auxiliè & curiose vniuersale, & prædicabile separant. Nullo nitentes neque autore, neque firmo argumento. Arist. libro primo de interpretatione το καθολικόν ita finit λέγει δὲ καθολικόν, ὁ ἐπὶ πλεονάκις πρὸς ἑκάστην κατηγορεῖσθαι Vniuersale est qđ de plurib. prædicari natum est. *Prædicabile est. vox*] Simplex & rei existentis significatiua : Nam quæ complexa sunt & rem existentem non significant in numerū quinque vocum non veniunt, vt homo studiosus, τραγῳδίας. *Vniuoce*] hoc loco vniuoce prædicari latius sumitur pro eo quod secundum rationem essentialē, vel accidentariam de suo inferiori dicitur. Quo sensu proprium & accidens vniuoce dicuntur. *Horum enim*] in hunc locum obiici solet ille locus, qui est apud Cæsarium vltimo capite huius tractatus in communitatibus. Commune est omnibus Prædicabilibus prædicari de pluribus vniuoce præter accidēs. Locus ille turbauit multorum ingenia. Dicam paucis quod sentio: Accidens non prædicatur vniuoce, hoc est, non æqualiter ; quia dicitur de suis inferioribus secundum magis, & minus. Reliqua quatuor vniuersalia ex æquo de suis inferioribus dicuntur. Idque ex communitatibus Porphyri constat. Et sic locus ille hūc nullo modo oppugnat : Nam vniuoce dici alio modo sumitur.

De eo quod Differens, & quod idem dicitur:  
tum quot modis vtrunque dicatur.

*SANE de pluribus prædicari dupliciter contingit. Aut enim de pluribus numero differentibus, aut de pluribus differentibus specie. Proinde paulò altius repetendum hoc loco, atque dicendum breuiter, Differens quot modis dicatur: tum quod huic est aduerso respondet, Idem. ita fiet haud dubiè, ut quæ sequuntur, planius percipi queant. Sciendum igitur,*  
quod d



quòd Differens tot modis dicitur, quot modis dicitur Idem. Idem autem tripliciter dicitur. Nam aut genere, aut specie, aut numero idem alicui quippiam dicitur. & genere quidem eadem dicuntur, quæcunque sub eodem genere continentur proximo, vt homo & leo sub animali. Specie verò, quæcunque sub eadem specie continentur, vt Socrates & Plato sub homine. Numero porro eadem, quatuor dicuntur modis: nempe aut nomine, vt Marcus & Cicero: aut definitione, vt homo & animal rationale: aut proprio, vt homo & risibile: aut accidente, vt mel, & ipsum tum flauū, tum dulce. Hinc iam colligitur, & differens ab alio quippiam tripliciter dici: genere, specie, & numero. Genere quidem differentia dicuntur, quæ sub diuersis sibi proximis generibus continentur, vt homo, & quercus. Si quidem homo sub animali proximo sibi genere, & quercus sub arbore, itidē genere proximo continentur. Specie vero differentia dicuntur, quæcunque sub diuersis continentur speciebus, vt Alexander & Bucephalus quippe Alexander sub homine, Bucephalus vero sub equo continentur. Quin & differentia specie dicuntur ipsæ inter se species diuersæ, tametsi vnius generis species sunt, vt homo, leo, bos, equus, &c. Numero porro differentia dicuntur, quæcunque in numerando, hoc est, dum numerantur, inter se differunt, vt Socrates & Plato. Nam cum dixit quispiam, Hic Socrates est, & itē, Hic Plato est: duas iā fecit vnitates, vnā in Socrate, in Platone alterā. Atq; ita nō eadē in Socrate vnitatis numerata est, q̄ in Platone, sed altera atq; altera, & per hoc numero tantū differunt Socrates & Plato.

Sane

Sane) Hoc caput de differente & eodem Cæsarius præponit quia adfert aliquid lucis finitioni generis speciei, in quibus fit mentio differentis. Totum hoc caput nititur hoc principio & elemēto topico quot modis dicitur vnum oppositorum, tot modis & alterū, sed idem & differens opposita sunt, ergo si idē dicitur tribus modis etiā differēs. *Et genere*] si qs obijciat, homo est sub animali proximo genere, & leo sub bruto, ergo nō sunt sub eodē genere proximo. Submouere hūc scrupulū poteris, & dicere hęc exēpla & sexto capite primi libri Topicorū sumpta esse. Tempore autē Aristotelis hoc nomen Brutum quod apud ipsūm ἀλογον est impositum non fuisse. Quare homo & leo sub animali proximo genere erant. *Numero porro*] In his quatuor modis quibus aliqua numero dicuntur eadem, illud diligenter obseruandum est, propriē ea esse eadem numero, quę nomine & finitione eadem sunt. Et sic intelligendum est hoc principium, cum dicimus quicquid cōuenit vni eorum quę eadem sunt, etiā conuenit alleri. Id vciū est de his quę sunt eadē numero nomine & finitione. Cuius rei disertē & nominatim nos cōmone facit Aristote. sexto capite primi libri Topicorū his verbis μάλισα δὲ ὁ μολογουμένως τὸ ἐν ἀριθμῷ, ταυτὸν παρὰ πᾶσι δοκεῖ λέγεσθαι. εἴ ωθε δὲ καὶ τοῦτο ἀποδίδοσθαι πλεοναχῶς, καὶ κυριώτατα μὲν καὶ πρώτως, ὅταν ὁ νόματι ἢ ὁ ῥωτὸ ταυτὸν ἀποδορῇ καθὰ πέρ ἱματίω λύπιον ἑλπίον, καὶ ζῶν πρὸν δίδουν ἀνθρώπῳ. specie vero) specie aliqua duobus modis differunt, quę sub diuersis sunt speciebus, vt Alexander & Bucephalus, & quę inter se diuersę species sunt vt homo, equus. *Numero porro*] differre numero hoc loco dicuntur, non ea quę diuersum constituunt numerū, vt binarius ternarius, sed quę per se existūt, & diuersa sunt, vt indiuidua speciei substrata. Quibus verbis facile Ammonij obiectionem diluere possumus. Homo dicitur de Cicerone & Marcello, Cicero vnus est, Marcellus vnus est, sed vnum non differt ab vno numero (nam unitas non est Numerus) Ergo Cicero & Marcellus non differunt numero.

De genere, quid sit, & quomodo diuidatur.

GENVS cum multipliciter dicatur, autore *Victorino*, dicitur nanq; & parens & patria, hinc illud *Vergilij*, Vnde genus ducis. Itē & cuiuslibet rei qualitas: vt si dicas, Cuius generis vestis est? vna tamē eius significatio est, secundū, quā predicabile fit, similitudine videlicet à primo illorū triū significatorum sumpta, & à philosophis hoc pacto definitur, Genus est, quod de pluribus & differentibus specie, in eo quod quid est predicatur. Vel sic, Genus est vox quæ cōplures sub se species, easdēq; inter se diuersas continet amplectiturq; de quibus & in eo quod quid est predicatur, ut animal de homine, de leone, et equo. Nā si quærat, quid est homo, quid leo, itē quid equus: rectē cōuenienterq; de vnoquoq; horum respondebitur, quo animal est. Animal igitur de homine, de leone, & de equo, in eo quod quid est predicatur. Atq; hæc ipsa inter se specie differunt, tametsi sub animali, ut sub genere proximo continētur: Diuiditur autem genus in genus generaleissimum, & genus subalternum. Genus generalissimum est, supra quod non est aliud superueniens genus. Atq; id quidem in vnaquaq; prædicamentorum serie ita obseruatum est, vt sit aliquod supremum quod proinde à quibusdam generalissimum, ab alijs principalissimū, aut (quod *Laurētio Valle* magis probatur) summum genus dicitur, vt substantia, quantitas, ad aliquid qualitas, &c. de quibus licet ens predicetur, genus tamen ad nullum horum dici potest, quoniam non vniuocē sed æquiuocē de ipsis predicatur. Definitur rursus & hoc modo, Genus generalissimum est, quod

## DE PRAEDICABILIBVS

*cum sit genus, non potest esse species, ob id quidē quòd species (vt paulò post dicetur) ea est, quæ sub assignato genere ponitur. Genus verò subalternū est, quod cum sit genus potest vicissim & species esse, imò verò quicquid continetur inter genus generalissimū & speciem specialissimam, genus subalternum dici potest.*

*De genere]* Inter quinque vniuersali genus primū locum tenet. Est enim vniuersalius & prius. Vniuersalius quia omnia alia suo ambitu complectitur. Prius, quia eo sublato cætera coruūt. est autem genus prius specie nō tēpore (quia relata sunt) sed natura. Nā genus est speciei principium finitiuū. Omnia vniuersalia in numerum quinarium recidere, Trapezuntius pulchrè docet. Quicquid de alio dicitur aut in quid est aut quale est dicitur. si primum, est genus vel species. si secundum, & secundum essentiam est differētia, si secundum accidens, est proprium vel accidēs. *Similitudine]* vt parens est principium productiuum prolis, & patria conseruatium: sic genus est principium finiēdas suas formas. *Genus est quod]* vt genus Philosophicum constituatur tria omnino sunt necessaria vt de pluribus dicatur: Nam omnis generis inquit Aristoteles sunt plures species. Genus ergo non potest existere nisi in pluribus formis species infima etiā in vno indiuiduo existit vt sol, mundus, phœnix. Deinde vt de specie differentibus postremo in quid est dicatur. *Et de his quæ specie differunt]* Ea quæ sint ductum est. *In eo quod quid est]* Ea in quid enunciat, per quæ aptè ad quēstionem per quid est factā, respondemus. Author Aristoteles. 4. cap. j. libri Topicorum. *De quibus]* Sub motio tacite obiectionis. Ens nō est genus si ad omnia prædicamenta referatur. Nam de illis dicitur æquiuocè. Nomen. n. entis est tantū cōmune omnibus prædicamētis, ratio verò est diuersa. Est. n. ens (auctore Trapezūtio) quod per se subsistit vel alteri inheret. Per se subsistere, ad substantiā, alteri inherere, ad accidēs referendū est. Sed hic quidam accerrimè digladiant obiciētes nobis Aristotelem secundo cap. 4. libri primæ Philosophiæ.

Τὸ δ' εἶναι, λυγρὰ μὲν πολλὰ, ὥς, ἀλλὰ πρὸς ἓν καὶ μέν τινος, οὐ γὰρ οὐκ ἔστι, &c. Hoc est ipsum ens dī quidē multis modis, sed ad vnum & vnam quandam naturam nō equiuoce. Ad quem locum Aristot. paucis dicendum est. Ens, vt ibi sumitur, neque omnino vniuocum neque equiuocum esse, sed secundum Analogiam, & proportionem dici.

De specie, quid sit, & quomodo diuidatur.

SPECIEI quoq; multiplex est acceptio. Nam præter cetera eius nominis significata, vniuscuiusq; rei forma siue pulchritudo Specie dicitur, hinc speciosos dici mus: qui forma sunt liberariori, vnde & formosos eosdē appellamus interim. Species itē dicit: q̄ generi subiicitur secundū quā significationē, à philosophis accipitur definiturq; hoc modo, Species est quæ de pluribus & differētibus numero, in eo quod quid est prædicat, vt homo de Socrate & Platone, & vt nostræ religionis vocabilis utar, de Petro item & Paulo. Definitur rursum species, ea quæ sub assignato genere ponitur, quæ quidē speciei definitio, tā speciei specialissimæ quā speciei subalternæ cōis est: prior vero tm̄ conuenit speciei specialissime. Sciendū itaq; qd & genus supra diuisum est in genus generalissimū & genus sub alternū: ita & species nunc diuiditur in speciem specialissimam & speciem subalternam. Species quidem specialissima est quæ cum sit species, genus esse non potest: quippe quod sub se species alias non habeat, vt homo sub quo in diuidua tantū continetur. Species vero subalterna est, quæ & genus & species esse potest, ad aliud quidē & aliud sumpta; cuiusmodi omnia sunt, quæcunque media sunt inter genus generalissimū, & speciē specialissimam: id quod subscripta figura luce clarius indicabit.

ET si differentia ordine naturę est prior specie tamen quia genus & species relata sunt, simulque existunt & se tollunt recte post genus sequitur species. *Species est* hæc speciei finitio infimę speciei conuenit. Quare particula tantum vel similis est intelligenda. Nam animal etiam de numero differentibus dicitur sed non tantū. Hoc loco quęstio existit homo dicitur de masculino & femina quę specie differre videntur. Quocirca homo nō potest esse infima species. hęc obiectiōem submouet Aristoteles penultimo capite decimi libri primę Philosophię. Differentia specifica sumitur a forma essentiali, mas & femina sexu, & nō forma essentiali differunt. Qua de re videndus est et Aristoteles primo capite septimi libri de historia animalium. At Rodolphus Agricola ait, Homo si ad indiuidua referatur nō species sed genus est. Id est intelligendum de genere locali. Nam vt à specie ad genus affirmatiue colligimus: ita ab indiuiduo ad speciem. Et vt à genere ad speciem negatiue, ita à specie ad indiuiduum negatiue colligimus, vt iustitia est, ergo virtus est. virtus nō est, ergo non est iustitia. sic Fabius est, ergo homo est. homo non est, ergo Fabius non est.

De indiuiduo, quid sit, & quod  
modis accipiatur.

SED & interim de indiuiduo pauca adijcere liceat. Siquidem præter eam significationem, qua id esse definitur, quod de vno solo particulari prædicatur, idq; multis modis, vt Socrates, & hoc album, & hic venimus, & Sophronisci filius, si solus & vnicus ei Socrates extitit filius: alia eius à Ioanne Damasceno significata produntur. Nam & quod inseparabile prorsus & indiuisibile est, Indiuiduū dicitur, vt punctum, & temporis momentum, quod & nunc quoque dicitur, & ipsa nimirū vnitas, similiter, & mens: & quod difficulter subseccionē venit, vt adamas, & quicquid  
tale



tale est. Præterea indiuiduum dicitur: & species specialissima, quod in alias videlicet species non diuidatur. Sed ex his omnibus prima illa indiuidui significatio propria huic loco & peculiaris est, quod & quidam ita interpretatur, vt ipsum asserant ex quibusdā proprietatibus constare, quarum collectio nunquā in alio quolibet eadem erit. Quarum item & numerum, & nomina quidam hoc vno versiculo comprehendit.

Forma, figura, locus, stirps, nomen, patria, tempus. Sciendum insuper, quod indiuiduum in ea significatione, quæ primo loco posita est, & proprie ita dicitur, in rationalibus creaturis persone nomine nonnunquam designatur. Vnde & Boetio in lib. de duabus naturis in CHRISTO ita definitur, Persona est rationalis naturæ indiuidua substantia. Quanquam & hic Valla reclamât, nec nisi inuitus illam personæ definitionem admittit. Græci eandem nunc προσωπον nunc ὑποστασιν appellant.

DICTVM est capite superiore speciem de indiuiduis tantum dici. Nunc igitur quid indiuiduum sit explicat. Prima hæc indiuidui descriptio vocibus proprie cōuenit, quarum est prædicari. Indicat autē triplex indiuiduum. Determinatum, quod rem certam significat. Ex demonstratione cū terminus communis cū pronomine demonstratiuo iunitur. Ex hypotesi indiuiduum quod per se est commune nomen, sed facta suppositione de vno tantum dicitur vt Nicomachus filius Aristotelis si fingamus eum vnicum filium Aristotelis fuisse. *Vi ipsum asserant* Secunda descriptio quæ rebus proprie conuenit. hæc insigne discrimen inter indiuiduum & vniuersale continet. Nam vniuersale est ex quo in omnibus indiuiduis, At proprietates indiuidui in nullo sunt numero eadem. Vnde non possumus non mirari principem rerum Deum qui in tam numerosa hominum copia nequā in

# DE PRAEDICABILIBVS

duo indiuidua per omnia sibi similia effinxit. Qua de re ca-  
put extat memorabile apud Pliniũ. lib. 7. naturalis historie.  
Inquit enim, iam in facie vultuq; nostro, cum sint decẽ aut  
paulò plura membra, nullas duas in tot millibus hominum  
indiscretas effigies, existere, quod ars nulla in paucis nume-  
ro præstet affectando.

## FIGVRA.

Substantia.

Corpora	Corpus	Incorporea
Animatum	Animatum corpus	Inanimatum
Sensibile	Animal	Insensibile
Rationale	Rationale animal	Irrationale
Mortale	Homo	Immortale

Socrates, Plato, Aristotel. Cato, Cicero, Vergilius.

FIGVRA] Hæc figura seriem prædicamenti substantiæ  
aperit. Ea autem ascribitur quia veritas magis fide oculata,  
quam per aures animis hominum infigitur, vt Iustinianus. S.  
finali, de gradibus cognationum, docet.

De triplici differentia.

Differentia vero, communiter proprie, & ma-  
gis proprie dicitur. Communiter quidem differentia di-  
citur, qua alterum ab altero alteritate quadã differt  
solum. Alteritate inquam, hoc est, qualibet ratione ab  
altero diuersum. Quæ quidẽ differentia Xenocratem ab  
Aristotele differre Plato indicauit, vt autor est Dio-  
genes Laertius, quòd hic quidẽ præcipiti & acri inge-  
nio erat, ille vero tardo atq; hebeti. Haud dissimile il-  
li est, quod & Cicero III. de Orato. libro de Isocrate re-  
fert, Isocrates doct̃or (inquit) singularis dicebat se in  
Ephoro calcaribus, contra autem in Theopompo fræ-  
nis vti solere. Alterum enim exultantẽ verborum au-  
dacia



dacia reprimebat, alterum cunctantem & quasi recundantem incitabat. Quin & hac ipsa differentia à seipso quispiam differt puero olim, & iam viro & faciente nunc aliquid; cum antea quiesceret. Quo sane modo apud Vergiliū de Hectore in alium quasi hominem mutato, Aeneas inducitur ita loquēs, Hei mihi qualis erat, quantum mutatus ab illo Hectore? Proprie vero differentia dicitur, qua alterum ab altero differt accidente inseparabili: quomodo is, qui oculos habet caecos ab eo differt, qui tales non habet. Magis autem proprie differentia dicitur, qua alterum ab altero differt non accidente quopiam siue separabili, siue inseparabili, sed substantiali qualitate: quæ & ipsa nimirū vniuscuiusque rei ratio est. Itaq; ab equo homo differt rationali qualitate. Siquidem homo rationalis est, equus vero irrationalis. præterea vt hac speciem à specie differre facit, vnde & specifica differentia dicitur: ita superiores duæ Individuum ab individuo separant quæ ob id ipsum Accidentaria, siue Aduentitia differentia dici possunt. In vniuersum igitur omnis differentia alteratum facit; sed quæ specifica dicitur, vltra id quod alteratum facit, aliud quoq; facit. Atq; ita differentia communes quidem sunt, quibus omnes aut ab alijs, aut a nobis ipsis differimus. Propria, quæ vniuscuiusq; individui formam aliqua naturali proprietate depingunt. Magis autem propria, quæ in substantia ipsa permanent, & vniuscuiusq; rei rationem explicant, & speciem a specie disiungunt.

DIFFERENTIA. arctius cum genere, & specie coheret quā proprium & accidens (nam differentia ad essentiā pertinet)

## DE PRAEDICABILIBVS

net) ideo differentiam proprio & accidenti prapofuit. Differentia communis nihil aliud est quam accidens separabile. Sic dicta quia cōmuniter multis inest. Propria differentia est accidens inseparabile. Dicta Propria quia determinato & proprio inest subiecto, Differentia magis propria est qualitas essentialis qua species à se inuicem separantur, vt particeps rationis. & harum differentiarum magna est nobis penuria. Propterea his destituti, proprijs & accidentibus vtimur. *Quæ & ipsa*] Ipsa differentia magis propria sumpta scilicet cum genere & finitio speciei. Vt consentaneum rectæ rationi, sumptum cum habitu animi, finit virtutem. Est enim virtus habitus animi rectæ rationi consentaneus, *Vniuscuiusque*] hoc est alicuius. Notæ vniuersales in finitionibus, sepe pro particularibus sumuntur. *In vniuersum*] Omnis differentia facit alteratum hoc est vel secundum essentiam vel secundum accidēs speciem à specie separat sed differentia magis propria facit aliud, hoc est cum genere sumpta spēm cōstituit finitq;. *Atq; ita*] Epilogus totius capitis.

De ea, quæ specifica differentia dicitur, quid sit,

Differentia ergo quæ magis propria & specifica dicitur, & promde tertium facit prædicabile, ea est qua species (ut dictum est) a specie differt, & hoc modo diffinitur. Differentia est, quæ de pluribus & differentibus specie in eo quod quale quid est prædicatur, ut rationale de homine & de Deo, si Porphyrio credimus, qui tã Deum, quam hominē animal esse, opinatus est, idque magis Platoniorū sententia, qualis & ipse erat, quam secundum veritatē. Est igitur (sed id exempli causa nunc admittatur solum) & Deus & homo animal rationale, sed à Deo homo separatur mortalitate, quod homo quidem mortalis sit, Deus autem immortalis. Rursus autem & hoc pacto definitur: Differen-

tia est, quæ diuidit, atq; dispescit ea, quæ sub eodem genere posita sunt, ut rationale hominē separat ab equo & leone, ceterisq; animalibus omnibus quacunq; rationis expertia sunt. Assignatur item & hæc eius descriptio, Differentia est, qua species genus superat, ut homo quatenus est & rationalis, & mortalis, animal superat, exccditque. Siquidē nihil horum actu animal est, licet potestate nō has solum habeat differentias, sed & his oppositas. Diuiditur autem huiusmodi differentia quæ & per se & specifica, & per hoc magis propria differētia dicta est, quod hæc quidē genera diuidit in species, illa uerō species cōstituit & informat. Omnis quippe differētia generi adueniēs cōstituit speciem: ut cū rationale additur animali, hominē protinus cōstituit, quæ species animalis esse dignoscitur. Vnde & hæc proinde constitutiua differētia dicitur, quemadmodum illa quæ genera in species secatur, differentia dicitur diuisiua. Sciendum tamen quod eadē differētia & diuisiua dici potest, & constitutiua: diuisiua quidem generis, constitutiua autem speciei.

DIFFERENTIA est) prima descriptio differētiæ specificæ, quam & ad differentiā speciei subalternæ, & infinite porrigere possumus: illa de differentibus specie vel numero, ut sensibile, hæc de numero differentibus solum dicitur, ut (doctrinæ causa) rationis particeps. Differentia est, quæ diuidit] Multi, & graues interpretes hanc descriptionē conuellerē, & labefactare conati sunt, eo q. Porphyrius idem per idem finire videatur. huic obiectioni sic obuiā ire oportet. Porphyrium non finiuisse idem per idem, sed datum esse descriptionem per proprium effectum differentię, qui est distinguere. Proprijs autem effectus non est idem cum eo cuius est effectus. Differentia est qua species] Hæc descri-

Actus  
potestas  
catenus  
differt  
quatenus  
homo r  
dēs ab  
mine qu  
ridere q  
dem pos  
sit, non r  
deat au  
tem.

ptio plusculū habet difficultatis, cuius hic planus & expeditus est sensus. Species superat genus per differentiā quia species continet actū in sua finitione eam differentiam quā genus in sua diuisione, vt particeps rationis differentiā, est in hominis finitione, & in animalis diuisione tantū. At dixerit aliquis genus superat speciem per differentiā, ergo species non superat genus. Vtrunq; superat vtrunque, sed diuerso sensu species superat genus actū genus verò (vt Porphyrius ait) speciem potentia. *Diuiditur*] duplex est munus differentiæ specificæ, diuidere genus & finire speciem. Eadem enim differentia diuidit genus & finit speciem.

De proprio, quot modis dicatur, tum & quot modis dicatur commune.

Proprium verò, quatuor dicitur modis. Primo nanque proprium dicitur, quod soli alicui accidit speciei, etsi non omni vt homini medicum esse, aut Gome tram. Secundo, quod omni quidem accidit, sed non soli: quemadmodum homini esse bipedem, quando & aui bus perinde id accidit. Tertio, quod soli quidem, & omni, verum non semper: vt omni homini, & soli homini accidit in senectute canescere, licet Aristoteles & Plinius id etiam equis tribuant. Quarto, quod soli, & omni, & semper: quemadmodum homini ridere, idq; potestate tamē magis & aptitudine, quā actu. Siquidem omnis homo, & solus, & semper risibilis est, licet non semper rideat. Sane vt proprium his quatuor modis dicitur: ita cōmune, quod proprio quodammodo opponitur, quatuor dicitur modis. Commune quippe dicitur: aut quod in partes diuisibile est, vt ager cōmunis pluribus: aut quod in vsu cōmuni positū est, a diuisione prorsus immune, vt seruus pluribus, cōmunis, & equus, & putcus,

*putens: aut quod in occupando proprium factum, est, alioqui commune, vt in templo aut theatro locus communis est omnibus, priusquam occupetur, occupatus vero proprius fit occupanti: aut quod æque omnibus se se præbet, vt vox præconis, aut alterius cuiuspiam concionantis docentisue.*

*PROPRIVM.* Cum apud philosophos proprii mentio fit, proprium quarto modo quod insigne proprium est, intelligimus. Reliqui enim modi proprii, in accidentis classem reiciuntur. Proprium hoc quarto modo, omni, soli & semper speciei accidentaliter inest. Cuius ratio est quia a principis essentiae oritur. Hæc autem principia vt anima & rationale, respectu hominis, omni soli & semper insunt speciei. Quare etiam proprium Aristoteles. 1. cap. 5. lib. Topicorum quatuor etiam modos proprii constituit, qui ad hos reduci possunt.

*De accidente, quid sit, & quomodo diuidatur.*

*Accidens est, quod adest, & abest præter subiecti corruptionem. Definitur rursus, & hoc modo, Accidens est, quod contingit eidem inesse, & non inesse, vt homini album esse, & non esse album, & sedere & stare. Quin & aliter hoc pacto, Accidens est, quod neque genus est, neque differentia, neque species, neque proprium, semper autem in subiecto subsistens est. diuiditur autem accidens aliud nanque separabile est, aliud inseparabile. Separabile quidem, vt dormire. Inseparabile vero, vt nigrum esse in Aethiope & coruo, & candidum in cygno, & niue. Accidens porro tam separabile, quam inseparabile, aliud naturaliter tale est, aliud extrinsecus aduenit. Naturaliter quidem, vt pueritia, inuentus, se nectus extrinsecus autem, vt sedere, aut si qua circatrix obducta vulnere occaluerit.*



ACCIDENS in vniuersum duobus sumitur modis. Primo pro omni eo quod non est substantia, scilicet pro nouem praedicamentis accidentium. Et sic accipitur in ea peruagata diuisione Aristotelis, quicquid est, vel est substantia vel est accidens. Secundo sumitur accidens pro eo quod potest adesse subiecto, & abesse à subiecto, praeter subiecti interitum. *Accidens est*] Existimo tot esse interpretamenta ad hanc finitionem allata quod hominum opiniones & sententiae sunt. Ego vehementer probo id quod doctis placuisse video, id est, Duae hae priores accidentis descriptiones, Accidens tantum separabile cōplectuntur. Tertia verò descriptio & accidens separabile & inseparabile continet. Id si recipimus, iam subuertimus subruimusque omnes omnium importunorum sophistarum importunas, ineptas, ridiculas, cauillationes. Nec erit recurrendum ad eam monstrosam (vt sic dicā) subintellectionem, quam Porphirius ex veterum Philosophorum sententia, commemorat. Quae multa monstra, portēta, in nobili Philosophia peperit. Ego semper modū illum intelligendi calorem sine igne, & coruum esse album, valde suspectum habui. Putauique esse magis ingeniosam, quam necessariam subtilitatem. *Accidens quod neque est*] Hae tertia descriptio per negationē aliorū vniuersalium assignata est. Est autem sic accipienda. Accidens neque est genus, neque species, respectu sui subiecti cui inheret. Potest tñ accidens esse genus vel species, respectu suorum inferiorum, vt color si ad parietem referatur, est accidens si ad albedinem & nigredinem est genus. Quia in re multi pueriliter hallucinantur.


Quomodo accidentis definitio intelligenda sit, cum solutione dubitationis.

Superest vltima huius tractatus pars, quam aggredi iam certum erat, nisi nos remoraretur dubitatio haud facilis, expendenda interim, examinandaq; & discutienda prius. Ea autem huiusmodi est. Si accidens

dens est, quod adest & abest absq; eius, in quo est interitu, qui fieri potest ut ex accidentibus aliud separabile, aliud inseparabile statuatur? Nā quod inseparabile est, id abesse non potest. Sane huic dubitationi Porphyrius ita paucis satisfacere uidetur, quod ait exempli causa coruum posse album subintelligi, & Aethiopē candore nitentem, preter utriusque corruptionem interitumq; . Verum hoc ipsum Boetius paulō altius repetit dicens. Nam quoniam sunt accidentia inseparabilia, in his definitio uidetur conuenire non posse. Sed hec (inquit) tam uehemens questio, soluitur hoc pacto, quod hec ipsa definitio de accidentibus facta est potestate, non actu intelligentia, non ueritate. Age igitur, quoniam Aethiopi color niger auferri non potest, animo eum & cogitatione separemus, erit tum color albus Aethiopi, non tamen species consumpta est. Ita quoq; , si a coruo nigredinē abstuleris imaginatione, permanebit tamen auis, nec species interibit. Ergo quod dictum est adesse & abesse, non re, sed animo intelligendum est. Quod tamen in his, quæ speciem cōstituunt, haud ita sese habet: ut si ab homine rationalitatem auferas, quā licet actu separare non possimus, tamē si uel animo, imaginatione disiunxerimus, statim peribit hominis species.

De communitate prædicabilium inter se, & differentia, item eorum à se inuicem.

Commune est omnibus prædicabilibus de pluribus prædicari, ut exempli gratia. Genus quidem de omnibus sub se cōtēntis speciebus & indiuiduis: de quibus omnibus & cōstitutiuā cum primis differentia prædicatur. Species autem de his solum, quæ sub ea continentur





nentur, indiuiduis. Proprium vero, & de specie cuius  
 est propriū, & de eiusdē speciei indiuiduis. Porro acci-  
 dēs & de speciebus pariter & indiuiduis, sed principa-  
 liter quidē de indiuiduis, secundo vero loco & de ijs,  
 quæ continēt indiuidua, hoc est speciebus ipsis. Quēad-  
 modum ē diuerso proprium principaliter quidē de spe-  
 cie cuius est proprium, at secundo deinde loco, de illius  
 speciei indiuiduis: vt risibile esse, prius quidē & prin-  
 cipaliter de homine prædicatur: posterius vero, & se-  
 cundo loco, de socrate & Platone, ceterisq; particula-  
 ribus hominibus. Commune item est omnibus prædica-  
 bilibus, præter accidēs, vniuoce prædicari de quibus  
 prædicantur. Differunt autē à se inuicē prædicabilia,  
 quod alia quidē prædicantur in eo quod quid est, vt ge-  
 nus & species: alia vero in eo quod quale quid est, aut  
 quomodo se habet quippiam, id quod plerisq; acciden-  
 tibus quæritur, vt si quis interroget, quomodo se habet  
 Socrates? tum quis rectē responderit, quod aut ambu-  
 lat, aut disputat: sin vero interroget quispiā, qualis est  
 Socrates? aptē fortassis respōdebit alter, quod sapiens  
 est. Ergo differentia, proprium, & accidens, præsertim  
 inseparabile in eo quod quale quid prædicantur. A spe-  
 cie itē genus differt, quod genus quidē prædicatur de  
 pluribus & specie differentibus: species vero de indiui-  
 duis, & numero differentibus tantum. Et differētia à  
 proprio & accidente differt, quod differentia quidem  
 prædicatur in eo quod quale quid est secundum rei scili-  
 cet essentiam: proprium vero, & accidēs secundum rei  
 potius inhærentiam. Demum proprium ab accidente dif-  
 fert, quod proprium quidē conuersum prædicatur de

eo, cuius est proprium, accidens verò minime. Hactenus de quinque prædicabilibus vocibus, restat nunc ut prædicamenta aggrediamur.

EXPOSITA breuiter natura cuiusque vniuersalis, duo sunt quæ hic Cæsarius docet, alterum in quo quinque vniuersalia conueniant, alterum in quo differant. *Commune*] hanc communitatē. *Εν τῷ ἐπὶ πᾶσι αὐτῶν* docet. *Sed principaliter*] Accidens dicitur primo de indiuiduis, deinde de speciebus, contra vero propriū primo prædicatur de specie, secundo loco de indiuiduis. *Commune est autem*] hic locus quomodo sit intelligendus, initio à nobis dictum est. *Et differentia à proprio*] Hinc loco ex diametro aduersari videtur id quod scribit Aristot. ij. cap. septimi libri Topicorum. Quæcunque locum habent in finitione in quid est enuntiantur.

At differentia locum habet in finitione, ergo in quid prædicatur: sic & ex priore sensu difficilis, sic submonendus est differentia in quid prædicatur quia indicat rei essentiam, in quale autem dicitur quia per eam rectè ad questionem factam per quale, responde-

mus.

IN TRACTATVM SECVNDVM,  
in quo de prædicamentis agitur, & pri-  
mum ostenditur quid sit prædicamen-  
tum, & cur ita appelletur.

P R A E F A T I O.



**D**E prædicamentis deinceps scripturus, operæ  
precium facere videbor, si quid sit prædica-  
mentum prius exposuero, ne nominis vis ip-  
sum lectorem ad illorum iam cognitionem  
properantem, longius equo remoretur, ut-  
pote nondum perspecta, duntamen interim quid sit scire la-  
borat. Prædicamentum igitur est (ut & à Trapezuntio  
definitur) terminorum, qui secundum nullam complexio-  
nem dicuntur, natura rerum ordinatio. Quæ definitio,  
ut mihi quidem videtur, hunc habet intellectum: quod  
prædicamentum nil aliud est, quam series quædam termino-  
rum incomplexorum, quatenus ex his natura, id est, ratione  
rerum alij alijs subiiciuntur, alij de alijs prædicantur. Cete-  
rum nomen prædicamenti dictum hinc esse videtur, quod  
de omnibus prædicantur decem numero prædicamenta, ve-  
lut ipsorum vocabulorum elementa quædam, Quo nomine  
& Quintilianus ea vocat, & approbat Laurétius valla, quod  
sensus scilicet cæterorum vocabulorum ad ista, tanquam ad  
elementa, & principia referantur, ob eamque rē (ut idem  
ait) genera quoque dicuntur, quod ex his cætera significata  
gignantur, quorumque nullū alio superius est aut alteri ge-  
nus, sed ipsa genera sunt principalia, immò verò, si sic dicere  
licet, principalissima genera. Quoniā vero eorum, quæ præ-  
dicantur, alia quidē prædicantur æquiuoce, alia vniuoce, alia  
vero denominatiue: ab æquiuocis igit & vniuocis, & deno-  
minatiuis, necnon & ab alijs quibusdam, quæ ante prædica-  
menta a recentioribus dicuntur, ut ea, quæ sequuntur ipso-  
rum prædicamentorum traditionem. Post prædicamēta ab  
eisdem

eisdem appellantur, vocibus quidem nouis, at non adeo improprijis, hunc ipsum tractatum auspiciari conuenit.

ARISTOTELES primus omnium decem constituit *κατηγορίας*, quæ à Quintiliano lib. iij. cap. vij. Elementa dicuntur, à Boetio prædicamenta. Est autè *κατηγορία* verbum forense, & accuso, dāno, propriè significat. Deinde alio transferet, & alterū de altero enūtiari significat. Vnde *κατηγορία* prædicamentum, nomen generale. Cæterū ne aliquid erroris in vocabulo relinquatur, prædicamēti nomē distinguendum est. Prædicamentū quandoque pro supremo genere sumitur. Et sic dicimus decem esse prædicamentā. Quādoque pro ipsa serie generum specierum. Et sic accipitur, cum dicimus homo est in prædicamento substantiæ. Virtus in prædicamento, qualitatis, postremo pro quouis vocabulo communi. *Quoniam verò* Ex hoc loco sumitur diuisio eorum quæ prædicantur. Quædam prædicantur vniuoce. hoc est cum ratio de eodem dicitur, de quo ipsum nomen. Vt virtus dicitur vniuoce de iustitia, quæ & nomen virtus, & eius finitio, dicit de iustitia. Quædam prædicantur æquiuoce, hoc est, cum nomen dicitur de aliquo, sed ratio non eadem de eodem, vt *κλεις* nomen, dicitur de instrumento quo referant, & claudunt ostia, & de massa illa carnea, quæ est sub collo bonum. Quam latini palearia vocant, sed secundum diuersam rationem. Quædam prædicantur denominatiue, hoc est a quibus subiecta aliquam sumunt appellationem, vt iustus fortis.

### De æquiuocis, vniuocis, & denominatiuis.

*Acquiuoca dicuntur, quorum nomen solum commune est, secundum nomen uerò ratio substantiæ diuersa, ut animal homo, & quod dictum est, hominis tamen speciem interim referens. Horum sanè utrique nomen commune est solum nempe animalis: at uerò substantiæ ratio secundum ipsum nomen alia atque alia.*

## DE PRAEDICAMENTIS

*Vniuoca* verò dicuntur, quorum nomen commune est, secundum nomen rationis substantię eadem, vt animal homo, & quod est equus. Horum nanque vnum quodque (homo inquit & equus) animal est, & animalis quoque rationem, hoc est, definitionē suscipit, quæ quidem est substantia animata sensibilis. Denominatiua porro dicuntur, quæcunque ab aliquo, nempe ab ipso principali, solo casu differentia, secundum nomen habent appellationem, vt à fortitudine fortis, Grammatica à Grammaticus. Hic iam illud addendum, quòd nomen in his definitionibus non solum pro ea orationis parte, quæ à Grammaticis prima cōsideratur, sed & pro ceteris orationis partibus perinde accipitur. Nomen itaque hoc loco accipiendum, vt sit omnis rerū per vocem significatio, id est, omne vocabulum.

*Antequam Aristoteles* singula prædicamēta excutiat quædam præfatur quæ vulgò ante prædicamenta vocabulo magis vñu trito, quàm latino dicuntur, eo quòd aliquid lucis prædicamentis adferant: Primo finiuntur æquiuoca, quia decem prædicamenta æquiuoca sunt respectu huius nominis prædicamentum. Hæc descriptio complectitur æquiuoca æquiuocata, hoc est plura eiusdem nominis significata diuersa. Ipsum nomen æquiuocum æquiuocans dicitur. Vt animal viuum, & animal pictum sunt æquiuoca æquiuocata animalis. Per substantię rationem intelligimus finitionem tam essentialē, quàm accidentariā. Nam in accidentibus æquiuoca sunt, vt clarum in voce, & clarum in coloribus, sunt æquiuoca clari. Id Aristoteles docet decimo tertio cap. j. libri Topicorum. *Dicuntur*] Hoc ait, quia res per se æquiuocæ non sunt, nisi id à communi nomine habeant. Voces enim dicuntur res verò sunt. *Solum.*] Particula solum duobus modis sumitur. Primum cum vnum signifi-

gnificamus aliquid, vt solus est mundus, hoc est vnus est mundus. Secundo cum significamus diuisionem quādam vt sola est mihi vestis non etiam toga. Et ita hic sumitur. Acquiocis est solum nomen commune, hoc est non etiam nominis finitio. Ex descriptione equiuocorū nullo negotio yniuoca intelliguntur. *De denominatiuis.*] Communis Dialecticorum schola triplicia constituit denominatiua. Quædā voce tantum, quæ initio conueniunt, & differunt terminatione finali, sed nō cōueniunt significatione, vt cursor & cursus. Quædam significatione tantum, quæ significatione conueniunt, sed non voce, vt virtus, studiosus. Quædam voce & significatione simul, quæ & voces & significatione conueniunt: vt iustitia iustus. Et hæc hic finiuntur. Hæc vt constituantur tria necessaria sunt, vt re conueniant vt nomen retineant, & nominis quædam fiat inflexio. Neque hæc distinctio pro nihilo ducēda est. Sine ea enim innumerī Aristotelis loci plene & per omnes numeros intelligi non possunt. Et quoniam præmia & emolumenta (vt Plinius ait) in omnibus rebus maxime spectantur, ex his tribus finitionibus tres constituam regulas. Primā, nullum equiuocum, vt equiuocum in vllō ordine prædicamenti locum habet. Prædicamenta enim quæ yniuoca sunt, hæc tanquam noxias herbas à suis domicilijs arcent. Secunda, omne yniuocū in aliqua classe prædicamenti est. Tertia, Denominatiuum est in eodem ordine, in quo denominans. Vt iustum est in qualitate, quia in ea est iustitia.

### De complexis, & incomplexis, Diuisio prima.

Eorum quæ dicuntur, alia quidem dicuntur cum cōplexione, alia vero sine complexione. Sine cōplexione dicuntur quæcunque secundum simplicem vocis sonum proferuntur, vt homo, equus, vincit, currit. Cum cōplexione vero, quæcunque vel cūiunctiōe aliqua copulantur vt Socrates vel Plato: vel secundū aliquod accidens coniunguntur, vt verbi gratia quia in Socra-



# DE PRÆDICAMENTIS.

*tem ambulatio venit, hinc didicimus, Socrates ambulat aut sit qualitate forte aliqui affectus fuerit, utpote sapientie, diximus, Socrates sapiens est.*

*Prima diuisio]* quam præponit, ut ostendat terminos complexos reici à prædicamenti, incomplexos vero in eis locum habere. Id quod ex prædicamēti finitione perspicuum est. *Dicuntur]* Dicuntur, inquit, quia hic de primis rerum vocabulis sermonē instituit. Ut enim vocum est dici ita rerū esse.

De ijs quæ vel prædicantur de aliquo, vel in subiecto aliquo sunt, diuisio secunda.

Rursus autem præter hanc, & alia ex ipso Aristotele subiiciatur diuisio, quæ talis est eorum quæ sunt, alia quidem de subiecto dicuntur aliquo, in subiecto verò non sunt, ut homo: alia vero in subiecto quidem sunt aliquo, de subiecto vero nullo dicuntur, ut hoc album: alia & de subiecto dicuntur aliquo, & in subiecto sunt, ut color. nam hic de subiecto quopiam, ut albo prædicatur, & in corpore insuper reperitur: omnis enim color in corpore est: alia neque in subiecto sunt, neque de subiecto dicuntur aliquo, ut Socrates, & quodcunq; substantiæ nomen singulare, & indiuiduū.

Secunda diuisio quæ complectitur omnes res existentes. Nam omne quod est, aut substantia est aut accidens. Si substantia, aut vniuersalis aut particularis. Si accidens, aut vniuersale, aut particulare. *Eorum]* prima pars diuisionis sub qua continentur omnes substantiæ vniuersales, ut genera, & species, Dici de subiecto est superius prædicari secundum essentiam de suo inferiori, ut corpus est substantia, animal est corpus. *Alia vero.]* Secunda pars, sub qua continentur accidentia particularia, ut hæc Albedō, hæc grammatica. Esse in subiecto est prædicatum accidentaliter de subiecto dici, *Alia &c.]* Tertia pars quæ continet vniuersalia acciden-



tium. Nam hæc duplicem habent respectum, alterum ad sua inferiora, de quibus secundum essentiam dicuntur, vt color de albedine: alterum ad subiecta quibus inhæret, & de quibus accidentaliter dicuntur, vt coloratum de corpore. Ex quo loco constat (in quo plerique hærent) nullum esse incommodum, idem & secundum essentiam, & secundum accidens de diuersis enuntiari. *Alianeque*] Quarta pars quæ complectitur omnes substantias particulares, siue indiuidua. Hæc nec de subiecto dicuntur, nec in subiecto sunt. Nam nullo modo in pronuntiatis, a disciplina receptis, prædicantur. A prima substantia (inquit Aristoteles) nulla est prædicatio.

De nouem modis, quibus quippiam inesse  
*aliqui ob aliqui dicitur.*

Consentaneum fortassis fuerit hoc loco adijcere nouem modos, quibus esse in aliquo quippiam dicitur: quos ex Boetio obseruauimus, in his, quæ in Aristotelis Prædicamenta scripsit, commentarijs. Quos haud dubie vir ille, ex quarto Aristotelis de Physico auditu libro, ubi de loco tractat, & ex primo deinde Alexandri Aphrodisæi de anima lib. multo ante collegisse existimandus est. Itaque dicitur esse aliquid aut vt in loco, vt quum dicimus quempiam in foro esse, aut in theatro: vt in vase, vt triticum in modio, & in doctio vinuum, aut vt pars in toto, vt pupilla in oculo, & in manu digitus: & hæc omnia in toto corpore: aut vt totum in partibus veluti corpus in omnibus suis membris: aut vt in genere species, vt homo in animali: aut genus in speciebus suis, vt animal in homine, leone, equo, & boue: aut vt in fine, vt in beatitudine, quæ certe finis est bene actæ vitæ: aut vt in potente vt in Imperatore totius regni, siue imperij moderatio: aut vt in materia forma, vt in ære, siue in marmore Iouis

# DE PRAEDICAMENTIS

statua: quo quidem modo, & accidens hic nunc in aliquo esse dicitur, ut in subiecto. Præter hos autem novem modos a Ioanne Damasceno duo adduntur, ut in tempore, veluti cum dicimus, Noe tempore diluvium fuisse. Et ut in efficiente causa, ut in Deo omnia, & in artifice rationes eorum, quæ ab ipso emanant.

*Consentaneum* Quoniam dictum est aliqua dici de subiecto, aliqua esse in subiecto, ideo nunc addit modos, quibus aliud in alio esse dicitur. In his nihil est, quod studiosum lectorem remorari possit,

De ijs, quæ ordine quodam de subiecto aliquo prædicantur.

R E G V L A.

Quando alterum de altero, ut de subiecto quopiam prædicatur, quæcunque dicuntur de eo quod prædicatur, omnia & de subiecto ipso prædicantur: ut quia homo de Socrate prædicatur, de homine vero & animal & substantia, & animal igitur, et substantia de Socrate quoque ipso prædicantur. Quare si Socrates homo est, idem nimirum Socrates & animal est, & substantia. Sciendum tamen quod intellectus regulæ accipi debet de ijs prædicatis, quæ nomina sunt, rei substantiæ explicantiæ, non etiã de ijs, quæ nomina sunt aliorum nominum designatiua, siue secundæ impositionis nomina, & per hoc nominũ nomina à D. Severino Boetio, à recentioribus verò nomina, siue termini secundæ intentionis appellantur: cuiusmodi sunt genus, species, subiectum, prædicatum, & his similia. Quapropter de homine licet species prædicetur, & homo de Socrate, nõ perinde tamen & de Socrate ipso species prædicabitur unquam.

Quan-

QVANDO *alterum*] Hæc prima regula docet quid sit dici de subiecto. Est intelligenda de vocibus necessariò, coherentibus. Quicquid enim dicitur de prædicato necessario, etiã dicitur de subiecto. Sic Plato colligit libro de Republica secundo. Deus est bonus, bonum est innoxium, innoxium, nihil facit mali: ergo Deus nihil facit mali. Hæc regula etiam locũ habet in accidentibus, ut iustitia est habitus, habitus est qualitas, Ergo iustitia est Qualitas. At in terminis non necessariò coherentibus hæc regula nõ habet locum, ut non rectè sic colliges, homo est animal, Animal est genus: Ergo homo est genus. Est etiam hic alia cautio ut totum prædicatum primæ propositionis, fiat subiectum secundæ. Quare nõ sequitur Ioannes habet animã rationalem. Anima rationalis est immortalis: ergo Ioannes est immortalis.

De nominibus siue vocibus, quæ vulgo primæ & secundæ tum intentionis, tum impositionis, siue nomina, siue voces appellantur.

Hanc igitur ob causam hand ab re fuerit paulò altius hoc loco repetere atque adnotare duplicia esse nomina siue voces quibus in tradendis disciplinis atq; artibus passim vtuntur autores videlicet alia ex his dici primæ, alia secundæ impositionis, siue (ut vulgus Dialecticorũ ea appellat) primæ & secundæ intetionis nomina, neque id quidẽ omnino temerè. Nam quæ primæ siue intentionis siue impositionis nomina dicuntur, ea sic appellata esse certum est, quod qui vocabula instituere in animo habuerunt, primum quidem ñ intenderunt, ut ipsis rebus nomina inderent, siue imponerent, quæ rerum vocabula & essent, & dicerentur: qualia sunt ea vocabula cũ primis, quibus vulgus hominum passim vtitur in exprimentis suis inuicem cõceptibus & quibus vtimur in disciplinis tũ naturalibus, tũ me-

# DE PRAEDICAMENTIS

ralibus, addo & in mathematicis & in diuina philosophia. & alijs plerisque; deinde verò cum viderent iudem necessarias fore artes aliquas per quas disceremus & sciremus rectè ac propriè vti illis nominibus iā positis vt quæ docerent nos illorum significationes, proprietates, & elegantias, & in summa illorum aptas vbique cōpositiones, siue vt quid animo tuo cōceperis alij indicare possis siue vt quid verū quidue falsum sit, statim diiudicare possit, quicumque loquentem aliū audierit: siue vt auditorem inducere queas ad assentiendū tibi, quod persuadere conaris: hinc illi veluti iam secundo loco intenderunt ac mente cōceperunt vt ipsis nominibus vocabula imponerent inderentque. Cuiusmodi nomina siue vocabula sunt, quibus tum in Grammatica, tum in Dialectica, tū in Rhetorica arte vtimur. Vnde & ipsa secundæ siue impositionis, siue intentionis nomina tandem dici cœperunt. Et hæc quidē mea de his nominibus siue vocibus sententia est: nec video aliam huius discriminis inter ipsas voces rationem magis consonam rei propositæ: quæcūque verò alij protulerint rediderintque, eam mihi vt nec refellere omnino, ita nec probare admodū duræ fuerit iudiciū tamē suum cuique relinquo. Nos interim ad institutum reuertamur.

HANC IGITUR] Hoc caput addit Cæcilius: quia in superiori capite, nominum secundæ impositionis, mentionem habuit. Cæcilius satis dilucidè quid sentiat explicat, Nomina primæ impositionis dicuntur quibus animi nostri Sensa euoluimus atque explicamus, Primum rebus ipsis indita sunt, & ob id nomina rerum dicta. Nomina secundæ impositionis dicuntur quibus rerū nomina designamus. Ea Boetius nomina nominum vocat, Nomina primæ imposi-

tionis

tionis sunt Corpus, virtus, scientia. Secundę verò nomē, verbum, genus, subiectum, prædicatum.

De generibus diuersis, & non subalternatim positis.

## REGULA. II.

Diuersorum generum, & non subalternatim impositorum diuersę sunt species, & differentię, vt animalis & scientię, Animalis quippe differentię sunt gressibile, bipes, volatile, & aquatile: scientię vero harum nulla est, quin potius ipsius scientię differentię assignari possunt, quòd hæc quidā naturalis, hæc moralis; illa verò rationalis existit. At verò generum subalternorum, siue subalternatim positorū nihil prohibet easdē esse differentiās, vt avis & animalis, quę genera sibi subalterna sunt. Siquidē species animalis avis est eademq; corui genus. Vtriusq; autem vtpote tam animalis quā avis differentię eadem esse possunt & diuersę. Eadem quidem, vt si quis has animalis differentiās assignet, quòd animalium alia sunt quę pascuntur herbis, alia quę seminibus, alia quę carnibus, per quas & aues inter se differre dignoscuntur, quandoquidem & inter aues alię herbis pascuntur, alię seminibus, alię carnibus. Diuersę verò, vt quum animalis differentię assignantur, quòd aliud quidem rationale est, aliud irrationale: quorsum sanē nulla avis ab aut differt.

DIVERSORVM GENERVM] Secunda regula generum, diuersorum predicamentorū, sunt diuersę differentię secundum speciem, hoc est constituentes diuersas species, vt animalis, qđ est in substantia differentię sunt, Aquatile volatile. Scientię verò quę est in qualitate differentię sunt naturalis, moralis, rationalis, quę differentię sumptę cū ge-

nere diuersas constituunt species. At verò] Genera subalterna siue subalternatim posita vocat, quæ se inuicem continent, vt auis & animal. Et horum possunt eadem esse differentia.

### De prædicamentis generatim.

Eorum quæ secundum nullam complexionem dicuntur, vnumquodque significat, aut substantiam, aut quantitatem, aut qualitatem, aut ad aliquid, aut vbi, aut quando, aut situm esse, aut habere, aut agere, aut pati. Et substantia quidem est (vt exempli gratia dicam) vt homo, equus: quantitas, vt bicubitum, tricubitum: qualitas vt Musicum, Grammaticum, album, nigrum: ad aliquid, vt duplum, dimidium, maius, minus: vbi vero, vt in foro, in theatro: quando autem, vt heri, anno superiori: situm esse, vt iacere, sedere, stare: habere autem, vt calceatum esse, armatum esse: agere, vt secare, vvere: pati, vt secari, vri, Sanè ex his quæ dicta sunt, ipsa quidem secundum se singula in nulla affirmatione, vel negatione dicuntur, vt quæ neq; verum, neq; falsum significant. Horum autem ad se inuicem cõplexione affirmatio vtique fit, aut negatio.

EORUM QUÆ] Aristoteles. j. cap. j. lib. de Physico auditu scribit: nobis a natura insitum esse vt a nobis notioribus progrediamur. Hic igitur generatim in significata vocis incomplexæ enumerantur. Hæc enumeratio est, non diuisio. Nam diuisio est generis in species distributio. Prædicamenta autem genera superiora non habent.

### De substantia, quid sit, & quomodo diuidatur.

Substantia dicta esse videtur, quod alijs omnibus substat: proinde à Ioanne Damasceno hoc pacto describitur. Substantia est, quæ per se subsistit: alio



neutiquā indigēs vt sit. Hęc ipsa ab Aristotele in primam diuiditur & secundum. Et primam quidē eam esse dicit, q̄ propriē & principaliter, & maximē sub-  
stare dicitur, quę neq; de subiecto dicitur, neq; in sub-  
iecto est, vt quidam homo, vt Socrates, vt Plato, & si  
quid hmōi est, nempe singulare & indiuiduum. Secun-  
dam verò substantiā, idest, secundæ substantiæ nomine,  
appellat species ipsas, in quibus quæ principaliter sub-  
statiæ dicuntur, insunt, & harum specierum genera, vt  
homo, vt animal. Cæterum primæ substantiæ idcirco di-  
ci videntur, quòd sensibus propinquiore sint, primæq;  
his occurrant, vt ex quarum hausta prius sensibus co-  
gnitione, generalitas deinde animo cōcepta colligitur,  
constituiturq;. Id quod & diuus Seuerinus Boetius in  
libro de duabus naturis in CHRISTO, alijs quidem  
verbis, sed sensu propè eodem dicere videtur: Intelle-  
ctus, inquit, vniuersalium rerū ex particularibus sum-  
ptus est. Ex quo & liquidò constat, quòd ex secundis  
substantijs magis substantia ea dicitur; quę primis sub-  
stantijs propinquior est, quippe quæ & pluribus etiam  
substat. Quo fit vt & species magis substantia sit quam  
genus, & homo quàm animal. Porro inter species ip-  
sas, quæ quidem huiusmodi sunt vt genera esse nō pos-  
sint; nulla magis substantia est quàm altera, quemad-  
modum, nec in primis substantijs, altera alterā magis  
substantia est.

CVM RES] numero sint infinite, nomina verò finita;  
ideo Aristoteles effusam illam & immentam rerū varieta-  
tem ad decem capita reuocauit. Inter hęc substantia prior  
est natura, quia alia sine hac subsistere nō possunt, ratione,  
quia in vniuscuiusque rei ratione, ratio substantiæ inest.



Cognitione, quia tunc vnum quod cognoscimus cum quid sit, & substantiam eius intelligimus. Tempore, quia sola hæc separabilis est. *Substantia est.*] Tyrones hic admonendi sunt, generum summorum nullam esse finitionem. Omnis enim finitio genere, & differentia constat. Supremorum autem generum nulla genera sunt. Ob eandem rationem indiuiduorum nulla est propria finitio, quia nullas habent proprias differentias. Describit ergo substantiā per id quod est proprium substantiæ, scilicet per se subsistere. *Quæ proprie*] singula hæc aduerbia suum pondus, & momentum habent. *Proprie*] quia primæ substantiæ sensibus obiciuntur. *Principaliter*] quia primæ substantiæ alia omnia prius insunt. *Maxime*] nam prima substantia vt Rodolphus agricola ait, est cui reliqua omnia sunt innixa, quæque reliquorū receptaculum est, & fundamentum. *Secundarum*] Secundæ substantiæ sunt genera, & species primarum substantiarū. Quare color licet genus sit, tamen non est secunda substantia, quia nō est genus primæ substantiæ. *Ceterum*] docet nominis rationem cur primæ substantiæ dicantur. Hunc locū magni viri conuellerē conātur: secundis substantijs interemptis etiam interimuntur primæ, quocirca secundæ substantiæ primæ dicendæ videntur. Hunc scrupulum sic eximere oportet, vt primæ substantiæ sunt sensibus propinquiore: ita etiā primis nominibus appellandæ erāt. *Intellectus inquit*] Locus hic est apud Aristotelem. xxix. cap. j. lib. Posteriorū. Ex singularibus plurimis, vniuersale manifestum est. *Ex quo liquida constat*] Magis, & minus hoc loco non significant intentionem, aut remissionem, sed significāt, potius similis, propinquius. Hoc sensu substantiæ vocabula has voces admittunt. Sic Aristoteles accipiendus est primo cap. ij. lib. de Anima. Cum dicit corpora naturalia esse magis substantias quā artificialia. *Porro*] Huius loci ratio est, quia species infimæ æque propinquæ, primæ substantiæ sunt.

De sex substantiæ proprietatibus.

Omnibus substantijs, tam primis quam secundis, proprium quodammodo est, in subiecto nō esse. Di-

co autem quodammodo, quando id non his conuenit so-  
lis, sed & earum perinde differentijs, quippe quæ nec  
ipsæ in subiecto sunt aliquo. Omnibus insuper secundis  
substantijs, & earum differentijs cōuenit vniuoce præ-  
dicari de primis; vt homo & animal de Socrate, & de  
eodem item Socrate, rationale. Omnia nanque hæc de  
Socrate predicantur nomine pariter & ratione id quod  
vniuoce prædicari supra definitum est. Substantiæ præ-  
terea nihil est contrarium. Quod tamē omnino verum  
esse non videtur, cum igni, aqua, & aquæ ignis contra-  
rius esse putetur. Sane hunc scrupulum Boetius paucis  
verbis ita diluit, idque iuxta Alexandri Aphrodisæi  
mentem, Neutrum, inquit, horum elementorum al-  
teri contrarium est, licet eorum inter se qualitas repu-  
gnent diuersæq; sint. Substantiæ igitur nihil est contra-  
rium. At nec proprium hoc substantiæ est, quando &  
quantitati perinde conuenit, & alijs quibusdam. Sub-  
stantia item neq; magis, neq; minus suscipit, vt homo  
non est magis aut minus homo, vel seipso prius vel po-  
sterius, vel altero quolibet homine. Quod ergo dictum  
est, neq; magis neq; minus suscipit, id ita intelligitur qd  
substantia ipsa neq; intenditur, neq; remittitur. Sed nec  
illud substantiæ proprium, quando neque circulus alio  
circulo magis aut minus circulus est. Videtur autem  
omnis substantia hoc aliquid significare. id quod in pri-  
mis quidem substantijs haud dubie ita se habet. In se-  
cundis vero non ita plane, nisi ob appellationis figurā,  
vt quum quis dicit hominem, aut animal, is iam perin-  
de ac quendam hominem, aut quoddam animal dixisse  
videri potest. Atqui id ita nō est. Qua propter secunda

substantia nō hoc aliquid, sed potius quale quid significat. Maxime verò propriū substantiæ est, quod tametsi una eademq; numero ipsa existit, secundū sui tñ mutationem, contrariorum susceptibilis est, vt quidā homo: qui licet vnus, idemque numero maneat, ipse tamē nūc calidus, nunc frigidus, nunc paruus, nunc studiosus existit, mutaturque hoc pacto interim contrarijs inter se qualitatibus: id quod neq; orationi, neq; opinione conuenire pōt. Quippe quod neutra earū (quantū quidem in ipsa est) mutatur: & si aliquādo vera, aliquādo falsa iudicat: quin potius res ipsa, de qua vel oratio profertur, vel opinio habetur, mutationē sui admittit, patiturq;. Nā vt Aristoteles inquit, eatenus oratio aut vera, aut falsa est, quatenus res se habet. Idem de opinione sentiendum.

ARISTOTELES de more habet ea quæ à sensibus remotissima sunt, per ea quæ sensibus proximiora sunt, explicare. Quam docendi rationem Aristoteles in libris de anima de hystoria, partibus, generatione animalū, secutus est. Hoc loco itaque Cæsarius Aristotelem secutus, substantiam quæ intellectu percipitur, per proprietates quæ nobis notiores sunt, copiosius declarat. *Omnibus substantiis.* ] Prima hæc cōmunitas propria videtur secūdo modo. Nā omni substantiæ, & non soli cōuenit. *Sed & earum perinde differentiis.* ] Ex hoc loco aliquis conuincere poterit differentias non esse substantia. Nam hic nominatum Cæsarius dicit, non esse in subiecto conuenire alijs à substantiis, nimirum differentiis. Hic nodus sic dissoluendus est. Differentia, nec omnino est substantia, nec omnino accidēs, sed mediastinum locū inter utrumq; tenet, est. n. qualitas (vt vulgò loquimur) substantiæ. *Omnibus insuper.* ] Secundæ n. substantiæ, & nomine, & ratione de primis dicunt. *Substantiæ præterea.* ] Huius ratio est facilis quia contraria propriè in solis qualitatibus reperiuntur.

zur. *Substantia item.*] Hic locus a nobis iā explicatus est. Hoc tamē addā. Res omnis cuius est aliq̃s terminus essentiæ suæ, & ad quē cū perueniret habet essentiæ illius nomen, non dicitur esse hoc magis, aut minus quod sit. Quēadmodum Cicero dicit de Beato, lib. 5. Tuscula. Nam & qui beatus est, non intelligo quid requirat, vt sit beator. Ita substantia postquam peruenit ad terminū suæ perfectionis nō dicitur magis, aut minus, alioqui nō esset perfecta. *Videtur autem.*] Prima substantia significat hoc aliquid hoc est rem singulā rem. Secunda substantia prima facie etiam videtur significare rem singularem ob appellationis figuram, hoc est quia dicitur de prima. Sed non est ita quin potius quale quid significat, hoc est naturam communē multis, & speciebus, & indiuiduis, Neque hic quale sumitur quemadmodū in prædicamento qualitatis, scilicet pro qualitate accidentaria, sed pro notatione cōmuni essentiali. *Maxime vero.*] Hęc sexta cōmunitas est propria quarto modo nō conuenit omni substantiæ. Primis per se, secundis quatenus insunt primis: vt quia hic homo egrotat, dicimus hominem egrotare. Præterea conuenit soli substantiæ. Nam nihil ex prædicamento accidentium, manens vnum, & idem numero, contraria vicissim recipit. *Id quod.*] Recipit tacitam obiectionem, substantia recipit contraria secundum sui mutationem, at oratio, & opinio si contraria suscipiant, ipsa non mutantur. Deinde oratio, & opinio non suscipiunt verum, vel falsum, sed potius res ipsa. Nam veritas orationis, vel opinionis, pendet à re ipsa. Vt enim se res habet, inquit, Aristoteles, ita oratio est vera, vel falsa.

### De quantitate.

Quantitas est secundum quam in partes quippiam diuiditur. Quantitatis autem alia continua est, alia verò discreta. Continua quantitas ab Aristotele ea esse definitur, cuius partes ad eundem terminum cōmunem copulantur, vt lineæ ad punctum ad lineam superficiem, & ad superficiem demum ipsis corporis. Id, quod

quod de linea ostendisse satis fortassis fuerit, quantum praesens hoc institutum exigit. Itaque sit linea aliqua in duas partes per punctum in ea signatum, secta, animo, tamen magis quam re ipsa. Haec quia continua est, partes ipsas ad eundem illum punctum, nempe terminum utriusque communem (sicque) coherentes habet & copulatas. Continua ergo quantitas est, ut linea, ut superficies, corpus. Additur his & tempus, cuius partes, quoniam successione solum continuantur, ad instans, quod & nunc dicitur, copulari habeat. Et locus, sed improprie, quippe quod re magis quam ratione quantitas sit. Porro discreta quantitas est, cuius partes ad nulum tertium communem copulantur, sed à se inuicem se iunctae sunt, atque discretæ, ut numerus, & oratio. Numeri quippe, ut exempli causa, denarii partes sunt, quinque, & quinque, aut tria & septem, aut quomodolibet aliter idem diuidatur numerus ipsæ nimirum, quæcunque eius numeri partes fuerint, inter se disiunctæ sunt atque separatæ. Sic & in oratione partes, nempe literæ & syllabæ, & item dictiones, tum breuitate, longitudineue, tum ipsa prolatione separantur, quinetiam scriptura, ut per quam oculi eas facile discernant, atque distinguant.

[Inter nossem prædicamenta] accidentiū, quantitas primum locum tenet, quia mediante quantitate cætera in sublimitate sunt. adde, omnis res simulatque est in numerum cadit (est enim una vel plures) hæc autem quantitatis scientia colliguntur. Continua quantitas] Continua quantitas sic dicta est quia partes ita sunt connexæ, & copulatæ, ut si quis eas se iungere velit diuellere necesse sit. Ut linea superficies corpus. Terminis communis hic dicitur qui est finis unius partitis,



tis, & initium alterius vt punctum in linea, linea in superficie, superficies in corpore. *Additur his & tempus.*] Aristoteles in prædicamento substantiæ docet tempus esse quantitatem per se. At decimo tertio cap. 5. lib. primæ Philosophiæ disertè docet tempus esse quantitatem per accidens. Quæ duo tã pugnãtia sunt quàm quæ maximè. Hæc quæstio lubdificilis sic est dissoluenda. Aristoteles quinto metaphysices sumit quantitatem secundum esse, & sic tempus est quantitas per accidens, quia habet esse a magnitudine in prædicamento quantitatis. Quantitas sumitur secundum rationem mensuræ & eo modo tempus est quantitas per se quia habet rationem mensuræ per se. *Et locus.*] locus quocumque quis sequatur siue rem spectet, siue ratione non videtur esse quantitatis species distincta ab alijs. Nam secundum rem est superficies. Est enim locus vt Aristoteles quarto libro de physico auditu finit, superficies concava corporis continentis immobilis prima: si quis spectet rationem locus est ex numero relatorum. Nam ad locatum refertur: propterea proxime videntur mihi ad veritatē accedere qui scribunt Aristotelem hic veterū Philosophorum opinionē secutum. Qui dicebāt locum esse quoddam spatium immensum, in quo cū corpora erant plenum vocabant, cum vero nulla corpora continebat, dicebant esse vacuum. Prudenter igitur. Aristoteles in prima Philosophia veterū opinionē explofit. Nā cū quantitatis species enumeraret, omisso loco. substituit motum, *Porrò discreta*] Discreta quantitas sic dicta est quod partes eius sint discrete disiunctæ, separatæ. *Numeri quippe*] hic locus de numero numerante est intelligendus. Est autem numerus numerans numerus absolutè acceptus & rebus non applicatus, vt denarius. Numerus numeratus est numerus rebus ipsis applicatus vt decem homines. *Sic & in oratione*] Oratio hic sumitur pro certo quodam tenore syllabarum, quæ modo extenduntur, modo contrahuntur. Idque quoniam fit in tempore quod est quantitas, oratio etiam quantitas est. Et quidem discretæ, quia syllabæ quarū quædam extenduntur, quædam contrahuntur, nullo termino communi copulantur.

# DE PRAEDICAMENTIS

De tribus quantitatis proprietatibus.

Cæterum quantitati nihil est contrarium, id quod in ijs quidem, quæ finita sunt, nullam habet dubitationem, vt bicubito aut tricubito nihil est cōtrarium. In ijs vero quæ sunt indefinita, videtur quidē alterum alteri contrarium esse, vt multum paucis, & magnum paruo: verum horū nihil quantitas est quemadmodum Aristoteles dicit, sed ad aliquid potius, quippe cum nihil sit, quod per se magnū aut paruum, multū aut paucū dicatur, sed id aliorum euenit respectu. Quantitas præterea neque magis neque minus suscipit vt dicubitum non est alio bicubito magis aut minus bicubitum, neque numerus alio numero magis, aut minus numerus est. Maxime autem proprium quantitati est, vt secundum eam æquale quicquā dicatur, aut inæquale. Ita secundum numerū, exercitus vnus alteri æqualis, aut inæqualis dicitur: & secundum magnitudinem lignum ligno æquale est, vt cum alterum alteri respondet aut secundum longitudinem, aut secundum latitudinem, aut secundum crassitiem, aut secundum has omnes dimensiones simul. Quod quia suo constat ternario, perfecte quantum dicitur.

CAETERVM] Definita quantitas est quæ certa numeri quantitate cēsetur vt binarius ternarius indefinita quæ nulla certa numeri quantitate cēsetur, vt multum, paucum. Maxime autem] Æquale & inæquale non tam quantitates sunt quàm qualitates & passionēs ipsius quantitatis.

De ijs quæ ad aliquid dicuntur.

Ad aliquid vero talia dicuntur, quæcunque hoc ipsum quod sunt, aliorum esse dicuntur, vel quomodolibet ad aliud, vt duplum hoc ipsum quod est, alterius dicitur



dicitur nempe dimidiū, itidem & sciētia. Etenim, ut du-  
 plum dimidiū duplum est, ita scientia, scibilis scientia.  
 Adiectum est autē, vel quomodolibet aliter ad aliud,  
 tu intelligamus relatiuorum quæ dā esse, quæ casu ali-  
 quo, quædam quæ absque casu referantur. Casu refe-  
 runtur, quæ aliorum esse dicuntur: absque casu vero,  
 quæ quomodolibet aliter ad aliud: ut cū dicitur, mons  
 magnus ad montem paruum, relatio quidem est magni  
 ad paruum, sed non quæ per casum facta sit, tametsi in  
 ea casus accusatiuus sumptus est, qđ nimirū ideo eue-  
 nire Boetius ait, quod illius relationis vis non in casu,  
 sed in prepositione sola consistit. Per casum itaq; refe-  
 runtur, cū aut per genitiuum referuntur, ut pater filij  
 pater. Aut per datiuum, ut similis simili similis. Aut  
 per ablatiuum, ut maius minori maius. Sunt etiā quæ  
 mutatis casibus referātur, ut sciētia scibilis sciētia, &  
 scibili sciētia scibile. Sunt itē quæ referātur nominibus  
 eisdem, ut amicus amici amicus, et socius socijs socius.  
 Sunt quæ diuersis, ut alia fere oīa. Sciendum autē di-  
 ctiā definitionem Platonis esse, nō Aristotelis, id quod  
 Boetius plane aſtruit: & proinde alia ab Aristot. ipso  
 traditur, quæ huiusmodi est, & quidem propria. Ad  
 aliquid sunt, quib. hoc ipsum esse est ad aliud quodam-  
 modo se habere. Sane hac definitione ea relatiua descri-  
 buntur, quæ in quadam comparatione, et relationis ha-  
 bitudine considerantur solum: ut quaternarius, quod  
 duplex est, nō ex se habet, sed hoc ipsum ex medio tra-  
 hit, ad quod refertur, nempe ex binario. Atq; e diuer-  
 so binarius, quod medius sit ex eo tantum habet, quod  
 ad quaternarium refertur. Relatiuorum igitur quæ

# DE PRAEDICAMENTIS

*proprie dicuntur, siue eorum quæ sunt ad aliquid, hoc est esse, id est, hæc eorum natura est, vt ad aliud referantur, sine quo ne intelligi quidem possunt. Quo fit, vt prior definitio maior sit quā posterior, hoc est, communior vt quæ omnia quæcunque ad aliquid vtcunq; dicuntur, complectatur.*

R A T I O ordinis cuius Philosophum valde curiosum esse oportet hæc est, posita quantitate ponitur maius aut minus hæc autē relata sunt ergo post quantitatem ordo efflagitat, vt de relatiuis dicatur. ad hæc in quantitate est mentio facta relatiuorum: vt autem huic prædicamento locis aliquid adferamus, tenenda in primis est hæc diuisio. Entium quædam sunt absoluta, vt substantia, quantitas, qualitas, quæ per se intelligi possunt. Alia sunt, relatiua quorum significatio ad aliud refertur: Non sum nescius auribus delicatoribus duram, & impositam hanc diuisionem videri. Sed & docentibus, & scribentibus (cuius ego sæpe auditores meos de loco superiore commonefeci) artis vocabula non tam latina quā vñ trita, vt res intelligatur: retinenda sunt. Verissime Fabius, non refert quibus quidque nominibus appelletur, modò de re constet. Nos si in hac spinosa & ieiunia Philosophia quatuor illas virtutes orationis, emendatam, perspicuam, ornatam benè accomodatam, exprimere non possumus, duas priores tamen emendatam & perspicuam (sine quibus nihil rectè docetur) retinere conabimur. Sed hæc *Ἐω τὴν πράγματος καὶ λόγον.*  
*Ad aliquid vero.*] Prima hæc finitio communis est, & omnia relatiua quouis modo dicta complectitur. Prima pars finitionis ea continet, quæ cum casu ad se inuicē referuntur. Secunda vero ea complectitur quæ vel cum casu vel sine casu dicuntur. Prima hæc finitio est apud Platonem lib. 4. de Republica. *Ad aliquid sunt*] secunda hæc descriptio complectitur solū relatiua quæ ex propria significatione relationem significant. Id enim sonant hæc verba, quibus hoc ipsum esse est ad aliud se habere. Et hæc vulgo dicuntur relatiua secundum esse. Alia sunt relatiua secundum dici, quæ ex pri-  
ma

ma significatione ens absolutum significant, sed secundo loco habitudinem & respectum, ut scientia, dominus.

De quinque eorum, quæ ad aliquid dicuntur, proprietatibus.

**I**N EST autem & his quæ ad aliquid dicuntur, contrarietas. Nam uirtus uitio, & scientia ignorantia contraria est. Atqui ut hoc ipsum, nec proprium omnibus est, ita nec cōe. Videntur itē & magis & minus suscipere. Simile nāque alicui quippiam dicitur, & magis, & minus. Verum ne hoc quidem omnibus aut proprium, aut cōe. Omnia porrò quæ sunt ad aliquid ad conuertentiā dicuntur, ut seruus domini seruus, & dominus serui dominus. Sed neque in his firma semper cōuertentia est, nisi conuenienter id ac quod dicitur, assignatur: ut si ala auis ala dicatur, non rectē assignatio facta est, & per hoc nec conuertitur, ut dicatur auis alæ auis: sed si ala alati ala dicatur, iam cōuertentia fiet hoc pacto, alatum ala alatum. Proinde rectē Aristoteles nos monuit, necesse esse aliquoties, ut nomina fingantur. Videntur autem ea quæ ad aliquid dicuntur, simul esse natura, id quod in pluribus, quidem uerum est, ut simul sunt duplum, & dimidium, dominus item & seruus. In aliquibus uerò non ita est: nam scibile quippiam est, cuius tamen scientia fortassis nondum habetur. Vnde & à nonnullis haud ab re relatiuorum talis assignatur distinctio, ut sint quædam quæ actu referantur, quædam quæ potestate solum. Maxime uero proprium est eorum, quæ ad aliquid dicuntur, quòd ex his uno definite cognito, cognoscitur eodem modo, & reliquum: ut si quis definite sciam quippiam duplum esse, idem ēt de-

## DE PRAEDICAMENTIS

*finitè scit id, cuius est duplum, nēpe dimidium. Quem-  
admodum si quis scierit Anchisem Aencae esse pa-  
trem, is proculdubio iam sciet Aeneam Anchisæ fi-  
lium esse.*

Hoc loco regula tradēda est qua cognoscemus, quibus  
relatiuis insit contrarietas. Si prædicamento a quo relatiua  
sumuntur aliquid est contrarium, etiā relatiuis erit aliquid  
cōtrarium vt virtus & vitium relata sunt, illa refertur ad flu-  
diosum, hoc ad vitiosum. Cōtraria quoque sunt, quia a qua-  
litate sumuntur, in qua proprie cōtraria reperiūtur, *Viden-  
tur.* ) Hæc communitas etiam ex Prædicamentis, & quibus  
relatiua sumuntur intelligenda est. *Omnia porro.* ) Conuerti-  
hoc loco est quando primum refertur ad secundum, & rur-  
sus secundum ad primum, vt pater ad filium, & filius ad pa-  
trem. Sed id non semper cōtingit, nisi relatiua apte assignen-  
tur. *Videtur autem.* ) Ea dicuntur hoc loco simul esse natura  
quæ mutuo se ponuntur, & interimunt, & quorum alterum  
non est causa alterius. Et relatiua actu secundum actum, Po-  
testate relatiua, secundum potestatem se mutuo inferūtur,

## De Qualitate.

**QUALITAS** est, secundū quā quales esse dici-  
mur, vt secundū *Musica* musici, & secundū *albedinem*  
*albi*. Porro qualitatis species ab Aristotele quatuor  
assignantur. Ex his vna est, q̄ habitus et dispositio, siue  
affectio dicitur: sed ab habitu dispositio differt, qđ per-  
manentior quidem habitus sit & diuturnior: dispositio  
verò facile mobilis & cito mutabilis. Et habitus qđem  
sunt, vt sciētia & virtutes: dispositiones vero, vt calor  
& frigus (quæ tamen exēpla magis analogicōs quā  
re vera hoc loco ponuntur) tum & sanitas, & ægritu-  
do. Namque secundū has disponitur, afficiturq; quo-  
dam

dammodo homo, aut aliud quouis animal; verum cito in contrarias mutatur qualitates, vt à sanitate in ægritudine facilis est transitus, & rursus, ab ægritudine in sanitatem. Numquam vero euenit, vt earū aliqua temporis protractione in alicuius transeat naturam, vt nigritia ex solis ardore longo tēpore cōtracta, & quæ heſtica febris Græco vocabulo à medicis dicta est. Latino vero habitualis dici pōt. Vnde, fit, vt dispositio quasi quedā via sit ad habitum, & per hoc habitus imperfectus, Habitus vero constans omnino atq; perfecta dispositio, & veluti ipsius dispositionis terminus, Hinc hæc habitus definitur, qualitas difficulter mobilis ab eo, in quo est; dispositio contra, qualitas quæ facile à subiecto dimouetur. Rursus autē, & habitus modo quodā dispositiones dici possūt: dispositiones vero, vt habitus dicantur, non est necesse. Alia autem qualitatis species est, quæ naturalis potētia & impotētia dicitur, secundum quam quidē quispiam non ex eo, quòd talis est, dicitur, sed quòd talis esse potest: vt docilis puer dicitur, nō qui iam doctus sit, sed qui aptus est doceri: & fragile lignū: nō quòd iam fractum sit, sed quia tale est, vt frāgi possit. Sic durum dicitur, quòd naturalem resistendi potentiam habet, vt nō facile secetur, diuidaturq; cōtra molle, quòd ad hoc naturalem habet impotentiam. Ad hunc quoq; modū & saltatores, & pugiles dicimus aliquos, non quòd in his artibus, saltandi inquā & concertādi, periculū vnquā fecerint, sed quòd ad eas insitā suapte natura potentiam habeant, habilitatemq;. Tertia vero species ea esse dicitur, quæ passio, & passibilis qualitas nominatur, & differt hæc ab illa, perinde, atq; habitus

## DE PRAEDICAMENTIS

a dispositione, quòd passibiles quidem qualitates perpetuo perdurant, ut in melle dulcedo, & in glacie frigus: passionibus autem ad tempus exorta, facile commutantur: quare & qualitates uix dici merentur, & in facie rubor ex uerecundia subortus, & ex metu pallor. Quarta demum qualitatis species est, quæ dicitur figura, & circa hoc aliquid constans forma, ut triangulum, quadratum, cubitum, & alia huiusmodi, quæ qualia omnino dicuntur, ab ipsa uidelicet figura, hoc est, a linearum superficierumque deductione, si magnitudinis nomina sunt: uel a descriptione, situque numerorum, si multitudinis. Eadem insuper, & ab ipsa forma qualia dici solent, utpote a concinna partium compositione. Haud secus in his quæ artificio constant, sese habet id, quod dictum est, ut in domo, naui, statua, & alijs huiusmodi quorum unumquodque duplici qualitate affectum, ex iam dictis nemo non percipit, nempe tum figura, tum forma. Figura quidem, ut verbigratia, statua ab ipsorum lineamentorum deductione, qua hunc aut illum exprimit, & representat. Forma vero a conuenienti illorum inter se consensu, quæ debita proportio rei dici solet, & commensuratio, a Græcis *συμμετρία* appellata.

Hæc qualitatis descriptio solum qualitates accidentarias complectitur. assignata est etiam per notius, quia quale denominatiuum est notius quo ad sensum qualitate denominante. *Ex his.* ] Aristoteles quatuor formas qualitatis proposuit, & singulas geminato vocabulo expressit, penuria (credo) simplicium vocum coactus: habitus & dispositio nec genere, nec specie, sed numero tantum differunt. Ut enim duo indiuidua qualitate accidentaria differunt tantum: ita habitus



bitus & dispositio qualitate separantur tantum. *Habitus. n.* est firma qualitas, dispositio non est firma. *Alia autem*] Naturalis potentia est quædam qualitas congenita, alicui per quā ipsum redditur naturaliter potens ad aliquid agendum. Contra uerò de naturali impotētia dicendū est. *Tertia uero*] Passio est qualitas transiens, quæ sensui infert passionem, ut calor tactui, uel quæ ex passione infertur, ut rubedo ex uerrecundia. Passibilis qualitas est qualitas permanēs, inferens sensui passionem, ut color plumbeus ex melancholia. Cæterum hic exoritur quæstio. Passio est genus summū ergo non potest esse species. Hoc sic diluitur. Passio, ut est effectus actionis est genus summum, sed ut sensum mouet est species qualitatis. *Quarta demum.*] Figura est, quæ termino uel terminis clauditur, ut circulus triangulus, Forma est ipsa protractio, & delineatio figuræ.

### De communitatibus, & proprietatibus ipsius qualitatis.

*I N E S T* autem, & qualitati contrarietas, ut iustitiæ iniustitia cōtraria est, & albedo nigredini. Verum non in omnibus hoc ita habet. Nempe rubori, & pallo, cæterisq; huiusmodi medijs coloribus nihil est contrarium. Alioqui uni plura contraria erunt. Tum & figuræ nihil contrarium est, ut exempli gratia, triangulo, quadrato, cubito, necnon & ipsi circulo. Suscipiunt autē & magis, & minus, non adēo qualitates ipsæ, sed quæ ab his qualia denominatiue dicuntur; album magis, & minus album dicitur, uel seipso, uel altero quolibet albo. At uero ne hoc quidem figuris ipsis cōuenit, suscipere in quam magis, & minus. Nam quæcunque aut trianguli, aut quadrati, aut circuli definitionem suscipiunt, omnia peræque aut triangula, aut quadrata, aut circuli sunt. Sciendū uerò, quòd tam hanc, quā il-

# DE PRAEDICAMENTIS

Cognitione, quia tunc vnum quod cognoscimus cum quid sit, & substantiam eius intelligimus. Tempore, quia sola hæc separabilis est. *Substantia est.*] Tyrones hic admonendi sunt, generum summorum nullam esse finitionem. Omnis enim finitio genere, & differentia constat. Supremorum autē generum nulla genera sunt. Ob eandem rationem indiuiduorum nulla est propria finitio, quia nullas habent proprias differentias. Describit ergo substantiā per id quod est proprium substantiæ, scilicet per se subsistere. *Quæ proprie*] singula hæc aduerbia suum pondus, & momentum habent. *Proprie*] quia primæ substantiæ sensibus obiciuntur. *Principaliter*] quia primæ substantiæ alia omnia prius insunt. *Maxime*] nam prima substantia vt Rodolphus agricola ait, est cui reliqua omnia sunt innixa, quæque reliquorū receptaculum est, & fundamentum. *Secundarum*] Secundæ substantiæ sunt genera, & species primarum substantiarū. Quare color licet genus sit, tamen non est secunda substantia, quia nō est genus primæ substantiæ. *Caterum*] docet nominis rationem cur primæ substantiæ dicantur. Hunc locū magni viri conuellere conātur: secundis substantijs interemptis etiam interimuntur primæ, quocirca secundæ substantiæ primæ dicendæ Videntur. Hunc scrupulum sic eximere oportet, vt primæ substantiæ sunt sensibus propinquiore: ita etiā primis nominibus appellandæ erāt. *Intellectus inquit*] Locus hic est apud Aristotelem. xxix. cap. j. lib. Posteriorū. Ex singularibus plurimis, vniuersale manifestum est. *Ex quo liquida constat*] Magis, & minus hoc loco non significant intentionem, aut remissionem, sed significāt, potius similis, propinquius. Hoc sensu substantiæ vocabula has voces admittunt. Sic Aristoteles accipiendus est primo cap. ij. lib. de Anima. Cum dicit corpora naturalia esse magis substantias quā artificialia. *Porrò*] Huius loci ratio est, quia species infimæ æque propinquæ, primæ substantiæ sunt.

De sex substantiæ proprietatibus.

Omibus substantijs, tam primis quam secundis, proprium quodammodo est, in subiecto nō esse. Di-

eo autem quodammodo, quando id non his conuenit solis, sed & earum perinde differentijs, quippe quæ nec ipsæ in subiecto sunt aliquo. Omnibus insuper secundis substantijs, & earum differentijs cōuenit vniuoce predicari de primis; vt homo & animal de Socrate, & de eodem item Socrate, rationale. Omnia nanque hæc de Socrate predicantur nomine pariter & ratione id quod vniuoce predicari supra definitum est. Substantiæ præterea nihil est contrarium. Quod tamē omnino verum esse non videtur, cum igni, aqua, & aquæ ignis contrarius esse putetur. Sane hunc scrupulum Boetius paucis verbis ita diluit, idque iuxta Alexandri Aphrodisæi mentem, Neutrum, inquiens, horum elementorum alteri contrarium est, licet eorum inter se qualitas repugnent diuersæq; sint. Substantiæ igitur nihil est contrarium. At nec proprium hoc substantiæ est, quando & quantitati perinde conuenit, & alijs quibusdam. Substantia item neq; magis, neq; minus suscipit, vt homo non est magis aut minus homo, vel seipso prius vel posterius, vel altero quolibet homine. Quod ergo dictum est, neq; magis neq; minus suscipit, id ita intelligitur qd substantia ipsa neq; intenditur, neq; remittitur. Sed nec illud substantiæ proprium, quando neque circulus alio circulo magis aut minus circulus est. Videtur autem omnis substantia hoc aliquid significare. id quod in primis quidem substantijs haud dubie ita se habet. In secundis vero non ita plane, nisi ob appellationis figurā, vt quum quis dicit hominem, aut animal, is iam perinde ac quendam hominem, aut quoddam animal dixisse videri potest. Atqui id ita nō est. Qua propter secunda

substantia nō hoc aliquid, sed potius quale quid significat. Maxime verò propriū substantiæ est, quod tametsi vna eademq; numero ipsa existit, secundū sui tñ mutationem, contrariorum susceptibilis est, vt quidā homo: qui licet vnus, idemque numero maneat, ipse tamē nūc calidus, nunc frigidus, nunc paruus, nunc studiosus existit, mutaturque hoc pacto interim contrarijs inter se qualitatibus: id quod neq; orationi, neq; opinione conuenire pōt. Quippe quod neutra earū (quantū quidem in ipsa est) mutatur: & si aliquādo vera, aliquādo falsa iudicat: quin potius res ipsa, de qua vel oratio profertur, vel opinio habetur, mutationē sui admittit, patiturq;. Nā vt Aristoteles inquit, eutēnus oratio aut vera, aut falsa est, quatenus res se habet. Idem de opinione sentiendum.

ARISTOTELES de more habet ea quæ à sensibus remotissima sunt, per ea quæ sensibus proximiora sunt, explicare. Quam docendi rationem Aristoteles in libris de anima de hyfloria, partibus, generatione animalū, secutus est. Hoc loco itaque Cæsarius Aristotelem secutus, substantiam quæ intellectu percipitur, per proprietates quæ nobis notiores sunt, copiosius declarat. *Omnibus substantijs.* ] Prima hæc cōmunitas propria videtur secūdo modo. Nā omni substantiæ, & non soli cōuenit. *Sed & earum perinde differentijs.* ] Ex hoc loco aliquis conuincere poterit differētiās non esse substantia. Nam hic nominatim Cæsarius dicit, non esse in subiecto conuenire alijs, à substantijs, nimirum differentijs. Hic nodus sic dissoluendus est. Differentia, nec omnino est substantia, nec omnino accidēs, sed mediastinum locū inter vtrūq; tenet, est. n. qualitas (vt vulgò loquimur). *(substantialis, Omnibus insuper.)* ] Secundę n. substantiæ, & nomine, & ratione de primis dicunt. *Substantiæ præterea.* ] Huius ratio est facilis qā contraria propriē in solis qualitatibus reperiuntur.

ur. *Substantia item.*] Hic locus a nobis iā explicatus est. Hoc tamē addā. Res omnis cuius est aliq̃s terminus essentiaē suę, & ad quē cū peruenierit, habet essentiaē illius nomen, non dicitur esse hoc magis, aut minus quod sit. Quēadmodum Cicero dicit de Beato, lib. 5. Tusculi. Nam & qui beatus est, non intelligo quid requirat, vt sit beator. Ita substantia postquam peruenit ad terminū suę perfectionis nō dicitur magis, aut minus, alioqui non esset perfectā. *Videtur autem.*] Prima substantia significat hoc aliquid hoc est rem singulā rem. Secunda substantia prima facie etiam videtur significare rem singularem ob appellationis figuram, hoc est quia dicitur de prima. Sed non est ita quin potius quale quid significat, hoc est naturam communē multis, & speciebus, & indiuiduis, Neque hic quale sumitur quemadmodū in prædicamento qualitatis, scilicet pro qualitate accidentaria, sed pro notatione cōmuni essentiali. *Maxime vero.*] Hęc sexta cōmunitas est propria quarto modo nō conuenit omni substantiā. Primis per se, secundis quatenus insunt primis: vt quia hic homo egrotat, dicimus hominem egrotare. Præterea conuenit soli substantiā. Nam nihil ex prædicamento accidentium, manens vnum, & idem numero, contraria vicissim recipit. *Id quod.*] Recipit tacitam obiectionem, substantia recipit contraria secundum sui mutationem, at oratio, & opinio si contraria suscipiant, ipsa non mutantur. Deinde oratio, & opinio non suscipiunt verum, vel falsum, sed potius res ipsa. Nam veritas orationis, vel opinionis, pendet à re ipsa. Vt enim se res habet, inquit, Aristoteles, ita oratio est vera, vel falsa.

### De quantitate.

Quantitas est secundum quam in partes quippiam diuiditur. Quantitatis autem alia continua est, alia verò discreta. Continua quantitas ab Aristotele ea esse definitur, cuius partes ad eundem terminum communem copulantur, vt lineæ ad punctum ad lineam superficie, & ad superficiem demum ipsis corporis. Id, quod



quod de linea ostendisse satis fortassis fuerit, quantum præsens hoc institutum exigit. Itaq; sit linea aliqua in duas partes per punctum in ea signatum, secta, animo, tamen magis quam re ipsa. Hæc quia continua est, partes ipsas ad eundem illum punctum, nempe terminum utriq; communem (sicq;) cohærentes habet & copulatas. Continua ergo quantitas est, ut linea, ut superficies, corpus. Additur his & tempus, cuius partes, quoniam successione solum continuantur, ad instans, quod & nunc dicitur, copulari habeat. Et locus, sed improprie, quippe quod re magis quam ratione quantitas sit. Porro discreta quantitas est, cuius partes ad nulum tertium communem copulantur, sed à se inuicem se iuncte sunt, atq; discretæ, ut numerus, & oratio. Numeri quippe, ut exempli causa, denarii partes sunt, quinque, & quinque, aut tria & septem, aut quomolibet aliter idem diuidatur numerus ipsæ nimirum, quæcunque eius numeri partes fuerint, inter se disiunctæ sunt atque separatæ. Sic & in oratione partes, nempe literæ & syllabæ, & item dictiones, tum breuitate, longitudineue, tum ipsa prolatione separantur, quinetiam scriptura, ut per quam oculi eas facile discernant, atque distinguant.

Inter nouem prædicamenta] accidentiū, quantitas primum locum tenet, quia mediante quantitate cætera in subltâtia sunt. adde, omnis res simulatq; est in numerum cadit (est enim vna vel plures) hæc autem quantitatis scientia colliguntur: Continua quantitas] Continua quantitas sic dicta est quia partes ita sunt connexæ, & copulatæ, ut si quis eas se iungere velit diuellere necesse sit. Ut linea superficies corpus. Terminus communis hic dicitur qui est finis vnius partis,



tis, & initium alterius vt punctum in linea, linea in superficie, superficies in corpore. *Additur his & tempus.*] Aristoteles in prædicamento substantiæ docet tempus esse quantitatem per se. At decimo tertio cap. 5. lib. primæ Philosophiæ disertè docet tempus esse quantitatem per accidens. Quæ duo tã pugnãtia sunt quàm quæ maxime. Hæc quæstio lib. difficilis sic est dissoluenda. Aristoteles qu into metaphysicæ sumit quantitatem secundum esse, & sic tempus est quantitas per accidens, quia habet esse a magnitudine in prædicamento quantitatis. Quantitas sumitur secundum rationem mensuræ & eo modo tempus est quantitas per se quia habet rationem mensuræ per se. *Et locus.*] locus quocumque quis severtat siue rem spectet, siue ratione non videtur esse quantitatis species distincta ab alijs. Nam secundum rem est superficies. Est enim locus vt Aristoteles quarto libro de physico auditu finit, superficies concava corporis continentis immobilis prima: si quis spectet rationem locus est ex numero relatorum. Nam ad locatum refertur: propterea proxime videntur mihi ad veritatẽ accedere qui scribunt Aristotelem hic veterũ Philosophorum opinionẽ secutum. Qui dicebãt locum esse quoddam spatium immensum, in quo cũ corpora erant plenum vocabant, cum vero nulla corpora continebat, dicebant esse vacuum. Prudenter igitur. Aristoteles in prima Philosophia veterũ opinionẽ explosit. Nã cũ quantitatis species enumeraret, omisso loco. substituit motum, *Porrò discreta*] Discreta quantitas sic dicta est quòd partes eius sint discretę disiunctę, separatę. *Numeri quippe*] hic locus de numero numerante est intelligendus. Est autem numerus numerans numerus absolutè acceptus & rebus non applicatus, vt denarius. Numerus numeratus est numerus rebus ipsis applicatus vt decem homines. *Sic & in oratione*] Oratio hic sumitur pro certo quodam tenore syllabarum, quę modo extenduntur, modo contrahuntur. Idquę quoniam fit in tempore quod est quantitas, oratio etiam quantitas est. Et quidem discretę, quia syllabę quarũ quædam extenduntur, quædam contrahuntur, nullo termino communi copulantur.

# DE PRAEDICAMENTIS

De tribus quantitatis proprietatibus.

Cæterum quantitati nihil est contrarium, id quod in ijs quidem, quæ finita sunt, nullam habet dubitationem, vt bicubito aut tricubito nihil est cōtrarium. In ijs vero quæ sunt indefinita, videtur quidē alterum alteri contrarium esse, vt multum paucō, & magnum paruo: verum horū nihil quantitas est quemadmodum Aristoteles dicit, sed ad aliquid potius, quippe cum nihil sit, quod per se magnū aut paruum, multū aut paucū dicatur, sed id aliorum euenit respectu. Quantitas præterea neque magis neque minus suscipit vt dicubitum non est alio bicubito magis aut minus bicubitum, neque numerus alio numero magis, aut minus numerus est. Maxime autem proprium quantitati est, vt secundum eam æquale quicquā dicatur, aut inæquale. Ita secundum numerū, exercitus vnus alteri æqualis, aut inæqualis dicitur: & secundum magnitudinem lignum ligno æquale est, vt cū alterum alteri respondet aut secundum longitudinem, aut secundum latitudinem, aut secundum crassitiem, aut secundum has omnes dimensiones simul. Quod quia suo constat ternario, perfecte quantum dicitur.

CAETERVM] Definita quantitas est quæ certa numeri quantitate cēsetur vt binarius ternarius indefinita quæ nulla certa numeri quantitate cēsetur, vt multum, paucum. Maxime autem] Æquale & inæquale non tam quantitates sunt, quā qualitates & passionēs ipsius quantitatis.

De ijs quæ ad aliquid dicuntur.

Ad aliquid vero talia dicuntur, quacunque hoc ipsum quod sunt, aliorum esse dicuntur, vel quomodolibet aliter ad aliud, vt duplum hoc ipsum quod est, alterius  
dicitur

dicitur nempe dimidiū, itidem & sciētia. Etenim, ut du-  
 plum dimidiū duplum est, ita scientia, scibilis scientia.  
 Adiectum est autē, vel quomodolibet aliter ad aliud,  
 tu intelligamus relatiuorum quæ dā esse, quæ casu ali-  
 quo, quædam quæ absque casu referantur. Casu refe-  
 runtur, quæ aliorum esse dicuntur: absque casu vero,  
 quæ quomodolibet aliter ad aliud: ut cū dicitur, mons  
 magnus ad montem paruum, relatio quidem est magni  
 ad paruum, sed non quæ per casum facta sit, tametsi in  
 ea casus accusatiuus sumptus est, qđ nimirū ideo cūe-  
 nire Boetius ait, quod illius relationis vis non in casu,  
 sed in prepositione sola consistit. Per casum itaq; refe-  
 runtur, cū aut per genitiuum referuntur, ut pater filiū  
 pater. Aut per datiuum, ut similis simili similis. Aut  
 per ablatiuum, ut maius minori maius. Sunt etiā quæ  
 mutatis casibus referātur, ut sciētia scibilis sciētia, &  
 scibili sciētia scibile. Sunt itē quæ referātur nominibus  
 eisdem, ut amicus amici amicus, et socius socijs socius.  
 Sunt quæ diuersis, ut alia fere oīa. Sciendum autē di-  
 ctā definitionem Platonis esse, nō Aristotelis, id quod  
 Boetius plane aſtruit: & proinde alia ab Aristot. ipso  
 traditur, quæ huiusmodi est, & quidem propria. Ad  
 aliquid sunt, quib. hoc ipsum esse est ad aliud quodam-  
 modo se habere. Sane hac definitione ea relatiua descri-  
 buntur, quæ in quadam comparatione, et relationis ha-  
 bitudine considerantur solum: ut quaternarius, quod  
 duplex est, nō ex se habet, sed hoc ipsum ex medio tra-  
 hit, ad quod refertur, nempe ex binario. Atq; e diuer-  
 so binarius, quod medius sit ex eo tantum habet, quod  
 ad quaternarium refertur. Relatiuorum igitur quæ

# DE PRAEDICAMENTIS

*proprie dicuntur, sine eorum quæ sunt ad aliquid, hoc est esse, id est, hæc eorum natura est, ut ad aliud referantur, sine quo ne intelligi quidem possunt. Quo fit, ut prior definitio maior sit quā posterior, hoc est, communior ut quæ omnia quæcunque ad aliquid utcunque dicuntur, complectatur.*

RATIO ordinis cuius Philosophum valde curiosum esse oportet hæc est, posita quantitate ponitur maius aut minus hæc autē relata sunt ergo post quantitatem ordo efflagitat, ut de relatiuis dicatur. ad hæc in quantitate est mentio facta relatiuorum: ut autem huic prædicamento locis aliquid adferamus, tenenda in primis est hæc diuisio. Entium quedam sunt absoluta, ut substantia, quantitas, qualitas, quæ per se intelligi possunt. Alia sunt. relatiua quorum significatio ad aliud refertur: Non sum nescius auribus delicatoribus duram, & impositam hanc diuisionem videri. Sed & docentibus, & scribentibus (cuius ego sæpe auditores meos de loco superiore commonefeci) artis vocabula non tam latina quā vfu trita, ut res intelligatur: retinenda sunt. Verissime Fabius, non refert quibus quidque nominibus appelletur, modò de re constat. Nos si in hac spinosa & ieiunia Philosophia quatuor illas virtutes orationis, emendatam, perspicuam, ornatam benè accomodatam, exprimere non possumus, duas priores tamen emendatam & perspicuam (sine quibus nihil rectè docetur) retinere conabimur. Sed hæc ἡ τῶν πράγματος καὶ λόγων. *Ad aliquid vero.*] Prima hæc finitio communis est, & omnia relatiua quouis modo dicta complectitur. Prima pars finitionis ea continet, quæ cum casu ad se inuicē referuntur. Secunda vero ea complectitur quæ vel cum casu vel sine casu dicuntur. Prima hæc finitio est apud Platonem lib. 4. de Republica. *Ad aliquid sunt*] secunda hæc descriptio complectitur solū relatiua quæ ex propria significatione relationem significant. Id enim sonant hæc verba, quibus hoc ipsum esse est ad aliud se habere. Et hæc vulgo dicuntur relatiua secundum esse. Alia sunt relatiua secundum dici, quæ ex prima

ma significatione ens absolutum significant, sed secundo loco habitudinem & respectum, ut scientia, dominus.

De quinque eorum, quæ ad aliquid dicuntur, proprietatibus.

**I**N EST autem & his quæ ad aliquid dicuntur, contrarietas. Nam uirtus uitio, & scientia ignorantia contraria est. Atqui ut hoc ipsum, nec propriū oīb. est, ita nec cōe. Videntur itē & magis & minus suscipere. Simile nāque alicui quippiā dicitur, & magis, & minus. Verum ne hoc quidem omnibus aut proprium, aut cōe. Omnia porrò quæ sunt ad aliquid ad conuertentiā dicuntur, ut seruus domini seruus, & dominus serui dominus. Sed neque in his firma semper cōuertentia est, nisi conuenienter id ac quod dicitur, assignatur: ut si ala auis ala dicatur, non rectē assignatio facta est, & per hoc nec conuertitur, ut dicatur auis alæ auis: sed si ala alati ala dicatur, iam cōuertentia fiet hoc pacto, alatum ala alatum. Proinde rectē Aristoteles nos monuit, necesse esse aliquoties, ut nomina fingantur. Videntur autem ea quæ ad aliquid dicuntur, simul esse natura, id quod in pluribus, quidem uerum est, ut simul sunt duplum, & dimidium, dominus item & seruus. In aliquibus uerò non ita est: nam scibile quippiam est, cuius tamen scientia fortassis nondum habetur. Vnde & à nonnullis haud ab re relatiuorum talis assignatur distinctio, ut sint quædam quæ actu referantur, quædam quæ potestate solum. Maxime uero proprium est eorum, quæ ad aliquid dicuntur, quòd ex his uno definite cognito, cognoscitur eodem modo, & reliquum: ut si quis definite sciam quippiam duplum esse, idem ēt de-

## DE PRAEDICAMENTIS

*finitè scit id, cuius est duplum, nèpe dimidium. Quem admodum si quis scierit Anchisem Aeneae esse patrem, is proculdubio iam sciet Aeneam Anchisæ filium esse.*

Hoc loco regula tradenda est qua cognoscemus, quibus relatiuis insit contrarietas. Si prædicamento a quo relatiua sumuntur aliquid est contrarium, etiã relatiuis erit aliquid cõtrarium vt virtus & vitium relata sunt, illa refertur ad suu diosum, hoc ad vitiosum. Cõtraria quoque sunt, quia a qualitate sumuntur, in qua proprie cõtraria reperiuntur, *Videntur.* ) Hæc communitas etiam ex Prædicamentis, & quibus relatiua sumuntur intelligenda est. *Omnia porro.* ) Conuertit hoc loco est quando primum refertur ad secundum, & rursus secundum ad primum, vt pater ad filium, & filius ad patrem. Sed id non semper cõtingit, nisi relatiua apte assignentur. *Videtur autem.* ) Ea dicuntur hoc loco simul esse natura quæ mutuo se ponuntur, & interimunt, & quorum alterum non est causa alterius. Et relatiua actu secundum actum, Potestate relatiua, secundum potestatem se mutuo inferuntur,

### De Qualitate,

**QUALITAS** est, secundũ quã quales esse dicimur, vt secundũ Musicã musici, & secundũ albedinem albi. Porro qualitatis species ab Aristotele quatuor assignantur. Ex his una est, q̃ habitus et dispositio, siue affectio dicitur: sed ab habitu dispositio differt, qđ permanentior quidem habitus sit & diuturnior: dispositio verò facile mobilis & cito mutabilis. Et habitus qđem sunt, vt sciẽtia & virtutes: dispositiones vero, vt calor & frigus (quæ tamen exẽpla magis analogicõs quàm re vera hoc loco ponuntur) tum & sanitas, & egritudo. Namque secundũ has disponitur, afficiturq; quodam



*dammodo homo, aut aliud quouis animal; verum cito in contrarias mutatur qualitates, vt à sanitate in ægritudine facilis est transitus, & rursus, ab ægritudine in sanitatem. Nonnunquam vero euenit, vt earū aliqua temporis protractione in alicuius transeat naturam, vt nigritia ex solis ardore longo tēpore cōtracta, & quæ heftica febris Græco vocabulo à medicis dicta est. Latino vero habitualis dici pōt. Vnde, fit, vt dispositio quasi quædā via sit ad habitum, & per hoc habitus imperfectus, Habitus vero constans omnino atq; perfecta dispositio, & veluti ipsius dispositionis terminus, Hinc habitus definitur, qualitas difficulter mobilis ab eo, in quo est: dispositio contra, qualitas quæ facile à subiecto dimouetur. Rursus autē, & habitus modo quodā dispositiones dici possūt: dispositiones vero, vt habitus dicatur, non est necesse. Alia autem qualitatis species est, quæ naturalis potētia & impotētia dicitur, secundum quam quidē quispiam non ex eo, quòd talis est, dicitur, sed quòd talis esse potest: vt docilis puer dicitur, nō qui iam doctus sit, sed qui aptus est doceri: & fragile lignū: nō quod iam fractum sit, sed quia tale est, vt frāgi possit. Sic durum dicitur, quod naturalem resistendi potentiam habet, vt nō facile secetur, diuidaturq; cōtra molle, quod ad hoc naturalem habet impotentia. Ad hunc quoq; modū & saltatores, & pugiles dicimus aliquos, non quòd in his artibus, saltandi inquā & concertādi, periculū vnquā fecerint, sed quòd ad eas insitā suapte natura potentia habeant, habilitatemq;. Tertia vero species ea esse dicitur, quæ passio, & passibilis qualitas nominatur, & differt hæc ab illa, perinde, atq; habitus*

## DE PRAEDICAMENTIS

a dispositione, quòd passibiles quidem qualitates perpetuo perdurant, ut in melle dulcedo, & in glacie frigus: passionibus autem ad tempus exorta, facile commutantur: quare & qualitates uix dici merentur, & in facie rubor ex uerecundia subortus, & ex metu pallor. Quarta demum qualitatis species est, quæ dicitur figura, & circa hoc aliquid constans forma, ut triangulum, quadratum, cubitum, & alia huiusmodi, quæ qualia omnino dicuntur, ab ipsa uidelicet figura, hoc est, a linearum superficierumque deductione, si magnitudinis nomina sunt: uel a descriptione, situque numerorum, si multitudinis. Eadem insuper, & ab ipsa forma qualia dici solent, utpote a concinna partium compositione. Haud secus in his quæ artificio constant, sese habet id, quod dictum est, ut in domo, naui, statua, & alijs huiusmodi quorum unumquodque duplici qualitate affectum, ex iam dictis nemo non percipit, nempe tum figura, tum forma. Figura quidem, ut verbigratia, statua ab ipsorum lineamentorum deductione, qua hunc aut illum exprimit, & repræsentat. Forma uero a conuenienti illorum inter se consensu, quæ debita proportio rei dici solet, & commensuratio, a Græcis *συμμετρία* appellata.

Hæc qualitatis descriptio solum qualitates accidentarias cõplectitur. assignata est etiam per notius, quia quale denominatiuū est notius quo ad sensum qualitate denominante. *Ex his.* ] Aristoteles quatuor formas qualitatis proposuit, & singulas geminato uocabulo expressit, penuria (credo) simplicium uocum coactus: habitus & dispositio nec genere, nec specie, sed numero tantum differunt. Ut enim duo indiuidua qualitate accidentaria differunt tantum: ita habitus

bitus & dispositio qualitate separantur tantum. *Habitus. n.* est firma qualitas, dispositio non est firma. *Alia autem*] Naturalis potentia est quædam qualitas congenita, alicui per quâ ipsum redditur naturaliter potens ad aliquid agendum. Contra uerò de naturali impotetia dicendum est. *Tertia uero*] Passio est qualitas transiens, quæ sensui infert passionem, ut calor tactui, uel quæ ex passione infertur, ut rubedo ex uerecundia. Passibilis qualitas est qualitas permanens, inferens sensui passionem, ut color plumbeus ex melancholia. Cæterum hic exoritur quæstio. Passio est genus summum ergo non potest esse species. Hoc sic diluitur. Passio, ut est effectus actionis est genus summum, sed ut sensum mouet est species qualitatis. *Quarta demum.*] Figura est, quæ termino uel terminis clauditur, ut circulus triangulus, Forma est ipsa tractatio, & delineatio figuræ.

De communitatibus, & proprietatibus  
ipsius qualitatis.

*IN EST autem, & qualitati contrarietas, ut iustitiæ iniustitia cōtraria est, & albedo nigredini. Verum non in omnibus hoc ita habet. Nempe rubori, & pallo, cæterisque; huiusmodi medijs coloribus nihil est contrarium. Alioqui uni plura contraria erunt. Tum & figuræ nihil contrarium est, ut exempli gratia, triangulo, quadrato, cubito, necnon & ipsi circulo. Suscipiunt autē & magis, & minus, non ad eò qualitates ipsæ, sed quæ ab his qualia denominatiue dicuntur; album magis, & minus album dicitur, uel seipso, uel altero quolibet albo. At uero ne hoc quidem figuris ipsis cōuenit, suscipere in quam magis, & minus. Nam quæcunque aut trianguli, aut quadrati, aut circuli definitionem suscipiunt, omnia peræque aut triangula, aut quadrata, aut circuli sunt. Sciendum uerò, quòd tam hanc, quàm il-*

lam communitatem potius quàm proprietatem dixerimus, quādo ea secundum vtranq; dicta sunt, nec solis, nec omnibus conueniant qualitatibus. Maxime autem proprium qualitati est, vt secundū eam similia, & dissimilia dicantur. Simile enim aut dissimile alterum alteri dicitur, non secundum aliud quippiam, quàm secundū id quod quale est, siue à qualitate denominatur.

*Inest autem.*] Hec communitas primo modo propria est. Conuenit enim soli Qualitati per se, ceteris prædicamentis non nisi propter Qualitates. Sed non omni qualitati conuenit. *Alioqui.*] Id incommodum sic ostenditur. Sic enim (doctrinæ causa) Pallor cōtrarius rubori. Viridis color eadem ratione erit rubori contrarius. Quia non est potior ratio de vno colore medio, quàm de alio. Quo fit vt plura scilicet pallor, & viridis color sint vni robori contraria secundum idem. Quod est euertere Aristotelis pronuntiātū. Qui quarto capite primi libri de cœlo & mundo docet, vñi tantum vni esse contrarium secundum idem. Nec sum nescius plura posse esse vni contraria diuersa ratione, vt audacia & timiditas fortitudini. Qua de re disserit Aristoteles viij. cap. ij. lib. Ethicorum, & in cap. de oppositis. *Insunt.*] Denominatiua magis, & minus admittunt, non autem ipsa denominantia. *Maxime.*] Vt secundum quantitatem dicimur æquales vel inequales, sic secundum qualitatem similes, vel dissimiles.

### De ceteris sex Prædicamentis brevis annotatio.

DECVRSIS hætenus prioribus quatuor prædicamentis ex Aristotelis traditione, quæ certè consideratione aliqua egere visa sunt etiā ipsi Aristoteli, quemadmodum id ipsum & Boetius aperte attestantur. Restant posteriora sex: de quibus priusquam ea prosequamur, præfari hoc pacto libuit Aristotelem videlicet,

cum

cum priora illa quatuor latissime prosecutus esset, posteaquàm omnia numero decem, in principio sui tractatus ex ordine connumerasset, & per cōuenientia exempla declarasset, hæc sex posteriora ne repetere quidem curasse, præterquam ex his duo tantum Agere, & Pati, sed cursum admodum, atq; id profecto haud incon-sulte; id quod & Iacobus Faber Stabulensis ingenue contestatur, quòd eorum scilicet vocabula, præsertim vltimorum quatuor, trita prorsus, & vulgaria sint, nullumq; proinde ad disciplinas momentum habeant, immo vero civilibus, atq; forensibus negotijs, necnon historiæ scriptoribus accommodatiora. Verum enimvero Gilbertus cognomēto Poretanus, non contentus hoc Aristotelis siue consilio, siue iudicio, librū sex vltimis scriptum reliquit, alijs mirifice probatum, alijs propemodum contemptum, vt quibus labor ille superuacaneus plane indicatus sit, quū si quid in illis ad disciplinas vsus esset, id Aristotelem nequaquam latuisset. Nos igitur, vt tempori aliquid cōcedamus, vel potius ne ab institutis quorundam prorsus adherere videamur, inter Aristotelem ipsum, & hunc Gilbertum mediam tenebimus viam, & in transcurso tantummodo de his susceptum prosequemur tractatum.

[Ducursus.] Aristoteles prolixè, copioseque de quatuor primis prædicamentis disseruit, quia hæc principia, & elementa omnium aliorum sunt. Succinte disputat de reliquis sex, quia hæc relationem significant, quæ explicata sunt. Tum etiam quia hæc in libris de Physica auditu, & Prima Philosophia explicantur.

De Actione, & Passione, & earum vtriusque  
tam communitatibus, quàm  
proprietatibus.

**FACERE**, siue agere dicitur quispia, cuius actio  
ab ipso in aliam quamlibet rem ueniens consideratur:  
Pati uerò is, in quo actio illa consideratur, ut in quem  
uenerat: ut quem secat quispiam, eius sectio in id quod  
secatur, transit. Et quum quid percutitur, percutien-  
tis actio in eo recipitur, atque eatenus ipsa percussio  
passio dicitur, Secare igitur, & percutere, agere est.  
Secari uerò, & percuti, pati. Actio igitur est, secundum  
quam in id quod subijcitur, agere dicimur. Passio ue-  
rò illatio effectusq; actionis. Recipit autem agere, &  
pati contrarietatem, & magis & minus: quippe cale-  
facere contrarium est ei, quod est frigefacere: & cale-  
fieri ei, id quod est frigefieri. Sic & calefacere & fri-  
gefacere, & calefieri, item & frigefieri dicimus hoc,  
uel illud magis, aut minus.

*Actio igitur*] Actio hoc loco est forma quædam, per quã  
in materiam subiectam agere dicimur. Omnis enim actio  
requirit subiectum in quod vim suam explicet. Id dicitur  
hoc loco subijci quod ab alio virtute agendi superatur. *Re-  
cipit autem.*] Agere, & pati recipiunt contrarietatem, simili-  
ter magis & minus per accidens, propter contrarias qualita-  
tes, quas patiens ab agente recipit, ut calefacere est contra-  
rium ei quod est frigefacere, quia calor & frigus contraria  
sunt. *Videre intelligere.*] Huius ratio est, ut enim videre est  
suscipere speciem obiecti in oculo, ita intelligere est reci-  
pere formam rei intelligibilis in intellectu. Quare vtrunq;  
eorum pati est. Hac de re extat nobilis controuersia in-  
ter Peripateticos, Platonicos, Opticos, quam Ioannes vel  
Curio in Physica sua accurate examinat.

Qua



Qua ratione vocabula harum duarum Cate-  
goriarum discerni possint.

**SAN E** in his duobus prædicamentis spectare oportet non ad figuram duntaxat ipsius dictionis, sed ad significata potius. Nam sunt quædā, quæ & significato & figuratione dictionis agendi vim habent, ut curare, docere, legere. Quædam figuratione tantum, nō etiam significato: quippe quæ actiue proferuntur, significato tamen passiuæ sunt: cuiusmodi verba, seu voces sunt timere, mœrere, uidere, intelligere. Quædā contra significato quidem actiua sunt, figuratione uero passiuæ: ut insidiari, proficisci. Atq; id quidē quod iam diximus, maxima sanē ex parte comprobatur, & confirmatur Priscia Gram. lib. 8. de uerborum significationibus: Actiua, inquit, species actionem semper significat, & facit ex se passiuum, exceptis duobus, metuo metuor, timeo timeor. Quin & ad sensus pertinentia uerba, si quis altius cōsideret, in actiuis uocibus passionem, & in passiuis actionem facere inuenimus, ut cum dico, uideo te, audio te, tango te, ostendo me in ipso actu aliquid pati.

**De situ & positione.**] Stare, sedere, accumbere, dicuntur constituere prædicamentum positionis, non quia sint primogenia, & præcipua huius prædicamenti, sed per sua denominantia, stationem, sessionem, accubitum. Denominatiua. n. non per se, sed beneficio suorum denominantium ponuntur in prædicamentis. Eorum autem.] Ea habent situm secundum naturam, quorum partes principia sunt aliquorum motuum, ut in homine caput pedes, in plantis radices, rami. Ea uero habent situm secundum artem, quorum partes non sunt principia motuum, ut columna, fundamentum in domo. Elementorum situm, Ouidius lib. 1. Fastorum, & Plinius lib. 2. cap. 5. eleganter describunt.

## De situ, siue Positione, &amp; eius Species.

Situm esse Arist. ait denominatiue dici a positione. Quæ quidem licet ipsa sit alicuius eorum, quæ ad aliquid dicuntur, quæ tamen ab ea denominatiue dicuntur, propriū predicamenti genus faciunt: vt a statione, quæ relatio est quædā, stare denominatiue dicitur, quod quidem est situm esse. Vnde & sitū esse a Ioanne Damasceno id dicitur, quod positionē habet quoquomodo ad alterum, puta ad partes corporis, vel sic, vel sic se habētis. Huius deinde tres species esse dicit, stare, sedere, recumbere, id est, iacere. Et stare quidem est, erecto omnino corpore esse. Sedere verò partim erecto, partim incuruo. Recūbere vero in totū esse corpore prostrato, quod et tribus contingit modis: nēpe aut prone, aut supine, aut oblique. Eorum aut quæ situm habēt, hæc quidem secundū naturam sita sunt, ut elementa in proprio & suo quodq; loco; hæc autem secundum artem, vt statuae atq; columnæ. Rursus eorum quæ sita sunt, hæc quidem sunt, quæ nunquam loco mouentur, vt terra; hæc vero, quæ nunquam a motu quiescunt, vt cælum.

Huius cap. interpretatio præcedit Contra enim quàm in alijs factum est, in quibus interpretatio sequitur.

## De Vbi, &amp; Quando, &amp; Habere.

EODEM prope modo, vt Boetia placet, & ubi, & quando, & habere, sese habent, vt quæ nec ipse simpliciter intelligantur, quin potius ex alio naturam, id est, rationem trahant, id quod & Martianus Capella attestatur. Quo fit, vt nec vbi, nec qñ esse possint, nisi locus et tempus fuerint. Siquidem locum vbi, & tempus qu in do comitatur. Neq; verò idem est tempus & quando,

nec

nec locus & ubi, sed proposito prius loco, si qua res in eo loco est posita, ubi esse dicitur. Vnde & ab Aurelio Augustino recte dictū est: Locus est cuiq; rei, ubi est. Eodem modo si res quæpiam in tempore est, quādo esse perhibetur, ut natale CHRISTI, cum sit certo in tempore, nempe VIII. Calen. Ianuarij, quando ipsum esse dicimus. Vbi ergo & qñ hoc pacto a quibusdā definiuntur. Vbi est, quæ a loci circumscriptione procedit corporis locatio. Quando vero, quæ ex tēpore relinquitur rerū affectio. Habent autem & ubi & quādo proprias diuersitates. Nam ubi aliquoties quidē infinite dicitur, ut cū alicubi quempia esse dicimus: aliquoties vero definite, ut in foro gymnasio. Sic & quando nunc definite, nunc indefinite dicitur. Habent rursus & ubi, & quando secundum locorum, & temporum differentias, diuisionesq; species quasdam & differentias. Et locorum quidem differentie sunt, sursum, deorsum, ante, pone, dextrorsum, laeuorsum: Temporū vero, præsens, præteritum, & futurum. Habere porro (ut subinde Boetius ait) est quiddā extrinsecus adueniens, neq; innatum ei a quo habetur, imò aliud quàm est illud ipsum, à quo habetur, in se, vel potius circa se retinere: ut armatum esse, vel esse vestitum, & habere vestes, atq; arma, quæ cum eo qui habet, nata non sunt, neque aliqua communi natura proprietateve coniunguntur.

Vbi ergo.] Vbi est quædam habitudo corporis locum aliquem obtinentis. Quæ habitudo in ipso loco provenit ex eo, quia ipsum locatum à certo loco circumscribitur, & continetur. Vnde dicimus bellum geritur in Africa. Cato Uticæ se interfecit. Quando.] Quando est denominatio quæ à tempore oritur, ut Homerus fuit ante Hesiodum.

pore circa unam eandemque rem, simul esse nō possunt. Rodolphus sic. Opposita dicuntur quæ ita repugnant vnū vni, vt neque alterum de altero, neque ambo de eodem tertio dici possint. Illud hic silentio inuoluendum non est, oppositio nem in tribus inueniri. In terminis, de qua differit hic Cæsar. In syllogismis, de qua disputat. Aristot. decimoquinto cap. lib. ij. priorum. In propositionibus, cuius mētio est apud Aristotelem libro de interpretatione.

### De oppositorum definitionibus, & proprietatibus.

CAETERVM hæc quo nam pacto definiantur, dicendum item breuiter. At uerò quoniā de his, quæ ad aliquid seu relatiua dicuntur, supra dictū est, cū de prædicamentis tractarem: de reliquis tribus id tantum nunc agamus. Itaq; contraria definiuntur, quæ in eodem genere posita, plurimum a se distant, quæ eadem susceptibili vicissim insunt, vnde & mutuò se expellunt, nisi quæ per naturā subiectis suis insunt. Itaq; ex contrarijs si vnū fuerit, non necesse est alterum esse. Contraria rursus eidē simul inesse est impossibile. Sed & contraria oīa circa idem, aut genere, aut specie versantur, vt ægrotudo & sanitas circa corpus, iniustitia, & iniustitia circa animā. Omnia insuper contraria, vel in eodē genere sunt, vt album & nigrum; vel in cōtrarijs generibus, vt iustitia, & iniustitia vel sunt ipsa contraria genera, vt virtus & vitium, bonū itē & malū. Bono quippe malū ex necessitate contrariū est: malo autē aliquādo quidē bonū, aliquādo verò, & malū. Id quod facile videre est in virtutibus, & vitijs moralibus. Sed & de contrarijs ipsis ad eundem ferè modum Victorinus loquitur in ijs commentarijs, quæ in Rhetorica Ciceronis

## DE PRAEDICAMENTIS

ceronis de inuentione scripsit. Contraria, inquit, tribus modis inueniri possunt: cum aut sub eodem genere species multum inter se distant; aut singulis generibus diuersis, species etiam diuersae sunt; aut duo genera inter se diuersa sunt. Hæc ille. Porro quæ secundum habitum & priuationem opponuntur, ea esse definiuntur, quæ circa idem fieri nata sunt ordine irregressibili, & tēpore per naturam determinato. Et hæc quidem sunt quæ potētiæ priuatione talia dicuntur. Nam quæ talia sunt priuatione actus, hæc utiq; circa idem fieri possunt, ordine regressibili; cuiusmodi sanc sunt motus, & quies, lux & tenebræ; somnus, & vigilia. Iam vero & quæ secundum affirmationem, & negationem opponuntur, ea ipsa definiuntur, quorum secundum se nullum datur medium, & quæ in contradictione consistunt. Contradictio porro dicta est, quasi opposita dictio, idest locutio. Huius nimirum hoc præ ceteris propriū est, quod siue res subsistat, siue nō sit omnino, in alterutra tñ contradictionis parte vel veritas, vel falsitas semper inuenitur; quod certe in alijs oppositionibus minime euenit, Nā si quid omnino non est, illud neq; agrū, neq; sanum esse potest, tum neq; cecum, neq; videns. Nec, si non est omnino qui genuit, iā aut filius, aut pater erit. Veruntamen siue fuerit quippiam, siue non fuerit, contradictio nihilominus constabit semper. Et verum & falsum dicet, quicūq; dixerit Socrates est, vel Secrates nō est.

ITAQUE contraria finitio hæc contrariorum cōplectitur solum qualitates accidentarias. Cuius prima pars reiicit priuatiua, quæ per se in nullo sunt genere. Secunda, colores medies, qui non plurimum distant. Vltimā remouet ea quorum alterum est a natura. Itaque est contrarijs. Huic loco obicitur

obiicitur inexpugnabile argumētum. Aristotēles scribit (or-  
tio capite de cælo, & mundo, si vnum cōtrariorum sit, opor-  
tere alterum esse, vt si terrā sit oportere ignem esse, nam hæc  
contraria sunt. Hoc obiectum sic deluendum est in contrā-  
rijs elementorū si est vnum, oportet aliud esse, quia hæc per-  
petuo in se inuicem agunt, & a se mutuo patiuntur. Sed in  
alijs contrariis, id nō est necesse. Porro q̄ secundum habitum.]  
Ex hac finitione priuatorum duplicia priuatiua constituen-  
da sunt. Quædam potentix, quæ significant priuationē for-  
mæ, quæ recuperari non potest, vt cæcitas & visus. Alia sunt  
priuatiua actus, quæ actum solum auferunt, vt tenebræ &  
lux. Cum ergo dicitur a priuatione ad habitum non est re-  
gressus, id est accipiendum de priuatiuis potentijs: nō autem  
actus. Quorum secundum se.] id adiectum est, quia inter om-  
nia opposita est mediū quoddam, quatenus ad cōtradiçto-  
ria reducuntur. Inter cōtradiçtoria nullo modo est mediū.  
Huius nimirum.] Insignie discrimen inter cōtradiçtoria, &  
ceteras species oppositionis.

### De quinque modis Prioris.

PRIUS autem alterum altero quinq; dicitur mo-  
dis. Primo quidē id quod secundū tēpus altero prius  
est, vt qđ antiquius altero est, aut vetustius. Hinc The-  
banorū bellum prius, id est, antiquius seu vetustius dicitur  
excidio Troiano, idcirco quod tēpore præcesserit:  
& Phythagoram priorem, id est, senioremem Socratē di-  
cimus, & Socratē Aristotele. Secundo autem modo  
prius illud dicitur, a quo nō conuertitur subsistēdi con-  
sequentia; quo quidē modo, vnū duobus prius est. Nam  
duobus existentibus, vnum iam esse consequens est, at  
non contra. Non enim si vnum est, consequens conti-  
nuo erit, vt sint duo. Atque hoc modo quod prius est,  
secundum naturam prius esse dicitur. Tertio vero mo-  
do



do prius esse dicitur, quod ordine quodā anteuertit, id quod in disciplinis & orationibus Rethoricis, & alijs huiusmodi, ut in Reipubl. administrationibus facile est uidere. In disciplinis quidem, ut exempli causa in Geometria, elemēta figurarū delineationibus priora, sunt, & principia ijs, quæ ex illis demōstrantur, hoc est, ipsis conclusionibus. Elementa autem dico, punctū, lineam, superficiē. In Rhetoricis uerò orationibus proæmium, id est, exordium narratione prius est, & in reipub. administratione consiliū aetione. Quarto deinde modo prius id dicitur, quod melius est & honorabilius, & præstantius, & dignius altero. Quo sanè modo sol luna prior est, & anima corpore. Sed ut ipse Aristoteles ait, alienissimus hic modus est a significatione prioris. Siquidē isto modo (quod Boetius approbare uidetur) quicunque dignitate & reuerentia cæteris præcellunt, magis propriè uenerabiles & honorabiles dicuntur: ut uerò priores dicātur, abusio potius est, quàm ulla proprietas. Quinto demum prius dicitur alterum altero in ijs, quæ secundum subsistendi consequentiā conuertuntur. nempe illud quod alterius quomodolibet causa est, & principium, ut ueritas imagine, & lux ipso lumine siue splendore, & in orationibus prius quidē est rem ipsam subsistere, quàm ueritas constet propositionis: ut si uerum est hominem esse, uera iam ea est oratio quæ dicit, homo est. Ac rursus si oratio uera est qua dicitur, homo est, uerum iam quoque est hominem esse: & tamen hominem esse, hoc est eius rei subsistentia, causa insuper est, ut propositio de homine uera habeatur. Itaque rei subsistentia, ueritate sermonis prior est.

DE MODIS prioris] hunc modum primum, Aristoteles vocat præcipuum, quia ab hoc cæteri omnes denominantur, & quia quoad sensum notior est. *Secundo autem*] Secundo modo id est prius quo posito nõ ponitur posterius & quo interempto interimitur posterius, vt posito animali nõ ponitur homo, & sublato animali aufertur homo. Et generaliter oẽ superius est prius secundo modo, si ad suũ inferius referatur. *Tertio modo*] Tertio modo ea priora dicuntur quæ ordine quodam doctrinæ præponuntur, vt sequentibus pleniorẽ adferant lucem. Sic in Geometria finitiones linẽ superficiẽ sunt priores. *Quarto deinde*] hoc quarto modo id dicitur prius quod præstantius est. Aristoteles vocat hunc modum alienum, quia nõ quatenus aliquid melius est prius est, sed quia in eodem genere aliud præcedit. Author simplicius: *Quinto demum*] hoc modo hic dicitur prius natura quod cum alio conuertitur, & illius est causa.

De tribus modis eorum, quæ sunt simul.

SIMVL autem dicuntur aliqua tribus modis. Primo quidem & simpliciter & propriè simul dicuntur, quorum generatio eodem sit tẽpore, vt gemini, qui ob id simul esse dicuntur, quod unius temporis ortu editi sunt secundo verò modo simul dicuntur, quæcunque ad se inuicem conuertuntur, sed ita, vt alterum alteri subsistendi neque causa sit, neque principium: vt duplum & dimidium. Etenim hæc ad se inuicem conuertuntur: quoniam si duplum est, dimidiũ est: & si dimidium, & duplum. & tamen neutrum alteri causa est, vt nec pater filio causa est vt sit, nec filius patri. Quod verò dico, hmoi est, Aeneas habuit Ascanium filium, non tamen causa fuit ut filius esset, sed ut esset Ascanius. Sicut igitur filius dicitur quispiam, cũ primum ei fuerit pater, ita & pater iam dicitur, cum primum ei fuerit filius. Tertio autem modo simul dicuntur, quæ ex co-

dem genere ex aduerso diuiduntur à se inuicē, vt homo & equus. Homo nanque & equus, quoniam sub eodem genere ponuntur nēpe animali, simul esse dicuntur. Eodē sanē modo & de ceteris speciebus dicendū, quæ sub eodē genere, vel hoc, vel alio ponuntur. Quo fit, vt omnes species eiusdē generis æqueue sibimet sint, & generi illi æqualiter supponantur, Porro aut & differētiæ, quæ genus aliquod condiuidūt, simul esse dicuntur, vt rationale & irrationale. Sanē sciendū quòd quæcūq; secundo & tertio modo simul sunt, hæc natura simul dicuntur, primo verò modo simul dicuntur tempore.

PRIMO quidem & simpliciter.] Quemadmodum id propriè prius est quod tēpore aliud antecedit, ita ea propriè dicuntur simul quorum generatio in eodem est tēpore Secundo verò modo.] Hic secundus modus differt a quinto: modo prioris. Nam hic alterum nō est causa alterius, ibi verò alterum est causa alterius. Vt nec pater.] Pater non est causa filij, id verum est si spectes relationem, habitudinem: respectum: Nam omnis causa est prior suo effectū, Pater autē quatenus patris nomenclaturam habet, ne momento quidem tēporis prior filio intelligi potest. Substātia patris est causa substantiæ filij. Nam res ea quæ pater est, prior est tempore substantiæ filij. Tertiomodo.] Hoc modo membra diuidētia aliquod totum sunt simul quatenus ad ipsum totum referūtur, vt ferrum & mansuetum respectu animalis. Si verò alterum membrorum ad alterum referatur vt ferrum ad mansuetum, alterum potest esse prius altero.

### De sex speciebus.

MOTVS verò species sex sunt, generatio, corruptio, augmentatio, diminutio, alteratio, secundū locum mutatio. Et generatio quidē motus est ab substantiam, cui opponit corruptio, motus proinde à substantia. Augmentatio verò motus ad quantitatem, cui diminutio opponitur

ponit, motus videlicet quo acquisita iam antea, & paulatim aucta quantitas fit minor, deperditurque: Alteratio est, qua aut qualitas acquiritur, aut deperditur acquisita. Secundum locum verò mutatio dicitur, quæ fit aut ad locum, aut circa locum: ad locum quidem, ut quæ secundum rectum fieri dicitur: circa locum verò, quæ in gyrum siue in orbem. Omnium autem horum motuum ex aduerso quietem intelligimus, cum tamen in his speciebus motuum ipsi motus sibi inuicem contrarii sint, præter eum motum, qui circa locum fieri dictus est, ut est motus corporum cælestium, cui nullus motus contrarius est. Cæterum aduertendum hoc est, haud quam absonum esse, quod dictum est, motum esse motui contrarium, & item quietem: quasi verò duo iam vni contraria esse dixerimus, non vnum vni, ut in *Physicis* Aristoteles docet. Quando quidem id quod dictum est secundum aliud, & item aliud fieri intelligitur, quemadmodum id Ioannes Damascenus in sua *Dialectica* subtilissimè annotauit, Nā eidem motui motus quidem opponitur, ut habitus & forma siue actus: quæ verò, ut finis & priuatio.

M O T V S Vero specie sex sunt.] Motus ut res diuersorum prædicamentorum comitatur, ad dialecticum pertinet, sed ut est actus corporis mobilis ad physicum pertinet. Motus hoc loco sumitur pro mutatione. Nam motus ut proprie, & Aristoteli sumitur, tres tantum habet species: augmentationem, diminutionem, alterationem, motum localem. Videndus est Aristoteles. 2. cap. 5. lib. Auscultatorium. Cæterum.] Occurrit tacite obiectioni. Motus est contrarius motui, & quies motui contraria est, Ergo plura erunt contraria vni. Respondet non esse incommodum plura esse vni contraria secundum diuersa. Motus est contrarius motui, ut habitus habitui, sed quies est contraria motui, ut priuatio habitui.

## De octo habendi modis.

**HABERE** quoque multis modis dicitur. Nam habere quis dicitur, aut ut qualitatem aliquam, ut scientiam uel uirtutē: aut ut quantitatem, magnitudinem, & hanc quidem uel bicubitam, uel tricubitam, aut alias quantamcunq;: aut ea quæ circa corpus sunt, ut uestimentum, cuiusmodi est subucula uel penula: aut ut in parte aliqua corporis, ut in digito anulum, uel torquem in collo; aut ut partem aliquā sui, nēpe manum, uel pedem, uel caput: aut ut in vase, quemadmodū modius dicitur habere triticū, & lagena uinum, & amphora aquā, ut sit habere pro continere: aut ut possessionem quomodo dicitur aliquis domū habere uel prædiū, aut ut uxorem, quemadmodum uir uxorem habere dicitur. Sed ut Aristoteles quoq; ait, idq; per iocum (ut uidetur) alienissimus hic habendi modus est: siquidem nihil aliud est uirū habere uxorem, quā eīdem cohabitare, Ideo autem hunc habendi modum improprie dictū putant multi docti, ac per hoc penē respuūt, quod aiunt non haberi posse, quod habentem habeat; sed multò rectius dici, uiro mulierem esse, & pari uice mulieri uirum.

**HABERE** quoque, ] Varius & multiplex est usus huius uerbi habere, ideo ne aliquid erroris in vocabulo relinquitur, eius enumerat potestate. Habere ut refertur ad suas species & armatum esse. Calceatum esse genus est, sed ut complectitur hos omnes modos multiplex uidetur. Aristoteles hunc modum alienissimum vocat, quia in alijs modis id quod habet, non dicitur uicissim haberi ab eo quod habet, ut habens anulum non habetur uicissim ab anulo. Sed ut uir habet uxorem, ita etiam uxor uirum. Paulò tamen  
crudi-

eruditius, dicemus, viro est vxor, & vxori est vir. Illud tanquam appendicem prædicamentorū adiciemus geminā eorū potissimum esse vtilitatem. Hinc enim omnium rerum in vniuersa natura, ordo facile cognoscitur: hinc etiā vocū finitiones, si quādo de earum vi & potestate dubitetur, petūtur. Prædicamēta enim, quæ voces cum quibus cognitionē habeant, ostendunt. Quintilianus lib. iij. cap. sexto, locos statuum fecisse videtur. Omnis quæstio proposita per hæc cūci potest, Quid, quale, quantum id, de quo quæritur sit.

# INTRACTATVM

## TERTIVM PRAEFATIO

### BREVIVS CVLA.

**E**XPRÆDITA vtcunque à nobis in prioribus duobus, libris, siue tractatibus, ea parte Dialecticæ, quam Elementariam vocant, utpote quæ Prædicabilia tantum, & Prædicamenta, simplices quidem voces, complectatur: sequitur hinc tractatus tertius de Propositione, quæ & ipsa, huius artis pars quedam est: quippe quæ prima ex simplicibus illis, & incomplexis vocibus, perfecta constituitur oratio. Atqui huius quoniam nomen & verbum par res sunt, & hæc ipse per vocem definiuntur, à voce haud abire huius tractatus exordium summere licebit.

VOCES simplices enunciationem constituunt, explicatis itaq; uocibus simplicibus de Enunciationē dicendum est. Huius tractatus tertij scopus est: Naturā propositionis planum facere. Cuius mirifica est vtilitas. Nam in omni controversia, negotio, oratione, Epistola, constituenda est aliqua propositio, in qua eius negotij summam, de qua loquimur comprehendamus. In oratione pro Cælio. Nemo studiosus est deditus voluptari. In causa Miloniana, omnis insidiator est iure occidendus. Et apud bonos auctores sexcenta, de eo genere reperire licet. Cæsarius in hac præfatio-



## DE PRAEDICAMENTIS

ne tres Dialecticę partes, inuentionem, iudicium, elementariam constituere videtur. Sed elementaria sub inuentione continetur. Nam quinque vocum tractatus docet, quę voces cum quibus cognitionem habeant, & in syllogismo medius terminus cum subiecto probandę conclusionis, cohereret. Quinque vocum ergo tractatio inuentionem termini medij, iuuat.

Quid sit vox, tum etiam quid Sonus.

**V**ox igitur est, vt a nonnullis definitur Philosophis, exactu aeris elicitā qualitas auribus accidens. A recentioribus autem, & ijs quidem, qui superioribus aliquot annis circa hanc artem versati sunt, magis conuenienter accommodateque ad hunc locum hoc pacto definitur. Vox est sonus, qui ab ore animalis proficiscitur, certis quibusdam naturę instrumentis formatus. Sonus item ab eisdem quoque definitur, quicquid proprie, & per se auditu percipitur. Itaque vox sonus est, non quilibet, sed qui (vt dictum est) ab ore animalis proficiscitur, formaturque interim certis quibusdam naturę instrumentis, quę quidem sunt guttur, lingua, palatum, primores quatuor dentes, & labia duo, quibus à quibusdam additur & pulmo. Nam per guttur vocalis arteria intelligitur, quę & spiritalis fistula appellatur. Ex quo iam liquido patet, quod neque manuum ad se inuicem complosus, neque pedum strepitus, aut fragor arborum, & in nubibus tonitrus, voces vllō modo dici debent. Quin & ob eandem fortassis causam, neque tussis, neque excreatio, & si quid huiusmodi est, voces proprię dici possunt, licet de animantis ore prodeant.

Vox

*Vox igitur.* ] *Methodus* omnino Cæsarius progreditur quod & scribendi, & docenti, in primis curæ esse debet, Dicturus de nomine, verbo, oratione, quæ voces sunt, prius docet quid vox & quæ eius diuisione. Quæ omnia etiam ad naturalem philosophum pertinent, potius quam ad Dialecticum, hic tamen quatenus huic instituto utile est, breuiter & in transitu enarranda sunt, Tria ad vocis finitionem necessaria sunt. Percutiens, scilicet anima, percussum scilicet aer respiratione attractus & id ad quod fit percussio, scilicet arteria vocalis. Videndus est Aristoteles octauo cap. ij. lib. de anima, & nono capite tertij libri de historia Animalium. *Sonus item.* ] Huius ratio est quia sonus est proprium obiectum auditus. Vt sonus edatur tria concurrant necesse est, Corpus percutiens, percussum, & aer motus vel collisus. *Nam pergitur.* ] Arteria vocalis est conceptaculum spiritus naturalis misti, in quo plus spiritus est quam sanguinis. Contra, vena est conceptaculum sanguinis quod ἀγγείον medici vocant, misti confusq; cum spiritu naturali, in quo plus sanguinis est minus spiritus, Videndus est Aulus Gellius lib. xviij. capite nono. *Debent.* ] Quia non formantur omnibus naturalibus instrumentis. *Quin &* ] Rationem huius reddit Aristoteles quia omnis vox est sonus significans naturaliter vel ad placitum.

### De vocis diuisione.

*VOCVM* autem alia quidem significatiua est, alia vero non significatiua. Porro significatiua vox ea dicitur, quæ per auditum aliquid intellectui representat. Non significatiua autem, quæ nihil omnino significat, ut quæ neq; naturaliter, neq; secundum placitum apud intellectum quicquam constituit, vt literæ propemodum & syllabæ. Itaque bisariam vox significare dicitur, tum naturaliter, tum secundum placitum. Naturaliter quidem vox significare dicitur, quæ naturalem duntaxat affectum animi monstrat, vt est dolor, aut gaudium, cuiusmodi sane voces sunt gemitus aegrotantium

& lugentium eiulatus, insolentium item cachinnus & risus indecēs, tum bonorum cui usq; animalium vox propria. Secundum placitum autem quaecunque ex impositione rem aliquam designat, ut sua uniuscuiusq; gentis lingua: siue loquella, qua quis utitur, quoties alteri indicare volet quicquid animo conceperit. Hæc rursus diuiditur. Alia nanq; tempus secum ad significationem trahit, ut ambulo, alia præter tempus significat, ut homo. Caterum hæc nomen, illa verò verbum apud Dialecticos appellatur, ex quorum utriusque debita complexione vox constituitur, quæ oratio dicitur, vox proinde complexa, ut tam nomen, quam verbum, vox incomplexa. At de nomine quidem primum hic dicamus oportet.

VOCUM AUTEM. ] Prima diuisio vocum, alia significat determinatum aliquid, ut virtus, homo, alia nihil determinate ut voces infantium, ebriosorum. Itaque bisariam. ] Secunda diuisio. Vocum significatiuarum alia significat naturaliter, ut quæ apud omnes homines idē significat, ut gemitus egroti. Alia ex arbitrio imponētis, ut sciētia. Hæc rursus. ] Tertia diuisio. Vocum significatiuarum ex impositione, alia significat cum tempore, ut lego, alia sine tempore, ut fortitudo.

### De nomic.

NOMEN itaq; vox est significatiua, secundū placitū, sine tempore cuius nulla pars significatiua est separata, sinitū aliquid designans, & casus recti. Sanè in hac definitione vox generis locū obtinet, utpote pluribus communis. Significatiua, deinde adiectū est: nam sunt & voces, quæ nihil significant. Rursus secundum placitum; quòd sint voces, quæ naturaliter tantū significant.

ficant. Sine tempore autem, quoniam verba quoq; voces sunt significatiua secundum placitum, sed distant à nominibus, quòd nomina quidem sine tempore: verba autem cum tempore significant. Adiectum præterea est, cuius nulla pars significatiua est separata, propter rationem, siquidem huius partes utique & separatæ significant, ut mox dicetur. Postremò autem appositæ sunt particulae duæ, vna quidem, nempe finitū aliquid designans, propter nomina infinita: altera verò, quæ quidem est & recti casus propter nominū obliquos casus: qui quoniam cum E S T, verbo copulati, plenam absolutamq; sententiam explicare non possunt, non nomina, sed casus nominum iure nuncupantur; ut non recte dixeris, demonstrato quopiam, Catonis est, Catoni est, aut Catonem est: sed, Cato est.

**NOMEN ITAQUE.**) Explicatis communibus ex quibus colliguntur genus & differentia nominis, integram conficit nominis finitionē. Nobile est caput apud Aristotelem. 14.2. lib. posteriorum, quo docet finitionē ex diuisione inuestigandam esse: quod Dialectices candidatis ēt, atque etiam commēdo. Cæterum ut huic loco lucis aliquid adferamur, sciendum est authores in disciplinis tradendis, duplicē viam obseruare consueuisse, aut à toto ad partes progrediunt, & hæc dicitur resolutoria qua Aristoteles in libris priorū vsus est, aut cōtra à partibus ad totum, & est compositoria. Qua Aristoteles in libro de interpretatione vsus est. Et eū hic secutus est Cæsius. Ex partibus enim nominis, inuestigauit nominis finitionem. Deinde ex finitione nominis & verbī, inquit orationis finitionē. Cæsius singulas particulas, finitionis nominis, satis accuratē enarrat. *Aut aut secundum placitum.* Plato in Cratilo existimat, nomina simpliciter significare naturaliter, quia sunt naturales rerū similitudines. Ammonius

monius vero putat nomina esse naturalia quo ad Aetymologiam. Quia nomina à proprietate in re ipsa reperta, imposita sunt. Sed si spectemus significationem, ex institutione significant. Aristoteles verò vult nomina significare ex impositione quia ab arbitrio imponentis, ad significandum imponuntur. *Nempe finitum.*] Ita colligit, omne nomen significat rem certam, nomen infinitum non significat rem certam, ergo non est nomen. *Alterz.*] Omne nomen si ei ad datur verbum efficit orationem veram aut falsam, sed casus nominis, verbo ei addito, non efficit orationem veram aut falsam: ergo casus nominis non est nomen.

De verbo.

**V E R B U M** autem est vox significatiua secundum placitum, cum tempore, cuius nulla pars significatiua est separata, finitum aliquid designans, & casus recti. Quæ quidem verbi definitio, præter particulam, cum tempore, omnia cum nomine habet communia. Siquidem id verbi proprium est, significare, inquam, cum tempore. Ergo quod & participium cum tempore significat, hoc à verbo habet, unde deducitur. Neque verò mouebit quempiam, quod ex nominibus quidem ipsis quedam etiã tempus significant, vt annus, mensis, dies: attamen nullum eorum tempus consignificat, quemadmodum Aristoteles ait. Ceterum, vt nomina finita sunt ac infinita, ita ex verbis quoq; alia finita sunt, alia infinita: finita, vt ambulo, disputo: infinita vero, vt non ambulo, non disputo, Rursus & de casibus verborum haud secus ac de casibus nominum dicere par est: quippe vt nominum casus dicuntur, qui ab ipso recto flectuntur, ita casus verborum appellari possunt, qui à temporis presentis & modi indicatiui significatione diuant. Verbum igitur secundum Dialecticos id solum  
 esse



*esse dicitur, quod temporis præsentis: est & modi indicatiui.*

*De verbo.*] Aristoteles breuitatis amator in finitione verbi omisit eas particulas, quæ erant verbo cum nomine communes. Differt verbum à participio, quia verbum semper à parte prædicati intelligitur, participium tam à parte prædicati quàm subiecti. *Neq; vero.*] Submotio obiectionis. Quædam nomina tempus significant exprimaria significatione, vt annus dies mensis, sed non significant cum tempore. Est autem significare cum tempore præter præcipuam significationem, temporis differentiam significare. Quod verbi proprium est, vt studeo præter actum studendi significat tempus præsens. *Verbum igitur.*] Angustius hic sumitur verbum pro eo quod modi indicatiui & præsentis est temporis, aliquando tamen latius etiam sumitur. *Cæterum.*] Verba quibus extra propositionem negatio à fronte additur, vulgo infinita vocantur, vt non ambulo. Quæ eadem si sumantur in propositione negata dicuntur.

Vtrum Nomen, & verbum apud Dialecticos solæ partes orationis sint.

EXPOSITA eatenus tam nominis, quam verbi ratione, quatenus id ipsum Dialecticorū vsus postulat, occurrit non temere quæstio illa, hoc in loco nunc etiam considerata, quæ a plerisq; proponi solet. Vtrum scilicet nomen, atq; verbum solæ apud Dialecticos orationis partes sint: cum tñ ab ipsis Grammaticis octo huiusmodi constituentur partes. Sane huius quæstio nodi D. Seuerinus Boetius, vir profecto tātus in Latina philosophia, quantus inter ipsos Latinos in arte oratoria M. Cicero, his verbis ita dissoluit breuissime: Grammatici. n. (inquit) figuras tantummodo vocum cōsiderantes, octo proinde orationis partes cōnumerant: Philosophi autem atq; dialectici, quoniā omnis eorū in ter-



tio circa veritatem, falsitatemque locutionis versatur atq; ea ex nomine, verboq; plenissime constat, duas tantum orationis partes admittūt, easque nomen & verbum esse docuerūt. Cetera verò, non partes, sed orationis supplementa, & veluti colligamenta quædā appellant, quemadmodum in quadrigis fræna & lora, & in navibus tabulæ et trabes. Non aliter autem de his sentit, & Priscianus ille Grammaticus lib. 11. de Participio: Quibusdā (inquit) philosophis placuit nomen & verbum solas esse partes orationis: cetera vero adnícula & iuncturas earū, quomodo navium partes sunt tabulæ & trabes. Sed nunc ad orationem transeamus.

[PHILOSOPHI.] Dissolutio huius questionis. Ex nomina & verbo perfecta constituitur oratio veritatem vel falsitatem significans, quæ duo potissimum proposita sunt Dialecticis. Quod circa nomen & verbum, solæ habentur partes orationis apud Dialecticos.

De oratione.

ORATIO est vox significatiua secundum placitū, cuius partes extra aliquid significant & separatæ. Ad hunc sanè modum à Dialecticis oratio definitur. Cuius quidem definitionis intellectū facile est ex superioribus colligere. Nam quod oratio ipsa vox est, quod significatiua vox quodq; item significatiua secundum placitū, id cum nomine atq; verbo cōmune habet. Cuius enim partes secundū placitum significant, ipsum quoque secundum placitum significatiuum est. Differt autem ab utroque quoniam nominis quidem & verbi partes separatæ nihil significant, ac ne in compositis quidem, ut & Aristoteli placet: quamvis id tamē videri

deri velint, ob dictioris figurā, sed tali voci siue dictio-  
ni res ipsa repugnat, nempe suapti natura simplex &  
vna: vt animalis nomē, qđ Græcis τραγέλαρος dicitur,  
Latinis vero hircoceruus dici potest, ab hirci, ceruiq;  
similitudine. Nam cū cerui speciem habeat autore Pli-  
nio; ab eo tamen barba & armorū villo distat solum;  
in quo cum hirco quadantenus: conuenit: vnde & no-  
men ei est ex vtroque compositum. At vero orationis  
partes multo aliter sese habent: quippe quæ & extra  
ipsam significare possunt, vt verbi causa huius oratio-  
nis, Plato disputat, tam nomen ipsum, quod quid Plato  
est, quā verbum disputat, partes nimirum seorsum.  
vtique & separatim omnino aliquid significant.

ORATIO est vox.] Potest nūc quiuis, nullo negotio ora-  
tionis finitionem intelligere. Vnica enim particula distat à  
nominis & verbi & descriptionibus. Orationis partes signi-  
ficant separate, nominis & verbi minimè. *Secundum placi-  
tum.*] Plato in Cratylo sic suadere conatur orationem signi-  
ficare naturaliter. Omne instrumentū quo mentis sensū ex-  
primimus, naturaliter significat. Atqui oratio est instrumen-  
tum quo mentis sensū exprimimus: ergo secundum naturam  
significat. Hic syllogismus sic est diluendus. Omne instrumen-  
tum proximum, quo animi sensum euoluimus naturaliter si-  
gnificat, sed oratio est instrumentum secundarium & remotum.  
*Ac ne.*] A maiore Aristoteles colligit. Partes nominis  
compositæ figuræ videtur potius significare per se quā par-  
tes nominis simplicis, sed partes nominis cōposite figure per  
se nō significāt, ergo multo minus partes nominis simplicis.

#### De diuisione orationis.

DIVIDITVR autem oratio: alia nanq; perfe-  
cta est, alia imperfecta. Perfecta quidem oratio ea esse  
dicitur, q̄ ex nomine, verboq; constructa, perfectam  
sen-

sententiā in animo audientis relinquit; vt Plato disputat. Quisquis enim eā audit, statim quiescit, ac iam intelligit quid sit hac ipsa voce prolatum. Imperfecta vero, quæ plenam sententiam non facit, tametsi nonnunquam ex verbo constat, vnde orationis perfectio potissimum habetur: quippe quod vt in nominibus materia, ita in verbis sermonis vis intelligatur, autore Quintiliano. Imperfecta igitur oratio est, quoties sine verbo profertur, aliquoties aut & cū verbo ipso. Sine verbo quidē, vt *Aeneis Vergilij*. Cum verbo aut, vt quisquis ambulat. Vtraque nimirum imperfecta oratio est: perficitur autem verbo utrobique adiecto. Hæc quidem, si addas verbum, monetur, vt sit, Quisquis ambulat, monetur: illa vero, si addatur verbum, legitur, vt si dicis, *Aeneis Vergilij* legitur. Atque hūc in modum omnis imperfecta oratio perfici potest, qualis profectò ea esse debet oratio, quæ ab Aristotele quidē ipso facile huius artis principe, Enunciatio: à Cicerone verò (quem Plinius lucem doctrinarum appellat) Pronunciatum, & Proloquium nonnunquam: à Boetio dcmum inter Latinos presertim Propositio dicta est, qua etiā appellatione cōmunis Dialecticorum schola nunc passim vtitur.

DE orationis diuisione. ] Prima diuisio orationis generatiuū sumptæ.

De diuisione orationis perfectæ.

ORATIONVM perfectarum alia Deprecatiua est, vt Iuppiter omnipotēs precibus si steteris vllis, Da deinde auxilium pater, atque hæc oīa firma. Alia Imperatiua, vt, Vade agē nate, voca Zephyros, & labere pennis. Alia Interrogatiua, vt, Dic mihi Damata,

cuius

*cuium pecus, an Melibæi? Alia vocatiua, vt, Huc ades ò Melibæe. Alia Enunciatiua, vt, Principio arboribus varia est natura creandis. Præter has autẽ quinque perfectæ orationis species sunt, qui duos alias addant, nempe Optatiuam et Subiunctiuam. Optatiuam, vt, O mihi præteritos referat si Iuppiter annos Subiunctiuam, vt, Si fætura gregem supplenerit, aureus esto. Verum enim vero huiusmodi orationum siue quinque, siue septem species constituas, ea tamen sola, quæ Enunciatiua siue Indicatiua dicitur, propositio est: quippe quæ vel esse aliquid, vel non esse designet, & in qua aut veritas, aut falsitas inueniatur. Reliquæ verò Poetis atque oratoribus ad effectus varios mouendos magis accommodatæ videntur.*

*[Orationum perfectarum.] Secunda diuisio.] Oratio perfecta alia est enunciatiua alia non enunciatiua. Enunciatiua.] Dicta est oratio enunciatiua vel indicatiua: quia enunciat & indicat veritatem aut falsitatem.*

*De propositione, eiusque secundum substantiam diuisione, tum quid subiectum, & quid prædicatum.*

*PROPOSITIO est oratio verũ vel falsum significans. Eius verò prima & quidem secundum substantiam diuisio hæc est, Propositionũ alia Categorica est, alia hypothetica. At de hypothetica quidem alias interrim de Categorica (vt capimus) prosequamur. Hæc autem est, quæ duobus terminis perficitur, subiecto scilicet & prædicato, hoc est, quæ simplicissime constat ex nomine casus recti, eodemq; finito, & verbo modi indicatiui, vt Aristoteles docet. Sunt qui præter duos dictos*

dictos terminos, tertiā his veluti partē adijciant, nempe copulam) quā vocant) verbalem. Et proinde propositionē huiusmodi hoc pacto illi definiūt. *Propositio Categorica est, quæ habet subiectum, prædicatum, & copulā principales partes sui: ut huius propositionis, Aristoteles docet, subiectus quidē terminus est Aristoteles, prædicatus vero verbum docet, & quod alterum cum altero coniūgit, copula (ut dictum est) a recentioribus vocatur, quam iſdem deinde per resolutionē verbi adiectiui, si quod in huiusmodi propositione prædicatur, ut eius verbi docet prodi ac patere aiunt, si ipsam propositionem protuleris, Aristoteles est docens. Huius quippe propositionis Aristoteles subiectum est, docens prædicatum, est verò verbum, copula: quasi verò hoc totum est docens, non multò rectius prædicatum diceretur. Subiectum porrò id esse dicitur, de quo aliquo prædicatur: Prædicatū verò quod dicitur de subiecto Ceterum quæ Categorica dicta est propositio voce Græcanica, Latina à prædicando prædicatiua seu prædicatoria dici potest, quando eadem utrobique significatio est, quippe quòd Latinis prædico, hoc Græcis est κατηγορία, quod verbum & si alias accuso significat Græcis hominibus, apud philosophos tamen pro prædico accipitur. Vnde κατηγορία Prædicamenta dicuntur, de quibus tractatu superiori transigimus.*

*PROPOSITIO est oratio.] Apposite assignauit finitionem propositionis per verū & fallum, quia sunt finis propositionis. Sæpe autem finitiones constant causa finali. Eius vero.] Prima hæc diuisio vocatur secundū substantiam, quia in hac diuisione spectamus terminos simplices, a quibus totius propositionis substantia (si ita loqui liceat) pendet. Sunt qui*



qui.] Cels. reprehendit eos qui existimant verbum substantiuum esse partem propositionis distinctam à subiecto & prædicato, quod perspicue falsum est. Vt enim compositum naturale (si liceat magna paruis conferre) cõponitur ex duabus partibus scilicet, materia & forma, sic propositio constat ex subiecto tanquam materia, & prædicato tanquam forma.

Vtrum non nisi ex nomine, & verbo perfecta consistat oratio, an ex solo etiam verbo consiliter aliquando possit.

Sed & hoc loco questio suboritur non incommode, Vtrum haud vnquam aliter, quam ex nomine & verbo plena & perfecta oratio, cuiusmodi propositio est, constare queat, an ex solo etia verbo aliquando? Huic sanè questioni ita Martianus Capella occurrit, Quoties (inquit) verbu primæ vel secundæ personæ fuerit, quia per ipsum iā aliquid significatur, quod vel negari, vel affirmari possit, simul & in hominem tantū cadat, & hunc quidem certum, vtique ex solo ad hunc modum verbo, perfecta oratio, & propositio haberi potest, vt disputo, aut disputas. Quippe vt in horum altero, quod quidem primæ personæ est, subauditur protinus pronomen ego, ac per hoc plenū per se est, atque veritati aut falsitati æque obnoxium, ita in altero, quod est personæ secundæ, facile intelligitur tu, pronomen. Vnde tantundem pænè valet, cū dicitur, disputo, vel disputas quantum si dixeris, ego disputo, vel tu disputas: hoc excepto quod quoties istiusmodi pronominum expressio fit, toties vel emphasis notatur, vel discretio aliqua intelligitur. Tertia verò verbi persona, quia non hominis tantū est, sed aliarū etiam rerum, & simulac dicta fuerit,



non continuo intelligitur, de quo dicatur, ita ut aut affirmari, aut negari possit, idcirco neque veritati, neque falsitati obnoxia est quare nec propositio ex ea sola constare unquam potest, nisi forte de eo dicatur de quo solo intelligi potest id quod dicitur, ut cum dicimus, Pluit aut ningit, hoc quod dicitur, pluit aut ningit utrumque; aut verum esse potest, aut falsum, & per hoc negari aut affirmari, licet nihil addamus, quia notum est qui pluat aut ningat, nempe Deus aut natura: Cum vero dicimus, disputat, aut legit, aut loquitur, in nullo horum certum aliquid intelligitur. Qua propter nec verum, nec falsum dici potest, quamvis etiam de homine intelligi possit quod dicitur, disputat, aut legit, aut loquitur: quia tamen non de vno certo aliquo dici potest, idcirco subdendum est nomen alicuius hominis, ut plenum sit quod dicitur, Prima igitur & secunda verbi persona, quia de homine tantum etiam certo intelliguntur, idcirco solæ dictæ possunt aut verum aut falsum significare. Tertia vero persona verbi, ut nec de solo intelligitur homine, ita nec sola dici potest, hac per hoc nec ex sola, nisi admodum rarèter (ut dictum est) propositio constitui potest.

SE D & hoc loco] Hec questio ex superioribus nascitur, dictum est enim ex nomine, & verbo perfectam constare orationem. *Et disputo aut disputas.*] huic loco ex perpendiculari repugnare videtur Aristoteles quarto. cap. 1. lib. de interpretatione. Quo loco scribit nomen, & verbum dictionem esse solum, Quo circa ex hoc verbo disputo, oratio constitui non potest, Id sic dissolvitur, nomen aut verbum, ut per se inspicitur, & nihil intelligitur, est tanquam dictio, sed ut aliquid subauditur, oratio esse potest. Quemadmodum

Quin-

Quintilianus lib. i. cap. de virtutibus, & vitijs orationis ait: Solœcismus constat vno verbo non tamē solo verbo, nisi ad aliud referatur. *Id circo subdendum.* ] Mea quidem sententia locus hic non est ita strictim intelligendus, vt in verbis secundę. & tertię persone quorum actio soli vni conuenit, necesse sit certum, & singulare subiectum exprimere, vt perfecta constituatur oratio. Quinimo existimo hanc esse perfectam orationē legis, legit sine nulla hominis expressione. Nisi enim hoc fateamur nō sibi cōstabit. Cæsarius hoc enim eodem cap. dixit-disputo disputas esse perfectā orationem.

Vtrum, quoties ex nomine, & verbo propositio constituitur, ipsum nomen non alterius  
quàm recti casus esse possit.

Rursus & alia nunc quæstio emergit, præcedenti haud multum absimilis, quæ huiusmodi est. Vtrum nomen, ex quo cum verbo propositio conficitur, solū, recti casus esse debeat; an alterius quoque cuiuslibet obliqui casus esse possit. Huic quoque dubitationi idē Martinus subtiliter obueniens, ad hunc modū respondet breuissime, vbi verò verba (inquit) illa sunt, quæ impersonalia dicuntur, non iam ex recto casu sententia impletur, sitque propositio, sed alios casus recipit, vt disputatur cum dicitur, vt est impersonale verbum, plena omnino sententia est, si ablatiuū adiūgas, & per hoc affirmari aut negari potest, vt est, à Cicerone disputatur, à Cicerone nō disputatur. Et pænitet cū dicitur, plena quoque sententia est, si accusatiuum iungas, vt est, Ciceronem pænitet: atque de alijs quoque impersonalibus verbis, quæ vel cum eisdem, vel cum alijs cōstruuntur casibus, ad hunc modum dicendum est. Vt igitur quoties perso-

nale verbum est ex quo cū nomine propositio constituitur: ipsum nomen recti casus esse oportet, ita no minus necesse est, quoties verbū impersonale fuerit, vt sit nomē casus obliqui, natura verbi id ita exigēte. Sed iam ad institutum reuertamur, & quoniam modo propositio secundum qualitatem diuidatur, deinceps dicamus.

QVAESTIO hęc per distinctionem dissoluitur. Cum verbo impersonali vtimur, nomen obliqui casus esse potest, cum personali, nomen recti casus erit.

De diuisione propositionis secundum qualitatem.

Propositionum itaque Categoricarum, aliae quidem qualitate, alię verò quantitate differentes inveniuntur. Porro secundum qualitatem differunt, quorum altera affirmatiua est, altera negatiua. Affirmatiua quidem propositio est, in qua aliquid de aliquo prædicatione enuntiatur, Vel in qua prædicatū affirmatur de subiecto, vt Plato Philosophus est. Negatiua vero, in qua aliquid ab aliquo prædicatione seiungitur. Vel in qua prædicatum negatur de subiecto vt Plato Philosophus non est. Hic nanq; de Platone negatur philosophus, vt prædicatū de subiecto appposito ad verbum substantiuum (quæ utique potior pars prædicati est) negandi aduerbio, cuius quidē hęc vis esse perhibetur: vt quicquid post se inuenit, tollat prorsus, & eius oppositionum reponat.

PROPOSITIONVM.] Secūda hęc diuisio propositionis dicitur secundum qualitatem, quia, affirmatio & negatio ad qualitatem pertinent propositionis. Nam secundum variam verbi dispositionem, varius est modus enuntiandi. Affirmatiua propositio.] Aristoteles primo de interpre-

tatione tenui admodum discrimine affirmationem, & negationem separauit. *καταφασις δ' ἐστὶν, ἀπὸ φωνῆς τινος κατὰ τινος, ἀποφασις ἐστὶ ἀπὸ φωνῆς τινος ἀπὸ τινος.* Affirmatio est enuntiatio alicuius de aliquo. Negatio est enuntiatio alicuius ab aliquo. Vt enim in affirmatione prædicatum affirmatur de subiecto, ita in negatione prædicatum remouetur a subiecto. Interim tamen obseruandum eam esse negatiuam propositionem, in qua verbum principale negatur. Quare hæc non est negatiua. Homo est non iustus, sed affirmatiua habens prædicatum negatum.

De diuisione propositionis Categoricalæ,  
secundum quantitatem.

At vero secundum quantitatem differentie huiusmodi propositionum hoc modo sumuntur, quod aliæ quidam sunt vniuersales, aliæ particulares, aliæ indefinitæ, aliæ vero singulares. Sed hæc vniuersusque vniuersalis descriptione hinc iam explicemus oportet. Vniuersalis igitur propositio est, quæ tum affirmando, tum negando vniuersaliter proponi: vel in qua subicitur terminus communis signo vniuersali determinatus, ut omnis homo sapiens est, nullus homo sapiens est. Particularis vero, quæ siue affirmet, siue neget, particulariter tantum proponit, quam et alij ita describunt. Particularis propositio est, in qua subicitur terminus communis signo particulari determinatus, ut quidam homo sapiens est, quidam homo sapiens non est. Indefinita vero est, quæ absque vniuersalitatis particularitatisve nota, tam affirmando quam negando profertur, vel cuius subiectus terminus absque ullo signo sumitur, ut homo sapiens est, homo sapiens non est. Singularis porro propositio est, in qua de individuo, et singulari quicquam prædicatur.

idque tum affirmatiue, tñ negatiue, vt Socrates ambulat, Socrates non ambulat. Eandem autem nonnulli hoc pacto describunt, *Propositio singularis est in qua subicitur terminus singularis, aut certè communis, qui tamen singulariter teneatur accipiaturq; , vt Socrates, vel homo sapiens est.*

**AT VERO.]** Tertia diuisio propositionis, quæ dicitur secundum quantitatem, quia a notis vniuersalibus, aut particularibus, propositionis pendet quãtitas. *Vniuersalis.]* Breuius Aristot. primo capite primo lib. priorũ. *Propositio vniuersalis est, quæ significat omni, aut nulli in esse.* Nam per hanc significamus aliquid ad vniuersos, vel nullos pertinere, vt omnes homines sunt probi, nulli homines sunt probi. *Particularis.]* Sic Aristoteles particularis propositio est, quæ significat alicui, aut non alicui in esse, vt quedam voluptas est bona, quedam voluptas non est bona. *Indefinita.]* *Propositio indefinita sic dicta est, quia nullam habet certã quantitatem, sed quandoque pro vniuersali, quandoque pro particulari accipitur.* Est igitur hec constituenda regula. Quando prædicatum necessario cum subiecto coheret, propositio indefinita pro vniuersali sumitur, vt iustitia est virtus, huic equipollet omnis iustitia est virtus. Sed quãdo prædicatum per accidens, & non necessario dicitur de subiecto, æquipollet particulari vel indefinitæ, vt homo est iustus, est eadem cum ista aliquis homo est iustus.

De tribus signis quæsituiis, quibus de vnaquaque propositione quærere contingat.

Cum igitur tres sint propositionũ differentiæ, vt dictum est, quæ quidem sumuntur aut secundum substantiam, aut secundum qualitatem, aut secundum quãtita-  
tatem, tria quoque par est quæsitua signa commodari, quibus apta eliciatur responsio ab eo, qui de illis inter-  
roga-



rogatus fuerit. Itaque interrogatus quispiam quæ sit hæc aut illa propositio apte conuenienterque respondebit quod sit Categorica vel hypotetica. Si vero idẽ deinde interrogatur fuerit, qualis sit, tum quoque apte, respondet, quod sit affirmatiua vel negatiua. Rursus autem si interrogetur quanta sit, recte nimirum & hæc interrogati responsio quadrabit, si dixerit, aut vniuersalis, aut particularis, aut indefinita, aut singularis. Atq; hæc quidem quanquã fortassis non tanti habentur, vt negotium faceßere debeant, eo tamen pertinere videntur, vt exercitati istis interrogatiunculis nouitij huius artis veluti tyrones assuescant paulatim propositionum differentias internoscere, quod vtique momenti non nihil habet ad ea, quæ deinceps sequuntur planius percipienda.

Cum igitur.] Queadmodum propositio tribus modis diuiditur sic etiam tres sunt notæ querendi Quod est pronuntiatum prædicatorum, vel cõditionale, quale affirmatiuum, vel negatiuum quantum, vniuersale vel particulare, indefinitum aut singulare.

Quæ propositiones suis terminis conueniant, & quæ non.

Haftenus de propositione quæ Categorica dicitur eiusq; partibus atque differentijs quibusdam; restat vt quibus ipsa sit prædita affectionibus (quas passionēs iuniores vocant) ostendamus, idq; hac præmissa diuisione, propositionũ aliæ sunt, quæ nulla terminorum participatione conueniunt, aliæ sunt quæ conueniunt quidem, it nõ ex æquo: Nempe ex his, aliæ utroq; termino participāt, vt Plato philosophus est, Plato philo-



sophus non est. *Aliæ vero altero tantum, quod nimis tribus modi fieri constat: quippe cum vel communis ille terminus in vna propositione subicitur, & prædicatur in altera, vel prædicatur in utraq; vel in utraq; subicitur. Communem autem terminum hic nunc voco, non eum qui de pluribus prædicari possit, sed qui in singulis hoc pacto participatibus propositionibus reperiatur. Verum enim vero de his propositionibus, quæ altero termino vel neutro participant, nihil ad præsens: cum de his solum hoc loco agatur propositionibus, quæ utroque termino cōueniunt. id quod duobus sit modis: aut enim ordine eodem, aut per ordinis commutationem. Eodem quidem ordine participat suis terminis, quæ de eodem subiecto idem pronunciant prædicatum. Per ordinis vero commutationem, quoties qui in vna subiectus est terminus, in altera fit terminus prædicatus, vt omne iustum est bonum, & quoddam bonum est iustum. Cæterum, vt ex ordinis quidem commutatione conuersio propositionum, colligitur, de qua nō multo post dicetur, ita ex constantia ordinis propositionum sumitur oppositio, de qua primum hic nunc dicamus.*

HACTENUS de propositione] Cæsarius examinaturus propositionum oppositionem, triplicem proponit aliam diuisionem. Propositionum quedam utroque termino participant, vt Temperantia est virtus, Téperantia non est virtus, & secundū hanc speciem verā sumitur oppositio propositionū, Quedam neutro termino participant, vt iustitia est virtus. Temperantia non est vituperanda. Quedam altero termino cōueniunt tantum, vt virtus est laudanda virtus, non est vituperāda. Secundum hæc duo vltima membra nulla sumitur propositionum oppositio.

## De oppositione propositionum Categoricalium, &amp; quid sit.

Propositionum igitur Categoricalium utroque termino eodem ordine participantium, aliae quidem contrariae sunt aliae subcontrariae aliae contradictoriae, aliae vero subalternae. Contrariae sunt duae propositiones vniuersales, alia quidem affirmatiua, alia, vero negativa, eiusdem subiecti pariter & praedicati, ut omnis homo iustus est, nullus homo iustus est. Subcontrariae vero propositiones, duae particulares, altera quidem affirmatiua, altera vero negativa, eiusdem subiecti pariter & praedicati: ut quidam homo iustus est, quidam homo iustus non est. Contradictoriae autem propositiones duae, vniuersalis & particularis: vniuersalis quidem affirmatiua, particularis vero negativa, vel vniuersalis quidem negativa: particularis vero affirmatiua, eiusdem subiecti pariter & praedicati, ut omnis homo iustus est, quidam homo iustus non est: vel, nullus homo iustus est, quidam homo iustus est. Subalternae porro sunt propositiones duae, ambae quidem aut affirmatiuae, aut negatiuae: sed ex his altera quidem vniuersalis est, altera vero particularis, eiusdem subiecti pariter, & praedicati, ut omnis homo iustus est, quidam homo iustus est, vel, nullus homo iustus est, quidam homo iustus non est, Oppositio igitur est, ut ex praedictis patet, duarum propositionum Categoricalium repugnantia quaedam, vel qualitate tantum, vel quantitate tantum, vel qualitate simul & quantitate. Toties enim sibi inuicem aduersantur dictae Categoricalae propositiones. Quarum quidem oppositio,

ut veluti oculis exposita habeatur figuram ex quatuor angulis constitutam, subiaccere non grauabor.

PROPOSITIONVM) Diuidit eas propositiones quę cōsentiunt in vtroque terminō, in contrariās, contradictorias, subalternas, & sub cōtrarias. Finitiones harum ex finitionibus propositionis vniuersalis, particularis indefinitę, perspicuę sunt. *Toties enim.*) Cæsarius hoc loco cōmunem Philosophorum scolām secutus est. Aristoteles autem xv. cap. ij. priorum constituit quatuor oppositiones secundum locutionem & voce secundum veritatem duas tantū contrarias & contradictorias. Subcontrarię enim & subalternę non sunt proprię oppositę, quia possunt simul esse verę. Sequens figura propositionum oppositarum pugnam, in quantitate, & qualitate perspicuē ostendit.

Omnis homo		Nullus homo
iustus est	Contrarię	iustus est.

	Subalternę	Contradictorię	Contradictorię	Subalternę
--	------------	----------------	----------------	------------

Quidam homo	Subcontrarię	Quidam homo
iustus est.		iustus non est.

De triplici propositionum materia.

SED priusquam harum inter se oppositarum propositionum leges (quas vocant) exponamus, commo-

nendus

nendus interim probus lector est, si sius videlicet propositionis triplicem esse materiam, naturalem, contingentem, & remotam. Voco autem materiā propositionum hoc loco, earum utrumque terminum, subiectū, inquam, & prædicatum. Quidam vero definiunt habitudinem, quæ est prædicati, ad subiectum. Naturalem igitur materiam esse dicunt, quoties prædicatum est de essentia subiecti, aut certè proprium eius, ut homo est animal, homo est risibilis. Contingentem vero, quæties prædicatū subiecto, aut adesse, aut abesse potest præter subiecti corruptionem, ut Socrates ambulat. Remotam autem, quando prædicatum ipsi subiecto nullo modo cōuenire pōt, ut homo est lapis. Itaque sciendum quod iuxta primā quidē habitudinē necessariæ propositiones dicuntur, quarum ut affirmationes semper veræ sunt, ita negationes perpetuò falsæ. Iuxta secundum autem contingentes seu accidētariæ, quarum proinde tam affirmationes quam negationes incertæ sunt tum veritatis, tum falsitatis, nisi suppositione facta, aut quod prædicatur accidens sit inseparabile. Iuxta tertiam verò impossibiles: quarum ut affirmationes quidem falsæ semper, ita negationes semper veræ.

Omnis hō  
iustus est

Pugnant in qualitate  
tantum contrarie

Nullus hō  
iustus est

Subalterne pugnant  
quantitate tantum

Contradictorie pugnant  
qualitate & quantitate

Subalterne pugnant  
quantitate tantum

Quidam hō  
iustus est

Subcontraria pugnant  
qualitate tantum

Quidam hō  
iustus est

QVONIAM Cæsarius dicturus est propositiones contrarias posse simul esse falsas, & subcontrarias simul esse veras, ideo distinguit multiplicem propositionis materiā. Est autem materia hoc loco, habitudo prædicati subiectū. Aristoteles octauo cap. j. lib. priorum, & vltimo cap. primi libri de interpretatione, ex triplici rerum natura, triplicem constituit propositionem. Omnis enim res aut est necessaria, aut contingens, aut impossibilis. Tres igitur regulas constituemus. prima omnis propositio in qua genus species, differentia, proprium, accidens perpetuum prædicatur, est necessaria. Nam hæc vniuersalia necessario coherent cum suis subiectis, vt Marcellus est homo, homo est animal, homo est particeps rationis, homo est discipline capax, ignis est calidus. Secunda, omnis propositio in qua accidens nō perpetuum dicitur de subiecto, est contingens. Ea enim est accidentis

dētis natura vti & adesse subiecto, & ab eo emigrare possit, vt homo est studiosus. Tertia, omnis propositio in qua id quod repugnant cū subiecto, de eo affirmatiue ēfferitur, est impossibilis, vt homo est lapis, calidum est frigidum, humidum est siccū. Vt igitur in prima propositionis specie connexa est necessaria, in secunda, fortuita, ita in tertia remota & aliena.

### De legibus oppositarum inter se propositionum.

Ergo vt id, quod hoc loco instituimus, commodius fieri possit, operē pretium fuerit hasce leges per certas quasdam regulas digerere, atq; distributere. Itaq; cum quatuor sint inter se oppositarum propositionum differentia, consentaneum erit, quatuor quoque regulas de ipsis constituere, vt unicuiq; differentie sua respondeat regula. Prima igitur regula erit de lege & natura contrariarū: secunda de lege & natura subcontrariarum: tertia de lege & natura cōtradictoriarum: quarta vero, atque vltima de lege & natura subalternarū. Sed & illud obiter occurrit admonendum, non esse harum regularū vllam exactam demonstrationem hic exigendam, vt nec in sequētibus vsquā vbiq; regule propositae fuerint: quippe quod id supra vires prorsus captumque esset eorum, qui primis adhuc huius disciplinae rudimentis imbuendi sunt atque formandi, Satis autem fuerit, si idoneis tantum exemplis vtcunque declarantur. Quod profectō si vbiq; obseruet; nō paruum ex eo (ni fallor) sentient profectum tū auditores, tum etiam lactores, nō modō ad eruditionem ipsam, verum etiam ad sermonis facultatē: tum & releuabuntur interim & hi, qui docent artem, & qui eam docentur.



ERGO *ut id*] Hoc capite Celsarius regulas de quibus dicturus est, proponit.

## SEQVUNTUR REGVLAE.

Prima regula de lege, & natura contrariarum.

Si duarum contrariarum una vera est, reliquam esse falsam est necesse, at id quidem conuertitur minime. Nā possunt duę huiusmodi propositiones simul esse falsę, ut in materia contingenti proinde si hæc est vera omnis homo iustus est falsa erit ea quę proponit, nullus homo iustus est. Sed ill id, ut dictū est non conuertitur. Nō enim si falsa est, quę dicit, omnis homo iustus est, vera iā erit de necessitate ea, quę dicit, nullus homo iustus est. Fieri nanq; potest, ut vtraque sit falsa. Esto igitur disciplinę gratia, ut aliquis homo sedeat tūc falsa erit hæc quę dicit, nullus homo sedet. Esto rursus, at per idē tempus aliquis homo nō sedeat, tunc hæc quoq; falsa erit quę dicit, omnis homo sedet. Hac itaque concessa hypothese, falsa erit hæc, omnis homo sedet, falsa itidem ea quę dicit, nullus homo sedet. Et sunt hæc quidē per definitionē inter se contrarię. Qua propter contrarias propositiones aliquādo quidē falsas simul esse nihil prohibet, esse autem simul veras est impossibile.

SI DUARVM contrariarum.] Duę propositiones contrarię non possunt simul esse verę, sed possunt simul esse falsę. Ratio primę partis est, (et si hoc quidam, ut principium ponunt) quia si duę propositiones contrarię essent simul verę, duę sub contrarię essent simul falsę, quod Dialectici pro incommodo habent. Id ego exempli causa sic doceo. Sit hæc vera (ut est) omnis homo sentit, oportet ergo illius contradictoriam esse falsam, quę est, quidā homo non sentit.

sentit. Sit item hec vera, nullus homo sentit, eius contradictoria erit falsa, quę est quidam homo sentit, At he, quidam homo sentit, quidam homo non sentit, sunt subcontrarię, ergo subcontrarię sunt simul falsę. *Fieri enim potest.*] Demonstrat Cęsarius duas contrarias propositiones posse simul esse falsas, hac ratione. Duę subcontrarię possunt consentire in veritate, ergo duę contrarię possunt cōsentire in falsitate. Antecedens ita docet, particularis affirmatiua potest esse vera, igitur vniuersalis negatiua eius contradictoria erit falsa: particularis negatiua potest esse vera, ergo vniuersalis affirmatiua erit falsa. Quocirca duę contrarię possunt simul esse falsę. Consciendum est itaque ex hac regula, cōtrarias propositiones pugnare in veritate.

Secunda regula de lege & natura  
sub contrarium.

Si duarum subcontrariarum vna falsa est, reliquam veram esse necesse est. Verum nec id vnquam recurrit. Quandoquidem duę sub cōtrarię simul verę esse possunt, vt in materia contingenti. Quocirca si hac falsa est, quidam homo est iustus, vera protinus erit ea, quę dicit, quidam homo non est iustus. Atqui id (vt dictum est) non recurrit. Nam non oportet, si vera est quę dicit, quidam homo est iustus, falsam continuò eam esse quę dicit, quidā homo non est iustus. Siquidē vtraque vera esse potest. Eslo igitur, falsa sit ea quę dicit nullus homo sedet, mox iā vera erit ea quę dicit, aliquis homo sedet. Similiter autem ac per idem tempus falsa sit ea, quę dicit, omnis homo sedet, iā tū vera erit hec, quidam homo non sedet. Erunt igitur iuxta datam hypotheseim ambę simul verę, & hec quę dicit, quidā homo sedet, & quę dicit, quidam homo non sedet, & sunt inter se subcontrarię. Quocirca sub contrarias propositiones

non continuo intelligitur, de quo dicatur, ita ut aut affirmari, aut negari possit, idcirco neque veritati, neque falsitati obnoxia est quare nec propositio ex ea sola constare unquam potest, nisi forte de eo dicatur de quo solo intelligi potest id quod dicitur, ut cum dicimus, Pluit aut ningit, hoc quod dicitur, pluit aut ningit utrunque; aut verum esse potest, aut falsum, & per hoc negari aut affirmari, licet nihil addamus, quia notum est qui pluat aut ningat, nempe Deus aut natura. Cum vero dicimus, disputat, aut legit, aut loquitur, in nullo horum certum aliquid intelligitur. Qua propter nec verum, nec falsum dici potest, quamvis etiam de homine intelligi possit quod dicitur, disputat, aut legit, aut loquitur: quia tamen non de vno certo aliquo dici potest, idcirco subdendum est nomen alicuius hominis, ut plenum sit quod dicitur, Prima igitur & secunda verbi persona, quia de homine tantum etiam certo intelliguntur, idcirco solæ dictæ possunt aut verum aut falsum significare. Tertia vero persona verbi, ut nec de solo intelligitur homine, ita nec solæ dici potest, hac per hoc nec ex sola, nisi admodum rarèter (ut dictum est) propositio constitui potest.

SE D & hoc loco] Hec questio ex superioribus nascitur, dictum est enim ex nomine, & verbo perfectam constare orationem. *Perdisputo autem disputas.*] huic loco ex perpendiculo repugnare videtur Aristoteles quarto. cap. 1. lib. de interpretatione. Quo loco scribit nomen, & verbum dictionem esse solum, Quo circa ex hoc verbo disputo, oratio constitui non potest, Id sic dissolvitur, nomen aut verbum, ut per se inspicitur, & nihil intelligitur, est tanquam dictio, sed ut aliquid subauditur, oratio esse potest. Quemadmodum

Quin-

Quintilianus lib. 1. cap. de virtutibus, & vitij orationis ait: Solæcismus constat vno verbo non tamē solo verbo, nisi ad aliud referatur. *Id circo subdendum.* ] Mea quidem sententia locus hic non est ita strictim intelligendus, vt in verbis secunde, & tertie persone quorum actio soli vni conuenit, necesse sit certum, & singulare subiectum exprimere, vt perfecta constituatur oratio. Quinimo existimo hanc esse perfectam orationē legis, legit sine nulla hominis expressione. Nisi enim hoc fateamur nō sibi cōstabit. Cæsarius hoc enim eodem cap. dixit disputo disputas esse perfectā orationem.

Vtrum, quoties ex nomine, & verbo propositio constituitur, ipsum nomen non alterius  
quàm recti casus esse possit.

Rursus & alia nunc quæstio emergit, præcedenti haud multum absimilis, quæ huiusmodi est. Vtrum nomen, ex quo cum verbo propositio conficitur, solū, recti casus esse debeat; an alterius quoque cuiuslibet obliqui casus esse possit. Huic quoque dubitationi idē Martinus subtiliter obueniens, ad hunc modū respondet breuissime, vbi verò verba (inquit) illa sunt, quæ impersonalia dicuntur, non iam ex recto casu sententia impletur, sit quæ propositio, sed alios casus recipit, vt disputatur cum dicitur, vt est impersonale verbum, plena omnino sententia est, si ablatiuū adiūgas, & per hoc affirmari aut negari potest, vt est, à Cicerone disputatur, à Cicerone nō disputatur. Et pænitet cū dicitur, plena quoque sententia est, si accusatiuum iungas, vt est, Ciceronem pænitet: atque de alijs quoque impersonalibus verbis, quæ vel cum eisdem, vel cum alijs cōstruuntur casibus, ad hunc modum dicendum est. Vt igitur quoties perso-

nale verbum est ex quo cū nomine propositio constituitur: ipsum nomen recti casus esse oportet, ita nō minus necesse est, quoties verbū impersonale fuerit, vt sit nōmē casus obliqui, natura verbi id ita exigēte. Sed iam ad institutum reuertamur, & quoniam modo propositio secundum qualitatem diuidatur, deinceps dicamus.

**Q V A E S T I O** hęc per distinctionem dissoluitur. Cum verbo impersonali vtimur, nomen obliqui casus esse potest, cum personali, nomen recti casus crit.

**De diuisione propositionis secundum qualitatem.**

Propositionum itaque Categoricarum, alię quidem qualitate, alię verò quantitate differentes inveniuntur. Porro secundum qualitatem differunt, quorum altera affirmatiua est, altera negatiua. Affirmatiua quidem propositio est, in qua aliquid de aliquo prædicatione enuntiatur, Vel in qua prædicatū affirmatur de subiecto, vt Plato Philosophus est. Negatiua vero, in qua aliquid ab aliquo prædicatione seungitur. Vel in qua prædicatum negatur de subiecto vt Plato Philosophus non est. Hic nanq; de Platone negatur philosophus, vt prædicatū de subiecto apposito ad verbum substantiuum (quæ utique potior pars prædicati est) negandi aduerbio, cuius quidē hęc vis esse perhibetur: vt quicquid post se inuenit, tollat prorsus, & eius oppositionum reponat.

**PROPOSITIONVM.]** Secūda hęc diuisio propositionis dicitur secundum qualitatem, quia, affirmatio & negatio ad qualitatem pertinent propositionis. Nam secundum variam verbi dispositionem, varius est modus enuntiandi. Affirmatiua propositio.] Aristoteles primo de interpretatione



tatione tenui admodum discrimine affirmationem, & negationem separauit. *καταφασις δ' ἐστὶν, ἀπὸ φωνῆς τινὸς κατὰ τινος, ἀποφασις ἐστὶ ἀπὸ φωνῆς τινὸς ἀπὸ τινός.* Affirmatio est enuntiatio alicuius de aliquo. Negatio est enuntiatio alienius ab aliquo. Ut enim in affirmatione prædicatum affirmatur de subiecto, ita in negatione prædicatum remouetur a subiecto. Interim tamen obseruandum eam esse negatiuam propositionem, in qua verbum principale negatur. Quare hæc non est negatiua. Homo est non iustus, sed affirmatiua habens prædicatum negatum.

De diuisione propositionis Categoriæ, secundum quantitatem.

At vero secundum quantitatem differentie huiusmodi propositionum hoc modo sumuntur, quod aliæ quidem sunt vniuersales, aliæ particulares, aliæ indefinitæ aliæ vero singulares. Sed hæc vniuersusq; vniuersalis igitur propositio est, quæ tum affirmando, tum negando vniuersaliter proponi: vel in qua subicitur terminus communis signo vniuersali determinatus ut omnis homo sapiens est, nullus homo sapiens est. Particularis verò, quæ siue affirmet, siue neget, particulariter tantum proponit, quam et alij ita describunt. Particularis propositio est, in qua subicitur terminus communis signo particulari determinatus, ut quidam homo sapiens est, quidam homo sapiens non est. Indefinita vero est, quæ absq; vniuersalitatis particularitatisve notata tam affirmando quam negando profertur, vel cuius subiectus terminus absq; vlllo signo sumitur, ut homo sapiens est, homo sapiens non est. Singularis porro propositio est, in qua de individuo, et singulari quicquam prædicatur.



idque tum affirmatiue, tñ negatiue, vt Socrates, ambulat, Socrates non ambulat. Eandem autem nonnulli hoc pacto describunt, *Propositio singularis est in qua subiicitur terminus singularis, aut certè communis, qui tamen singulariter teneatur accipiaturq;*, vt Socrates, vel homo sapiens est.

AT VERO.] Tertia diuisio propositionis, quæ dicitur secundum quantitatem, quia a notis vniuersalibus, aut particularibus, propositionis pendet quãtitas. *Vniuersalis.*] Breuius Aristot. primo capite primo lib. priorũ. *Propositio vniuersalis est, quæ significat omni, aut nulli in esse.* Nam per hanc significamus aliquid ad vniuersos, vel nullos pertinere, vt omnes homines sunt probi, nulli homines sunt probi. *Particularis.*] Sic Aristoteles particularis, ppositio est, quæ significat alicui, aut non alicui in esse, vt quedam voluptas est bona, quedam voluptas non est bona. *Indefinita.*] *Propositio indefinita sic dicta est, quia nullam habet certã quantitatem, sed quandoque pro vniuersali, quandoque pro particulari accipitur.* Est igitur hæc constituenda regula. Quando predicatum necessario cum subiecto colligetur, propositio indefinita pro vniuersali sumitur, vt iustitia est virtus, huic æquipollet omnis iustitia est virtus. Sed quãdo predicatum per accidens, & non necessario dicitur de subiecto, æquipollet particulari vel indefinitæ, vt homo est iustus, est eadem cum ista aliquis homo est iustus.

De tribus signis quæsititiuis, quibus de vnaquaque propositione quærere contingat.

Cum igitur tres sint propositionũ differentie, vt dictum est, quæ quidem sumuntur aut secundum substantiam, aut secundum qualitatem, aut secundum quãtita-  
tatem, tria quoque par est quæsititiua signa commodari, quibus apta eliciatur responsio ab eo, qui de illis inter-  
roga-

rogatus fuerit. Itaque interrogatus quispiam quæ sit hæc aut illa propositio apte conuenienterque respondebit quod sit Categorica vel hypotetica. Si vero idẽ deinde interrogatur fuerit, qualis sit, tum quoque apte, respondet, quod sit affirmatiua vel negatiua. Rursus autem si interrogetur quanta sit, recte nimirum & hæc interrogati responsio quadrabit, si dixerit, aut vniuersalis, aut particularis, aut indefinita, aut singularis. Atq; hæc quidem quanquã fortassis non tanti habentur, vt negotium facessere debeant, eo tamen pertinere videntur, vt exercitati istis interrogatiunculis nouitii huius artis veluti tyrones assuescant paulatim propositionum differentias internoscere, quod vtique momenti non nihil habet ad ea, quæ deinceps sequuntur planius percipienda.

Cum igitur.] Queadmodum propositio tribus modis diuiditur sic etiam tres sunt notæ querendi Quod est pronuntiatum prædicatorum, vel cõditionale, quale affirmatiuum, vel negatiuum quantum, vniuersale vel particulare, indefinitum aut singulare.

Quæ propositiones suis terminis conueniant, & quæ non.

Haftenus de propositione quæ Categorica dicitur eiusq; partibus atque differentiis quibusdam; restat vt quibus ipsa sit prædita affectionibus ( quas passionēs iuniores vocant ) ostendamus, idq; hac præmissa diuisione, propositionũ aliæ sunt, quæ nulla terminorum participatione conueniunt, aliæ sunt quæ conueniunt quidem, it nõ ex æquo. Nempe ex his, aliæ utroq; termino participāt, vt Plato philosophus est, Plato philo-

sophus non est. *Aliæ vero altero tantum*, quod nimirum tribus modi fieri constat : quippe cum vel communis ille terminus in una propositionū subiicitur, & prædicatur in altera, vel prædicatur in utraq; vel in utraq; subiicitur. Communem autem terminum hic nunc voco, non eum qui de pluribus prædicari possit, sed qui in singulis hoc pacto participatibus propositionibus reperitur. Verū enim vero de his propositionibus, quæ altero termino vel neutro participant, nihil ad præsens : cum de his solum hoc loco agatur propositionibus, quæ utroque termino cōueniunt, id quod duobus fit modis : aut enim ordine eodem, aut per ordinis commutationem. Eodem quidem ordine participant suis terminis, quæ de eodem subiecto idem pronunciant prædicatum. Per ordinis vero commutationem, quoties qui in una subiectus est terminus, in altera fit terminus prædicatus, ut omne iustum est bonum, & quoddam bonum est iustum. Cæterum, ut ex ordinis quidem commutatione conuersio propositionum, colligitur, de qua nō multo post dicetur, ita ex constantia ordinis propositionum sumitur oppositio, de qua primum hic nunc dicamus.

HACTENUS de propositione] Cæsarius examinaturus propositionum oppositionem, triplicem proponit aliam diuisionem. Propositionum quædam utroque termino participant, ut Temperantia est virtus, Téperantia non est virtus, & secundū hanc speciem verā sumitur oppositio propositionū, Quædam neutro termino participant, ut iustitia est virtus. Temperantia non est vituperanda. Quædam altero termino cōueniunt tantum, ut virtus est laudanda virtus, non est vituperanda. Secundum hæc duo vltima membra nulla sumitur propositionum oppositio.

## De oppositione propositionum Categoricarum, &amp; quid sit.

Propositionum igitur Categoricarum utroque termino eodem ordine participantium, alie quidem contrarie sunt alie subcontrarie alie contradictorie, alie vero subalterne. Contrarie sunt duae propositiones vniuersales, alia quidem affirmatiua, alia, vero negativa, eiusdem subiecti pariter & predicati, ut omnis homo iustus est, nullus homo iustus est. Subcontrarie vero propositiones, duae particulares, altera quidem affirmatiua, altera vero negativa, eiusdem subiecti pariter & predicati: ut quidam homo iustus est, quidam homo iustus non est. Contradictoriae autem propositiones duae, vniuersalis & particularis: vniuersalis quidem affirmatiua, particularis vero negativa, vel vniuersalis quidem negativa: particularis vero affirmatiua, eiusdem subiecti pariter & predicati, ut omnis homo iustus est, quidam homo iustus non est: vel, nullus homo iustus est, quidam homo iustus est. Subalterne porro sunt propositiones duae, ambae quidem aut affirmatiua, aut negativa: sed ex his altera quidem vniuersalis est, altera vero particularis, eiusdem subiecti pariter, & predicati, ut omnis homo iustus est, quidam homo iustus est, vel, nullus homo iustus est, quidam homo iustus non est, Oppositio igitur est, ut ex praedictis patet, duarum propositionum Categoricarum repugnantia quadam, vel qualitate tantum, vel quantitate tantum, vel qualitate simul & quantitate. Toties enim sibi inuicem aduersantur dictae Categoriae propositiones. Quarum quidem oppositio,

*ut veluti oculis exposita habeatur figuram ex quatuor angulis constitutam, subiacere non grauabor.*

(PROPOSITIONVM) Diuidit eas propositiones quę cōsentiunt in vtroque terminō, in contrariās, contradictorias, subalternas, & sub cōtrarias. Finitiones harum ex finitionibus propositionis vniuersalis, particularis indefinitę, perspicuę sunt. *Toties enim.*) Cæsarius hoc loco cōmunem Philosophorum scolām secutus est. Aristoteles autem xv. cap. ij. priorum constituit quatuor oppositiones secundum locutionem & voce secundum veritatem duas tantū contrarias & contradictorias. Subcontrarię enim & subalternę non sunt proprię oppositę, quia possunt simul esse verę. Sequens figura propositionum oppositarum pugnam, in quantitate, & qualitate perspicuē ostendit.

Om̃is homo		Nullus homo
iustus est	Contrarię	iustus est.

Subalternę	Contra	Contra	Subalternę
	dictoria	dictoria	

Quidam homo	Subcontrarię	Quidam homo
iustus est.		iustus non est.


De triplici propositionum materia.

SED priusquam harum inter se oppositarum propositionum leges (quas vocant) exponamus, commo-  
nendus

nendus interim probus lector est, ipse videlicet propositionis triplicem esse materiam, naturalem, contingentem, & remotam. Voco autem materiā propositionum hoc loco, earum utrunque terminum, subiectū, inquam, & prædicatum. Quidam vero definiunt habitudinem, quæ est prædicati, ad subiectum. Naturalem igitur materiam esse dicunt, quoties prædicatum est de essentia subiecti, aut certè proprium eius, ut homo est animal, homo est risibilis. Contingentem vero, quoties prædicatū subiecto, aut adesse, aut abesse potest præter subiecti corruptionem, ut Socrates ambulat. Remotam autem, quando prædicatum ipsi subiecto nullo modo cōuenire pōt, ut homo est lapis. Itaque sciendum quod iuxta primā quidē habitudinē necessariæ propositiones dicuntur, quarum ut affirmationes semper veræ sunt, ita negationes perpetuò falsæ. Iuxta secundum autem contingentes seu accidētariæ, quarum proinde tam affirmationes quam negationes incertæ sunt tum veritatis, tum falsitatis, nisi suppositione facta, aut quod prædicatur accidens sit inseparabile. Iuxta tertiam verò impossibiles: quarum ut affirmationes quidem falsæ semper, ita negationes semper veræ.



*Omnis hō iustus est*      *Pugnant in qualitate tantum contrarie*      *Nullus hō iustus est*



*Quidam hō iustus est*      *Subcontraria pugnant in qualitate tantum*      *Quidam hō iustus est*

QVONIAM Cæsarius dicturus est propositiones contrarias posse simul esse falsas, & subcontrarias simul esse veras, ideo distinguit multiplicem propositionis materiã. Est autem materia hoc loco, habitudo prædicati subiectũ. Aristoteles octauo cap. j. lib. priorum, & vltimo cap. primi libri de interpretatione, ex triplici rerum natura, triplicem constituit propositionem. Omnis enim res aut est necessaria, aut contingens, aut impossibilis. Tres igitur regulas constituimus. prima omnis propositio in qua genus species, differentia, proprium, accidens perpetuum prædicatur, est necessaria. Nam hæc vniuersalia necessariò coherent cum suis subiectis, vt Marcellus est homo, homo est animal, homo est particeps rationis, homo est discipline capax, ignis est calidus. Secunda, omnis propositio in qua accidens nõ perpetuum dicitur de subiecto, est contingens. Ea enim est accidentis

dētis natura vti & adesse subiecto, & ab eo emigrare possit, vt homo est studiosus. Tertia, omnis propositio in qua id quod repugnant eū subiecto, de eo affirmatiue effertur, est impossibilis, vt homo est lapis, calidum est frigidum, humidum est siccū. Vt igitur in prima propositionis specie connexa est necessaria, in secunda, fortuita, ita in tertia, remota & aliena.

### De legibus oppositarum inter se propositionum.

Ergo vt id, quod hoc loco instituimus, commodius fieri possit, operē pretium fuerit hasce leges per certas quasdam regulas digerere, atq; distribuere. Itaq; cum quatuor sint inter se oppositarum propositionum differentie, consentaneum erit, quatuor quoque regulas de ipsis constituere, vt unicuiq; differentie sua respondeat regula. Prima igitur regula erit de lege & natura contrariarū: secunda de lege & natura subcontrariarum: tertia de lege & natura cōtradictoriarum: quarta vero, atque vltima de lege & natura subalternarū. Sed & illud obiter occurrit admonendum, non esse harum regularū vllam exactam demonstrationem hic exigendam, vt nec in sequētib; vsquā vbiq; regule propositæ fuerint: quippe quod id supra vires prorsus captumque esset eorum, qui primis adhuc huius disciplinæ rudimentis imbuendi sunt atque formandi, Satis autem fuerit, si idoneis tantum exemplis vtcunque declarantur. Quod profectō si vbiq; obseruet; nō paruum ex eo (ni fallor) sentient profectum tū auditores, tum etiam lactores, nō modo ad eruditionem ipsam, verum etiam ad sermonis facultatē: tum & releuantur interim & hi, qui docent artem, & qui eam docentur.

# DE PROPOSITIONE

ERGO *ut id*] Hoc capite Celsarius regulas de quibus dicturus est, proponit.

## SEQVUNTUR REGVLAE.

Prima regula de lege, & natura contrariarum.

Si duarum contrariarum una vera est, reliquam esse falsam est necesse, at id quidem conuertitur minime. Nā possunt duę huiusmodi propositiones simul esse falsę, ut in materia contingenti proinde si hæc est vera omnis homo iustus est falsa erit ea quę proponit, nullus homo iustus est. Sed illud id, ut dictum est non conuertitur. Nō enim si falsa est, quę dicit, omnis homo iustus est, vera iam erit de necessitate e a, quę dicit, nullus homo iustus est. Fieri namq; potest, ut utraque sit falsa. Est igitur disciplinę gratia, ut aliquis homo sedeat tūc falsa erit hæc quę dicit, nullus homo sedet. Est rursus, at per idē tempus aliquis homo nō sedeat, tunc hæc quoq; falsa erit quę dicit, omnis homo sedet. Hac itaque concessa hypotthesi, falsa erit hæc, omnis homo sedet, falsa itidem ea quę dicit, nullus homo sedet. Et sunt hæc quidē per definitionē inter se contrarię. Qua propter contrarias propositiones aliquādo quidē falsas simul esse nihil prohibet, esse autem simul veras est impossibile.

SI DUARVM contrariarum.] Duę propositiones contrarię non possunt simul esse verę, sed possunt simul esse falsę. Ratio primę partis est, (et si hoc quidam, ut principium ponunt) quia si duę propositiones contrarię essent simul verę, duę sub contrarię essent simul falsę, quod Dialectici pro incommodo habent. Id ego exempli causa sic doceo. Sit hæc vera (ut est) omnis homo sentit, oportet ergo illius contradictoriam esse falsam, quę est, quidā homo non sentit.

sentit. Sit item hec vera, nullus homo sentit, eius contradictoria erit falsa, quæ est quidam homo sentit, At hæc, quidam homo sentit, quidam homo non sentit, sunt subcontrariæ, ergo subcontrariæ sunt simul falsæ. *Fieri enim potest.* ] Demonstrat Cæsius duas contrarias propositiones posse simul esse falsas, hac ratione. Duæ subcontrariæ possunt consentire in veritate, ergo duæ contrariæ possunt consentire in falsitate. Antecedens ita docet, particularis affirmatiua potest esse vera, igitur vniuersalis negatiua eius contradictioisa erit falsa: particularis negatiua potest esse vera, ergo vniuersalis affirmatiua erit falsa. Quocirca duæ contrariæ possunt simul esse falsæ. Consciendum est itaque ex hac regula, cōtrarias propositiones pugnare in veritate.

Secunda regula de lege & natura  
sub contrarium.

Si duarum subcōtrariarum vna falsa est, reliquam veram esse necesse est. Verum nec id vnquam recurrit. Quandoquidem duæ sub cōtrariæ simul veræ esse possunt, vt in materia contingenti. Quocirca si hæc falsa est, quidam homo est iustus, vera protinus erit ea, quæ dicit, quidam homo non est iustus. Atqui id (vt dictum est) non recurrit. Nam non oportet, si vera est quæ dicit, quidam homo est iustus, falsam continuo eam esse quæ dicit, quidā homo non est iustus. Siquidē vtraque vera esse potest. Eslo igitur, falsa sit ea quæ dicit nullus homo sedet, mox iā vera erit ea quæ dicit, aliquis homo sedet. Similiter autem ac per idem tempus falsa sit ea, quæ dicit, omnis homo sedet, iā tū vera erit hæc, quidam homo non sedet. Erunt igitur iuxta datam hypothesim ambæ simul veræ, & hæc quæ dicit, quidā homo sedet, & quæ dicit, quidam homo non sedet, & sunt inter se subcontrariæ. Quocirca sub contrarias propositiones

tionem simul quidem veras esse possibile est, at qui simul esse falsas, est impossibile.

Si duarum Propositiones subcontrarie verę simul, falsę autem esse non possunt. Pugnāt itaque falsitate, non autem veritate. *Esto igitur.* Docet duas subcontrarias possē simul esse veras. Dux cōtrarię possunt simul esse falsę, ergo dux subcontrarię possunt simul esse verę. Nam si vniuersalis affirmatiua est falsa, particulis negatiua erit vera, & si vniuersalis negatiua est falsa, particularis affirmatiua similiter erit vera: quod fit ut dux subcōtrarię possint simul esse verę.

### Tertia regula de lege & natura contradi- ctoriarum:

Si duarum contradictoriarum vna est vera, reliquam esse falsum est necesse: & contra, si vna falsa est, reliquam protinus veram esse oportet. Non enim simul aut verę vnquam, aut falsę esse possunt. Quę quidem regula, quoniam per totam artem logicam principij loco habetur, vix vllis vel exēplis est cōprobanda. Si cui tamen hoc etiam in animo sederit, vt exēpla omnino subiiciantur, poterit hic per se haud difficulter ea ex duabus superioribus mutuari cōmodissime. Nam hęc ipsa regula cū duabus illis quę diuersas alioqui naturas inter se habent, conuenit quoquomodo, partibus videlicet hincinde suis, quę duę sunt, quarū quidē vna est, quod contradictorię inter se propositiones nūquam simul verę esse possunt, quę certē lege contrarię etiam tenentur. Altera verō, quę duę cōtradictorię nunquam possunt simul esse falsę, quā legem profectō subeunt & subcontrarię. Vnde hęc etiā regula primo vtique loco collocāda erat, vt quā niteretur reliquę, veluti in edificio



*edificio tectum & parietes basi & fundamento, Verum enimvero eum nunc ordinem tenere in his libuit, quem passim in gymnasiis literarijs observant id quod & in alijs quoque haud inuitè facimus, quantum quidem rei ratio ferat permittatur: nisi quod, quàm maxime possumus, barbariem ubiq; vitare studemus, quod & alios plerosque facere video, sed multo felicius, in bonis literis iuvandis. Hec siquidem vt semel introducta, causa proculdubio fuit abolitionis penè omnium bonorum studiorum, ita explosa demum efficiet, vt omnia illa pristino suo nitore restituantur.*

SI DVARVM.] Lex propositionum contradictoriarum ex duabus prioribus colligitur. Contradicentes propositiones nec veritate, nec falsitate consentiunt vnquam. Hec lex in tota Philosophia principij loco est. Quare auditor naturæ bonitate, sine vlla probatione ei assentiri debet. Ceterum hic notare oportet, Aristotelem sexto c. primi libri de Interpretatione triplices propositiones contradictorias constituit, vniuersales vniuersaliter, vt omnis homo studiosus est, quidam homo studiosus non est. Singulares, vt Cicero est eloquens, Cicero non est eloquens, & de his hæc regula est intelligenda. Sunt etiã contradictricæ indefinitæ, vt homo est albus, homo non est albus. Et hæc, vt Aristoteles docet, possunt simul esse veræ. Quod intelligendum est, cum in vtraque propositione diuersum subiectum intelligit. Nam si idem subiectum intelligat, nunquam possunt simul esse veræ. *Quæ quidem regula.* Quemadmodum hoc est primum pronuntiatum in prima Philosophia, idem non potest esse, & non esse: ita duæ propositiones contradicentes non possunt simul esse veræ aut falsæ. Quæ de re copiose differit Aristoteles libro quarto primæ Philosophiæ.

## Q V A R T A R E G V L A.

*Si propositionum subalternarum vniuersalis sine*



affirmatiua, siue negatiua vera est, vera erit, & eius particularis, at non contrà. Si quidē nō oportet, si vera est particularis, verā esse & eius vniuersalē, vt si hæc vera est, omnis homo est iustus, & hæc quoq; vera erit, quidam homo est iustus. Rursus, si hæc est vera, nullus homo est lapis, vera etiam erit ea quæ dicit, quidam homo non est lapis. Si verò vniuersalis fuerit falsa, iā necesse non est eius particularem esse falsam; tametsi contrà, si particularis falsa est, necesse est vniuersalē quoq; falsam esse; vt si falsa est, quidam homo lapis est falsa quoque erit hæc; omnis homo lapis est. Tum etiam si falsa est quæ dicit, quidam homo non est risibilis, falsa erit & hæc, nullus homo est risibilis.

SI propositionum subalternarum.] Huius loci ratio est, quia ex veritate propositionis vniuersalis affirmatiue vel negatiue sequitur veritas particularis. Sin vero.] Propositio vniuersalis falsa non colligit necessariò particularem esse falsam, sed particularis falsa colligit vniuersalem esse falsam.

### De propopositionum æquipollentia.

Exigit hinc ratio ordinis, vt post oppositas inter se propositiones à nobis hætenus expostas, de earum æquipollentia protinus institutū prosequamur. Quandoquidem hæc facit, vt oppositæ alioqui propositiones, atque inter se tum veritate falsitateque, tum aut qualitate aut quantitate dissentientes, rursus his ipsis, veritate dico & falsitate, aut qualitate et quantitate cōueniant, consentiātq; inuicem. Ac proinde nonnulli eam definiunt, duarum propositionum Categoricarum formalem & necessariā consequentiam, idque propter negationem, vel prepositā vel postpositam, vel præpo-

fitam

*fitā simul & postpositā. Cuius insup tres regulas cōsti-  
tuunt, ex quarū prima deinde atq; secūda quartā eli-  
ciunt, quæ sit ad eas perinde atq; corollarīū quoddam.*

Q V A N D O quidem.] Ea est natura æquipollentiæ, vt  
propositiones prius oppositas consentiētes reddat. *Ac proin-  
de.*] Spectamus hoc loco propositiones æquipollentes nō ex  
termino subiecto vel predicato, vt cū dicimus, Marcus loqui  
tur Tullius dicit, sed ex natura signorū vniuersaliū, aut par-  
ticularium. Idque his verbis sermone tritis explicatur. Præ-  
contradic. post. contra præ postque subalter.

### SE Q V V N T V R R E G V L A E.

Prima regula de æquipollentia propositio-  
num inter se contradictoriarum

Quoties negatio præponitur signo siue vniuer-  
sali, siue particulari, ipsa æquipollere facit propositio-  
nes inter se alioqui cōtradictorias: vt cū sint cōtradi-  
ctoriæ hæ duæ omnis homo iustus est, & quidam homo  
iustus nō est, si earum vni præponas negationē, vt exem-  
pli causa vniuersali, ac dicas, nō omnis homo iustus est  
protinus hæ duæ, non omnis homo iustus est, & quidam  
homo iustus non est, veritate inter se aut falsitate con-  
sentiunt, ac per hoc, vt regula ipsa proponit, inuicem  
æquipollent. Eodem quoq; modo si particulari præpo-  
natur negatio, nempe huic, quidam homo nō est iustus,  
ac proinde ita dicatur, non quidam homo nō est iustus,  
eruntq; hoc pacto simul veræ, aut falsæ, omnis homo iu-  
stus est, & non quidam homo iustus nō est, quæ aliàs ve-  
ritatem inter se falsitatemq; diuidebāt. Quod quidem  
& in altera cōtradictionis parte ita venire certū est.

Q V O T I E S.] Huius regulæ hic est sensus, datis duabus  
propositionibus contradictorijs, si vni earum negatio præ-  
ponatur, illa habens negationem præpositam, redditur equi-

# DE PROPOSITIONE

pollens ei quam prius habebat contradictoriam, vt constat exemplo textus.

Vtrum iuxta primam hanc regulā de æquipollentijs, perpetuò id ita eueniat, quod illa præscribit, vt negatio proposita signo siue vniuersali, siue particulari faciat contradictorias inter se propositiones æquipollere.

Sed hic iam quæstio oritur, fortassis neq; friuolā adeo, neque omnino indigna, quæ hoc loco proponatur, examinanda tamen discutiendaque iudicio lectorum, estque huiusmodi. An hec propositio (exempli gratia) Non omnis qui dicit mihi domine domine, intrabit in regnum cælorum, iuxta præsentem regulam suæ tantum contradictoriæ æquipolleat, quæ quidē est, Aliquis qui dicit mihi domine domine, non intrabit in regnū cælorū. An potius suæ cōtrarie, nēpe huic, Nullus qui dicit mihi domine domine, intrabit in regnū cælorū. Siquidē hunc mihi sensum, nisi tamen fallor, ipse dominus in sacro Euang. vt est apud Matth. c. 7. suis illis verbis innuere, & proferre videtur, quibus dicit, non omnis quis dicit mihi, &c. quasi qui ita dicere videatur, Nullus qui dicit mihi domine domine, intrabit in regnum cælorum, nisi idem fecerit voluntatem patris mei. Neq; verò id quod hic nunc a me proponitur, & in dubium reuocatur, prorsus exemplo caret. Nam ad eundem planè modū Aurelius Aug. in 6. de ciuitate Dei lib. c. 4. contra Varronem disputat, ostendere inibi volens illum de nulla deorum natura scripsisse, cum tamen ille dixerit libros à se scriptos de natura deorum, etsi nō omni. Vnde & ita tādē idē Aug. insert atq;

con-

concludit. Restat ergo, inquiens, ut de nulla deorum natura libros scripsisse intelligatur, neq; hoc aperte dicere voluisse, sed intelligentibus reliquisse. Vbi enim dicitur, non omnis, vsitate quidē intelligitur aliqua non, sed potest intelligi, et nulla: quoniam quæ nulla est, nec omnis est, nec aliqua est. Hæc ille libro & capite paulo supra citatis. Quo in loco Ludouicus Vives, vir profectò ut varię lectionis, ita exacti iudicij, in scholis suis neundē locū hoc de suo addit, Non omne (inquiens) nihil affirmat, sed siue aliquid sit, modò aliquid non sit, siue nihil, non omne verū efficitur. Sanè hæc nobis ideò hoc loco adijcere placuit, ut studiosi artium triuialiū intelligāt earū leges non esse immutabili necessitate (ut Quintilianus verbis utar) astrictas, Quod tñ ita esse citius in hac arte, quàm vel in Grāmatica, vel Rhetorica deprehendas, quas etiam artes tres, idcirco, quod sermonum præcipuam curam agant, lacteus ille Lactantius. 3. Diuinarum institutionum libro vno nomine Logicam appellari indicat, eāq; tertiam esse philosophiæ partē dicit, cuius hæc verba sunt, Supereſt illa pars tertia philosophiæ quā Logicam vocant, idest, rationalem, in qua tota Dialectica, & omnis loquendi ratio continentur.

SED HIC.] Hoc docet, non omnes propositiones esse primę regulæ astrictas.

Secunda regula de æquipollentia propositionum inter se contrariarum.

Quoties negatio postponitur signo, præsertim vniuersali, ipsa æquipollere facit ppositiones inter se aliqui contrarias, ut quoniā contrariæ inter se sunt hæc duę, omnis homo iustus est, et nullus homo iustus est, si

## DE PROPOSITIONE

uni earū postponas negationē, vt exempli gratia huic, *omnis homo iustus est*, & idcirco dixeris, *oīs homo iustus non est*, tum quæ prius veritate ipsa haudquaquā conuenire poterant, vtpotē cōtrariæ, ambæ simul veræ esse possunt. Haud aliter eueniet, si etiamnum alteri negationem postponas, nēpe huic, *nullus homo est iustus*. *Aequivalent ergo inter se, omnis homo non est iustus, & nullus homo est iustus*: Itē *omnis homo iustus est, & nullus homo non est iustus*. Quarum proinde si vna vera est, & altera, & si falsa vna, altera quoq; falsa est.

QVOTIES negatio.] Secundæ reculæ hic est sensus. datis duabus propositionibus contrarijs, fiunt inter se æquipolētes, si signo vniuersali affirmatiuo vel negatiuo postponatur negatio. Ait Cæf. præsertim quia si signo particulari postponatur negatio, specialis nulla sumitur æquipollentia.

Tertia regula de æquipollentia propositionem subalternarum .

Quoties negatio tam præponitur quàm postponitur signo siue vniuersali, siue particulari, ipsa æquipollere facit. propositiones sibi inuicem subalternas : vt cum sint hæ duæ sibi subalternæ, *omnis homo iustus est* & *quidam homo iustus est*. item & hæ duæ, *nullus homo iustus est*, et *quidā homo iustus nō est*, vtpotē quantitate solū differētes: si de quolibet pari, et præponendo & postponendo alterutri earum negationē, ita dixeris, *Non omnis homo non est iustus*, et *quidā homo est iustus*: vel *omnis homo est iustus*, & *non quidam homo non est iustus*. Similiter, *non nullus homo nō est iustus*, & *quidā homo non est iustus*. Vel, *non quidam homo haudquaquam nō est iustus*, et *nullus homo est iustus*. Vbiq; sanē inuenies binas atq; binas ita cōstitutatas pro-

positiones, quæ inter se prius quantitate differebant, ut subalternæ, secundum eandem rursus quantitatem inter se conuenire, ac per hoc veritate simul aut falsitate consentire.

QVOTIES negatio tā.] Hæc regula sic est accipiēda, assignatis duab. propositiōib. subalternis, si vni earū & pponatur & postponat negatio, fiunt ppositiones equipollēte.

#### QVARTA REGVLA.

Quoties in aliqua propositione duo signa vniuersalia negativa ponuntur, alterum quidem quod ad subiectum alterum verò quod ad prædicatū referatur, ex his duobus id quod subiectum respicit, cōtrario, qđ vero ipsum concernit prædicatum, suo equipollet contradictorio. Huius quidem regulæ hmoi dant exempla. Nihil nihil est, Ex nihilo nihil fit: quorū primū iuxta regulæ præscriptū huic equipollet propositioni, quodlibet est aliquid. Secundum verò huic, ex quolibet fit aliquid, Talia sunt & hæc, nullus homo nullum animal est, nusquam nullum corpus est, nunquam nihil mouetur, & his similia. Verū quoniam talia apud idoneos & probatos autores aut rari vsus sunt, aut certè momēti non admodum magni, ea in præsentia missa facere consultum videtur, & ad propositionum cōuersionem potius trāsire, quippe cuius maior vsus in syllogismorum præsertim demonstratione habeatur.

QVOTIES in aliqua] Si duo signa vniuersalia ponantur in eadem propositione, alterum ad subiectum, alterum ad prædicatū, prius equipollet suo contrario iuxta secundā regulā, posterius suo contradictorio iuxta primā regulā.

De propositionum conuersione.

His igitur, quæ talia sunt, ut pote vulgaria prope-



modum, posthabitis, de propositionis conuersione, quæ restat adhuc, potius dicamus, ob eā causam quæ dicta est. Hæc autem a Trapezuntio hoc pacto definitur. Cōuersio est, quoties propositionis subiectus terminus is prædicatum, & prædicatus in subiectum cōuertitur. Hæc bifariam distingui, vel ex eo patere potest, quod aut in se se conuertuntur propositiones, aut in alias. Itaque cum quatuor sint propositionum genere, iuxta quatuor videlicet suprascriptæ figure angulos; ex his in se quidē cōuertuntur vniuersales negatiuæ: & particulares affirmatiuæ: in alias aut, vniuersales tum affirmatiuæ, tum negatiuæ. At verò particulares negatiuæ, nec hoc nec illo conuertunt modo, sed per aliā quandā cōuersionis formam, quæ per contrapositionē conuerso dicitur. Ex quo iam colligere quoque licet, triplicē esse propositionum conuersionem. Simplicem, qua in se propositiones conuertunt. Per accidens, qua in alias. Per cōtrapositionem, qua in se quoque conuertuntur quidem ipsæ, sed non nisi mutatis earum terminis, vt mox dicitur.

Hic igitur.] Conuersionis multiplex est usus. Quandoque enim nobis inferuit, vt syllogismos diuersarum figurarum ad se inuicem reducamus, & bene nos collegisse ostendamus. Aliquando conuersio argumenti loco est, vt nemo stultus est beatus, nemo ergo beatus est stultus. Subinde etiam conuersio adhibetur propositioni illustrandæ, vt nemo in calamitate constitutus est felix, felices ergo in calamitate constitutos putas? In se conuertuntur propositiones. Hoc est eiusdem quantitatis, vniuersalis in vniuersalem, particularis in particularem. Aut in alia.] Scilicet diuersæ quantitatis, vniuersalis in particularem. Quatuor propositionum genera.] Propositio vniuersalis affirmatiua vniuersalis negatiua, particularis affirmatiua, particularis negatiua;

## De conuersione simplici.

Dicimus ergo, quòd *simplex* quidem conuersio est, quoties conuertendę propositionis subiectus terminus in prædicatum eius, in quam conuertitur, & prædicatus in subiectum transponitur, seruata vtriusque propositionis eadẽ tum qualitate, tum quãtitate. Quo quidem conuersionis modo, duę tantum conuertuntur propositionum formę, nempe vniuersalis negatiua, & particularis affirmatiua. Vniuersalis quidẽ negatiua vt est nullum iustum malum est, nullum malum iustum est. Particularis autem affirmatiua: vt, si quoddã iustum bonum est, quoddam bonum iustum est. Neq; vero nos cõturbet, quòd quędam vniuersales affirmationes, & quędam etiam particulares negationes isto modo conuerti possunt, vt in quibus id quod proprium cuiusq; est, prædicatur, aut quod nullo modo ei potest inesse de quo prædicatur. Verum enim uero quia non fit illud vniuersaliter, nec vbique eandem vim retinet, idcirco a simplici cõuersione haud temere excluduntur, reijciunturq; . Siquidem propositionem quamlibet in se, vel in aliam conuerti, est ad eam necessario consequi aliam vt per quam fit conuersio.

.. DICIMVS ergo. ] Dicta est hæc conuersio simplex, propositio conuertens colligitur immediate ex conuersa, non ob aliquam intermediam propositionem, vt nullum vitium est virtus ergo nulla virtus est vitium. Neque vero. ] Remouet tacitam obiectionem. Propositio vniuersalis affirmatiua terminorum gratia simpliciter conuertitur, vt omnis homo est capax disciplinę, ergo omne id quod est capax disciplinę est homo. Sed huiusmodi collectiones falaces sunt, nec in omnibus verę, materiales vulgo vocantur consequentię, non formales.

# DE PROPOSITIONE

## De conuerfione per accidens.

Per *accidens* aut conuerfio dicitur, quoties propositionis *subiectus terminus in prædicatum*, & prædicatus in *subiectū* transponitur, eadem *utrisque* propositionis qualitate quidem seruata, se mutata quantitate. Sanè hoc modo duæ itidem propositionum differentie cōuertuntur solum, nēpe *vniversalis affirmatiua*, et *vniversalis negatiua*, *utraq;* videlicet in *particula* *rē* sue qualitatis. *Vniuersalis* quidem *affirmatiua*, ut si *omne iustum bonum est*, quoddam *bonum iustum est*. Etenim si vera est quæ dicit, *omne iustum bonum est*, vera est quæ dicit *quoddam iustum bonum est*, ad quā quia sequitur per conuerfionem simplicem, quoddam *bonum iustum est*, hæc ipsa nimirum & ad priorem sequetur, eritq; perinde vera. Itaque recte sequitur, *omne iustum bonum est*, ergo quoddam *bonum iustum est*, quod erat ostendendum. *Vniuersalis* vero *negatiua*, tametsi simpliciter (ut supra dictum est) conuertitur, ipsa tamen non minus, & in *particularem negatiuam* conuerti potest, ut si *nullum iustum malum est*, quoddam *malum non est iustum*, quoniam videlicet *nullum malum iustum est*. Atq; hoc ipsum profecto est, quod per *accidens* conuerti dicitur, secundo scilicet loco, & per aliud: sicut simpliciter conuerti, cum nihil aliunde petitur, aut mutatur quicquam.

PER *accidens*.] Hæc conuerfio dicta est per *accidens*, quia non accedit propositioni quantitas, seruata eadem qualitate. Nam *vniversalis affirmatiua* in *particularem affirmatiuam*, & *vniversalis negatiua* in *particularem negatiuam* conuertitur.

De conuersione per contrapositionem.

Conuersio per contrapositionem est, quoties propositionis conuertendæ terminus subiectus transit in prædicatum eius, in quam vertitur, atq; interim in huius subiectum illius transit terminus prædicatus, seruata quidem vtriusq; propositionis eadem & qualitate & quantitate, sed mutatis terminis finitis in terminos infinitos. Ad hunc certè modum duæ similiter propositionem formæ conuertuntur solum, nempe vniuersalis affirmatiua, & particularis negatiua. Vniuersalis quidem affirmatiua, vt si omne iustum bonum est, omne non bonum non est iustum. Particularis vero negatiua, vt si quoddam album non est dulce quoddam non dulce non est non album. Hinc illa conuersio per contrapositionem dicta est, vt sit perinde, atq; per terminorum oppositionem.

CONVERSIO per contrapositionem.] Hæc conuersio per contrapositionem dicta est, quia fit per terminos oppositos & contradictorios. Nam terminus finitus opponitur infinito. Huius cōuersionis apud bonos autores, quorū intelligēdorū gratia hæc traduntur præcepta nullus aut rarus est vsus.

---

## IN TRACTATVM QVARTVM DE PROPOSITIONE Hypothetica & modalī.

### P R Æ F A T I O.

**P**OST Categoricalam hætenus expositam, alteram de hinc propositionis partem aggrediamur oportet, nempe eam, quæ categoricæ e regione respondet, con-  
stituiturq;

## DE PROPOSITIONE

stituiturque. Hęc autem est, quę Gręco quidem nomine Hypothesica dicta est, Latine verò conditionalem non inepte appellaueris, quanquam Gręci nominis crebrior vsus est etiam apud Latinos. Tum etiā & de Modali agendum in hoc ipso tractatu est, sed quam fieri poterit breuissimē. Verum hęc a Categoriā non distinguitur, nisi forte secundum accidens aliquod, quo differt ab ea Categoriā, quę simpliciter quicquam in esse significat. Tamen quia plus habet fortassis difficultatis, quam vtilitatis, vt cuius nō sit admodum frequens vsus in syllogismorum contextu, quāuis, & in hac quoque partes plus satis Aristoteles occupatus fuerit: seorsim de ea, quod restare adhuc videretur, statim post Hypothesicā tractare libuit, tum vt illorum consuleremus capacitati, qui rudes adhuc huius artis huc accedunt, eius iam primum pceptis initiandi, tum vero vt eorum occurreremus mordacitati, qui nihil non improbare soleant, nisi quod ab ipsis proficiscitur, in sūsum plane ac barbarum. Sed nunc propositum exequamur.

PO R Categoriā.] Omnis propositio aut est pcedicatoria aut conditionalis, dictum est de pcedicatoria, nunc differere incipit de conditionalī, vtraque hęc propositio-  
num genera alio referenda sunt. vt enim ex pcedicatoria, syllogismus categoricus, ita ex conditionalī, syllogismus constituitur conditionalis.

De propositione Hypothesica, quid  
sit, & vnde dicta sit.

De Hypothesica quidem propositione tametsi nullus ab Aristotele tractatus relictus est, id quod & Boetius ingenue libereq; fatetur, eam tamen ipse a Categoriā ita distinguit in libro, quem περὶ ἐπιδεικνύσας inscripsit, vt illam quidem appellet simplicem & vnā, hanc autem cōpositam & cōiunctione vnā, vt quę ex pluribus

ribus Categoricalis (hoc est, simplicibus) coalescat. Unde & à quibusdam ita definitur, Hypothetica propositio est, quæ ex pluribus Categoricalis, coniunctione omnino aliqua, aut aliquo æquivalente compositis constat. Sūt qui & ita definiant, Propositio Hypothetica est, quæ plures habet Categoricalas, principales sui partes simul iunctas: ut, Si dies est, lux est. Hæc idcirco diximus Latino nomine Conditionalem appellari, quam tamen verbum verbo reddentes. Suppositariam fortassis rectius appellaremus. Nam quod Græcis hypothesis est, hoc Latinis est suppositio. Verum quia hypothesis præter cætera significata apud Græcos nonnunquam vim habet conditionis, & item causæ, ut hoc loco placuit Latinis omnibus Conditionalem potius dici, quam Suppositoriam, propterea quod huiusmodi propositio sub conditione aliquid proponit, ut si hoc est, illud est, vel si hoc est, illud non est.

PROPOSITIO hypothetica.] Quæadmodum ergo propositio simplex ex subiecto & prædicato constituitur, ita hypothetica ex duabus simplicibus componitur.

### De tribus propositionis Hypotheticæ speciebus.

Huius autem propositionis tres esse huius species inter omnes fere convenit huius artis professores, quas & Severinus Boetius ad hunc modum colligit; Omnis (inquit) hypothetica propositio constituitur vel per connexionem, vel per disjunctionem. Per connexionem rursus, aut per copulationem; aut per conditionem. Per copulationem quidem, ut ea quæ copulativa coniunctione



conneſtitur, vnde & nomen habet : vt, & dies, & lux eſt, per conditionem vero, vt quæ cōiunſtione quadam partibus interpoſita ad conſequentiam, conditionē quæ ducitur, quæ idcirco nomine peculiari Conditionalis appellatur. Per diſiunſtionē autem, vt in qua diſiunſtiua coniuñctio interueniēs, ambas prædicatiuas (hoc eſt, Categoricalas) coniungit, & per hoc Diſiunſtiua propoſitio dicitur, vt, Aut dies eſt, aut nox eſt.

H v i v s autem.] Diſtinctio harum ſpecierum à diuerſis coniuñctionibus ſumitur.

### De qualitate propoſitionum Hypotheticorum.

Cæterum quoniam omnis propoſitio, aut verum, aut falſum ſignificat, & quæadmodum Ariſtoteles docet, quicquid contigit affirmare, contingit, & negare; inquirendū & illud nunc eſt, quonam pacto hypotheticæ propoſitiones, cū affirmatione recipiant, admittant ſimul & negationē. Illud certè a nonnullis dubitatur. Itaq; dicimus, quod hypotheticæ propoſitiones aut affirmatiue ſunt, quarū principalis copula non negatur, etſi inter partes ipſas nonnunquā negatio ponitur, vt ſi homo eſt, animal eſt, itē, ſi nō eſt animal, non eſt homo. Ita negatiue dicuntur, quarum copula principalis negatur. Principalem autem copulā voco, quæ partes ſimul iungit, & certam hypotheticæ propoſitionis ſpeciem conſtituit, cuiuſmodi ſunt coniuñctiones copulatiue, diſiunſtiue, & rationales, ſeu cōdiſtioneales tum & aliæ quædā orationis partes, illis tamen æquiualeñtes. Igitur cum quis volet ex hypotheticis affirmatiuis eaſdē facere negatiuas, is toti propoſitioni nega-

*negationem præponet, quæ tamen supra copulam principalem ferri intelligatur, vt non si homo ambulat, homo mouetur, non & dies est, & lux est, non aut dies est, aut nox est. Atq; ita in his propositionibus præter contradictionem, nulla alia inuenitur oppositio, quæ a Cicerone & Boetio repugnantia appellatur.*

*ARISTOTELES docet.] Locus est iij. cap. ij. libri de interpretatione. Itaque dicimus.] In propositionibus conditionalibus affirmatio & negatio a coniunctione sumitur, vt enim se habet verbum in propositionibus categoricalis, ita coniunctio in conditionalibus: sed in categoricalis a verbo sumitur affirmatio vel negatio, ergo in conditionalibus a coniunctione. Atque ita.] Contradictio hoc loco pro affirmatione & negatione sumitur, quæ sola oppositio in propositionibus conditionalibus inuenitur. Hic enim nullam habemus rationem signorum vniuersalium vel particularium, a quibus variæ formæ oppositionis sumuntur.*

### De quatuor Hypotheticarum propositionum differentijs.

*Cum ergo affirmatio & negatio in his propositionibus non secundum partes, sumantur, videndum etiam num est, quot modis partes ipsas variari contingat penes affirmationem & negationem. Vnde & tot earum differentiæ constituendæ sunt. Itaque constant hypotheticæ aut ex duabus affirmatiuis, vt si cælum rotundum est, cælum est volubile, aut ex duabus negatiuis, vt si cælum rotundum non est, cælum non est volubile: aut ex affirmatiua & negatiua, vt si cælum quadratum est cælum volubile non est, aut ex negatiua & affirmatiua, vt si cælum rotundum non est, cælum stabile est. Quatuor igitur sunt istarum propositionum differentiæ, se-*

*quædam*

# DE PROPOSITIONE

cundum partium variationem penes affirmationē & negationem, & vt in conditionalibus id iam monstratum est, ita & in copulatiuis & disiunctiuis sese habet, quod dictum est.

Cum ergo.] Diuisio quadrimembris quam Boetius in libris differentiarum topicarum examinat.

Breuis de hisce propositionibus  
admonitio.

Sed prius quam hinc iam de veritate & falsitate harum propositionum agamus, illud tantum præmonendum duximus, quod ex his singulae duas habet partes vnā, quæ cōiunctionem ipsas coniungentē (quam principalem copulam vniōres vocant) præcedit: alteram, quæ coniunctionem ipsam subsequitur. Atque ex his rursus interdum prior pars vera est, sequens falsa, interdum contra. Nonnunquam etiam ambæ aut veræ, aut falsæ. Præter hæc autem & in conditionalibus ipsis hoc amplius præponendum subit, quod ex illis duabus partibus, ea quidē quæ prior est, & coniunctioni, Si, proximè præponitur, Antecedens dicitur, quæ verò priorem deinde partem subsequitur, ac posterior proinde pars est, Consequens appellatur.

Duas habent.] Vt in propositionibus simplicibus duæ partes sunt, subiectum, & prædicatum: ita in conditionalibus duæ partes sunt, antecedens & consequens. Antecedens est ea propositio prædicatoria, quæ sequitur immediate coniunctionem. Consequens est ea propositio simplex, quæ coniunctionē sequitur mediate. Id exempli appositione doceo. Si iustitia est, virtus est: antecedens est hæc propositio, iustitia est, consequens hæc, virtus est. Id planè intelligere necessarium est, & multis in locis vsui.

## De veritate, &amp; falsitate Conditionalis.

Itaque breuiter nunc repetamus harum propositionum definitiones, simulq; ostendamus quemadmodum sese habeant singula secundum veritatem, falsitatemq; Conditionalē igitur propositionem esse dicimus, quæ ex duabus constat Categoricalis, Si, coniunctione simul iunctis: vt si Socrates ambulat, Socrates mouetur. Conditionalium autem quoniam alia quidem affirmatiua est, alia negatiua: affirmatiua quidem vera esse cognoscitur, si oppositum consequentis antecedenti repugnat: falsa autem si non repugnat. Ergo vera quidem est, quæ dicit, si homo est, animal est, quandoquidem huius oppositum quod est, non est animal, ei plane repugnat quod dicit, homo est: falsa autem hæc, si homo est, album est. Nam non album esse, haudquam ei repugnat quod est, hominem esse. At vero si negatiua fuerit, verane an falsa sit, ex affirmatiua facile deprehendit negatione remota: id quod & in copulatiua, & in disiunctiua, cum negatiue sunt, ita quoq; euenire certum est. Quocirca vera hæc esse iudicatur, quæ ita proponitur, non si homo est, quadrupes est: quoniam eius affirmatiua falsa est. Sunt tamen qui aliter harum propositionum veritatem, & falsitatem discutiant: sed nos Trapezuntium in hoc sequi maluimus. Vtrum quia tota huiusmodi propositionū vis in consequentia, atque conditione consistat, idem hoc addunt amplius, atque idcirco, vt omnem conditionalem veram necessariam esse dicunt, ita falsam impossibilem. Itaque vera simul & necessaria hæc est, quæ di-

## DE PROPOSITIONE

*cit. Si dies est lux est; si quidem diem esse non contingit, nisi lux sit. Nec minus si ita proponas; Si volat quispiam, alas habet; atqui hæc quæ dicit, Si dies est, terra mouetur, vt falsa est, ita & impossibilis; quando non ideo terra mouetur vnquam quòd dies sit, aut dies est; sed est alia tum ratio, tum causa, cur terræ motus fiat, quemadmodum in Physicis id proditur.*

**AFFIRMATIVA vero.** ] Regula hæc ex Trapezuntio sumpta est, ex qua cōstat in propositionibus conditionali-  
bus veritatem, & falsitatem non sumi a partium veritate, aut falsitate. Hæc enim conditionalis vera est: si homo est equus, homo est irrationalis, & tamen vtræque pars est falsa, Vnde illud tritum, & peruagatum in scholis Dialecticorum est, propositio conditionalis nihil ponit esse, quia nullā partem veram aut falsam esse indicat, sed tantum consequentiæ rationē ostēdit. *Sed est alia tum.* ] Exhalationes terræ visceribus incluse. Hac de re Aristot. Plinius, & Gellius disserunt,

### De veritate aut falsitate propositionis Copulatiuæ.

Copulatiua propositio est, quæ ex duabus pluribusq; Categoricis cōstat, copulatiua cōiunctione, aut æquiualete aliquo simul iunctis, vt Socrates ambulat, & Plato disputat. Copulatiua vera quidem est, cum vtræque pars vera est: falsa autem, cum vel alterutra pars falsa est. Cæterum in definitione copulatiuæ, particula quæ erat, aut æquiualete aliquo, innuit plerasq; haberi copulatiuas propositiones, in quibus tamē non copulatiua coniunctio partes cōnectit, sed aduerbium aut temporis, aut loci, aut similitudinis. Vnde & tales propositiones ab his aduerbijs nomina sæpenumero for-  
muntur, vt aliæ quidem temporales, aliæ locales, aliæ

vera

vero similitudinis propositiones dicantur: quas tamen sub copulatiua comprehendere licet, quemadmodū sub eadem quidem etiam comprehendendi putant. propositionem rationalem: vt, *Quia sol lucet, dies est, quā proinde ita explicant. Sol lucet, & ideo dies est.* Alij autē sub conditionali eam comprehendere malunt, propter vim consequentiæ, quæ eadem est in vtraque.

**COPVLATIVA propositio.** ] Copulatiue propositionis veritatē eleganter docet Gellius viij. c. xvj. libri his verbis, in omni coniuncto, si vnum est mendaciū, etiam si cætera vero sint, totum est mendaciū. Quibus verbis indicat, ad veritatem copulatiue vtranque partem esse veram oportere, vt hæc est vera, Scipio & bis consul fuit, & triumphauit.

De veritate, & falsitate disiunctiuæ

propositiones.

Disiunctiua propositio est, quæ ex duabus pluribusq; constat Categoricis, coniunctione disiunctiua si uel inunctis, vt *Socrates ambulat, vel Plato disputat:* quam veram quidem iuniores esse dicunt, si alterutra tātūmodo pars vera fuerit, falsum autem si pars vtraq; fuerit falsa. Et ad hunc quidē modū de Disiunctiua propositione loquuntur hi maxime, qui hac tempestate Dialecticam docent: cum tamen Boetius, & ante hunc M. Cicero aliā huius propositionis significationem esse tradant, atq; eā esse dicant, quæ ex repugnantibus inter se Categoricis constituta sit: cuius proinde posita pars vna interimit alteram, & interempta vna alteram ponit: vt, *Aut dies est, aut nox est.*

**QVAM veram.** ] Vnde hoc iactatum in scholis est, propositio disiunctiua est vera: cuius altera pars est vera: *Quæ ex repugnantibus.* ] Repugnantia dicuntur, quæ idem competere non possunt, ex quibus oportet omnem propositionē



## DE PROPOSITIONE

disiunctiuam propriam constare: nam disiunctiua si verbi-  
vim spectes, sic dicta est, quasi veritatem, & falsitatem disiun-  
gat. Quocirca hæc non est proprie disiunctiua, aut homo  
est, aut ambulat.

De propositione Modali, sed prius quid sit  
Modus, a quo dicta videtur huius-  
modi propositio.

Sequitur propositio Modalis, quæ ut nomine ipso  
patet, a modo dicta est. Porro modus a quibusdam de-  
finitur, adiacens rei determinatio. Quæ modi definitio  
hunc præ se ferre videtur intellectum, Modus (ut hoc  
loco accipitur) dictio est adiectitia, quæ rem quampiam  
determinat. Rem, inquam, hoc est, vocem, quæ rei alicuius  
significatiua est. Verbum autem determinat, positum  
est, ut sic idem quod explanat, aut certe distinguit, quod  
nimirum faciunt tam aduerbia ipsa quàm nomina adie-  
ctiua. Nam ut Priscianus, ait hoc est aduerbium ver-  
bis, quod adiectiua nomina appellatiuis nominibus ad-  
iuncta: ut cum dico, prudens homo, hominem, quidem  
aliquem designo, non tamen quamlibet, sed eum, qui  
prudencia præditus est. Sic etiam cum dico, prudenter  
agit, agere quidem aliquem innuo, at cum hoc simul ex  
plano atque distinguo, agere videlicet, non utcumque, sed  
prudenter. Itaque modus hoc loco nihil aliud est, quam  
aut adiectiuum nomen, aut aduerbium. Itaque, & hic  
nunc prius quam ad reliqua pergamus, operæ pretium  
fortassis fuerit adicere ex Diomede Grammatico, quod  
Scaurus vetus aut or ipsum aduerbium non alio pacto  
(quàm nos paulò supra modum) definiat. Aduer-  
sum est (inquit) modus rei adiectiuus, ipsum pronun-  
tiatione.

tiatione definiens, hoc est terminans, veluti recte, diligenter, optime.

SEQUITUR. In modalibus propositionibus præclara ingenia remoranda non sunt. Plus enim habent ostentationis, quam utilitatis, cuius per multi auditores audiores, quam veritatis sunt. Sat igitur fuerit iuuenem, qui ad sublimiores properat facultates primoribus (ut aiunt labris) has degustare.

Qui modi proprie Modales efficiant.

Cæterum cum aduerbium ipsum verbum determinat, id facit aliquoties quidem ratione rei, hoc est, significati ipsius verbi, quod per eius participium explicatur. Aliquando ratione tēporis, quod verbū con significat. Aliquoties ratione modi verbi, quo scilicet varia in nobis designatur affectio prout animus noster nunc ad hoc, nunc ad illud se inclinat, quam Græci proinde multò significatius ἐγκλίσις, id est, inclinationem, nos modum appellamus, ut cum optamus quippiā, aut aliquem hortamur. Aliquoties vero ratione compositionis verbi, quæ quidem in ipso verbo intelligitur, quatenus verbū substantiuum intra se includit: de quo ita Aristoteles in principio fere eius operis quæ περὶ ἐρμηνείας, id est, de interpretatione inscribitur. Nam si ipsum, inquit, est, verbum purum dixeris, nihil quidē est: significat autem compositionem quandam, quam sine compositis, hoc est, extremis, nō est intelligere. Quo fit, ut ex hac multiplici aduerbij determinatione, multiplices quoque modi colligantur. Attamen ex omnibus his nulli tales sunt, qui modales propositiones efficere constituentque possint præter quatuor, siue adverbialiter eos, siue nominaliter expresseris, quæ sunt possibile, impossi-

bile, contingens, & necessarium. Nam cum dicit quispiam: Plato grauitèr disputat, aut homo albus currit, modus quidè in vtraque propositione positus, neutra tamen ex ipsis modalis dici debet: quoniam non tota vtriusq; propositionis compositio determinata est, sed pars tantum altera, vnius quidè subiectum, alterius vero prædicatum. Quare quicunque modi partem propositionis aliquam non totam eius compositionem determinent, nullo pacto eiusmodi censi debent, vt ab his modalis propositiones dicantur. Sed neque verum, neque falsum, tales habentur modi, licet ipsarum propositionum compositione determinent: quoniam in his propositionibus, quæ modis illis determinantur, oppositio & æquipollentia baud aliter sumuntur, quàm in his quæ simpliciter inesse significat, vel ideo fortassis, quod communes omnium propositionum affectiones, siue passionessint. Omnis quippe propositio aut vera, aut falsa esse perhibetur.

SED neque. ] Et si Aristoteles iij. cap. ij. libri de interpretatione, verum & falsum inter modos enumerat, tamè non constituunt modales proprie propositiones, propter eas rationes quas Cæsarius affert.

Quid sit propositio Modalis, & quomodo secundum quosdam diuidatur.

Modalis igitur propositio est, quæ modo ex his quatuor aliquo determinatur, cuiusmodi sunt possibile, impossibile, contingens & necessarium. Sane hanc ipsam, quæ iam definita est, Modalem compositam quidam appellant, quam & ita definiunt, vt sit, cuius dictum aliquo modorum determinatur: dictum quidè intelligentes id, quod ex casu accusatiuo, & verbo infini-

to constructum est, quale est cum dico, Socratem currere. Cum igitur dictū tale determinatur, huiusmodi propositio Modalis cōposita appellatur, vt cuius alterum extremorum est dictū, alterum, modus ex his aliquis, qui dicti sunt: vt, Socratem currere est possibile. Idem huic quasi ex aduerso aliam ponunt Modalem, quā diuisam appellant, & ita definiūt: Modalis diuisa est, cuius copula modo aliquo determinatur: vt, sedentē possibile est ambulare, quales etiānum propositiones simpliciter & propriē modales esse dicunt, illas autē non simpliciter, sed cōpositas. Verum non ita Aristoteles & Boetius, quorū vterque de his propositionibus, hoc est cōpositis, si tamen ita appellare libet, & grauiter & subtiliter suum instituit tractatū, de quibus etiam nos hoc ipso tractatu agemus, vt qui Aristotelē potius & Boetiū, autores haud dubie grauissimos imitari volumus, quā leuiusculos, & clamosos sophistas.

SANE.] Modalis cōposita est, quæ habet partes dicti coniunctas, & modum separatim positam, vt Cæsarem esse clementem est possibile. Et in his propositionibus, possibile ita explicatur, vt propositio possibilis, impossibile, vt propositio impossibilis. *Modalis diuisa.*] Modalis diuisa est quoties inter partes, modus aliquis ponit, vt Philosophum necesse est sapientem. Neq; leue est discrimen, si quis dumeta, & spineta garrulorum Sophistarū inspicere velit, inter propositionem cōpositam, & diuisam modalem. Nam potest (inquiunt) modalis esse vera, & cōposita ex eisdem terminis constans, esse falsa, vt hæc est vera album possibile est esse nigrum: hæc tamen falsa album esse nigrum est possibile. Hæc est cōposita, illa diuisa. Sed hæc missa faciamus: sunt enim plusquam Cimerijs inuoluta tenebris, & felicia ingenia à disciplinis reijciunt.

# DE PROPOSITIONE

Quæ sit horum quatuor modorum ad signatum  
vniuersalia, tum particularia proportio,  
siue conuenientia.

Sed vt harum deinceps propositionum inuestige-  
mus qualitatem simul, & quantitatem, vnde & earum  
deinde oppositio intelligi possit, scire operæpretium est,  
hos quatuor modos sepe dictos: magnam cum signis tum  
vniuersalibus, tum particularibus habere conuenientiam  
affinitatemque: vt exempli gratia, necesse, cum signo  
vniuersali affirmatiuo: impossibile, cum signo vniuer-  
sali negatiuo: porro possibile & contingens (qui duo mo-  
di hac in parte pro eodem passim accipiuntur) cum si-  
gnis particularibus affirmatiuis. Vnde vt signa illa  
aliarum huius generis propositionum, subiecta tantum de  
terminant, ita hi quatuor modi totam istiusmodi pro-  
positionum compositionem, quæ (vt iam supra dictum est)  
dicti nomine intelligitur.

SED vt harum.] Docet modales propositiones habere  
quandam similitudinem cum simplicibus. Nam vt in simpli-  
cibus ex signis vniuersalibus, & particularibus quantitatem  
metimur: sic in modalibus a modis quatuor, quorum im-  
possibile, & necesse, modales propositiones vniuersales con-  
stituunt, possibile & contingens particulares. Istud iam do-  
ctrinæ causæ admittamus, est tantum si verum fateri volu-  
mus, neotericorum coniunctum. Nihil enim tale ab Aristo-  
tele traditum legimus.

De qualitate simul, & quantitate moda-  
lium propositionum.

Ex his igitur, & si facile iam quibus videatur intelli-  
gere posse, vnde in his propositionibus tum qualitas,  
tum quantitas sumenda sit, tamen haud superuacuum  
erit, interim & illud admonere, quod in modalibus, tum  
affir-



affirmatio, tum negatio secundum modum sumēda est, quemadmodum in his, quæ sine modo proferuntur, atque inesse simpliciter significant, secundum verbum, hoc est, copulam verbalem: id quod & his penè verbis (ita ut solet omnia) gravissime secundū Aristotelis rationem Boetius annotavit. Quemadmodū enim (inquit) in his, quæ præter modum quicquam esse, vel non esse proponunt, esse quidem & non esse oppositiones, quædam (id est predicationes) sunt: res verò est quæ subicitur: ut in eo quod dicitur, homo est, vel homo non est, homo quidem quatenus rem significat subiectū est, oppositiones autem & predicationes sunt, est & non est, ita quoque in his quæ secundum modum aliquē dicuntur, esse quidem subiectum est, veluti res quædam: modus autem, qui de ipso esse predicatur. Nam cum dicimus, hodie pluviā esse est possibile: esse quidem iam subieciimus, possibile autē prædicavimus. Sicut igitur in illis, quæ præter modum dicuntur verbū totā vim prædicationis habet, ita in his quæ cum modo proferuntur, ipse modus. Et per hoc ut negatio in illis ad verbū fertur, ita in his ad modum ferenda est. Sed hinc ad earum transeamus oppositionem.

QUEMADMODUM] Aristo. iij. cap. ij. lib. de interpretatione sic colligit: ut se habet verbum in simplicibus propositionibus, ita modus in modalibus, at, in simplicibus a verbo sumitur affirmatio, & negatio, ergo etiam in modalibus a modo. Et hæc est plena huius cap. sententia.

### De oppositione propositionum modalium.

Opponuntur autē, & hæc quidē inter se quatuor modis. Siquidem aut contrariæ inter se sunt, aut sub-



*contrariæ, aut contradictoriæ, aut subalterne. Enimue-  
ro, vt harum oppositionem planius quisque discernere  
queat, conuenientius erit hoc pacto eas disponere, vt  
modus ipse subiecti, verbum autem siue dictum, quod  
vocatur, prædicati locū interim teneat, tametsi perin-  
de est, hoc vel illo ordine disponantur. Contrariæ igitur  
sunt vt necesse est hominē spirare, necesse est hominem  
non spirare. Subcontrariæ, vt possibile est hominem  
spirare, possibile est hominem non spirare. Contradictori-  
æ vero, vt necesse est hominē spirare, non necesse est  
hominem spirare. Subalternæ vero, vt necesse est homi-  
nē spirare, non necesse est hominem nō spirare, Quæ om-  
nia vt digesta sunt: ita sese habere subscripta figura  
monstrat luculentissime, licet modis in ipsis proposi-  
tionibus ubiq; fere variatis, idq; haud temere: quippe  
iuxta signorum respondētiam: cum tamen, si libeat, ex  
eisdem ubique modis eas describere possis, suo videli-  
cet quanque loco.*

OPPONUNTUR.] Supra admonui ex sentētia Arist.  
iij. cap. ij. lib. de interpretatione, in modalibus esse contra-  
dictorias oppositas propositiones. Boetius cætera effinxit  
species. *Contrariæ.]* Hoc exemplum non repugnat exem-  
plo cōtrariorum positorum in figura. Quia hæc propositio  
necesse est hominem non spirare, huic æquipollet, impossi-  
bile est hominem nō spirare. Quare hæ etiā contrariæ sunt:  
necesse est hominem spirare, necesse est hominem non spira-  
re. Modo id doctrinæ causa admittamus, necesse, & im-  
possibile signis vniuersalibus æquipollere. Sed dixerit ali-  
quis necesse est hominē spirare, & impossibile est hominem  
spirare, contrariæ non sunt. Nam ambæ affirmatiuæ sunt.  
Aristoteles enim docet impossibile affirmatiuum esse mo-  
dū. Hæc obiectio eodem modo diluenda est. Nam secundum  
doctrinam

doctrinam Aristotelis contrariæ non sunt. Sed hoc loco impossibile sumitur pro signo vniuersali negatiuo, & sic negatiuum efficit propositionem.

## SEQUITVR FIGVRA.

Necesse est  
hominem  
spirare.

Contrariæ

Impossibile  
est hominem  
spirare

Subalterna

Contra

dictoria

Contra

dictoria

Subalterna

Possibile est  
hominem  
spirare.

Subcontrariæ

Possibile est  
hominem non  
spirare.

De consequentijs, siue æquipollentijs propositionum modalium.

Hinc iam ad consequentias, siue (vt iuniores dicunt) æquipollentias harum propositionum transeamus. Ad quas quidem intelligēdas, duæ regulæ ab Iacobo Fabro Stapulensi traditæ, plurimū nobis adiumentum præstare poterunt, si eas animo perpendamus, simulque memoria cōmendemus, quas proinde hoc loco adiicere

ad iungere placuit. Ad idē quoq; haud dubiē faciet subiecta figura, quatuor angulis per binos diametros descripta appositis insuper quatuor ad hunc vsū inuentis vocabulis, unicuiq; angulo singulis, q̄ ob id ipsum artis vocabula haud iniuria dici possunt. Quibus tum ita dispositis scire licet omnes vnus cuiusq; anguli propositiones inter se æquipollere, ac per hoc cōsequi sese. Cæterum vt nihil quod ad hanc rem attinet, nō intelligatur plane, horum quatuor vocabulorum ars etiamnum aperienda est. Sciendum itaque quod per a vocalem intelligere debemus, negationem in his propositionibus, neque ad dictum, neque admodum ferendam esse. Et vt per e, ad dictum tantum, ita per i, solum ferenda est admodum: per u, vero ad vtrunque, Sed nūc tandem ad ipsas regulas veniamus. Quarū prima est, Si est aliqua propositio possibilis, eadem est cōtingens, atque eadem non est impossibilis, & eius contradictoria non est necessaria. Secunda, Si non est aliqua propositio possibilis, eadem non est contingens, eadē autē est impossibilis, & eius contradictoria est necessaria. Postremo autem exempla sumantur ex his propositionibus, quarum dicta æquivalent propositionibus vel singularibus, vel communibus, hoc est, quarū subiecti termini sunt aut singulares, aut communes. Verum quoties ex cōmuni terminis huiusmodi cōstituerint propositiones, tunc si tres præcedentes, vtpote de possibili, cōtingēti, & impossibili, fuerint vniuersales quarta de necessario erit particularis: at contra si præcedentes tres fuerint particulares, aut certē indefinitæ, quarta erit vniuersalis: atque id quidem est, quod ambe in-

*nuunt regule, cum in vtraque dicitur, & eius contra-  
dictoria est, vel non est necessaria.*

*SCIENDVM itaque.]* Proponit certa certis vocabula,  
quibus equipollentias modalium cognoscamus. A significat  
propositionem omnino affirmatiuam. E, negatiuā de dicto.  
I, negatiuā de modo. V, totā negatiuā, & secundum di-  
ctum & modum propositionem. *Si est aliqua.]* Ratio huius  
est, quia possibile, & contingens inter se equipollent. *Atque  
eadem.]* Ratio huius est, quia possibile siue contingens, & im-  
possibile preposita negatione alteri modorum, sunt equi-  
pollentes, vt recte sequitur: possibile est esse, ergo non im-  
possibile est esse. *Et eius contradictoria.]* Huius ratio. Si con-  
tradictoria propositionis possibilis esset necessaria, due cō-  
tradictoriæ essent simul veræ. Nam possibilis potest esse  
vera, & etiam necessaria est vera. Quare conficitur duas  
contradictorias simul esse veras. *Eadem autem.]* Quia pos-  
sibile & impossibile æquipollent, si alteri modorum nega-  
tio proponatur. *Et eius contradictoriæ.]* Huius loci ratio  
est. Si propositio aliqua non est possibilis, contradictoria  
eius est necessaria. Nam si eius contradictoria non est ne-  
cessaria posset esse falsa, & non possibilis potest esse falsa:  
ergo duæ contradictoriæ erunt simul falsæ. Siquitur figu-  
ra ex propositionibus singularibus. In quolibet artis vo-  
cabulo quatuor constituuntur propositiones, quarum pri-  
ma est possibilis, secunda contingens, tertia impossibilis,  
quarta necessaria: quæ omnes inter se æquipollent, & mu-  
tuo se inferunt. In figurā quæ ex propositionibus commu-  
nibus constat, in duobus vltimis ordinibus, scilicet subcon-  
trarijs, in quibusdam exemplaribus vocabula artis tran-  
spōsita sunt. Nam in hoc ordine, omnem hominem curre-  
re est possibile, notandum est vocabulum artis: amabimus.  
In eo vero omnem hominem non currere, notandum  
Edentuli.

# DE PROPOSITIONE

Sequitur figura ex propositioni-  
bus singularibus.

Pur	Socratem nō currere non est possibile.	Socratem currere non est possibile.
pu	Socratē non currere nō est cōtingens. Cōtra-	Socratem currere non est contingens.
re	Socratem nō currere est impossibile.	Socratem currere est impossibile.
a	Socratem currere est necesse	Socratem non currere est necesse.

Subalterna

Contra

dictoria

Subalterna

Contra

dictoria

A	Socratem currere est possibile.	Socratem non currere est possibile.
ma	Socratem currere est contingens. Subcō-	Socratem non currere est contingens.
bi	Socratē currere nō est impossibile.	Socratem nō currere nō est impossibile.
mas	Socratē non currere non est necesse.	Socratem currere non est necesse.

Se qui-

Sequitur figuræ ex propositionibus  
communibus.

Pur	Oēm hominem nō currere non est possibile.	Oēm hoīem currere non est possibile.
pu	Oēm hominem nō currere nō est contingens.	Oēm hoīem currere nō est cōtingens.
re	Oēm hoīem nō currere est impossibile.	Oēm hoīem currere est impossibile.
a	Quendā hominē currere est necesse.	Aliquē hominē non currere est necesse.

Subalternæ

Contra

dictoria

Subalternæ

Contra

dictoria

A	Oēm hominem currere est possibile.	Oēm hoīem non curre re est possibile.	E
ma	Oēm hominem currere est contingens.	Oēm hoīem nō curre- re est contingens.	deit
bi	Oēm hoīem currere non est impossibile.	Oēm hoīem nō curre re nō est impossibile.	tu
mus	Aliquē hoīem non curre re non est necesse.	Quendā hoīem curre re non est necesse.	li



# DE PROPOSITIONE

## De conuerfione modalium.

Sed & de conuerfione harum propositionum iuxta feruatum prius ordinem dicendum deinceps. In quo quidem paulo liberius expatiari liceat propter eos, qui hac in parte omnes eiusmodi ordinis propositiones, ut equipollere inter se ubique; ita & conuertere dicunt, id ipsum recte an perperam, ipsi viderint: nos vero Aristot. in primis ipsum, & post hunc Boetium, & post utrumque Iacobum Fabrum Stapul. sequentes, non per omnia id ita se habere, vel exemplis idoneis ostendemus. Insuper autem & illud nunc etiam mirari subit, quod plerique in re plane perspicua, vel acta omnino agunt, ut in proverbio est, vel certe nimia interdum prolixitate usque; adeo laborant, ut eandem rem non modo luce sua priuent, sed & obscuriorē relinquant, quam inuenerint. Contra vero, in re quae expositione aliqua indiget, vel tempus in ea prorsus male collocant, vel ita rem illam oculis (ut verum) conuenientibus praeteriunt, ut non tam negligere, quam ignorare videntur. Quid enim refert dicere, omnes propositiones in suo ordine equipollere inter se, & conuertere perinde, cum tamen haec propositiones, quae de impossibili sunt, id nequaquam admittant, videlicet ut conuertantur? Nam cum vera sit, quae dicit, omnem substantiam esse hominem est impossibile: falsa tamen erit haec, quaedam hominem esse substantiam est impossibile. Quocirca nec Aristoteles ipse de modalium conuerfione tractans, meminit usquam de propositione impossibili. Quod profecto & Iacobus Faber Stapulensis aduertentes tales regulas de homini propositionum conuerfione posuit: Si conuersa, inquit, impossibilis est, non oportet conuertentem eius esse impossibilem.

Item si cōuersa fuerit possibilis, contingens, aut necessaria, & eius conuertens possibilis, contingens, aut necessaria erit. Vnde recte fit conuersio in ea quæ de possibili aut contingenti existit, si dicamus omnem hominem esse album, est possibile, siue contingens, ergo quoddam album esse hominem est impossibile, siue contingens. Et in ea similiter id accidet, quæ est de necessario, vt omnem hominem esse mortalem est necesse, ergo quoddam mortale esse hominem est necesse. Quod quidem & alijs quoq; generibus propositionum ita veniet secundum duplicis conuersionis regulas supra positas. Atq; hoc ipsum est, quod & Aristoteles ad hunc modum proponit, ubi de istarum propositionum conuersione agit. Eodem autem modo (inquit) & de necessarijs propositionibus se habet: & in contingenti- bus, quomodo in his, quæ absolute dicuntur, hoc est, simpliciter inesse significant.

Quæ enim refertur. Propositiones vnius ordinis inter se æquipollent: & mutuo se trahunt consequio, sed non necessario inter se conuertuntur. Quia in conuersione necesse est terminum subiectum transponi in prædicatum, & prædicatum in subiectum: in æquipollentia autem satis est consequens recte colligit ex antecedente. Si conuersa. Vt ista, omnem subltiam esse hominem est impossibile. Vnde recte.] hic locus est apud Aristote. tertio capite primi libri Priorum, propositiones de contingenti, necessario, possibili, eodem modo conuertuntur, vt propositiones simplices.

Quot modis contingens dicatur.

Quoniam autem contingens quod dicitur, eandem ubiq; in his propositionibus cum possibili significationem habere cōstat haud abs re fuerit, antequam


huic tractatui finem imponamus, eius nominis multiplicem significationem breuiter exponere. Itaque sciendum, quod contingens tribus dicitur modis. Dicitur namque contingens & quod necessarium est, & quod non necessarium, & quod possibile est, Primo igitur modo contingens & necessarium idem sunt, Secundo contingens & non necessarium. Tercio contingens & possibile. Rursus autem contingens, quod secundo modo dictum est, deducitur deinde in contingens ut plurimum, siue quod frequentius est, & contingens rarum, & in contingens utrumlibet. Contingens ut plurimum est, quod in alteram partem plus vergit, ut hominem in senectute canescere. Nam id quidem frequenter accidit: potest tamen etiam non canescere iam senex quispiam factus. Vnde & contingens natum idem appellatur. Contingens rarum est, ut fodientem reperire thesaurum, Id enim si aliquando contingat, rarissimum tamen est. Contingens vero utrumlibet, quod & indifferens dicitur, id est, cum dicimus sedere quempiam aut vigilare, quod proinde ita definitur, Vtrumlibet est cuius indiscretus euentus est, hoc est, quod equaliter euenire, vel non euenire potest. Et de modalibus quidem hactenus.

ITAQUE sciendum. Tres hi modi contingentis sunt apud Aristotelem duodecimo capite primi libri Priorum, hi modi adferuntur, hoc loco, ut secundum diuersum modum contingentis, propositiones diuerso modo conuertantur.

# INTRACTATVM QVINTVM,

De Syllogismo Cathgorico.

P R A E F A T I O.

 **S**UPEREST vt ad eam tandem perueniamus huius artis partem, in qua tota vis artis sita est nempe inueniendi & iudicandi. Nam si Dialectica (vt à M. Cicerone non tã eleganter breuiterq; , quàm grauitè & verè definitur) diligens disserendi ratio est, fieri profectò non pòt, vt ab inuentione ipsa sit separata. Siquidem disserere (hoc est, disputare) diligenter nemo poterit vnquam de re quapiã, nisi inuentis à se prius argumentis, quibus disputatio ipsa fulciatur, procedatq; legitimè. Rursus autem & ob id ipsum à iudicio abesse nequit, quo is qui disserit, perpendat examinetq; tum inuentum nuper argumentum, tum ipsius disputationis instrumētum, nempe argumentationem, quod certè nisi ritè formatum fuerit parum aptum idoneumve ad disputandum adhibebitur. Porrò pars illa quæ de inuentione tractat, topice Græcè, Latinè localis dici potest. Ea vero pars, quæ in iudicando posita est, & quasdam discernendi regulas subministrat, analytice à Græcis dicitur, à nostris resolutoria. Huius rursus duplex ab Aristotele partitio traditur. Siquidem ea pars, quæ de propositionū iunctura considerat, & formam duntaxat syllogismi molit, docens interim prēmisis, quas vocant, sitè dispositis, necessario ex his cōclusionem sequi, prior analytice dicitur: quæ vero de ipsis inuentis iudicium fert, hoc est, ostendit vtrum quæ inuenta sunt, cōueniant necne rei in disputatione propositæ, posterior analytice nuncupatur: quod nimirum tribus sit modis: quippe hæc ipsa vel de necessarijs iudicat, & **Demōstratio** appellatur: vel de verisimilibus, & probabilibus, & peculiari nomine **Dialecticè** dicitur: vel de falsis &

cauillatorij, & Sophistica nuncupatur. De quibus omnibus singulatim per ordinem deinceps tractabitur, & primo quidem de Syllogismo formaque argumentationis, cuius, etiam præter syllogismum alia tres traduntur species, enthymema, Inductio, Exemplum, quæ tamen ad syllogismum ipsum, veluti ad quandam mensuram reduci solet. Quoniã autem omnis argumentatio omnisque syllogismus, propositionibus struitur, atque hæ terminis perficiuntur, à propositionibus & terminis hunc tractatũ inchoandum esse statuimus, idque etiam non absque exemplo.

Hic tractatus iudicio meo omnium est utilissimus: continet enim præcipuum Dialecticæ partem, nimirum rationationem. Nam cum tria sint Dialecticæ instrumenta, finitio, diuisio, raciocinatio; hæc est circa quã omnis labor & industria differens versatur. hunc finem & scopum semper spectamus, vt aliud ex alio conficiamus. Et si enim dialectica docet rem vniuersam distribuere in partes, latentem explicare si uidentem, obscuram explanare interpretando, ambiguum primũ videre, deinde distinguere: tamen illud multo maximum est quod tradat regulam qua vera & falsa iudicantur, & quæ quibus sint vel non sint consentanea. Cæsarivs in hac præfatione inuentionem & iudicium ad dialecticam pertinere docet. Inuentio certos locos ostendit, è quibus argumenta in rem quamque probandam aut refellendam promimus. Iudicium est quod præceptam quædam argumentandi tradit, unde cognoscimus, an inuenta thesauri conueniant necne. Ceteram, Cæsarivs ordinem naturalem turbare videtur. Inuentio est prior ordine naturæ, iudicio, vt Cicero initio Topicorum ad Trebatium docet, ergo etiam prius tractanda erat: hic autem Cæsarivs pertractat iudicium & tractatu nono inuentionem. Sinuosa & perplexa hæc est obiectio, in qua diluenda magnorum philosophorum magna ingenia impedita fuerunt, post omnium opinionones excussas & examinatas, cogitabam aliquando, an eam obiectionem hunc in modum diluere possem. Inuentio ordine naturæ prior est iudicio (prius enim inuenire oportet, deinde



deinde iudicare de inuentis.) Iudicium autem ordine doctrinę, commoditatis, facilitatis, est prius inuentione. hanc rem planius & apertius in gratiam iuniorum explico. Postquam Cęsarius exposuit voces simplices, & propositiones, ordo doctrinę & methodica ratio efflagitabat, vt argumentationem & eius formas, quę ex propositionibus constant, pertractaret, & eodem modo intelligendus est Aristoteles eo. in ordine; in quō libros Priorum & Posteriorum (in quibus de iudicio agit) præposuit libris Topicorum, in quibus inuentio continetur. Scio tamen à quibusdam ingeniosam adferri ad illū Aristotelis locū solutionem: Aristoteles in libris Priorum & Posteriorū non solum docet iudicium, sed etiam inuentionem, termini mediij in syllogismo generatim sumpti, sed in libris Topicorum docet inuentionem syllogismi dialectici: at syllogismus generaliter sumptus est prior syllogismo dialectico, ergo etiam inuētio syllogismi generatim sumpti est prior inuēctione syllogismi dialectici. Res igitur eō recidit vt duplicem constituere cogamus inuentionem: alteram pertinentē ad genus scilicet syllogismum, alterā ad speciem scilicet syllogismum dialecticū, sic etiam libri Posteriorum, vt hac exabundanti adijciā, optimo ordine præponuntur libris Topicorū. Nā in libris posteriorum Aristoteles discrit de syllogismo demonstratiuo, qui longē est nobilior syllogismo dialectico, ad eundē modū inuētio syllogismi demonstratiui, est præstātior inuēctione syllogismi dialectici, his ita præpositis ad rē redeamus *Nā si.*] Probat inuentionem pertinere ad dialecticam argumento sumpto à finitione dialecticę, quo argumēto Trapezūtius initio suę dialecticę vltus est. *Ea vero pars.*] Docet iudicium ad dialecticū pertinere. *Huius rursus.*] Cęsarius eruditē & ingeniose (vt mihi videtur) separat argumētum librorū Priorū à libris Posteriorū. Nā in libris Priorū structuram propositionum & formā syllogismi edocet, & quomodo ex his conclusio conficiatur, at in libris Posteriorum docet quomodo iudicandum sit de inuentis an themati proposito conueniant. Et si non sum nescius quid scriptum hac de re sit à numerosa interpretum turba, Thoma, Burana, Ni-



pho : mirificè tamen mihi placet hæc erudita & ingeniosa  
Cæsarij sententia.

## De propositione, materiali syllogismi principio.

Propositio igitur est oratio affirmatiua, vel negatiua alicuius de aliquo : hoc est, oratio in qua aliquid de aliquo aut affirmatur, aut negatur. Cuiusmodi sanè sunt propositiones in primis Categoricalæ, quarum quidem hæc vniuersalis est, hæc particularis illa verò indefinita. Vniuersalis quidem, quæ aut omni, aut nullo inesse quippiam significat. Particularis verò quæ aliqui, aut alicui non, aut non omni, Indefinita verò, quæ inesse quidem, vel non inesse significat, sed absque vniuersalitatæ particularitatæ sue nota.

*Propositio igitur.* ] Propositio hic finit per affirmationem & negationem, quia hic spectamus propositionem, ut pars est syllogismi, quem necesse est affirmatiuum aut negatiuum esse, nec hoc loco veritatem, aut falsitatem anxie obseruamus at in libri de interpretatione, propositio finitur quatenus vera aut falsa est. Nec incommodum est genus finiti per species quando nobis propriæ desunt differentiæ.

## De terminis.

Terminos hac in parte Aristoteles primum definit, in quos propositio resoluitur, ut prædicatum, & de quo ipsum dicitur, quod proinde subiectum propositionis appellatur: ut huius propositionis, omnis homo est animal, termini sunt homo atque animal idcirco quod

in eos principaliter ipsa resoluatur. Et termini quidem dicti sunt, veluti in agro limites, nam ut his ager finitus designatur, ita terminis propositio (ut dictum est) perficitur. Cuiusmodi sunt simplices in primis, & significatiue voces, inter quas precipue habentur nomen & verbum. Itaque in has propositio recte resoluitur, ut ex quibus composita est. Fieri enim non potest, ut alterius resolutio procedat, utpote in literas, aut in syllabas, quoniam hae, ut alibi dictum est, significatiue non sunt.

TERMINOS.] Locus hic est apud Aristotelem, primo capite primi libri priorum. Aristoteles breuitatis studioso. finitionem, & diuisionem termini simul complexus est. terminorum enim alius subiectus, de quo aliquid dicitur, alius praedicatus, qui de alio dicitur. *Et termini quidem.* Terminus propositionis dictus est per translationem a limitibus agrorum, & ab eadem similitudine. Aristoteles. iij. c. j. lib. Topic. finitionem terminum vocat, hunc terminum Ouid. lib. ij. Fastorum eleganter describit.

*Termine siue lapis, siue es desessus in agro.*

*Stipes ab antiquis in quoquo nomen habes.*

### De syllogismorum principijs regulatiuis.

Ceterum, ut ad rectam syllogismorum formationem connexionemque nosse oportet, quid propositio, quid item termini, quae ipsius syllogismi materialia principia sunt, ita quoque scire operae pretium est, quid sit omni, aut nulli inesse, siue in toto esse, & non esse, quae regulatiua principia syllogismi a quibusdam appellantur. Definitur igitur ab Aristotele in toto esse, siue de omni praedicari, quoties nihil est sumere subiecti, de quo non dicatur praedicatum, ut cum ita proponitur omnis homo est animal, ipsius hominis nihil inueniri potest, de

quo nō dicatur animal. Ergo quia de omni homine animal prædicatur, & de Socrate & Platone, imò verò & de quolibet particulari homine prædicari pōt. Ab eodē item definitur in toto non esse, siue de nullo prædicari, quoties nihil est sumere subiecti, de quo dicat prædicatum, hoc est, à quo prædicatum nō remoueat: ut in hac propositione, nullus homo est lapis, quia de omni homine negatur lapis, & de Socrate & Platone, & de alijs itē in omnibus particularibus hominibus negatur. Sane sciendum quòd in toto esse, & dici de omni, verissime se habēt. Nā si quid de omni aliquo prædicatur id de quo illud prædicatur, in toto eo est quod prædicatur, ut de omni homine animal. In toto ergo animali homo est, veluti par quædā intra suū totum latēs quoddammodo. Hactenus de principijs syllogismi, tam materialibus, quam regulatiuis nunc ad syllogismum ipsum transeamus.

DEFINITVR. ] Ex hac finitioni dici de omni, sumitur hæc regula, quicquid de subiecto quopiam dicitur, ut de omni dicitur et de quolibet contento suo subiecto. Per hoc principium confirmant syllogismi affirmatiui. Ab eodem. ] Ex hac finitione dici de nullo hac regula colligitur, quicquid de subiecto aliquo dicitur, ut de nullo remouetur et ab omni eo quod subiecto continentur, hoc principio confirmatur syllogismi negatiui.

De syllogismo quid sit.

Syllogismus est oratio, in qua quibusdam positis, aliud quiddam ab his, quæ posita sunt, ex necessitate accidit, eò quòd hæc sunt. Sane hoc pacto ab Aristotele ipso definitur syllogismus, cuius definitioni Boetius adijcit particulam, & concessis, ut sit quasi expla-

natio

natio eius, quod Aristoteles dicit, positis, id quod con-  
iunctio, & innuere videtur, quæ expositiua interdum  
cōiunctio habetur. Boetius igitur volēs. Aristotelis de  
finitionē quodāmodo explanare, syllogismū ita definit,  
Syllogismus est oratio, in qua quibusdā positis & con-  
cessis, aliud quādam præter ea quæ posita & concessa sunt,  
necessario euenit, propter ea quæ posita & concessa sunt.  
Porro per hoc quod ab utroque dicitur, aliud quiddam,  
ex necessitate accidit: ab his quæ posita sunt & conces-  
sa, significatur nobis, plane eos non esse syllogismos, qui  
ab aliquibus fiunt, hoc modo, Quicquid est homo, homo  
est: homo autem est homo, igitur homo est homo. Item, omne  
anim. est substantia, & omnis homo est animal, er-  
go omne animal est substantia. Huiusmodi sane syllogis-  
mi ridiculi prorsus sunt, ob id quod in his cōclusio non  
fit aliud à præmissis. Adiectionē præterea est, & illud  
nō temere, eo quod hæc sunt, propter eos, quæ plerūq; syl-  
logismos faciunt: in quibus aut minus, aut plus, aut aliud  
quippiam propositum est, quam proponi debuerat.

[SYLLOGISMVS est oratio.] Huius finitionis hic est sen-  
sus, syllogismus est argumentatio, in qua si quædam propo-  
sitiones concedantur, & in modo & figura disponantur, con-  
sequitur conclusio, quæ est altera a præmissis secundū for-  
mam non secundum materiam, ex necessitate consequen-  
tiæ non autem rei, siue conclusionis. Particula, positis, non  
est sic intelligenda, concessis, etsi eam Gellius & Boetius  
addiderunt, nam sic syllogismus falsum assumens, & bene  
concludens non esset syllogismus, quia falsa non concedun-  
tur. Aristoteles autem primo capite primi libri Topicorum  
docet, syllogismum assumentem falsum, & bene concluden-  
tem esse syllogismum. eū autem qui verum assumit, & male  
colligit, non esse syllogismum.

De multiplici syllogysmorum differentia.

Syllogismorum autem alius Categoricalus est alius hypotheticus. Et Categoricalus quidem est, cuius utraq; sumptarum propositionum, pariter conclusio Categoricala est. Hypotheticus verò, cuius vel altera tantum aut conclusio hypothetica est. At de hoc postea proprio quod tractatu. Rursus Categoricalarum syllogismorum alius communis est, alius qui expositorius dicitur. Communis quidem est, cuius medium, quod dicitur est terminus communis. Expositorius verò, cuius medius terminus est singularis, hoc nomine fortassis dictus, quod per ipsum quasi expositio designatioq; fiat propositionum ad demonstrationem sumptarum, Ex Categoricalis item, & his quidem qui communes dicti sunt alij sunt perfecti, alij imperfecti. Perfectus quidem syllogismus is dicitur, qui nullius alterius indiget, præter ea quæ posita sunt, ut appareat necessarium, hoc est, ut conclusio ex necessitate sequatur, Imperfectus vero qui aut unius, aut plurium indiget ad hoc, ut necessarium appareat ex his quæ posita sunt: unius quidem, verbi causa, aut conuersionis tantum, aut præmissarum transpositionis, aut reductionis ad impossibile. Plurium verò, cum ex his tribus perficiendi syllogismi instrumentis duo necessario requiruntur, Id autem quoniam fiat pacto, postea, ubi de modi syllogisticis tractabit, perspicuum euadet.

SYLLOGISMORVM.] Prima diuisio syllogismorum quæ à diuersis propositionibus sumitur. Rursus.] Secunda diuisio quæ à terminis pendet. Ex categoricalis.] Tertia diuisio quæ à figura syllogismi sumitur. Syllogismus tam perfectus



festus quàm imperfectus recipit syllogismi finitionē, & conclusio necessario sequitur, tamen id non est nobis manifestū in syllogismis secundę & tercię figurę propterea indigente reductione, ut nos bene collegisse planum fiat.

Ex quibus, & quot propositionibus syllogismus constet, & de terminorum secundum propositionem differentia, tum de triplici figurarum distinctione.

Omnis porro syllogismus, ut ex tribus terminis, ita ex tribus quoque constat propositionibus. Quarum quidem prima, maior propositio, secunda minor, tertia conclusio appellatur. Maior item & minor communi nomine præmissæ quoque dicuntur. Cæterum ex tribus terminis nequiquam tres propositiones fieri possunt, imo ne duæ quidem, nisi singulis bis sumantur, Ex his igitur, qui bis sumitur ante conclusionē, ipsam non ingrediēs, medium dicitur, ut per quē extrema in conclusione connectuntur. Aliorum autem alter maiar extremitas is terminus est, qui in maiori propositione cū medio sumptus, in conclusione de minori extremitate prædicatur. Minor verò, qui in minore propositione cū medio sumptus, maiori extremitati conclusione subiicitur. Atque id quidē ita se habet in his syllogismis siue modis quod directim cōcludere dignoscuntur, quos & ab Aristotele accepimus numero quatuordecim: quibus quinque indirectim cōcludētes Boetius autumat, vel a Teophrasto, vel ab eudemo adiectos, atque ita in summa esse decem & novem modos, Ut ergo definitio-  
nes illorū terminorū omnibus illis modis ex equo con-  
ueni-



ueniant, dicamus maiorem quidem extremitatē eum  
esse terminum, qui cum medio in maiori sumitur propo-  
sitione: minorem verò, qui in minore. Ceterum is termi-  
nus qui bis sumitur ante conclusionem, & medium vo-  
catur, si quidem subijcitur in vna sumptarum propo-  
sitionum, & in altera predicatur, primam fecit figuram  
si in vtraque predicatur, secundam: sin vero in vtraq;  
subijcitur, tertiam.

OMNIS porro.] Cū hoc loco pugnare videtur id quod  
Aristoteles docet, vigesimo sexto capite primi libri prio-  
rum, Omnis inquit, syllogismus constat ex duabus propo-  
sitionibus & non pluribus, Hoc si diluitur, Aristoteles sum-  
psit eo loco propositionē strictius pro ea quæ conclusionem  
probat, & hoc sensu conclusio non est propositio. Hic autem  
propositio latius sumitur pro ea quæ actu vel potentia con-  
clusionem probat. Ex his igitur.] Terminus medius est ner-  
uus, vinculum, & (ut ita dicam) anima syllogismi quæ inuen-  
to facile est aliud ex alio colligere, *Interdictum concludentes.*  
Indirectim concludere est quādo minor extremitas de ma-  
iore in conclusionē dicatur. Directim concludere est quan-  
do terminus maior dicitur de minore.

Quid sit figura, & quod vnaquæque figura  
modus sub se contineat.

Quod verò tres sint syllogismorum figurae, trium  
dispositio terminorum paulo ante facta planè indicare  
potest. Vnde & ita figura a nonnullis definitur. Figura  
est trium terminorum secundū debitam subiectionem  
predicationemque ordinata dispositio. Horum autem  
vnaquæque plures & hos quidem certos sub se modos  
habet, ita ut modi ipsi sub figuris sint, perinde atq; spe-  
cies sub suis generibus. Hæt igitur prima figura sub se  
autore Aristotele, modos quatuor, secūda itē quatuor  
tertia

tertia verò sex. Sed vt paulò supra meminimus, quatuor illis primæ figuræ modis, adiecti sunt alij quinque, vt essent illius figuræ nouè modi. In summa igitur modi sunt (vt dictum est) vnde viginti, ex quibus omnibus priores quatuor primæ figuræ modi, perfectos nobis subministrant syllogismos, reliqui omnes, imperfectos.

FIGURÆ S. T. ] Figura in syllogismo, varia termini medij dispositio. Nam si terminus medius subiicitur in maiore & prædicetur in minore, prima colligitur figura si bis prædicetur, secunda si bis subiiciatur tertia, perfectos. Aristoteles duos tantum perfectos modos constituit. Nam reliqui omnes ad duos priores modos primæ figuræ reducuntur. auctor Aristoteles septimo capite primi libri priorum.

Quid sit modus: & quibusdam regulis.

Hinc iam ad modos ipsos paulatim veniendum est. Vnde etiam quid sit modus definiendum prius, tum verò & certæ quædam regulæ subiiciendæ, quippe quæ modis omnibus generatim inseruire dignoscantur, itaque modum hoc pacto definiunt quidam: Modus est ordinatio duarum propositionum in debita qualitate & quantitate. Potest quidē & ita definiri, & fortassis rectius: Modus est, tum sumptarum propositionum, tum ipsius conclusionis secundum qualitatem, & quantitatem conueniens ordinatio. Porro autem quæ sit debita tum qualitas, tum quantitas, ex ipsis tandem regulis, quæ hinc sequuntur, discas licebit. Prima igitur regula est, in omni syllogismo oportet præmissarum aut alteram, aut utranque affirmatiuam esse. Secunda, in omni syllogismo oportet, præmissarum, aut alteram, aut utranque vniuersalem esse. Tertia, si aliqua præmissarum fuerit

*negatiua, & ipsa conclusio erit negatiua. Quarta, Si aliqua præmissarum fuerit particularis, conclusio quoque particularis erit. Quinta, Medium conclusionem non ingreditur vnquam.*

MODVS EST.] Quomodo figura a termino medio, ita modus ab ordinatione propositionū in debita quantitate & qualitate sumitur. *Prima autem.*] Ratio regulæ, quia ex solis negatiuis nihil syllogistice colligitur. *Tertia.*] Ratio, quia cōclusio semper sequitur debiliorem partem. eademq; est ratio quartæ regulæ. *Quinta.*] Ratio, quia in conclusione vna extremitas de alia colligitur.

De vocabulis quibusdam ad hanc rem inuentis.

Interim autem & hoc ipsum fortassis haud parum expedire videbitur, si priusquā modos ipsos aggrediamur, etiamnum aperiāmus hoc loco breuiter, quis sit illorum vocabulorū (quibus ad syllogismos propriè formandos vtimur) intellectus: quippe, qđ in his, quantum quidē ad hanc rem attinet, ars quasi latere videatur, vnde & artis vocabula appellari solent, vt alibi, quoq; annotauimus. Sciendum itaq; qđ post priores quatuor primæ figuræ modos, qui perfecti euidenteq; sunt, quicūq; ex sequētibus ab aliqua harum quatuor cōsonantium b, c, d, f, incipit, is reduci habet, vt euidēs scilicet & ipse habeatur, ad eum ex illis quatuor superioribus modum cum quo principali litere conuenit. Verum enim uero vt hec ipsa reductio facilius percipiat, adiunctæ sunt aliæ consonantes quatuor, c, m, p, s, quibus intelligi plane possit, quo modo reductio illa fieri debeat, utrū videlicet alicuius propositionis conuersione, aut sumptarum propositionū trāspōsitione, aut syllo-

syllogismo ad impossibile ducente, qui conuersiuus à quibusdam esse creditur, id quod c, litera ab his posita innuit, quemadmodum in præmissarum indicat transpositionem, p, & s, propositionum conuersionem: p, quidem, si per accidens conuertenda est propositio aliqua, s, verò, si simpliciter. Porro per quatuor vocales his consonantibus passim interpositas, quatuor propositionum genera accipere debemus, videlicet per a, vniuersalem affirmatiuam, per e, vniuersalem negatiuam per i, particularem affirmatiuam, per o, particularem negatiuam. Quibus iam expeditis, modos tandem ipsos aggrediamur.

SCIENDUM.] Hæc vocabula etsi barbariem quandam redolere videntur, tamen rem totam ob oculos ponunt & apertius declarant.

Barbara, Celarent, Darij, Ferio, Baralipon,  
Celantes, Dabitis, Fapesmo, Ferisomorum,  
Cesare, Camestes, Festino, Barroco,  
Felapton, Disamis, Datisi, Boardo, Ferison.

A, vniuersalis propositio affirmatiua.

E, vniuersalis propositio negatiua.

I, particularis propositio affirmatiua.

O, particularis propositio negatiua.

S, litera in vocabulo artis posita, significat propositionem immediate precedentem, & per vocalem donatam, esse simpliciter conuertendam, vt syllogismus reducatur. P, denotat eandem propositionem per accidens esse conuertendam.

M, significat præmissarum transpositionem, hoc est maioris in loco minoris, & contra. C, significat totum modum posse per impossibile reduci ad perfectum syllogismum: his breuiter obseruatis ars nullo negotio percipitur.

De modis primæ figuræ.

Prima igitur figura nouem habet modos, vt di-

# DE SYLLOG. CATEG.

etum est supra, sed ex his priores quidem quatuor directim, sequentes verò quinq; indirectim concludere probantur. Sane directim concludere modus tunc dicitur, cum maior extremitas de minore in conclusione prædicatur. Indirectim verò contra, cum minor de maiore. His ita præmissis cognitisq;, superest vt vnquemq; modorum deinceps suo ordine definiamus. Itaque primus modus est, in quo, datis tribus terminis, conficitur syllogismus ex duabus vniuersalibus affirmatiuis, vniuersalem affirmatiuam directim concludens. Termini quidē sunt, animal substantia, homo, vt omne animal est substantia, et omnis homo est animal, igitur omnis homo est substantia, Vocabulum autem artis, Barbara. Secundus aut modus est, in quo datis tribus terminis, conficitur syllogismus ex vniuersali negatiua maiori, & vniuersali affirmatiua minori, vniuersalem negatiuam directim concludens. Termini quidem sunt, animal, homo, lapis, vt nullum animal est lapis, omnis aut homo est animal, nullus igitur homo est lapis. Vocabulum aut artis, Celarent. Tertius modus est, in quo datis tribus terminis, conficitur syllogismus est vniuersali affirmatiua maiore, et particulari affirmatiua minore, particularem affirmatiuam directim cōcludens. Termini quidem sunt, animal, substantia, homo, vt omne animal est substantia, & quidam homo est animal, igitur quidam homo est substantia. Vocabulum autem artis Darij. Quartus modus est, in quo datis tribus terminis, conficitur syllogismus ex vniuersali negatiua maiore, & particulari affirmatiua minore, particularem negatiuum directim concludens. Termini quidem sunt,



*sunt, animal, homo, lapis : vt nullum animal est lapis, quidam autem homo est animal, igitur quidam homo non est lapis. Vocabulum autem artis, Ferio.*

PRIMA igitur. ] Aristoteles vndecimo capite primi libri posteriorum, valde cōmendat hanc figuram est enim accommodatissima ad scientiam producendam, propterea Mathematici hac maxime vtūtur. Sed cū hęc prima figura perfecta sit, & omnia genera problematum colligat, duę reliquę superuacaneę esse videntur. Hoc sic dissoluitur, nō ob id duę figurę sunt superuacaneę, nam prima maxime & sola colligit vniuersalem affirmatiuam, secunda vniuersalem negatiuam, tertia particularem affirmatiuā & negatiuam,

Sequuntur modi indirectim concludentes.

Quintus modus est, in quo, datis tribus terminis, conficitur syllogismus ex duobus vniuersalibus affirmatiuis, particularem affirmatiuam indirectim concludens. Termini quidem sunt animal, substantia, homo, vt omne animal est substantia, & omnis homo est animal, igitur quędam substantia est homo. Vocabulū autē artis, Baralipton, Et reducitur hic modus ad primum huius figurę modum conclusionē, illius per accidens cōuersa. Sextus modus est, in quo datis tribus terminis cōficitur syllogismus ex vniuersali negatiua maiori, et vniuersali affirmatiua minori, vniuersalem negatiuam indirectim cōcludens. Termini quidem sunt, animal, homo, lapis: vt nullum animal est lapis, omnis autē homo est animal, nullus igitur lapis est homo. Vocabulum autem artis, Celātes. Et reducitur hic modus ad secundum huius figurę modum, conclusionē cōuersa simpliciter. Septimus modus est, in quo datis tribus



terminis, conficitur syllogismus ex vniuersali affirmatiua maiori, et particulari affirmatiua minori, particularem affirmatiuam indirectim concludens. Termini quidem sunt, animal, substantia, homo: vt omne animal est substantia, & quidam homo est animal, igitur quedam substantia est homo. Vocabulum autem artis, Dabitur. Et reducitur hic modus ad tertium huius figure modum, conclusionem conuersam simpliciter. Octauus modus est, in quo datis tribus terminis conficitur syllogismus ex vniuersali affirmatiua maiore, et vniuersali negatiua minore, particularem negatiuam indirectim concludens. Termini quidem sunt, animal, substantia, lapis: vt omne animal est substantia, nullus autem lapis est animal, quedam igitur substantia non est lapis. Vocabulum autem artis, Fapesmo. Et reducitur hic modus ad quartum huius figure modum, maiorem per accidens, & minorem simpliciter conuersam, ac insuper premissis transpositis. Nonus modus est, in quo datis tribus terminis, conficitur syllogismus ex particulari affirmatiua maiore, & vniuersali negatiua minore, particularem negatiuam indirectim concludens. Termini quidem sunt animal, substantia, lapis: vt quidam lapis est substantia, nullum autem animal est lapis, quedam igitur substantia non est animal. Vocabulum autem artis, Frise somorum. Et reducitur hic quoque modus ad quartum huius figure modum, utraq; premissa simpliciter conuersa, insuperque transposita.

QVINTVS modus. ] In hoc capite sex modi enumerantur, qui indirectim colliguntur, quorum rarus apud bonos auctores est usus.

## De modis secundæ figure.

Secunda verò figura modos habet quatuor, quorum primus est, in quo, datis tribus terminis, conficitur syllogismus ex vniuersali negatiua maiore, & vniuersali affirmatiua minore, vniuersalem negatiuam directim cōcludens. Termini quidem sunt, lapis, animal, homo: vt nullus lapis est animal, omnis autē homo est animal, nullus igitur homo est lapis. Vocabulum autē artis, Cesare. Et reducitur hic modus ad secundū primæ figuræ modū, maiore simpliciter conuersa. Secundus modus est, in quo, datis tribus terminis, conficitur syllogismus ex vniuersali affirmatiua maiore, & vniuersali negatiua minore, vniuersalem negatiuam directim cōcludens. Termini quidem sunt, animal, homo, lapis: vt oīs homo est animal, nullus aut lapis est animal, nullus igitur lapis est homo. Vocabulum autē artis, Camestres. Et reducitur hic quoq; modus ad secundū primæ figuræ modū, minore simpliciter conuersa, ac insuper pmissis trāspōsitis. Tertius modus est, in quo, datis trib. terminis, conficitur syllogismus ex vniuersali negatiua maiori, et particulari affirmatiua minori, particularem negatiuam directim cōcludens. Termini quidem sunt, lapis, animal, homo; vt nullus lapis est animal, quidam autem homo est animal, igitur quidā homo non est lapis. Vocabulum autem artis, Festino. Et reducitur hic modus ad quartum primæ figuræ modum, maiore simpliciter conuersa. Quartus modus est, in quo datis trib. terminis, cōficitur syllogismus ex maiore vniuersali affirmatiua, et minori particulari negatiua particularē negatiuā directim cōcludens. Ter

mini quidem sunt, homo, animal, lapis: ut omnis homo est animal, quidam autem lapis non est animal, quidam igitur lapis non est homo. Vocabulum autem artis, Baroco. Et reducitur hic modus ad primum primæ figure modum, syllogismo ad impossibile ducente.

SECUNDA VERO,] Omnis syllogismi huius figuræ imperfecti sunt, & ad priores duos modos primæ figure reducendum: ut Aristoteles disertè docet quinto capite primi libri Priorum. Et reducitur hic modis.] Baroco reducitur per impossibile ad barbara, sumendo contradictorium conclusionis pro minore in barbara, & inferendo cōtradictorium minoris, ex quo conficitur, aut bonum esse syllogismum in Baroco, aut duas contradictorias simul esse veras. Id exemplo doceo, omnis homo est animal, quidam lapis non est animal: ergo quidam lapis non est homo, sic reducitur: omnis homo est animal, omnis lapis est homo, ergo omnis lapis est animal. at concessum erat, quidam lapis non est animal, igitur duæ contradictoriæ simul veræ.

### De modis tertiæ figuræ.

Sequitur tertia figura, quæ modos sex habet. Primus ex his modus est, in quo datis tribus terminis, conficitur syllogismus ex vniuersali affirmatiua maiori, et vniuersali negatiua minori, particularem affirmatiuam directam cōcludens. Termini quidem sunt, homo, animal, substantia: ut omnis homo est substantia, et omnis homo est animal, igitur quoddā animal est substantia. Vocabulum autē artis, Darapti. Et reducitur hic modus ad tertium primæ figuræ modū, minore per accidens cōuersa. Secundus modus est, in quo datis tribus terminis, cōficitur syllogismus ex vniuersali negatiua maiori, & vniuersali affirmatiua minore, particularem negatiuam directam cōcludens. Termini quidem sunt, homo

homo, substantia, lapis: vt nullus homo est lapis, omnis autem homo est substantia, igitur quædã substantia non est lapis. Vocabulum autem artis: Felapton. Et reducitur hic modus ad quartum primæ figuræ modum, minori cõuersa per accidēs. Tertius verò modus est, in quo, datis tribus terminis, conficitur syllogismus ex particulari affirmatiua maiori, & vniuersali affirmatiua minori, particularem affirmatiuã directim concludēs. Termini quidem sunt, homo, animal, substantia: vt quidam homo est substantia, & omnis homo est animal, igitur quoddam animal est substantia. Vocabulum autem artis, Diasmis. Et reducitur hic modus ad tertium primæ figuræ modum, maiore pariter & conclusione conuersa simpliciter, ac insuper pmissis trãspositis. Quartus modus est, in quo, datis tribus terminis, conficitur syllogismus ex vniuersali affirmatiua maiori, & particulari affirmatiua minori, particularem affirmatiuam directim concludēs. Termini quidē sunt, homo, substantia, animal: vt omnis homo est substantia, & quidam homo est animal, igitur quoddam animal est substantia. Vocabulum autē artis est, Datisi. Et reducitur hic modus ad tertium primæ figuræ modum, minore conuersa simpliciter. Quintus modus est, in quo, datis tribus terminis conficitur syllogismus ex particulari negatiua maiore, & vniuersali affirmatiua minore particularem negatiuã directim concludens. Termini quidē sunt, homo, animal, lapis: vt quidã homo nō est lapis, omnis autem homo est animal, igitur quoddam animal nō est lapis. Vocabulum autem artis, Bocardo: Et reducitur hic modus ad primum primæ figuræ modum, syllogismo

## DE SYLLOG. CATEG.

• *ad impossibile ducente, Sextus modus est, in quo datis tribus terminis cōficitur syllogismus ex vniuersali negatiua maiore, & particulari affirmatiua minore, particulare negatiuā directim concludens. Termini quidem sunt, homo, animal, lapis: vt nullus homo est lapis: quidam autem homo est animal: igitur quoddā animal non est lapis. Vocabulum autem artis, Ferison. Et reducitur hic modus ad quartū primæ figuræ modū, minore simpliciter cōuersa. & de modis quidē hactenus.*

*SEQVITVR tertia figura. ] Huius figurę et omnes syllogismi imperfecti sunt, & in prima figura comprobantur. Et reducitur hic modus. ]* Bocardo per impossibile reducitur ad barbara, sumende contradictōriam conclusionis pro maiore, & colligendo cōtradietōriam maioris. sit hic syllogismus doctrinæ causa in bocardo, quidam homo non est lapis omnis homo est animal: ergo quoddam animal nō est lapis. sic reduciē, omne animal est lapis, omnis homo est animal. ergo omnis homo est lapis, at prius datū fuit, quidem homo non est lapis, quō fit vt duę contradictōriæ sint simul veræ, hoc non est admittendū: ergo prior syllogismus erat bonus.

De quibusdam regulis specialibus, tum quid commune omnibus cuiuslibet figuræ modis,  
& quid cuique figuræ proprium.

*Igitur Post definitos modos, præter iam dictas regulas, aliæ restant magis speciales, nihilominus ipsis modis inscriuētes, vt quæ, veluti correlaria quedā, ex tribus expositis figuris eductæ videri possint. Quarum quidem prima est. In prioribus quatuor primæ figuræ modis, & in omnis tertię si minor fuerit negatiua, nihil sequitur. Secunda, In prioribus quatuor primæ figuræ modis, & in omnibus secundę, si maior fuerit particularis,*



cularis, nihil sequitur. Tertia, In secunda figura oportet alterutrā præmissarū esse negatiuā. Quarta, In tertia figura conclusio semper erit particularis. Sane, tum has, tum superiores illas regulas Nicephorus Græcus autor, vt alia dicendi figura, ita & grauius & artificiosius cōplexus est: Cōmune est (inquit) omnibus syllogisticis modis per tres dispositas figuras, vt cōclusio de teriore sequatur propositionem; Est autē deterior particularis vniuersali; & abdicatiua aīēte, hoc est negatio affirmatione. Atqui proprium quidē primæ figuræ est, per modos saltem directos, maiorem propositionē vniuersalem esse, & minorum semper affirmatiuā. Secundæ verò figuræ proprium est, maiorem propositionem vniuersalem esse, minorem verò dissimilis ab illa qualitatis, & colligere cōclusionem semper negatiuam. Tertiæ porrò figuræ proprium est, maiorem propositionem indifferentem esse; minorem verò affirmatiuam semper & colligere conclusionem semper particularem.

IGITUR post.] Profert quasdam regulas speciales, quæ trium figurarum, velut appendices, quædam sunt. Quarum prima.] Non valet igitur hæc collectio, nullus lapis est animal, nullus homo est lapis, ergo nullus homo est animal. Et in omnibus tertiæ.] Hæc collectio ob id nō est firma, omnis homo est animal, nullus homo est lapis, ergo quidam lapis est animal. Secunda.] Ob hanc regulam hic syllogismus non valet, aliquod animal est homo, omnis equus est animal, ergo quidam equus est homo. Et in omnibus secundæ.] Quare non valet hic syllogismus, aliquod animal nō est rationale, omnis homo est rationalis, ergo aliquis homo non est animal. Tertia.] Ratio huius regulæ est, quia ex duabus affirmatiuis in secunda figura nihil sequitur necessario, vt hæc est inepta collectio, omnis homo est animal, omnis equus est animal, ergo omnis equus est homo. Quarta.] Hæc



regula docet hanc non esse veram collectionem, omnis homo est rationalis, omnis homo est animal, ergo omne animal est rationale. *Commune est.*] Omnes hę regulę quę ad finem huius capituli sequantur, facile ex vocabulis singularum figurarum intelliguntur.

De tribus instrumentis, quibus imperfecti syllogismi ad perfectos reducuntur, breuius commemoratio.

Cum sint autem tria (vt supra diximus) instrumenta, quibus imperfecti syllogismi ad perfectos reduci possunt: nempe conuersio, pręmissarum transpositio, & syllogismus ad impossibile ducens: de his paulo altius repetere hoc loco haud inutile fuerit, ne quicquam prętermittatur, quod ad intellectum eorum, quę dicta sunt, conferre vtcunque possit. Verum enimvero quia de horum primo, vt de conuersione, tractatu tertio satis (vt arbitror) a nobis est dictum, de reliquis duobus hinc restat tractandum.

Cum sint.] Proponit tria instrumenta, quibus omnes syllogismi imperfecti, ad perfectos reducuntur. *Nempe conuersio.*] Reductio per conuersionem vel pręmissarum transpositionem, vocatur Aristotele. reductio ostensiu.

De transpositione pręmissarum,  
& quot modis fiat.

Transponuntur pręmissę, quoties ambę locum mutant, ita vt ex maiore minor, & ex minore vicissim maior fiat propositio, quod aliquando quidem contingit, alterutra, aut etiam vtraq; ex ipsis conuersa. Quo sanę modo idoneum reductionis instrumentum habetur. Aliquando verò absque alicuius conuersione: verum hoc pacto haudquaquam inter instrumenta illa, de quibus

quibus nunc loquimur, cōnumerari, debet: quin potius aliam tum vim habet, nempe per quam in omni figura modi indirecti fieri posse probatur. Quo fit, vt tōt modi esse possint indirectim cōcludentes, quot sunt qui directim concludunt. Cui quidē sententiæ illa Iacobi Fabri Stapulensis regula subscribit. At quasunque præmissas aliqua sequitur cōclusio, easdem ad easdē sequitur transpositas: id quod nunc exemplo tantum probare liceat: sitq; hic syllogismus. Omne animal est substantia, & omnis homo est animal, igitur omnis homo est substantia. Huius nanq; syllogismi si præmissa transponas, ad easdem eadē continuò sequitur conclusio, vt omnis homo est animal, & omne animal est substantia, igitur omnis homo est substantia. Quòd certe & in omnibus modis necessario ita euenire etiamnum demonstrari posset, sed nunc non est hic locus.

TRANSPONUNTUR præmissæ. ] vt fit in camestres, cum reducitur ad cælarent. Nam maior in camestres, fit minor in cælarent. Nempe per quam. ] vt fit hic syllogismus in cælarent, nullū animal est lapis, omnis homo est animal: ergo nullus homo est lapis transponēdo præmissas sine cōuersione fit hic syllogismus cōcludens indirectim: omnis homo est animal, nullū animal est lapis, ergo nullus homo est lapis. Huius nanq; ] Nā in prima figura mediū aliqñ prædicatur in maiore, & subijcitur in minore: author Trapezūtius.

### De syllogismo ad impossibile ducente.

Per impossibile verò factus ostēditur syllogismus quoties contradictio ponitur cōclusionis, & assumitur altera sumptarum propositionum, nota pariter & confessa, ex quibus deinde nēpe posita & assumpta colligitur

gitur syllogismus alteram ab assumpta concludēs: quæ quia manifestè falsa deprehenditur (quippe cuius contradictoria vera per hypothese[m] extabat vna cum assumpta) per eā alterutra perimenda venit præmissarū vt exēpli gratia, sit factus syllogismus in primo primæ figuræ modo, omne animal est substantia; & omnis homo est animal, igitur omnis homo est substantia. Huius syllogismi si cōclusio ipsa vel dubitet, vel negetur prorsus, tunc sic cōtexto syllogismū ad impossibile ducentē; quidā homo non est substantia, omnis autem homo est animal, igitur quoddā animal non est substantia. At qui hæc quoniam manifestè falsa est, sequitur alteram præmissarum falsam quoque esse, non minorem quidem; quoniam; & ipsa in altero syllogismo vera ex hypothese concessa fuit; ergo maiorem. Quare eius contradictoria quæ erat, omnis homo est substantia, vera est & hæc nimirum conclusio prioris syllogismi erat, quod erat propositum. Vnde & ex hoc etiam error eorum manifestatur, qui per c, literam superius inter artis literas positam, significari credentes syllogismū conuersiuum, eundem proinde illum existimare videntur cum syllogismo ad impossibile ducente, cum sint à se longè diuersi.

PER impossibile.] est itaque syllogismus ducens ad impossibile, cum ex opposito conclusionis probandæ cū vnâ vera & concessa colligimus vnâ[m] propositionem perspicuè falsam & impossibilem; à qua opponens regreditur ad conclusionem probandam, & sic in omni syllogismo ducēte ad impossibile, tria sunt necessaria, conclusio probanda, vt omnis homo est substantia, oppositum conclusionis, vt aliquis homo non est substantia, & id quod tanquam verissimum sumitur vt omne animal est substantia. Sequitur alteram.] Quia falsa

falsa conclusio nō colligit, nisi ex falsis præmissis. *Vnde ex.]* Syllogismus conuersiuus partim conuenit cum syllogismo ducēte ad incommodū, partim differt. Conueniunt inter se, quia ambo in omnibus sunt figuris, differunt, quia in syllogismo conuersiuo damus, & fingimus syllogismum prius factum ab apponente, sed in syllogismo ducēte ad incommodum, nullus præsupponitur syllogismus factus, vel, ut ait Philoponus in syllogismo conuersiuo, colligitur tā contrarium quā contradictorium alicuius propositionis: sed in syllogismo ducente ad incommodum, contradictorium tantum; vide Aristotelem vndecimo capite secūdi libri Priorum; quo loco legendus Philoponus.

Quod præter prædictos modos alij omnes magna ex parte a syllogisti habeantur.

Insuper & illud nunc; quantum quidem ad definitos modos attinet, adiciendum haud ab re puto, quod quicunq; modi contra prædictas syllogismorū formas siue leges fiunt, ordinanturq; oēs hi a syllogisti habentur. Siquidem hoc pacto contingeret in ipsa cōclusionē primum ex tribus datis terminis interdum omni inesse postremo; interdum nulli: hoc est, ut planius intelligatur quod dictum est, ex tribus terminis, seruata eadem forma, cōclusionem colligi, nunc vniuersalem affirmatiuam, nunc vniuersalem negatiuam. Atq; id quidem est quemadmodum & in prioribus analyticis Aristoteles docet, dare terminos, in quibus omni, & in quibus nulli. At hoc ipsum nūc exēplis subiectis ostēdamus: Constituatur itaq; syllogismus in primā figurā, sintque termini in quibus omni, id est, ubi primus omni postremo inest, animal, homo, equus: ut omnis homo est animal, & nullus equus est homo, igitur omnis equus est animal. Alter rursus constituantur syllogismus;  
sintque

sintq; termini in quibus nulli, hoc est, vbi primus nulli inest postremo, animal, homo lapis vt omnis homo est animal: nullus autem lapis est homo, igitur nullus lapis est animal. Et vt hoc iā in vniuersalibus ostēsum est propositionibus, & ita in particularibus ostēdere, licet particularē colligēdo conclusionem, si quibus id ita placet. Ex quo manifestum euadit, huiusmodi datorū terminorum contextum inutilem prorsus esse, id quod & in secunda, & tertia figura simili ostendi potest, quamquam in tertia haud ita omni ex parte sese habet. Ceterum vt huiusmodi terminorum facilis habeatur inuentio hæc a quibusdam tradita regula est per disimictionem; Accipiendi sunt tres termini, quorū tertius ad reliquos duos se habeat, vt genus ad species quę sub ipsos continētur, vt homo, equus, animal: vel extraneus, hoc est disparatus ad vtrunq; , vt homo, equus, lapis, vel vtcunq; superior ad illos sit, q̄ & de se inuicē prædicentur, aut conuertibiliter, aut non Conuertibiliter quidem, vt homo, risibile, substantia. Non cōuertibiliter vero, vt homo, animal, substantia.

INSUPER ET ILLUD.] Docet hoc capite Cæsarius omnes colligendi modos præter prædictos esse reiiciendos & in collectiles. Atque id.] Locus est apud Aristotelē quarto capite primi libri priorū. Dant termini, in quibus omni, qñ ex duabus propositionibus simul veris, cōclusio colligitur vniuersalis affirmatiua vera, & dātur termini in quibus nulli qñ in eadē forma argumētandi, ex duabus propositionibus veris, inferē vniuersalis negatiua vera: quocirca duo cōtraria essent simul vera: vt exēpli grā, in quatuor priorib. modis primę figurę, maiore vniuersali affirmatiua, minore vniuersali negatiua, nihil colligitur necessario: rō Aristotelis est,

est, quia dantur (vt vulgo loquimur) termini in quibus omni & quibus nulli, hoc est, idē extremum omni subiecto vere inesset, & ab eodem vere remoueretur, termini in quibus omni, animal, homo, equus, si colligendo, oīs homo est animal, nullus equus est homo, ergo omnis equus est animal, termini in quibus nulli, animal, homo, lapis, sic colligendo, omnis homo est animal, nullus lapis est homo, ergo nullus lapis est animal. Innumera huiusmodi exempla sunt apud Aristot. quarto, quinto, sexto cap. j. lib. Priorum. *Quauquam in tertia.*] In tertia figura concludendo vniuersaliter, non dantur termini, in quibus omni vel nulli, quia id nunquam contingit, nisi quando erratur in dispositione maioris vel minoris propositionis. In tertia autem figura, quando concludimus vniuersaliter, est error in conclusione, non in antecedente. *In secunda.*] In secunda figura dantur termini, in quibus omni, & quibus nulli, si maior sit particularis, in quibus omni, vt animal, homo, equus, aliquod animal est equus, nullus homo est equus, ergo omnis homo est animal. termini in quibus. nulli, equus, animal, lapis, aliquod animal est equus, nullus lapis est equus, ergo nullus lapis est animal.

### De Enthymemate.

Postremo autem & de reliquis tribus argumentationis speciebus tractandum hic est, id quod initio huius tractatus ita polliciti sumus, atq; ex his primum de Enthymemate dicendum. Enthymema itaque est (queadmodum & ab Aristotele definitur) ex icotibus & signis imperfectus syllogismus. Ex icotibus quidem, hoc est, ex consentaneis & probabilibus: *ἐὶ καὶ ἡ. n.* Græce præter alia, consentaneum quoquoq; significat Latinis & probabili. Cuiusmodi illud est, Diligere quēq; amantem se: & item illud, Omnem matrem suā diligere prolem. Ex signis autem, id est, ex necessarijs & propabilibus, vt est, Si quid cuiuslibet rei additū fuerit,



totum maius efficietur. Definitur & sic, Enthymema est oratio, in qua non omnibus positis propositionibus, festinata infertur conclusio. Itaque in enthymemate altera semper deest propositio, vel propter breuitatē, vel propter notitiam prætermissa, quæ tamen mēte interrim eius, qui ratiocinatur. cōcipitur: vt, oē animal est substantia, igitur omnis homo est substantia. Vnde & truncatus syllogismus a quibusdam dicitur. Hinc a Iuvenale Satyrico poeta dictum est de muliere impudica, Ne curtū sermone rotato Torqueat Enthymema. Rotato, inquit, id est celeri. Si quidē apud Græcos ἐνθύμημα cogitationem significat, qua certe nihil celerius.

ARGUMENTATIONIS quatuor sunt formæ, syllogismus, enthymema, inductio, exemplum. Cæsarius hoc capite finit Enthymema, argumentationem ex antecedente, & consequentē constitutam. Eius materia est plerumq; probabilis, vt hic cum gladio sanguinario inuentus est, ergo hominem occidit. Dicit non potest quā Aristoteli. exacte examinauerit vni enthymematis primo & secundo Rhetoricorum ad Theodecten. Initio primi libri inquit: οἱ περὶ ἐνθύμημάτων οὐδὲν λέγουσιν, ὅς περ ἐστὶ σῶμα τῆς πείσεως. Insectatur veteres, Rhetores qui nihil de enthymemate dixerunt, quod est fundamentum probationis.

### De Inductione.

Inductio, quæ Græci ἐπαγωγή, siue, vt vult Cicero, παραγωγή dicitur, hoc pacto definitur: Inductio est oratio, per quā a singularibus ad vniuersale fit progressio. Sanē per singularia hoc loco intelligere debemus, nō solum ea quæ simpliciter talia sunt, vt sunt indiuidua, & numero differentia, verumetiam minus cōmunia respectu ipsius vniuersalis, quod ex ipsis per inductionem colligitur, ab his enim plerūq; vniuersale

conflatur colligiturq; : vt si quis velit ostendere omnem numerum esse duorum iuxta se positorum mediū, id inductione probauerit, quoniam ternarius medius est binarij & quaternarij, & quaternarius item ternarij & quinarij, & ita deinceps, igitur omnis numerus est duorum iuxta se positorum medius. Eodem modo, sit probandum nobis fuerit, quod omnis virtus moralis in mediocritate consistit, dicemus hoc pacto, Fortitudo in mediocritate consistit, nempe inter audaciā & timiditatem : & liberalitatis ; vt inter auaritiā & prodigalitatem, temperantia item & iustitia, omnis igitur virtus moralis in mediocritate consistit. Unde & inductio hanc precipue vim habere putatur, vt per eam de principijs scientiarū aliquoties disputare contingat. Neque vero cum inductione utimur, opus erit semper adijcere particulam, & sic de alijs, vt Sophistæ solent. Quandoquidem id inducenti iam cōpertum esse debet, cætera similia esse his, quæ sumpta. Nā si Aristoteli credimus, qui singularem ignorat similitudinem, is non facile inducet.

ARISTO. x. cap. j. lib. Topicorum duplicem differentiam inter syllogismum & inductionem constituit. Primum quia inductio secundum sensum est notior & pluribus communis, syllogismus verò secundum intellectum. Secundo, inductio est accommodatissima rudioribus, syllogismus autem contra proteruos efficacior. *Vt sunt indiuidua.* Hæc sunt diligenter in inductione enumeranda, ne non plenam conficiamus inductionem, aut sub hac particula, & sic de alijs complectenda. Est autem hæc via a natura protecta, prima enim ratio discendi a singularibus. *Vnde et.* ] Principua utilitas inductionis est, quia per eam artium principia (si negentur) tanquam per nobis notiora, probantur.

In quam rem insignis est locus apud Aristote. 7. cap. 1. libri  
Ethicorum.

## De Exemplo.


Exemplum quod a Græcis παράδειγμα dicitur, ita definiunt. Exemplum est, cum ex multorum collecta particularitate, aliud quiddam particulare ostenditur: ut si quis probare velit, rectores non esse sortendos rebus publicis: quoniā neq; nauibus, neq; curribus moderandis sorte proponuntur rectores, sed qui arte & experimentis plurimum valent. Sunt qui ita definiant. Exemplum est, quoties unum particulare per aliud probatur, propter simile quod in utroq; conspicitur: ut, si malum est Græcos cum Troianis belligerari, malum quoque est Lacedæmonios cum Atheniensibus armis decertare.

EXEMPLUM est, ut vulgo finimus cum a particulari ad particulare decurrit oratio, ut malum est Athenienses bellum gerere cum Lacedæmoniis, ergo malum est Phocenses bellum gerere cum Thebanis. *Aliud quiddam.*] Differt itaque exemplum ab inductione quia ut in exemplo ex vno particulari vel pluribus colligimus aliud particulare: sic in inductione ex pluribus particularibus colligimus vnu universale.

## INTRACTATVM

## SEXTO.

## P R A E F A T I O.


**P**OST hæc tractatum de syllogismo hypothe-  
 tico aggressurus, illud præfati in animo con-  
 stitui, quod tametsi de modalibus simul & hypo-  
 theticis propositionib. tractatur a nobis est,  
 nempe quartus, id tamen haud ita visum est in eo facere  
 tractatu, in quo de syllogismo hypothetico tractabitur, vt  
 etiam de syllogismo ex modalibus in eodem tractetur, imò  
 nec alibi vsquam in his tractatibus: non ob eam solam cau-  
 sam, quòd nouitij adhuc huius artis tyrones nimium alio-  
 qui grauarentur, sed quòd illorum syllogismorum, qui ex-  
 modalibus constituuntur, non admodum frequens vsus sit,  
 vt etiam supra annotauimus. Accidit quòd præter vnum  
 Aristotelem nullus alius (quod scire potuerim) de huius-  
 modi ex modalibus syllogismis quicquam scriptum reli-  
 querit, nisi quantum Boetius in his laborauerit, idq; tñ ma-  
 gis Aristotelem ipsum exponendo, quàm institutum proban-  
 do. In qua etiam sententia Iacobum Fabrum Stapulensem  
 esse video, virum profecto in omnibus disciplinis exercita-  
 tissimum: vnde & non parua mihi subit admiratio de Ari-  
 stotele ipso, cur in re non tam necessaria, etiam plus satis  
 operosus fuerit, nisi quòd in hac præsertim arte ingenium  
 suum ostentare omnino voluit vir ille, in omnibus alioqui  
 disciplinis admirandus. Quapropter multi etiam tam Græ-  
 ci, quàm Latini hoc animadnertentes, per compèdia de hac  
 arte scribere maluerunt, ne in hac discenda apud Aristote-  
 lem opus esset toties, noctesque, diesque insomnes ducere,  
 absque magno etiam fructu. Non tamen negauerim hanc  
 vnam artem necessariam admodum esse, ideoque inuen-  
 tam a maioribus nostris, vt sine qua error in studiis ple-  
 M runque

runque committeretur, qui cum alibi, tum hic maxime cauendus est: quippe quod hæc sola rerum rationes inuestigare doceat, atque de his ipsis disputare possit. Itaque qui in hac errauerit, vix in alijs erroris periculum euitare poterit. Nanque (vt Aurelius Augustinus autor est) hæc sola docet docere, docet discere, in hac sciendam ratio demonstrat atq; aperiet, quæ sit, quid velit, & quid valeat: sola ite scientes non solum facere vult, sed etiam potest. Hæc ille. at nos hinc ad hypotheticos syllogismos transeamus,

Hic tractatus vtilis, & pernecessarius est etiam ad grauiorē disciplinam facilius intelligendas. In his enim identidē syllogismorum conditionalium mentio incurrit. Quocirca hic tractatus studiose, & attente legendus est. *Non ob eā.* Profert aliquot casus, cur de syllogismo modali scripturus non erat.

### De Syllogismo hypothetico, quid sit.

Syllogismus igitur hypotheticus) vt a Martiano Capella definitur) is est cuius propositio, & plenum argumentum, & plenum item id, de quo quæstio est, continet, ita vt assumpto argumento iam certum inferri possit, de quo quæstio erat: vt sit exēpli causa quæstio, vtrum Rhetorica sit vtilis. Itaq; volentes eam vtilem probare, argumentum protinus ab eius definitione commodè capere possunt, quæ quidem est bene dicendi scientia. Ex hac deinde vt argumento sumpto, & quæstione proposita, syllogismus hypotheticus ad hunc modum contextitur: Si Rhetorica bene dicendi scientia est, vtilis est: est autem Rhetorica bene dicendi scientia, Rhetorica vtilis est. In hac sane oratione cum prius proponitur: Si Rhetorica bene dicenda est, vtilis est: ac deinde

ac deinde assumitur, Est autem Rhetorica bene dicēdi scientia: tum qui hæc duo concesserit, propositionem, inquam, & assumptionem, is vel inuitus concedat oportet Rhetoricam vtilē esse, id quod in questione propositum erat, quod tantisper dubium erat, donec et propositio, & assumptio concederetur.

SILLOGISMVS igitur.] Vel sic facilius finiri potest, syllogismus hypotheticus est cuius, vel altera tantum, vel propositio, vel conclusio hypothetica est. Cuius propositio.] Hoc est antecedens. Plenum argumentum.] Hoc est probationem plenam. Si Rhetorica.] hic syllogismus est in primo modo syllogismorum conditionalium, assumitur enim antecedens, vt assumatur consequens.

Ex quibus constet syllogismus hypotheticus,  
& quantum ei conferat syllogismus categoricus.

Cæterum vt categoricus syllogismus in propositiones resolvitur, vt ex quibus constituitur, & propositiones rursus in terminos, neq; ulterius resolutio procedit in his, ita hypothetici syllogismi in categoricos resolutio fit: quippe q̄ ex his ipse, vt ex simplicibus cōstet cōpositus, cū præsertim prima eius propositio vim consequentiæ ex simplicibus (hoc est, categoricis) capiat syllogismis. Prima nanq; hypothetici syllogismi propositio, si dubitatur an vera sit, prædicatua demonstrabitur conclusione, hoc est, syllogismo prædicatuo. Assumptio porro, quæ secūda huiusmodi syllogismi pars est, in pluribus modis prædicatua esse perspicitur, idemque cōclusio, veluti cū dicimus, Si Rhetorica bene dicēdi sciētia est, utilis est, atqui Rhetorica bene dicēdi sciētia,



DE SYLLOG. RHYTH.  
tia est, hic assumptio prædicatiua, item categorica est, si  
queratur, hoc est, in dubitationem trahatur, ipsa quoq;  
prædicatio probabitur syllogismo. Hinc si demum in-  
feratur, Rhetorica igitur utilis est, et hæc ipsa prædica-  
tiua est, atqui facti syllogismi conclusio: utpote, quæ  
ad assumptionem propatum necessario consequitur.  
Nam si Rhetorica bene dicendi scientia est, cur non et  
utilis ipsa erit? Præterea si hypothetica propositio ex  
categoricis iungitur, & ex his fidem capit, simul & or-  
dinem partium consequitur, necesse est categoricos syl-  
logismos hypothetico vim conclusionis administrare.

C A E T E R V M ] Inquiri elementa & principia syllogis-  
mi conditionalis. Neque ulterius. ] Resolutio quidem ulte-  
rius procedit, sed in syllabas, quæ ad Dialecticum non per-  
tinent. Ipsa quoque ] In hoc modo fiet, omnis ars inuenien-  
di, disponendi, eloquendi, est bene discendi scientia, Rhetorica  
est huiusmodi, ergo est bene discendi scientia. Præte-  
rea. ] Ratio probans a simili syllogismum hypotheticum vim  
suam a Categorico sumere

De partibus syllogismorum, siue ex quot  
partibus syllogismi consistant.

Syllogismos autem tam Categoricos, quam hypo-  
theticos, alij quinque, alij quatuor, alij tribus constare  
partibus arbitrantur, quorum controuersiam Boetius  
ad hunc modum diiudicat, atque discernit, quoniam om-  
nis, inquit, syllogismus ex propositionibus textitur, pri-  
ma vel propositio, vel assumptum vocatur: secunda,  
vero assumptum, siue assumptio dicitur. Ex his quæ ter-  
tia inferitur, conclusio nuncupatur, ut cum dicimus, Si  
homo est, animal est; homo autem est, animal igitur est.  
Ea quidem enuntiatio, per quam dicimus, Si homo est,  
animal

animal est, propositio vel sumptum vocatur: ea verò quam huic adiunximus, quæ quidem erat. Est aut homo, assumptio siue assumptum dicitur. Tertia autem ab his conclusio appellatur, ut per quam ostendimus animal esse, si homo fuerit. Eadem sanè & in categorico syllogismo ipsarum partium ratio est, & ordo. Sed quoniam sæpe euenit, ut propositio ipsa non sit verisimilis, & tunc adiungitur approbatio, per quam id quod propositum est, verum esse monstratur. Assumptio quoque sæpe numero ad fidem per se non videtur satis idonea, idcirco huic quoque probationis iuuamen adiungitur, ut vera esse intelligatur. Quo fit, ut sæpe quinque partes, sæpe quatuor, interdum tres solum ipsos syllogismos habere contingat. In qua quidem sententia M. Tullius esse deprehenditur, qui in Rhetoricis syllogismos quosdam quinque, partitos, quadripartitos alios, & nonnullos tripartitos esse confirmat. At vero, quibus ipsorum syllogismorum non placet partes ultra ternarium numerum propagari, hi propositionum, atque assumptionum probationes non putant inter syllogismi partes ponendas esse, sed potius illarum, cum dubiæ sunt, fulcimenta, quædam haberi. Quorum sanè iudicio, atque sententiæ Boetius ipse manibus pedibusque accedit. Unde nostra (inquit) sententia his potius accedit, qui tribus partibus syllogismum constare dicunt.

Syllogismos autem.] Quemadmodum in syllogismo cõditio nali prima pars dicitur propositio, secunda assumptio, tertiâ conclusio. Ita in syllogismo categorico prima pars dicitur maior, secunda minor, tertia conclusio. Sed quoniam.] Hunc locum Quintilianus decimo quarto capite, quinti libri his verbis expressit: Cicero maxime quinque defendit,

ut sit propositio, deinde ratio eius tum assumptio, & eius probatio, quinta complexio. Quia vero interim & propositio non egeat rationis, & assumptio probationis, nonnunquam et complexio, non opus sit quadripartitam, & bipartitam fieri rationationem, mihi à plurimis autoribus tres ead summum videtur. Et sic ex sententia oratorum syllogismus aliquando quinque, aliquando quatuor habet partes, sed ex sententia philosophorum qui concisa vivuntur oratione, syllogismus tantum tribus partibus constat.

De modis ex hypotheticis propositionibus.

His itaque præmissis consequens est, ut ad modos hypotheticorum syllogismorum transeamus, quos certe, quantum hic eos definire liceat, dicere, possumus ipsorum syllogismorum formas, & veluti præscriptas leges. Sciendum autem quod tametsi numeri propemodum huiusmodi modi sint, qui ex hypotheticis conficiantur propositionibus, ut de quibus Severinus Boetius latissime disputat duobus libris, nos tamen ex his paucos deligere statuimus, propterea quod eorum usus non parum frequens habeatur. De reliquis autem admonuisse tantum sat erit, ut si cui cognoscendi eos cupido incesserit, is Boetium ipsum in primis adeat. Sed nunc ex his primum definiamus.

Hi s itaque præmissis.] Hoc capite Cæsarius docet quemadmodum categoricorum syllogismorum modi leges, quedam sunt, quibus syllogismi probantur. sic hi septem modi sunt veluti leges & regulæ, quibus syllogismos conditionales bono esse ostendimus.

Primus modus.

Primus igitur modus est, cum in conditionali propositione assumpto eo quod præcedit, ostendimus id quod sequitur

sequitur ita necessario esse, vt est in cōnexionē proposi-  
tū: vt si homo est, animal est, atqui homo est, animal igi-  
tur est. Hic antecedens homo est, proponitur veluti du-  
bium, cum dicitur, Si homo est: assumitur deinde idē vt  
argumentum, cum absq; conditione repetitur, atqui ho-  
mo est. Ad quod demum necessario sequitur animal es-  
se, quemadmodum erat propositum. Quod si parte ex  
altera annexū siue consequens assumamus, atq; dica-  
mus, est autem animal, haudquaquā de necessitate eue-  
nit hominem idcirco esse. Inueniuntur autem certi ter-  
mini, in quibus peregūe valet assumptio, siue p̄cedēs,  
siue subsequens assumatur, vt in homine, atq; risibili.  
Nam vt rectē sequitur, Si homo est, risibile est, ita re-  
ctē quoq; sequitur, si assumatur hoc modo, Atqui risi-  
bile est, igitur homo est. Sed in his hæc est consequētiæ  
caussa, quia homo & risibile æqui sunt termini, atque  
idcirco vno posito, alterū comitari est necesse. Verum  
quia hoc in omnibus non ita se habet, idcirco non reci-  
pitur vt firmum, & stabile, sed magis improbat, vt  
incertum & minime constans.

PRIMVS. igitur.] In hoc primo modo colligimus a po-  
sitione antecedentis ad positionem consequentis, vt si iusti-  
tia est, virtus est, atqui iustitia est, ergo virtus est. Quid hoc  
loco sit antecedens quid consequens, dictum est supra a no-  
bis. Ponere hoc loco est affirmare, tollere, negare. Inueniunt  
tur autem.] In terminis equis, & recurrentibus possumus  
vtrouque modo, & antecedens, & consequens assumere, sed  
hæc formæ colligendi, terminorum tantum gratia validæ  
sunt.

Secundus modus.

Secundus vero modus, cum in conditionali, op-

posito consequētis assumpto, adfertur id quod antecesserat, hoc modo, Si homo est, animal est : non est autem animal, igitur homo non est, Quod si contra hominem esse negemus, non tollitur proinde quod connexum est, ut si dicamus, non est autem homo, non iam continuo sequitur, animal non esse. atque idcirco hic modus, A consequentibus appellatur; quemadmodū qui hunc precedit, Ab antecedentibus dicitur. Quare & hi duo modi a recentioribus ita distinguuntur, ut prior quidē dicitur. A positione antecedētis, sequens veros, A destructione consequentis. Caterum ut utroq; modo ex datæ conditionalis partibus affirmatiuis firma ubique sententia probatur, id quod paulo supra exemplis adhibitis ostensum est : ita eadem consequentiæ vis erit, si negatiuæ eius partes fuerint: ut, si animal non est, homo non est; non est autem animal, igitur homo non est. Item, si animal non est, homo non est; atqui homo est, animal igitur est.

SECUNDVS vero modus.] In hoc secūdo modo colligimus ex opposito consequentis ad oppositū antecedentis. Est autem oppositum consequentis, cōtradictorium consequentia, ut si consequens sit negatiuū, affirmetur, si affirmatiuum negetur, ut si dies est, nox nō est, atqui nox est, ergo dies non est. Si liberalitas & virtus est, atqui virtus non est, ergo liberalitas nō est. Atque idcirco.] Huius loci ratio est, quia si ad positionem antecedentis sequitur positio cōsequentis, oportet oppositū cōsequentis inferre oppositū antecedētis. Principium enim dialecticum est oppositū cōsequentis nō posse cohærere cū antecedēte. Ut quia hæc est ratæ fidei consequentia, si felicitas operatio animi est, necessario consequitur, non est operatio animi, ergo non est felicitas. Operationē animæ non esse, & felicitatem esse, fieri non potest.



De quadam argumentatione contra secundum modi regulam facta,  
ex Themistio.

Hic iam obijciat aliquis fortassis nobis Aristotelem ipsum, qui in proœmio libri de Anima, tali contra præscriptum secundum modi formam (ut videtur) usus est argumentatione, Si quod est animæ (inquiens) proprium opus; potest contingere, ut ipsa a corpore seorsum sit; Si vero nullum est opus animæ proprium, contingere non potest, ut a corpore seorsum maneat, subsistatue. Sanè hanc argumentationem sunt, qui ob id calumniantur, reprehendantq; ceu minus firmam, minusq; dignam tanto philosopho. Calumnia autem huiusmodi est, Oportebat, inquiunt, accepto consequentis opposito, ita tollere demoliriq; antecedens; at hic contrarias ordo seruatur. Verum hanc calumniam (si qua tamen dici meretur) Themistius haud dubie nobilissimus Peripateticus subtilissime dissoluit, ac diluit. Vnde quicumque ait, tam male animati sunt, ut hec quæ in dialectica atq; in exercitio argutiarum iactata, et prompta omnibus sunt, ignorasse Aristotelem, putent, hi planè ignorantissimi videntur. Nanq; verbum illud potest contingere) quo quidem Aristoteles in sua oratione utitur) non necessariam, sed possibilem et contingentem connexionem habet: in quo genere non oportet, abolito consequente, aboleatur et antecedens: id quod omnino ita euenit, quoties necessaria conexio est. Sed hic in contrarium observatio est, ut scilicet abolitio antecedentis aboleat consequens. Cui rei causam idem autor huiusmodi affert: semper. n. (inquit) id quod contingentem sequitur, tanquam pars sit antecedentis:



dentis: propterea quòd quandoque accidit quandoque non accidit. Ita qui antecedens interemit totum interemit. Toto autem sublato, consequens est parti quoque abolitione asferri. Hinc & ab eodẽ autore. aliud haud dissimile proponitur exemplum, quod tale est, Si animal est, quod procul ad nos accedit, pòt contingere vt sit equus, igitur si animal non est, neq; vt equus sit contingere pòt. Quo fit, vt inscitie potius illi arguẽdi sint, qui talem argumentandi formam, vt minus sanam cauillintur, & non Aristoteles ipse qui rectissime ita argumentatus est. Hæc ita ex Themistio, quem Hermolaus Barbarus ætate nostra Latinitate donauit, vir utique impense eruditus.

[Hic iam obijciat.] Cæsarius hoc loco graue ponit questionẽ, quẽ contra hunc secundũ modum exoritur. Huius autẽ hæc est solutio, quando consequens est, siue cõtingens, siue possibile, tũc possumus in secũdo modo colligere a destructione antecedentis ad destructionẽ consequentis. Adde etiam, id verum esse, quando termini æqui sunt. Quod ad veritatem questionis attinet, intelligere est propria animæ operatio, & sic assumptio est neganda. Huius loci a nobis facta est mentio in primo libro Auscultatoriorum cap. 4. & in scholijs primi libri de anima, cap. 1. Oportebat inquirunt.] Nam in secundo modo argumentandũ est ex oppositio cõsequentis ad oppositum antecedentis. Aristot. autem. j. cap. j. libri de anima ex opposito antecedentis ad oppositum cõsequentis est ratiocinatus.

### Tertius modus.

Tertius deinde modus est, qui appellatur, *A repugnantibus*, in quo demonstratur non posse simul hoc esse & illud. Fit autẽ quoties cõnexa propositionis affirmatiuæ antecedens astruitur, vt cõsequens tollatur, Quod certè ideo ita euenire manifestũ est, quòd huiusmodi

modi propositiones ex repugnantibus, aut ex contrarijs consent partibus. Ex repugnantibus quidem, ut non si dies est, nox est: atqui dies est, nox igitur non est. Ex contrarijs autem, ut non si sanū est agrū est: atqui sanū est, non est igitur agrum. In quibus syllogismis propositiones sumptæ huiusmodi sunt, ut impossibile sit, si antecedens est, consequens esse. Itaque cum ita proponitur non si dies est, nox est, huius propositionis sensus hic est, non recte sequi, si dies est, ut nox sit. Dictum est autem ex repugnantibus, aut ex contrarijs, quoniam quæ aliter se habent, syllogismum ad hunc modum nullū constituunt. Quia propter haudquaquam recipiendus est hic syllogismus, non si homo est, album est, est autem homo, igitur album non est, quando nec repugnantia sunt inter se homo, & album, nec contrariæ. Fit item, & hic modus aliquoties, cum inter alterutrā connexæ propositionis partem negatio interponitur, atque ea ipsa rursus denegatur: ut sit propositio, si animal non est, homo est, hæc repugnans est, & ob id falsa. Fit autem vera si negatio huic a fronte adiciatur hoc modo, Non si animal non est, homo est. Huius quippe propositionis hæc est sententia, Si animal non sit, fieri non posse, ut sit homo. Ea igitur concessa, assumimus protinus hoc modo, Atqui animal non est, ac deinde concludimus, igitur homo non est. Similiter vero si ita proponatur, Si homo est, non est animal, quæ & ipsa falsa est, propter partium inter se repugnantiam: quare si & huic deinde negatio apponatur, vera fit, hoc modo, Non si homo est, non est animal. Nam & huius sententia est si homo sit, non posse fieri ut non sit animal. Itaque ea

concessa, talis contexitur syllogismus, non si homo est, animal non est: atqui homo est: animal igitur est. Rur-  
sus autē sit propositio. ex vtriusq; partibus negatiuis  
si non est dies, non est nox: quæ idcirco quod partes eius  
inuicem repugnant, falsa est: fit autem vera, si adiunga-  
mus negationem, hoc modo. Non si non est dies, non est  
nox. Huius quoque propositionis sensus est talis, quod  
si non est dies, esse nō potest quin nox sit. Vnde ea ipsa  
concessa, assumimus hoc pacto. Atqui dies non est, &  
concludimus deinde. Est igitur nox.

TERTIVS deinde modus.] In hoc modo fit syllogismus  
conditionalis qñ antecedens affirmatur, hoc est cū negatio  
quæ cōiunctioni preposita est, abijcitur, deinde tollitur an-  
nexū, vt constat exemplo textu. *Fit autem.*] Putare hunc lo-  
cū sic legendum esse fit, autē quoties connexę propositionis  
negatiue antecedēs astruitur &c. idque docet exemplū Ce-  
sarij. deinde Trapezuntius, id perspicue in hoc tertio modo  
scribit. Tertius modus inquit, cū propositionis negatæ con-  
ditionalis, quæ contrarijs aut repugnantibus constat parti-  
bus antecedēs affirmatur. *Quod certe.*] Nā ea est natura re-  
pugnantium aut contrariorum, vt vno eorum affirmato;  
tollatur alteri. *Si animal non sit.*] Huius ratio est, quia sub la-  
to superiore aufertur inferius.

Quo pacto tertius hic modus a supe-  
rioribus duobus differat.

Ex his porro colligere licet, quid intersit inter hūc  
tertium, & superiore duos modos. Sanē inter ipsos hec  
est diuersitas, quod in eo quidē modo qui ab anteceden-  
tibus dictus est, ponitur antecedens, vt id quod sequi-  
tur, astruatur. In eo vero qui A consequentibus appel-  
latus est, perimitur cōsequens, vt id quod antecesserat,  
auferatur. At vero in hoc tertio qui dictus est, A re-  
pugnan-

pugnantibus neutrum horum seruatur. Siquidem neq;  
antecedens ponitur, vt quod sequitur confirmetur; nec  
interimitur consequens, vt id quod præcesserat euerta-  
tur: sed ponitur antecedens, vt interimatur cōsequens.  
Quod ideo euenire dictum est: quoniam hic propositio-  
nis modus partes inter se continet repugnātes. Aduer-  
sum quippe est, atq; repugnans, quod dicitur, si dies est,  
non est lux; quare propositio hæc falsa est, quæ tamen  
rursus negatione preposita, fit vera hoc modo, Non si  
dies est, lux non est; atq; ita consimilis est affirmationi,  
nempe huic, si dies est, lux est; & quod recte quidem  
ita euenire receptum est, quādo scilicet affirmationem  
geminata facit negatio.

Ex his porro.] Docet discrimen inter hunc tertium modū  
& duos superiores. Nam in primo modo argumenta colli-  
guntur ab antecedentibus, in secundo a consequentibus, in  
hoc tertio vero a repugnantibus. *Partes inter se continet re-  
pugnantes.*] Repugnantia cohærere non possunt, nec de se  
vere dici, vt si quis dicat auarum esse pium, sapientem infe-  
licem: at in his propositionibus prædicati oppositum, subie-  
cto vere iungitur, vt sapiens est felix, auarus est impius.

#### Quartus modus,

Quartus modus est eorum, qui ex disiunctiuis con-  
sistunt, syllogismorum. Fit autem cum datæ disiun-  
ctiue propositionis antecedens in assumptione ponitur,  
vt quod consequēs est auferatur, hoc pacto, Aut dies  
est, aut nox est, atqui dies est, non est igitur nox. item,  
aut sanus est, aut egrotat, atqui sanus est, non egrotat  
igitur. Hic vero si ita quispiā argumentetur, aut dies  
est, aut nox est, atqui dies est, nox igitur est; ac rur-  
sus, aut sanus est, aut egrotat, est autem sanus igitur  
agro-

DE SYLLOG. HIPPOCR.  
ægrota: talis profecto modus a syllogistus et incollecti-  
lis prorsus habetur. Nam in eo data disiunctiua posi-  
ta parte una, non tollitur reliqua: quod utiq; repu-  
gnantiam natura requirit.

— Q V A R T V S modus.] In hoc quarto modo sic componi-  
tur syllogismus. Prima pars disiunctæ affirmatur, ut secun-  
da negetur, ut aut dies est, aut lux solaris nō est, sed dies est,  
ergo lux solaris est. hic vero.] Incollectiles argumentatio-  
nes proponit, quia pugnantia simul coniunguntur.

#### Quintus modus.

Quintus autem modus est, cum id quod in disiun-  
ctiua propositione præcesserat, in assumptione tollitur,  
ut quod sequitur affirmetur, hoc modo, Aut viuit,  
aut mortuus est, non viuit autem, mortuus igitur est.  
At hic quoq; a syllogistus fit & incollectibilis, quoties  
data disiunctiua una sublata parte, tollitur simul, &  
reliquum ut aut viuit; aut mortuus est, non viuit au-  
tem, igitur non est mortuus.

Q V I N T V S autem.] In hoc quinto modo antecedens ne-  
negatur, ut consequens affirmetur, idque exempla textus  
aliunde docent.

#### Sextus modus.

Sextus vero modus est, in quo duobus per disiun-  
ctionem propositis, ostenditur si vnum sit, non posse si-  
mul esse & reliquū. Fit autem ex disiunctiua in copu-  
latiuam mutata, addita videlicet negatione, idq; mo-  
dis duobus. Primo, cum propositiones datæ antecede-  
s ponitur, ut tollatur consequens hoc pacto, Nō & dies  
est, & nox est, sed dies est, non est igitur nox. Item, non  
& prudens est, & ineptus, atqui prudens est, ineptus  
igitur non est. secundo, cum propositionis datæ antece-  
dens



dens tollitur, vt consequens ponatur, hoc modo, Non  
 & dies est, & nox est, sed dies non est, igitur nox est.  
 Sanè tertius hic est disiunctiuus modus consimilis ei est,  
 qui ex propositionibus conditionalibus tertius est posi-  
 tus, præterquam quòd in illo propositio cum cōditione  
 in hoc sine conditione proponitur. Verum & hoc am-  
 plius hic obseruandum, vt tam repugnantia, quàm con-  
 traria, ita sibi repugnent, atq; contraria sint, vt posito  
 vno, interimatur alterum, et vno interempto, alterum  
 ponatur. Quare locutiones huiusmodi, Aut perijt, aut  
 literas docet, Item, Aut cucurbitæ florem, aut ipsam  
 cucurbitam, & aliæ pleræq; (quæ apud Græcos olim  
 in proueria cessere) cōsuetudine atq; ipso euentu ma-  
 gis receptæ fuerunt, quàm veritatis constantia: de qui-  
 bus, & alijs penè innumeris amicus noster in opera a-  
 dagiorū non tam copiose, quam fructuose eleganti nar-  
 ratione perscribit, vir profecto hac nostra ætate extra  
 omnē ingenij aleam positus, vt Plinij verbis vtar, qui  
 hoc sua ætate M. Ciceroni tribuit verissimè. Ex prædi-  
 ctis autem sequitur, copulatiuam negatiuam æquipol-  
 lere diuinctiuæ affirmatiuæ ex eisdem partibus, sed sibi  
 contradicentibus: verbi causa, hanc, non & dies est,  
 & nox est, huic, aut non est dies, aut non est nox.

Sextus vero.] Explicat duos reliquos modos qui ex dis-  
 iunctiuâ propositione in copulatiuam mutatam, fiunt. Pri-  
 mo.] Ponitur antecedens cum id affirmatur, tollitur cū nega-  
 tur, aut cum contra omnino fit. Secundo.] Ex hoc secun-  
 do modo septimus sumptus est, qui fit cum negatiuæ pro-  
 positionis quæ ex disiunctiuâ copulatiuâ facta est, antece-  
 dens negatur, vt consequens affirmetur. vt non & dies est  
 & nox est, sed dies non est ergo nox est. Hos omnes septem



modus Cicero in Topicis ad Trebatium erudite copioseque explicat. *Aut perijt.*] Speciem hoc habet prouerbij quod ab Atheniensibus sumptum videtur, qui cum infeliciter aduersus Siculos pugnaissent, & multi occisi essent, aliqui coacti docere literas apud Siculos, aliqui Athenas redierunt, qui interrogati quid hic aut illi agerent, responderunt aut literas docet, aut perit. Nec male ad Dionysium referri poterit, qui regno pulsus, Corinthi ludum aperire coactus est. *Aut cucurbita.*] Id perinde valet ac si dicas, aut mortem, aut vitam, aut lucrum aut damnum, aut victoriam aut contra. Incertum enim est utrum flos cucurbitæ mox euanesceat, aut cucurbitam pariet.

### Cur ex copulatiuis non fiant syllogismi.

Iam verò mirabitur fortassis quispiam, quid causæ subsit, quod cum tres sint superius positæ hypotheticarum propositionum species, & ex conditionalibus quidem, & disiunctiuis certi syllogismorum modi a nobis iam præscripti sint, nullos præterea subiiciamus, quibus ex copulatiuis perinde syllogismi fieri demonstrantur. Huius sane rei hanc esse causam arbitror & quæ hypotheticæ propriæ dicuntur, huiusmodi sunt, ut in his conditio aliqua vel exprimatur, ut in eis, quæ peculiari nomine conditionales appellantur, vel subintelligatur, ut in disiunctiuis. Nam cum ita proponitur aut dies est, aut nox est, hæc eadem propositio cum conditione nihilominus pronuntiari potest, hoc modo, Si dies est, non est nox, vel si non est dies, nox est. Itaque per has neque esse aliquid, neque non esse, simpliciter significatur, sed aut illud esse si hoc fuerit, aut quoties vnum fuerit, non posse simul et aliud esse. Vnde  
& in

& in his consequentiæ vis inesse quoque perspicitur.  
 At verò quæ copulatiuæ dicuntur, vt non veræ hypo-  
 theticæ sunt, ita nec in his consequentiæ vis vlla depre-  
 henditur: quæ nimirum facit potissimum vt ex propo-  
 sitionibus hypothetici, hypothetici syllogismi struantur.  
 Hypotheticæ tamen quoquo modo dici possunt, quate-  
 nus ex categoricis compositæ constant. Quare nec Boe-  
 tius etiam, cum alias de syllogismis ex hypotheticis co-  
 piosissime tractet, illos prescribit modos, iuxta quos  
 syllogismi ex copulatiuis perinde fierent. Nec ipse ad-  
 modum probo eas consequentiæ formas, quas vulgò ex  
 copulatiuis eliciunt, vt a tota copulatiua ad alteram  
 eius partem: & item a destructione partis copulati-  
 uæ, ad destructionem totius, quæ licet necessariae utiq;  
 sint, vtilis tamen non sunt. Ex copulatiuis tamen re-  
 ctè fortassis argumentatio procedet, siue syllogismum  
 voces, siue aliam quamlibet argumentationis speciem,  
 quoties per has ex disiunctis ad coniuncta procedimus  
 hoc est, quoties quæ diuisim prædicantur de subiecto  
 aliquo, de eodem etiamnum coniunctim dici posse pro-  
 batur. Quod quia aliquando ita contingit, aliquando  
 verò minime, certe ad hoc regulæ ex ipso Aristotele  
 colliguntur, quibus id discernere licet, & quas proinde  
 hic subijcere non grauabimur.

I AM verò.] Dissoluit quandam quæstionem quæ ex supe-  
 rioribus oritur. Huius sane.] Prima ratio cur ex propositio-  
 nibus copulatiuis per se sumptis, non fiat syllogismus condi-  
 tionalis. Quoniã in cõditionalibus cõditio vel exprimitur  
 vel subintelligitur: at in copulatiuis neutrum contingit. Vn-  
 de &.] Secunda ratio, in syllogismis cõditionalibus optima  
 struitur argumentatio, in qua consequens colligitur ex ante-

N cedente.

cedente. *Vt a tota copulativa.* Vt Deus est immortalis, & homo est mortalis, ergo Deus est immortalis. *Ex copulativa.* Hic locus intelligitur ex tribus regulis capitis sequentis.

Sequenter tres regulae.

Ex his igitur prima regula est, Quaecunque diuissim secundum accidens de aliquo predicantur subiecto aut alterum de altero, haec simul atque coniunctim de eodem predicantur minime. Cuius regulae hanc reddit rationem Aristoteles, quod videlicet vnum non faciat. Quare non recte sequitur, Socrates est albus, & Socrates est musicus, igitur Socrates est albus musicus. Dictum est autem secundum accides, quoniam sciens & Grammaticus licet secundum accidens de subiecto aliquo dicantur, tamen alterum de altero non secundum accides, sed per se dicitur: & proinde vt diuissim, ita & coniunctim de eodem predicari possunt: vt, Socrates est sciens, & Socrates est Grammaticus, igitur Socrates est sciens Grammaticus. Secunda regula, Quaecunq; diuissim de aliquo predicantur, vt de subiecto, si id quod sequitur, in precedenti includitur: ipsa de eodem simul & coniunctim non predicantur. Huius quoque regulae haec ab Aristotele redditur ratio, quia comitteretur vitium negationis. Vnde non recte sequitur, Socrates est homo, et Socrates est animal, igitur Socrates est homo animal. Siquidem in homine animal includitur. Nec sequitur ob id ipsum, Socrates est Grammaticus, & Socrates est sciens, igitur Socrates est Grammaticus sciens. Tertia est, quae ex his sequitur, regula, Quando aliqua de aliquo vt subiecto seorsim atq; diuissim predicantur, idq; neque secundum accidens omnino, neque ex his posterius in prio-

ri directim continetur, hæc de eodem simul atq; cōiunctim prædicatur, vt Socrates est homo, & Socrates est albus, ergo Socrates est homo albus item, homo est animal, & homo est rationalis, ergo homo est animal rationalis.

**¶ Ex his igitur.]** Hæc regula est apud Aristotelem, 1<sup>o</sup> cap. ij. libri de Interpretatione cuius hic est sensus. Quando duo prædicata dicuntur per accidens de subiecto aliquo, vel alterum prædicatum de altero per accidens, ea coniunctim minimè prædicantur, vt non sequitur homo est musicus, homo est bonus, ergo homo est bonus musicus. Si autem utrius prædicatum dicatur, de subiecto, per accidens, & tamen alterum prædicatum dicatur de altero per se, ea coniunctim prædicantur, vt homo est sciens, homo est philosophus, ergo homo est sciens philosophus ratè si de consequentia, cum sciens est genus philosophi, vt scientia genus philosophiæ.

**¶ Secunda regula.]** Quando duo prædicata dicuntur de subiecto per se, si posterius continetur in finitione prioris, non rectè colligitur a diuisis ad coniuncta, vt non valet hæc ratio: Cato est homo, Cato est animal, ergo Cato est homo animal, sed sic erat colligendū, ergo Cato est animal homo. Posterius duobus modis in priori includitur. Primo in ipsa prolatione, vt Cato est homo albus & Cato est albus, ergo Cato est homo albus albus. Secundo modo posterius est in prioris finitione, vt homo est bipes, homo est animal, ergo homo est bipes animal. Nentro modo rectè colligitur a diuisis ad coniuncta. **Tertia est.]** Hæc regula tollit vitia duorum priorum, & docet quomodo liceat, a diuisis coniuncta aptè ratiocinari.

**De ratione consequentiæ.]**

Post hæc etiam de consequentiæ ratione haud absurdum fuerit hac in parte nonnihil adicere, propterea quod in superioribus sepius in huius incidimus mentionem. Primo igitur dicendum est quid sit, deinde quomo-

do diuidatur, tertio regula quaedam subiicienda sunt. Neque verò ut vana res existimari debet consequentia vim posse intelligere; quoniā ad hos summa totius Dialectica tendit & utilitas. Sanè hæc ex eo potissimum percipit, si cui rectè uti contingerit cōiunctione rationali ergo, siue igitur, aut si qua huiusmodi est: quæ alioqui (ut Alexāder Hegius dicere solebat) multum faceat negotij studiosis huius artis hominibus. Porro hac ipsa rectè uti poterit, quicumq; rei pbandæ tum causam, tū signū intellexerit. Ita enim res vna ab alia dependet, ut certus proculdubio ordo aliquis in ipsa rerum natura esse intelligatur, id quod Seneca inter Philosophos nō contemnendus autor, primo Naturaliū questionū libro his verbis nō tam disertè quā grauer expresseit: Omnium (inquit) rerum certus dicitur ordo, & alia alijs ita complexa sunt, ut quod antecedit, aut causa sit sequentium, aut signum.

POST HÆC.] Quoniam in superioribus regulis consequentiæ habita est mentio, ideo quasdam regulas, & diuisiones de ea subiicit. Consequentia, ut generatim sumitur eadē est cū argumentatione, siue hæc fuerit syllogismus, Enthymema, inductio, exemplum. Nam omnis consequentia est argumentatio & contra. Quoniam ad hoc.] Nam Dialectica est diligens differendi ratio: differere autem nemo poterit, nisi inuenerit, & inuenta in formam argumentationis coniecerit. Porro.] Locus hic dignus est obseruatione, etsi n. omne verū verò est consentaneū: ut Aristot. viij. cap. j. libri Ethicorum, & xxij. cap. j. lib. Priorum, docet tamen non omnibus probandis omnia cōueniunt, sed id quod adfert ad alterius probationem, debet cum eo quodāmodo esse coniunctum. Id eleganter (ut omnia) Rodolphus agricola vnicum eruditionis lumen ij. cap. j. lib. de Inuentione, Dialectica docet.



## De consequentia, &amp; eius diuisione.

Consequentiam igitur hoc pacto quidam definiunt, Consequentia est oratio ex antecedente & consequente, suis quidem partibus constituta; quas rationalis aliqua coniunctio connectit, Eam ita diuidunt, vt sit & bona; & mala consequentia. Et bona quidem ab eisdem: definitur, cuius si antecedens verum est, nō potest esse, quin consequens quoq; verum sit: vt, homo est, igitur animal est. Mala vero, cuius etsi antecedens verum est, non est tamen necesse, vt consequens verū sit, vt Socrates ambulat, igitur cælum serenum est. Bonam rursus diuidunt in materiale & formale. Verū qui Aristotelē potius sequuntur, quā Barbaros sophistas, eā in necessariam, & non necessariam dispeſcunt, vt sit tñ necessaria consequentia, quā illi formalem vocant; nō necessaria, quæ materialis ab illis dicitur. Ergo formalis cōsequentia est, quoties datis quibuscumque terminis iuxta præscriptam aliquam argumentandi formā, si antecedens verum est, & consequens esse verum necesse est. Cuiusmodi in primis sunt syllogistica cōsequentia omnes, & quæ ex ipsarum propositionum, tum conuersione, tum equipollentia eliciuntur, & si quæ aliæ his consimiles sunt: Materiali verò, quæ tametsi bona quidem est, tamen iuxta eandem similemque argumentandi formam firma ubique & constans non est, quales ferè sunt Dialecticæ argumentationes, & quæ per Enthymemata & ceteras argumentationis species constituuntur, nēpe terminorum tantū gratia, videlicet qui materiæ vicem præstant. Itaque materialis consequentia est, si hoc modo argumenteris, Cælum volubile est,



ergo cælum rotundum est. Quippe quòd iuxta eandem formam ita argumentari licebit, Cælum volubile est, ergo cælum stellatum est. Cæterum probabilitas in his ac confirmatio, ex locorum aliqua Dialecticorum peti solet, proficisciturque.

CONSEQUENTIAM.] Tria in omni cõsequentia sunt necessaria, antecedens, quod est prima pars argumentationis, consequens, quod est secunda, & nota illationis: tota argumentatio quæ ex his tribus componitur, consequentia est: vt nulli liberales sunt auari omnes philosophi sunt liberales, ergo nulli philosophi sunt auari. *Et bona quidem.*] Consequentia bonitas non ex eo pendet, quod antecedens est verũ simul, & consequens. Nā huius cõsequentiæ, Fabius est cunctator, ergo cælum mouetur, vtraq; pars vera est, & tamen inepta est consequentia. Regula igitur hæc perpétuò dāda est memoriæ, bonitas consequentia ex eo spectat, quod consequens necessariam cum antecedeñte habeat habitudinē ac connexionem, si verò consequentia sit syllogismus, adde præter illam necessitatem connexionem, obseruandam esse modũ & figuræ aptam dispositionem. partes bonæ consequentiæ multis modis connectuntur. primo, antecedens potest esse verũ simul, & consequens, vt Iustitia est formosa, ergo virtus formosa est. secundo, antecedens pōt esse falsum, & consequens verũ, vt homo est equus, ergo homo est animal. tertio antecedens potest esse falsum, & consequens falsum, vt homo est equus, ergo homo est rationis expertus. quarto, bonæ consequentiæ antecedens nunquā potest esse verũ, & consequens falsum. ea enim est inepta collectio, in qua antecedens pōt esse verum, & consequens falsum, vt princeps rerum Deus bonus est, ergo homines boni sunt.

Sequuntur duæ regulæ, tum instantia contra secundam, tum etiam quæ sit bonæ consequentiæ proprietas.

Sequuntur hinc regulæ duæ, quarum prima est,

Si ad antecedens bonę consequentię sequitur cōsequens, ad oppositum consequentis oppositum sequitur antecedentis. Et oppositum quidē hic intelligo id, quod contradictorium dicitur. Ceterum ipsius regulę tale sit exemplum, homo est, igitur animal est. Hic quia rectē sequitur, homo est, igitur animal est, ad oppositum consequentis, quod est, nullum animal est, rectē quoque sequitur, igitur nullus homo est. Secunda regula, Quicquid sequitur ad consequēs bonę cōsequentię, sequitur & ad eius antecedens: vt quia ad hanc, homo est, rectē sequitur, igitur animal est: & ad hanc rursus, animal est igitur substantia est: ad eandem idcirco, quæ erat, homo est, rectē quoq; sequitur substantia est, vt sit, homo est, igitur substantia est. Sanē has duas regulas ideo adiungere libuit hoc loco, quod vnaquæque harū per totam artem logicam principij vim obtinet. Contra secundam tamen regulam huiusmodi fit instātia. Nam si quid necesse est esse, illud quoq; possibile est esse. Rursus autem si quid possibile est esse, illud iam non necesse est esse. Igitur si quid necesse est esse, idem erit non necesse esse: quod prorsus inconueniens videtur. Sanē huius difficultatis nodū Theophrastus Gręcus autor, vir utiq; in omnibus disciplinis consummatissimus, dignus proinde qui in Aristotelis diatribam, ipso etiam Aristotele id ita adiudicante, succederet (vt autor est Aulus Gellius) ad hūc modum soluit, Non omnino, inquit, idem est possibile esse, & nō necesse esse: quod hoc negatiuam speciem habeat, illud verō affirmatiuam: quamuis tamen eadē propemodum vtrobiq; sit significationis vis. Itaque affirmationem, quæ est, necesse

est esse, non rectè sequitur negatio, per quam aliquid non necesse esse proponitur. At de consequentia quidem quæ sit, & quæ bona tum quæ necessaria, hætenus quàm breuissimè dictum sit. Bonæ præterea consequentia id esse proprium obseruatum est, vt ex vero quidè non nisi verum sequatur vnquam, ex falso autem cum plurimum falsum, nonnunquam etiam verum.

SEQUUNTUR HINC.] Prima hæc regula sumpta est ex primo capite secundi libri de interpretatione, & vltimo capite primi libri priorum, cuius hæc est ratio, quia oppositum consequentis, non potest verum esse cum antecedente. idcirco infert oppositum eius. *Secunda regula.*] Hæc est quædam species gradationis siue acerius vocum necessario coherentium, nisi enim necessario coherent, non valeret collectio. *Contra secundam.*] Hæc quæstio tractatur apud Aristotelem tertio capite secundi libri de interpretatione cuius hæc breuis est dissolutio, duplex possibile, aliud est actu tantum, quod affirmationem significat, & istud sequitur ad necessarium, aliud quod actum, & potentiam significat, & istud non sequitur ad necessarium. Vides optime lector: quæstionem satis impeditam & sinuosam verbo vno esse expeditam, in qua multi, & nobiles Aristot. interpretes & multum desudarunt, & integras paginas impleuerunt, quocirca spero hæc nostra scholiola studiosis mirifice esse profutura. *Bonæ præterea.*] De hoc præcepto videndus est Aristoteles initio secundi libri priorum. *Ipso etiam Aristotele.*] Hanc historiam eleganter Aulus Gellius libro decimo tertio capite quinto explicat.

# IN TRACTATVM SEPTIMVM DE DEMONSTRATIONE.

## P R A E F A T I O.

**S** AEP I V S mecum reputaui, ac toties admiratione nō parua captus sum, quid causę esset, cur bonus ille vir, qui cum in artem Dialecticam tractatus aliquot scribere constituisset, eosdem pro sua (vt videtur) opinione ita demum parauit, vt per eos ad Aristotelis Logicā studiosi eius artis introducerentur: non id etiam tentauerit in eam huius disciplinę partem, quę Demonstratiua dicitur, ac per hoc omnium potissima, & est, & habetur, etiam eorum iudicio, qui illorum tractatum autorem non frigide, immo strenuē (ne dicam supersticiosē) sectantur, cum tamen illud, neq; grauiori illius labore, neque minori traducendorum in hanc quoque huius artis partem vtilitate fieri potuisse constet: maxime quod pueri olim (quod vtinam hodieq; obseruaretur omīssis friuolis cauillationibus) ad philosophiam instituādi, in mathematicis disciplinis, ad quas cōparandas hac parte plurimum iuuamur, antea exercebantur, & si non exacte, rudi saltem modo: quod & exēpla passim per Aristotelis libros dispersa disseminataq; , indicare plane videntur. Vnde ēt in foribus Platonicae diatribę scriptū legebatur, Nemo huc ingrediatur Geometrię expers. quo nomine simul & Arithmetica intelligebatur. Sed ego iam cām ipsām vel subolfacere videor, q̄ videlicet hęc pars Dialecticę visa sit illi haud quaquam idonea ad sophisticas captiunculas, & steriles illas nugas, quibus per id t̄pis, quo vir ille claruit, scholę omnes, atque literarij ludi nō tā vacabant sedulo, quā strepebant acriter. Atq; interim (proh pudor) dum in his nugę illę leuiusculę veluti imperiose docebantur, optimi quinq; bonarum artiū autores in pluteis & sub scamnis delitescabant, situ & puluere obducti, & (qđ hoc etiā miserabilius est) esca blattis & tineis. In quorū subiere locum barbari paulatim, idq; fere in singulis artibus, vt verbi causa, in Grāmatica Alexander Gallus, in Dialectica

# DE DEMONSTRATIONE

Petrus Hispanus, in poetica Gaufredus Britannus, & in Rhetorica Eberhardus quidam, qui etiam ob rem a se obscurius fortassis traditam opusculum suum Labyrinthi nomine inscripsit. Taceo Gregoriam, Floristam, Cornutum, Alanum in parabolis, & ceteros huius farinae viros. Dij boni quos hic auctores recenseo? Sed neque de fuere tamen interim, qui in mathematicis quoque studiis operam suam nauarunt, quam non satis feliciter, verum pro temporum iniuria excusandi potius quam incusandi. Quæ quidem studia: quoniam (ut paulo superius diximus) demonstrandi via, quæ utique certissima est, comparantur in primis, de horum utilitate pariter & dignitate, ex. Seuerino Boetio acris haud dubie iudicii viro, paulo altius repetere libet, priusquam institutum tractatum aggrediamur. Talia (inquit ille) studia sunt ea, quæ mathematica dicuntur: ut si his careat diligens veritatis inquisitor: verum ipsum inuenire non possit. Quinimo si ne hac veritatis speculatione nulli recte sapiendum est. Proinde qui hæc spernit, id est, assemitas sapientiæ negligit: ei denuntio non recte philosophandum. Siquidem philosophia amor sapientiæ est: quam certe in his spernendis: ante iam aliquis contempserit. Hec ille. Quare cum hæc studia minime spernenda sint nec via etiam qua ad illa pergitur: negligenda erat. Hac igitur ratione persuasus, cum in ceteras Dialecticæ partes tractatus certos: atque hos quidem introductorios parare instituerim, in hanc quoque partem hoc est: de Demonstratione tractatum aliquem parandum duxi.

CAESARIUS in hac eleganti præfatione insectatur Petrum hispanum qui etsi aliquot tractatus de arte dialectica scriptos reliquit, nullam tamen mentionem demonstrationis fecit, quæ inter omnes argumentationes necessaria, utilis, ac nobilis est. Continet enim verum solidumque iudicium, quæ argumenta inuenta examinamus, an quæstioni præpositæ, confirmandæ vel refellendæ conueniant. Huius artificum Aristoteles duob. libris resolutorijs acute, & eleganter pertractauit. *Ac per hoc omnium.* Prima ratio cur Petrus hispanus de demonstratione scribere debuerit, quæ

quæ sumitur a iudicio eorum, qui Petri hispani studiosi fuerunt. *Maxime quod pueri.*] Secunda ratio, hæc pars Dialecticæ elementa tradit, quibus in disciplinis mathematicis maxime utimur, ex quibus solis, veræ demonstrationes petendæ sunt. *Sed ego iam.*] ratione subuertit, cur vir ille de demonstratione nihil scripserit, nimirum quod hæc pars cauillis, & gryphis sophisticis accommodata non fuerit. *Quæ quidem studia.*] Excurrit obiter in laudem disciplinarum mathematicarum.

De quadam alia Dialecticæ diuisione, ut perquam tria potissima philosophia instrumenta colligantur, quæ sunt demonstratio, & definitio & diuisio.

Quemadmodum autem Dialectica in duas breuissime partes diuidatur inueniendi vnâ, alteram indicandi, superius à nobis expositum est: restat nunc (cuius & ipsa res iam nos admonet) ut ab eodẽ repetentes, principio, aliam eius diuisionem aggrediamur, quæ & tripartita eius vis, siue facultas esse dignoscatur, quæ tamen secunda diuisio priore destituta esse, ut nõ debet ita non potest. diuisio autem hinc patet. Nam cum Dialectica ex M. Ciceroni, sententia diligens differendi ratio sit, qui fieri potest, ut non etiam ratio sit tum definiendi, tum diuidendi, tum colligendi? Id quod de definiendi facultate idem Cicero locupletissime præcipit primo Officiorum libros his verbis omnis enim (inquit) quæ à ratione suscipitur de aliqua re institutio, debet à definitione proficisci, ut intelligatur quid sit de quo disputetur. Haud secus & de diuisione sentiendum est, quando



nec sine ipsa disputatio legitima procedere potest: quippe quæ viam ad ipsam definitionem non tam parare, quàm aperire videatur, vt sequenti tractatu cõuenienti exemplo ostendemus. Maxime vero ad hanc ipsam artẽ pertinere probatur colligendi facultas ex eo, qđ quicquid in disputationem affertur, collectione tãdem aliqua consumatur, perficiturq; idq; secundũ triplicẽ diuersitatem, quemadmodum & supra annotatum est. Nam aut ex proprijs & veris ac necessarijs liulusmo di collectio fit, proceditq;, & Demonstratio appellatur, aut ex communibus & maxime probabilibus, & Dialectica peculiari nomine dicitur, aut ex captiosis et plane falsis, & Sophistica, idest, cauillatoria perhibetur, sed quæ tamen abiectissima, despectissimaq; totius Logicæ pars est, vt q̃ magis deceptionem eius, cum quo disputationis desumpta est, molitur, quam rei in disputatione propositæ probationẽ. Itaq; Dialectica, quæ est disserendi peritia, tum de definitione, tum de diuisione, tum de collectione quoq; tractat: quæ quidẽ sit (vt debet) sit cū ratione, Syllogismus Græce dicitur συλλογισμὸς Græcè, ratiocinari Latine interpretantur, hoc est, cum ratione colligere aliquid. Videtur enim verbũ ipsum συλλογίζω compositum esse ex propositione σύν, quæ cum significat, & in compositione idem facit, quod cum inseparabilis præpositio apud latinos, & ex nomine, λόγος, quod præter alia multa rationem quoque significat. Vnde & ars ipsa a veteribus Peripateticis Logica postea appellata est, quam antea & Stoici, & Plato Dialecticam appellauerunt, vt qui angustius de ea tractauerint, quam Peripatetici, vt

a Boetio id memoriae proditum est. Logica igitur quasi rationalis scientia dicta est: non quidem, ut barbari nomen ipsum interpretantur (ut alia fere omnia) infantissime, sœdissimeq; etymologia ad hoc adducta aliqua, sed ex Græcorum potius consuetudine, qui artes & disciplinas possessiuus ab aliquo deductis nominibus significari voluerunt, & his quidem sœminini generis, subintellecto (ni fallor) artis nomine, quod Græce τέχνη dicitur quod utique sœminini generis nomen est, ut quod huic respondet apud nos ars.

QVEMADMODVM.] Profert aliam dialecticæ diuisionem, nam yna eademq; res diuersis rationibus, varijs modis diuidi potest, quemadmodum quantitas diuiditur in continuo quædam non. *Priorè destituta.*] Ratio huius est, quia finitio, diuisio, ratiocinatio inuentionem & iudicium tanquam partes priores præsupponunt. *Qui fieri potest.* Est enim dialectica ars finiendi, diuidendi, & argumētandi, in quibus tribus tota vis dialecticę sita est. *Maximè vero.*] Docet a triplici syllogismo, demonstratiuo, dialectico, sophistico, aliud ex alio colligere maxime proprium esse dialecticę. *Nam ex proprijs.*] Demonstratio enim ex principiis propriis veris & necessarijs conflatur. *Aut ex communibus.*] Id Aristoteles octauo capite primi libri posteriorum, & vndecimo capite primi libri Elenchorum, & initio primi libri Rhetoricorum ad Theodecten, cuius hæc sunt verba, ῥητορικὴ ἐστὶν ἀντίστροφος τῇ διαλεκτικῇ. ἀμφοτέραι γὰρ περὶ τοιούτων τιγῶν εἰσιν, ἃ κοινὰ, τρόπον τινα, ἀπάντων ἐστὶ γνωρίζειν, καὶ οὐδεμᾶς ἐπιστήμης ἀφωρισμένης. *Dialectica.*] Profert tripartitam aliam diuisionem, dialectica enim finitione, diuisione, ratiocinatione utitur. *Vnde et.*] Hunc locum in præludis primi tractatus planum fecimus.

Quo pacto inter se duæ Dialecticæ diuisiones  
cōnuentiant, aut altera alteram  
contineat.

Videndum nunc etiam, hæ duæ diuisiones, qua-  
nam se attingant cognatione. Nā cū aliquid definitio-  
ne explicare volumus, genere in primis opus est tum  
& differentijs, quibus id quod definiendum est ab alijs  
omnibus distinguatur. Quas nisi prius cum ipso genere  
iunxerimus, haud quaquam definitionem constituere  
poterimus. Inuētio igitur necessaria est, si definitio per-  
fici debeat. Similliter autem, & cum quid diuidere in  
animo est, ea omnia prius inuenire oportebit, quibus  
diuisis ipsa perficiatur. Hæc autem sunt tum differen-  
tiæ in primis, tum accidētia nonnunquam, maxime ve-  
ro inseparabilia & propria. Iam vero si inuētio absit,  
nec collectio vñquam valebit: id quod in superioribus  
paulo latius explicauimus. Sed his omnibus nisi iudi-  
cium accesserit, frustra haud dubie, aut definire quic-  
quam, aut diuidere, aut colligere tentabimur. Ergo an  
recte definitum, quid sit, aut diuisum, aut collectum, iu-  
dicatio perpendit, examinatq;. Quo fit, vt prior Logi-  
cæ diuisio secundā quasi continere videatur, quia neq;  
existere quicquam sine inuentione, neq; internosci præ-  
ter iudicium potest. Sed nunc propositum exequamur,  
& primum quid sit Demonstratio dicamus.

VIDENDVM nunc.] Quemadmodum cum vna res plu-  
res recipit finitiones, illæ inter se conciliande sunt; ita  
etiam cum vna eademque res plures recipit diuisione, vi-  
dendum est quomodo illæ inter se cōueniant, id quod Cē-  
farius

farius hoc capite docet. *Nam cum.*] Finitio presupponit inuentionem, id a partibus finitionis docet, qui enim aliquid finiturus est, genus & differentiam inueniat oportet. *Similiter autem.*] Diuisio presupponit inuentionem, id etiam ab his docet ex quibus diuisio constat. *Iam vero.*] Argumentatio sine inuentione eorum ex quibus confiat nulla confici potest. *Sed his.*] Iudicium commune est finitioni, diuisioni, & collectioni.

De Demonstratione quid sit, tum

etiam quid sit Scire,

Demonstratio igitur ab Aristotele definitur, syllogismus faciens scire, hoc est, syllogismus per quem rei alicui scientia comparatur, pariturque, quem proinde syllogismum Aristoteles Græco verbo ἐπιστημονικόν, appellat: quod verbum apud nos interpretari potest scientialis, si lingua usus fuerat, ἀπὸ τοῦ ἐπιστάδαι, hoc est, à sciendo deflexum. Ab eodē praterea Scire quoque definitur, rem per causam cognoscere, propter quam res est, quatenus videlicet illius est causa, nec est possibile hoc aliter se habere. Sanè cum multis alioqui modis scire dicatur, latius & pressius, latius quidem qualitercunque, pressius vero eo duntaxat modo, quo nunc definitum est. Quo quidē modo scire is dicitur, qui demonstratione aliquid cognoscit. Demonstratione inquam, hoc est, per syllogismum demonstratiuum, qui idcirco scire facit, quod ex his sit constitutus propositionibus, quæ primæ & immediatæ, tum notiores, prioresq; conclusiones habentur, ac eius insuper causæ sunt.

*Demonstratio igitur.*] Locus est apud Aristotelem secundo capite primi libri posteriorum. Hæc finitio per causam finalem assignatur, finis enim demonstrationis est animo scientiam ingenerare. syllogismus genus est finitionis faciens scire differentiam, quæ separat demonstrationem a syllogismo dialectico & sophistico. demonstratio est secundariū instrumentum, quo acquirimus scientiam, intellectus vero primarium. *Ab eodem.*] scire, hoc loco strictim admodum sumitur pro ea cognitione, quam ex veris, primis, immediatis, causisque conclusionis haurimus. quomodo dictum est ab Aristotele initio primi libri de physico auditu, tunc arbitramur vnumquodque scire, cum causas primas, principiaq; prima usque ad elementa cognoscimus: qui igitur aliquid scit per effecta, vel causas remotas. est igitur huius finitionis sensus. scire, & firmiter alicui conclusioni assentire propter probationem præmissarū, quæ causam veritatis conclusionis continent, ut hanc conclusionem scimus, homo respirat, per hanc propositionem homo habet pulmonem. *Demonstratione inquam.*] Hinc colligitur secunda finitio demonstrationis, quæ datur per causam materiale. Demonstratio est syllogismus constans, propositionibus primis, veris, immediatis, notioribus, & causam conclusionis continentibus.

Quòd omne scibile opus sit præ-  
noscere aliquid.

At vero priusquam aliquid demonstrare cōtingat, præscire aliqua oportet, nempe principia quæ vocatur, & significata eorum, quæ ad demonstrationem sumuntur: ut exempli gratia, cū à Geometra definitur Punctus, cuius nulla pars est, tū præscire oportet, quid partis nomine significetur. Sic & in edificijs, quid lapides, quid intritum, quid materies sit, prænosse debet is, qui a edificandi artē discere vult. Atq; hoc ipsum pfecto est, quòd Aristoteles in principio operis de posterioribus



*analyticis his verbis proponit, Omnis doctrina, & omnis disciplina intellectiua, ex præexistente fit cognitione. Id quod cum in alijs omnibus artibus perspicitur, tum in his præcipue, quarum aliæ sermocinales aliæ peculiari nomine disciplinæ appellantur. In quibus omnibus prænoscere necesse est, quid nomine eius, quod ad demonstrationem sumitur, intelligatur, significeturq; tum ipsa principia, ut ex quibus conclusio demonstratur, cuius per hoc etiam scientia habetur solùm.*

A T V E R O. ] Prius quàm demonstramus propriam passionem de subiecto, necesse est præcognoscere principia, genus subiectū, & propriam passionem. qua de re Aristoteles disputat primo capite primi libri Posteriorum, *Omnis doctrina.* ] Ostensurus Aristoteles omnem demonstrationem esse ex præexistente cognitionem, hoc utitur syllogismo. *omnis doctrina & disciplina intellectiua fit ex præexistente cognitione. omnis demonstratio est disciplina intellectiua, ergo omnis demonstratio fit ex præexistente cognitione, intellectiua,* inquit, *ut omnis doctrina quæ per syllogismū, enthymema, exemplum inductionē fit, vel intellectiua* inquit, *ad differentiam sensitiuæ doctrinæ quæ nō fit ex priore cognitione. Et hæc est facilis interpretatio illius primi pronunciati. Apud Aristotelem primo capite primi libri Posteriorum.*

Quòd duæ sint prænotiones, quòd est,  
& quid sit.

Ex his igitur quæ dicta sunt, patet duobus modis contingere, ut aliqua prænoscamus, tum quòd sunt, tum quid sint. Ut quærēti propter quid a magnete ferrum trahatur, prænosendum utique est ferrum a magnete trahi. Id ubi iā perspectum quispiam habet, sciscitatur deinde propter quid ita eueniat. Similiter quærens



# DE DEMONSTRATIONE

aliquis, quid motus, vel quid tēpus sit, exploratū iam is habere debet vtrunque esse & motum, & tempus. In quibus verò sciscitant adhuc, sint necne aliqua: verbi gratia, an sit providentia: in his necesse est prænoscere quid vocabulo ipso indicetur. At qui contrā euenit, vt scitatur quidem quid vocabulo siue nomine significet, sed nescitur an sit: vt quæ sit. Scyllæ aut Hippocentauri appellatio, nemo est qui nō sciat, An verò et sint, incertum fortassis compluribus adhuc. Sanè non idem putandum est esse quid nominis, & quid rei: quin imò longo hæc & insigni inter se interstitio dissentiunt differuntq; . Significatum nanque vocis cuiusque omnium etiam imperitissimis & Vulgò ferè perspectū est. Quid tamē sit id quod vocē vna qualibet significatur, non nisi exercitatissimis facile traditū est.

Ex his igitur.] Vt facilius hoc caput assequantur iuniores, duo præuie cognitionis gratia dicenda sunt, quid sit præcognitio & quod duplex. Præcognitio est ante demonstrationem requisita cognitio. ea est duplex, quia est, & quid est præcognitio, quia est, dicitur quia principia vera esse cognoscimus, quid est, dicitur quia quid quoque vocabulum in demonstratione sumptum significet. scimus. præcognitio, quia est principijs, quid est propriæ passioni, utraq; generi subiecto tribuitur. auctor Aristoteles primo capite primi libri Posteriorum. *Pt querendi.*] Huius causa est occulta & nemi mortalium nota, vt docet Alexander Aphrodisius initio Problematum. videndus est Plinius libro trigesimo quinto, capite decimo sexto.

Quid sit propositio immediata, & quòd duplex sit demonstratio.

Quoniam autē demonstratio syllogismus est, qui fit ex propositionibus primis & immediatis, vt dictum est,

est, de huiusmodi propositionibus. quænam sint, paulò  
altius repetere operæpretiū est. Itaq; dicimus ex Ari  
stotele & Themistio, quòd propositio immediata est,  
quæ & prima & summa dicitur. Prima quidē, ut qua  
non est alia prior. Summa vero, ut qua non est superior  
alia. Immediata igitur dicta est, ut quæ alia demonst  
ratione confirmari non possit. Quo sit, ut huiusmodi pro  
positiones prima etiā principiæ appellentur. Sed de his  
mox plura suo loco, Cum igitur sit syllogismus per pri  
mas & immediatos rei causas, hæc demonstratio pro  
pter quid dicitur, cum verò per causas quidē, sed non  
immediatas, aut per prima quidē, & immediata, sed  
non quæ causæ rei sunt, huiusmodi demonstratio voca  
tur, quia est. Sanè prima & immediata causa est, quæ  
affectioni, quæ quidē de re quapiam demonstranda pro  
ponitur, æquatur, atq; cum ea conuertitur, ut cum per  
definitionem rei subiectæ propria ei inesse affectio de  
monstrat. Prima verò & non immediata causa est, quæ  
defusior est & magis ampla, & quæ in his præcipue  
scientiis locū habet, quæ subalternatæ dicunt. ut in per  
spectiua, quæ Geometriæ subalternata est. Ergo qui  
cumq; probat arbores, frugesq; nō spirare, quia pulmo  
his desit, is scire dicitur propter quid, quòd pulmo pro  
xima & immediata ratio & causa sit spirationis. Qui  
verò idē facit per hoc, quod non sunt animalia hic iam  
scire illud dicit, quia est. Nā hæc probatio non de pro  
ximo, sed de loginquo com meat. Ita & Ancharsis,  
cum percontanti cuiquam, quare Scythia tibicines nō  
efficiat, respondisset, quia Scythia vitē non ferret, cau  
sam reddidit remotissimā. Nam proxima huius cau

# DE DEMONSTRATIONE

*sa erat, quòd Scythæ themulenti non fierèt: causa item huius, quia temetum non haberent huius deniq; , quia vites essent illis negatæ.*

**Q**UONIAM autem. ] Propositio immediata dicitur, quæ nullo indiget termino medio, ad ostendendû prædicatum subiecto inesse, vt omnis figura plana tribus rectis lineis cõprehensa habet tres angulos æquales duobus rectis, principia tamen possunt probari inductione, sensu, assuetudine, *Cum igitur.* ] Demonstratio propter quid dicitur, quæ ostendit causam cur res sint, & progreditur a causa immediata ad effectum, vt omne animal rationis particeps, est risus capax, omnis homo est animal rationis particeps, ergo omnis homo est risus capax. *Cum verò.* ] Dicta est demonstratio, quia est, eo quod præmissæ conclusionem esse, sed non cur ita sit, ostendat. Hæc sit duobus modis. primo, cum procedimus a causa remota ad effectum, secundò, cum ab effectu ad causam, Hac de re Aristoteles differit decimò capite primj Posteriorum. *Subalternatæ dicuntur.* ] Philosophantes duplicem scientiam nobis excogitauerunt, subalternatam, & subalternantem. scientia subalternata est quæ sub alia continetur, à qua sua mutuatur principia, vt medicina sub naturali, iurisprudentia sub morali musica sub arithmetica, perspectiua sub Geometria. Hac scientia subalternata sumuntur demonstrationes, quia est subalternas. scientia dicitur, quæ suppeditat principia alijs scientijs, vt moralis philosophia iurisprudentiæ, & ex hac sumuntur demonstrationes exquisitæ, hæc sunt quæ vulgo in scholis recepta sunt, quæ ego vt nolo per omnia probare, ita nec etiam improbare, illud tantum dicam. si in ytraque scientia, & subalternante, & subalternata sunt principia, genera subiecta, & affectiones propriæ cur non fiant in ytraque exquisitæ demonstrationes, non video. *Ergo.* ] hic syllogismus sic est contexendus, quicquid respirat habet pulmonem, arbores non habent pulmonem, ergo non respirant est demonstratio in secundo mō secunde figuræ, ex quo exēplo colligere possumus et in secunda figura exactā fieri demonstrationem,

Quid

Quid sit dici de omni, & quid item per se.

Rursus autem, quoniam propositio omnis ex subiecto aliquo & predicato conestitur, scire conuenit predicatum in demonstrandi propositionibus non utcumque; sed per se de subiectis dici oportere: quare quid sit hoc quod per se vocatur, protinus dicendum est. Interim tamen absolvere prius licebit id, quod de omni predicari hoc loco dicitur. Nam absque hoc: id quod per se predicari dicitur, explicari probe non potest. Predicari igitur de omni (ut breuissimè dicam) est cum predicatum subiecto & omnino & semper inesse significatur; nec quicquam refert sine substantiæ, siue accidentis proprii quidem & inseparabilibus rationem habeat id, quod predicatur; ut omnis homo est animal, & omnis Cygnus est albus. Per se verò dicuntur, quæ sunt in eo quod quid est, ut triangulo per se linea inest, & lineæ punctus, & arbor item platano. Nam ut ex lineâ trianguli; ita ex arbore ipsius platani substantia ratioque; substantialis constant; Cæterum non omne quod de omni predicatur, etiam per se predicatur: Quippe de omni Cygno candidum dicitur, quia & semper & omni Cygno inest, non tamen in eo quod quid sit, Cygno inesse dicitur. Ex his igitur, quæ dicta sunt, patet propositionem per se eandem dici, in qua predicatum est aut definitio subiecti, ut homo est animal rationale: aut definitionis pars aliqua; ut homo est animal, vel homo est rationalis.

R V R S V S *autem.*] Explicat quædam, quæ pertinent ad principia demonstrationis. *Predicari igitur.*] Id de omni hoc loco prædicatur, quod secundum rem in est omni subiecto. hoc autem duobus modis contingit, primo, quando prædicatum est de essentia subiecti, ut genus, species, differentia.

3

secundo

20 obnd  
 20 opug  
 103. 1225

## DE DEMONSTRATIONE

secundo, quando est proprium quarto modo vel accidēs inseparabile, de omni vero, vt in libris Priorum sumitur. est quando prædicatum, vel secundum rem vel secundum opinionē omni subiecto inest, vt omne animal respirat. *Per se.*] Strictus hic sumitur per se, quam de omni. Nam id quod per se dicitur, ad essentia pertinet, id verò quod de omni etiam extra essentiam esse potest. *Nam vi.*] Est enim triangulus figura plana, tribus lineis comprehensa, linea verò longitudo cuius duo extrema sunt duo puncta.

Quod sint modi eorum, quæ per se sunt.

Eorum porro quæ per se sunt, quatuor ab Aristotele et Themistio modi traduntur, quorū præter tertium reliqui tres propriè per se dicuntur, qui & distinguuntur, & dignoscuntur extremis propositionum ad se inuicem collatis. Primus igitur modus est, cum prædicatum propositionis est de ratione, quod est dicente subiecti, aut ipsamet ratio subiecti, vt homo est rationalis, vel homo est animal rationale. Secundus, vero cū subiectum est de ratione quid est dicente prædicati, vt numerus est par, & numerus est impar, cui Themistius hoc addit, dicens, Aut quoties accidentia sunt, in quorū definitionib. subiecta collocant, quo modo finem esse per se naso inest, nempe similitudo nasi curuitas definitur. Tertius modus est eorū, quæ neq; per aliud sunt, neq; in alio continentur, vt indiuidua substantiæ. Quartus deniq; modus est cum subiectum causam importat, ob quā causam prædicatum ei cōpetat, vt iugulatus interit. Sanè ex his quatuor modis priores duo sunt, qui de demonstrationib. accommodabiles præcipuè sunt. Sequentes vero duo adiecti ab Aristotele videntur (vt Themistius opinatur) amplificandi, exordinandiq; gratia.

Eorum



Eodem. ] Locus hic est apud Aristotelem quarto capi-  
 te primi libri Posteriorum: primus modus est, quando id  
 quod subiecto attribuitur, pertinet ad formam eius: & quo-  
 niam finitio ad formam pertinet, ea omnia sunt per se pri-  
 mo modo, quæ sunt, vel tota finitio subiecti, vel pars fini-  
 tionis. *Secundus vero.* ] Hoc secundo modo ea accidentia  
 per se dicuntur, in quorum finitionibus subiecta ponuntur,  
 ut exempla textus declarant. *Tertius modus.* ] Hoc modo pri-  
 mæ substantiæ per se dicuntur, idque proprie: nam omnium  
 aliorum sunt subalternicula. *Quartus.* ] Subiectam conti-  
 nens causam prædicati hoc modo per se dicitur, ut iugulatio  
 est causa interitus. *Sanè ex his.* ] Huius loci ratio est, quia  
 ea quæ sunt per se primo modo & secundo, etiam per se præ-  
 dicantur, sed ea quæ dicuntur per se aliis modis, per se non  
 prædicantur. ad hæc, ea quæ sunt per se quarto modo non  
 semper causam necessariam prædicati significant.

Quid sit vniuersale, siue Vniuersaliter dici

Dicendum quoque quid sit, quod hic vniuersale  
 dicitur. Vniuersale Aristoteles definit id, quod cum de  
 omni sit, & per se inest, et quatenus ipsum. Eodem pla-  
 ne modo & Themistiū ipsum definit, Vniuersale, in-  
 quid, appello, quod de omni, & per se, & quatenus ip-  
 sum est, dicitur. Quapropter si quæ de omni dicantur,  
 nō tamen propterea necesse est, ut vniuersaliter statim  
 sint. Siquidem album de omni Cygno, & atrum de om-  
 ni coruo affertur, attamen haudquaquā vniuersaliter,  
 quia neque per se, neque quatenus ipsum. Vnde & explo-  
 ratum iam haberi potest, idem esse & vniuersale, &  
 quod per se dicitur. Exempli gratia. Inest per se lineæ  
 longitudo, quia in definitione eius affertur, Inest etiam  
 quatenus ipsa est. Neque vero si quæ per se sunt, conti-  
 nuò sequitur, ut etiam vniuersaliter sint. Nā quæ se-  
 cundo aut sequētibz duobz modis per se sunt, vniuer-



saliter esse non possunt. Sed ut definitio eius quod hic vniuersale dicitur, accuratissima absolutaq; & cōpleta reddatur, adiicienda est particula, primum, ut id, si dicatur vniuersale, quod est de omni, & per se, & primum. Itaq; propositio vniuersalis hoc loco dicitur, in qua prædicatum subiecto, & omni, & per se, & primo inest. Verbi gratia, esse animal rationale, homini adest primum, non quatenus animal, sed quatenus homo, nec quatenus Socrates aut Plato, sed his inest secundo loco, quia sub homine continentur. Vniuersaliter igitur inesse dicitur, quod omni & per se & primum inest.

DICENDVM quoque.] Locus hic est apud Aristotelem quarto capite primi libri Posteriorum, ut aut hoc loco aliquid dicatur vniuersale, necesse est prædicatum insit omni subiecto necessario, & cum eo conuertatur, ut est proprium, vel finitio. Vnde & exploratum.] Existimo (nisi vehementer fallor) hic legendum esse, idem quatenus ipsum & quod per se dicitur. Nam hæc propositio, homo est animal, est per se primo modo, & hæc, numerus est par, secundo modo, neutra tamen est vniuersalis. Aristoteles etiam quarto capite primi libri Posteriorum disertè docet, per se, & secundum quod ipsum idem esse. τὸ καθ' αὐτὸ δὲ καὶ ἡ αὐτὸ, ταὐτόν, ὃ ἐστὶν καθ' αὐτὸ τῇ γαμμῇ ὑπάρχουσιν, καὶ τὸ εὐθύ. hoc est per se aut, & secundum, quod ipsum est, idem est, aut per se lineæ inest punctum, & rectum. Neque Aristoteles ibi dicit vniuersale, & per se idem esse, obseruet tamen studiosus lector etsi per se, & quatenus ipsum idem sunt in exemplis adductis ab Aristotele, & Cæsario, non tamen in omnibus hoc verum esse. Nam habere tres angulos æquales duobus rectis, per se inest Isocheli, sed non quatenus ipsum, vel quod idem & primum, hunc autem locum sic legendum esse, idem esse quod per se dicitur, & quatenus ipsum ex exemplo Cæsarij perspicuum est. Nam longitudo inquit, per se inest lineæ, & etiam quatenus ipse est. obstinata, & præfectè nihil defendo, & lectorem admonéo, liberū relin-

relinquens cuiq; suum iudicium. *Verbi gratia.*] Sic habere tres angulos æquales duobus rectis, primo inest triangulo, non quatenus est figura, nec quatenus Isocheles, sed quatenus triangulus.

Quòd demonstratio sit ex necessarijs, quodque sit perpetuorum, quid item definitio ad demonstrationem.

His ita cogitis, manifestum est demonstrationem ex necessarijs constare. Nam cum scientia per demonstrationem acquisita ex his fiat, quæ aliter fieri non possunt, consequens est eam ex necessarijs omnino confieri. Huiusmodi autem maxime ea sunt, quæ per se, & vniuersaliter adsunt. Ad hoc rursus argumento est illud, quod quoties demonstrationem aliquã euertimus, illa vti solemus infirmatione, quod ea quæ sumpta sunt, necessaria non videantur. Ex quo & illud sequitur, conclusionem videlicet demonstrationis perpetuam esse, nullamque demonstrationem caducorum, corruptibiliūque, & fortuitorum. Nam quæ confirmatio esse potest ipsius conclusionis, cuius subiectū dissolubile caducumque habeatur, & cui prædicatum, neque semper, neque omnino simpliciterque, sed modo insit, modo non insit? verbi causa, in est Socrati ut animal sit, sed nunc tantum, nec quia Socrates est, sed, quia homo est, Atqui homo semper est, non autem semper Socrates. Et quemadmodum igitur demonstratio caducorum non est, ita nec definitio. Quoniam quidem definitio vel demonstrationis principium est, vel demonstratio solo situ differens, vel demonstrationis conclusio. Principium quidem, ut cum vel pro immediata propositione, vel pro termino in propositione huiusmodi desumitur. Situ vero solo a demonstratione differens est, quoties ta-

lis definitio est, quæ causam rei, q; ita sit, contineat, & hæc. Deliquium Solis est occultatio luminis eius, ob lunam ei oppositam, atq; subiectam. Definitio hæc ordine paulum mutato, in demonstrationem cōmeat hoc pacto: Luna subijcitur, atq; opponitur Soli, quod aut subijcitur, atq; opponitur, occultat. Luna igitur subiecta, atq; opposita, solem occultat. Conclusio porrò demonstrationis, ea est definitio, quæ causam materialē attingit. Vnde & hæc quidem materialis, illa vero formalis à quibusdam appellatur definitio.

His ita ignitis.] Prima ratio docens demonstrationem ex necessariis, effectus demonstrationis est necessarius (scilicet ipsa scientia) ergo etiam principia sunt necessaria, id enim quod necessarium est per necessaria scitur. Ad hoc.] Secunda ratio a signo sumpta, sic enim colligere conueniunt dialectici demonstratio hæc non constat ex necessariis, ergo est euertenda. Indicium igitur, hoc est, demonstrationem ex necessariis esse debere. Ex quo.] Conclusio conficitur ex necessariis, ergo est necessaria. Nullamque demonstrationem.] Aristoteles vicesimo nono capiti primi libri posteriorum hac ratione probat fortuitorum non esse scientiam: omnis demonstratio vel est necessariorum vel eorum, quæ frequenter eueniunt, sed fortuita nec necessario nec frequenter eueniunt, ergo eorum non est scientia. Demonstrationis principium.] vt in hac demonstratione, omne aptum natum ridere, est risibile, omnis homo est aptus natus ridere, ergo omnis homo est risibilis. Si tu vero.] Finitio hæc ita in demonstrationem cōmeat, cuiusquid opponitur soli, occultat solem, luna opponitur soli, ergo occultat solem. Conclusio.] vt finitio materialis tonitruum, restinctio ignis in nubibus, ita per formalem demonstratur, quotiescunq; est sonitus elisus in nubibus, est restinctio ignis in nubibus: atque nunc est sonitus elisus in nubibus, ergo nunc est restinctio ignis in nubibus.

Quod

Quòd tria sint, quæ ad demonstrationem omnem  
requirantur, & quòt modis horum vnum  
quodq; prænoscat.

Cum autem tria sint veluti momenta quadam in  
vna quaq; demonstratione, vt id ab Aristotele & The  
misto traditur, quibus videlicet omnis sciētia absolui  
tur, primum genus subiectum; vt numerus, aut triangu  
lus: secundum affectiones, et quæ & propriè passiones  
à quibusdam dicuntur, & subiecto generi in esse demon  
strantur, vt paritas, & imparitas numero, & tres an  
gulos æquales duobus rectis æquipollere triangulo: ter  
tium principia. Ex his, inquam, genus quidem subiectū  
statuere oportet, vt sint affectiones, quid significēt quo  
rum vtrunq; principia & dignitates desiderant: nam  
& vt sint, & quid significant antequam demonstratio  
nes fiant, sciendū est. Principijs, itaq; vtraq; prænotio  
necessaria est. Nec tamen me fugit, quadam ex princi  
pijs esse, quæ non statim cognitis terminis explorata ha  
beantur, sed obscuriora paulò, declaratione proinde pro  
bationeq; aliqua, nempe dialectica, indigentia, quippe  
quæ fiat vel per inductionem, vel per diuisionem, atq;  
id nimirum est, quòd Aristoteles ait Dialecticæ pro  
prium esse & peculiare, vt cum sit inquisitiua, ad om  
nium methodorum principia viam habeat.

Cum autem.] Locus est apud Aristot. vii. cap. i. lib. poste  
riorum. Genus subiectum in demonstratione vocat Aristot.  
te. non quod est alicui scientiæ restrictum, sed subiectum  
conclusionis, de quo propriam passionem demonstramus.  
Vt paritas.] Id hoc modo fiet. omnis multitudo ex vni  
tibus collecta est par vel impar, omnis numerus est multitu  
do ex vnitatibus collecta, ergo omnis numerus est par vel

impar. Quæstio hoc loco existit, par & impar sunt differentiæ numeri, vt docet Aristot. ij. cap. iij. lib. Topicorum, ergo non sunt accidentia. Ad hanc quæstionem respondere poterimus, par & impar apud Aristotelem modo pro contrarijs immediatis, exempli loco assignata esse modo pro propria passione, nimirum cum sub disunctione sumuntur. *Estres angulos.*] Hoc sic demonstratur, omnis figura plana tribus lineis comprehensa habet tres angulos æquales duobus rectis, omnis triangulis est huiusmodi, ergo habet tres angulos æquales duobus rectis. *Quorum utrumque.*] Hic locus omnino pugnare videtur cum eo, qui est apud Aristotelem, j. cap. j. libri posteriorum. Vbi Aristot. docet vtranque præcognitionem generi subiecto attribui. Illud sic accipiendum puto. Præcognitio quia est, attribuitur principijs quatenus complexa sunt. Ea enim cognoscere oportet, quia sunt, hoc est quia vera sunt. Sic intelligendus est locus Aristotelis viii. cap. i. libri posteriorum, principia dicuntur, quæ cum sint, non contingit ea demonstrare, hoc est cum vera sint. Præcognitio quid est, attribuitur principiis respectu terminorum, ex quibus principia componuntur.

De principiis, & eorum multiplicitate differentia.

Principia in vnoquoque genere sunt (quemadmodum & Aristoteles ea definit (quæ quæ vera sint non contingit demonstrari. Rursus & hoc modo, Principia sunt, quæ per se, & non per alia fidem habent. Per alia quidem idcirco adiectum est, vt intelligamus scientiæ cuiusque principia esse, quibus in eadem scientia, nihil prius superiusque sit, per quod confirmari explicarique possint. Nam si hæc quoque comprobare necesse fuerit, rationem hanc in infinitum tandem extrahere oportebit. Quare si id necesse non est, sed subiacent, supponunturque hæc tanquam notissima; meritò principia statuuntur dicanturque. Ex his autem alia quidem propria vniuscuiusque scientiæ sunt, alia vero communia. Propria



pria quidem, ut in geometria, lineam esse longitudinem  
 sine Latitudine. Et in Dialectica, De quolibet vera est  
 affirmatio vel negatio, de nullo vero simul. Communia  
 autem, ut si ab equalibus equalia demas, remanentia  
 sunt equalia, Item, quæcunque vni & eidem sunt equa-  
 lia, ipsa inter se sunt equalia. Communia idcirco dicta  
 quod pluribus & his etiam diuersis scientiis applica-  
 ri possint. Talia quoque sint & Dialectica quædam  
 principia, ut si quid prædicatur de definitione, idem &  
 de definito prædicatur, & cætera eiusmodi. Porro ex  
 principiis, quæ propria alicuius scientiæ sunt, hæc qui-  
 dē dignitates siue proloquia dicuntur, hæc vero positio-  
 nes. Dignitates quidē dictæ ob id, quod iure illis fides  
 habenda sit. Nā talia principia sunt, quæ statim quisq;  
 audita probat, & quæ quælibet discentē natura habe-  
 re necesse est, q̄ profecto nihil aliud est quàm illis (eo-  
 rum tantū cognitis terminis) intellectum nostrum na-  
 turali lumine ptinus assentire. Cuiusmodi illud est, To-  
 tum vnum quodlibet maius est qualibet sua parte. Di-  
 cūtur rursus & maxime, siue maxime propositiones,  
 & communes animi conceptiones, quod multorum sci-  
 licet intellectu facile percipiātur. Propositiones verò sunt  
 principia, quæ cum demonstrari non possint, necesse ta-  
 men non est, quemlibet docendum ea habere. Ex ipsis  
 rursus quædam suppositiones dicuntur, quædam defini-  
 tiones. Suppositiones quidem, quæ aut esse, aut non esse  
 significant, ut punctum esse Geometra supponit. Defini-  
 tiones verò, quæ absq; eo quod est esse, vel nō esse, quid  
 sit res indicant. Porro suppositionū aliæ quidē dicūtur  
 petitiones siue postulata, aliæ verò suppositiones as-  
 sumptæ.



*sumptæ. Petitiones siue postulata, sunt, quæ hypothese-  
bus ponendis maxime accommodantur aptanturq; , vt  
quoties data propositione quapiam, eius deinde peti-  
tur a discente contraria, siue contradictoria concedi,  
idq; interim disciplina, ne quid scilicet in disciplinis  
absurdum ponatur, aut earum principijs repugnans.  
Assumptæ demum propositiones dicuntur, quum præ-  
missæ demonstrationum assumuntur. Vt ad demonstran-  
dum, quòd demonstratio omnis ex veris procedat, assu-  
mitur a docente, quòd falsum non scit, & quòd verum  
non scitur, nisi ex veris. At de principijs quidē hactē-  
nus, quibus colligendis haud parum mihi profuit com-  
mentarijs suis Iudochus Clichthoueus in Iacobum Fa-  
brum Stapul. vir apprime doctus, & inter scholasticos  
quoque theologos, partes si non primas, secundas tamen  
haud dubiè obtinens. Cæterum ab his demonstrabiles  
propositiones: *δεσφύματα* à Grecis appellatur, quæ La-  
tinis speculationes dici possunt.*

**P R I N C I P I A.** Locus hic paulò ante explicatus fuit. Il-  
lud obseruandū, principia cuiusq; scientiæ non posse proba-  
ri per alia principia notiora illius scientiæ, sed Dialectica, ra-  
tione aut metaphysica. Qua methodo vtitur Arist. lib. 1. de  
physico auditu, cū antiquorum philosophorum, opiniones  
refellit, & 4. libro primæ philosophiæ *Ex his.* ] Prima diui-  
sio principiorū quedam sunt Propria, quedā cōmūnia. Pro-  
pria alicui certæ scientiæ addicta sunt vt hoc in Dialectica con-  
tradictoria nō possunt simul esse verā. Hoc in morali philo-  
sophia, cupiditates indomitę abstinentia vincuntur. Cōmu-  
nia dicuntur quæ per se nulli scientiæ addicta sunt, sed tamen  
contrahuntur ad certam genus scientiæ addicta sunt, sed ta-  
men contrahuntur ad certum genus scientiæ, vt si ab equali-  
bus equalia demas, remanentia sunt equalia, sic contrahitur

si ab æqualibus numeris, &c. Porro.] Secunda diuissio, principiorum propriorum quedam sunt dignitates, quedam positiones, hæc satis dilucide a Cæsario explicantur. *Ex ipsi.*] Tertia diuissio positionum quedam est suppositio, quedam est finitio. Porro.] Quarta diuissio, suppositionū alie sunt petitiones, alie suppositiones assumptæ. Ex his diuisionibus hæc exoritur difficultas, Si finitio est positio quedam, ergo est propositio, sed non est propositio, ergo neque positio. Hoc serupulum Themistius submonuisse videtur. Finitio si cum initio & verbo sumatur, facile in propositionem committat.

Quòd per quatuor causarum genera demonstratio potissimum fiat.

Quoniam autem omnis demonstratio ex principiis sit, principia autem & causæ idem, illud quoque iam dicere oportet, quòd causæ numero quatuor sunt. Vna quidem quod quid est esse, hoc est, substantiæ ratio, formaq; & definitio. Secunda verò, quæ cum est forma, ut ipsa sit, necesse est. Hæc autem materia est. Nam non potest sine subiecta materia forma subsistere. Tertia autem, unde initium sit motus, quæ est efficiens causa. Quarta verò, cuius gratia quippiam sit, idq; finis est rei cuiusq;. Sanè omnes hæc causæ in demonstrationibus spectantur, & medijs in his terminis sunt. Ac ratio quidem ipsa substantiæ, quemadmodum in demonstrationem veniat, sumaturq;, prius dictum est videlicet cum dicebatur definitiones demonstrationis esse principium, vel ab ipsa demonstratione solo situ differentem. Materia verò hoc modo redditur, cū quæritur, quamobrem animalium corpora consumantur corrumpanturque, quia ex contrarijs constant. Omne siquidē, quod ex contrarijs conflatum est, corrumpi natum est. Redditur & principium

primum mouens, si quærat, quare mundus est miranda pulchritudine, quia Deus opifex & ipse pulcherrimus sit, Redditur item finis, si quis sciscitetur, propter quid Deus fabricatus est mundum: quia bonus est. Et quamobrem quispiam uxorem sibi ducendam statuit; nempe ut liberos habeat.

QVONIAM autem. ] Principium & causa idem sunt, si generaliter sumatur, non autem si propriam significationem spectemus. Nam punctum est principium lineæ: non tamen eius est causa Videndi sunt Aristotelis interpretes statim in vestibulo. i. lib. de physico auditu. Vna quidem. ] Hæ finitiones causarum sunt apud Aristot. i. i. cap. lib. posteriorum. Materia vero. ] Ex causa materiali non fit exacta, ut videtur demonstratio, Nam omnis demonstratio componitur ex notioribus, materia vero per se ignota est.

Quo pacto scientia ab opinione differat.

Sequitur hinc iam ut dicamus, quo nam, pacto ab opinione differat scientia. Differt autem hæc ab illa modis duobus, rebus inquam subiectis, & genere probandi. Rebus quidem subiectis, quod scientia quidam eorum est, quæ necessaria sunt, & aliter sese habere non possunt. Opinio autem & eorum, quæ falsa plerunque sunt, & aliter se habere possunt, licet vera sint. Genere vero probandi, quod scientia quidē ex necessarijs proficiscitur propositionibus, opinio verò ex possibilibus contingentibusue, quæ nimirum neque ad scientiam, neque ad intellectum pertinent, qui principiorum habitus ab Aristotele definitur. Quare si habitus omnis, quo vera cognoscuntur aut scientia est: aut intellectus, aut opinio, relinquitur opinionem earum rerū esse, quæ tametsi veræ aliquando sunt, secus tamen esse possunt.

Sequi-

*Sequitur hinc.*] Scientia est habitus conclusionis necessario ex principiis collecta. opinio autē assensus alicuius propositionis, sed absque certitudine & omnimoda firmitate. Sic Arist. xxvj. cap. 1. lib. posteriorum, ut scientia est necessarium, ita opinio contingentium. *Quare si habitus.*] Sic Arist. vj. cap. vj lib. Ethicorum, & ultimo cap. 2. libro posteriorum. Scientia, prudentia, sapientia sunt habitus ipsius intellectus quibus semper vera dicimus. Et quemadmodum intellectus est habitus principiorum, ita sapientia est habitus conclusionis, & principiorum.

Quod duplex sit ignorantia, & quid sit solertia.

Ignorantia porro, quæ scientiæ in totum opponitur, duplex ab Aristotele esse traditur. Una quæ cum alicuius rei penitus rudes ignariq; sumus, puerorum instar, quæ ob id ignorantia secundum negationem dicitur, altera vero, quæ affectionis ignorantia vocatur, quoties quis rudis quidem omnino non est, sed falsam illius rei, quam tenere se putat, scientiam opinionemve habet. Dicta est autem hæc ignorantia affectionis, quod cui contingit, illius animus persuasionem quadam affectus sit. Putat enim se scire aliquid, quod tamē nescire melius esset: idq; aut per simplicem apprehensionem, aut per syllogismum. Unde & ab eodem Aristotele dicta est, partim per syllogismum facta deceptio: partim in sensu error, & hallucinatio. Talet profecto sunt barbari omnes, & sophistæ, qui cum omnia intelligere videri velint, nihil intelligūt, nisi suo more omnia, hoc est, corrupte. Præterea ab Aristotele definit solertia, subtilitas quædam in non prospecto tēpore mediū inueniendi. Vel sic, Solertia est sagax, repentinaq; coniectatio inuentioq; mediū: ut si quis videns lunam, eam quidem

p partem,

partem, quæ solem versus semper deurgit, lucidâ habere intellexerit ob id, quia luna splendorem a sole mutuatur. Aut si quempiam quis cum numulario argentarioue colloquentem videns, intelligat statim versuram eum facere, & causam omnino fœneratitiam esse: hæc tum coniectatio solertia est.

*Ignorantia porrò.*] Locus hic est apud Aristotelē. xij. cap. j. lib. posteriorum. Ordinis ratio hæc est, postquam Aristot. disseruit de syllogismo demonstratiuo, per quem scientiam acquirimus, prosequitur deinde disputationem de syllogismo, ex quo oritur ignorantia, ut eo cognito ne nos labi, errare, & decipi contingat. Etsi enim rectum est iudex sui, & obliqui, perutile tamen est, & bonum, & malum mouisse, ut illud sequamur, hoc vitemus. Quam sententiam Xenophon mirifice li. j. κύρον παδείας sub psona Socratis docet. Arist. duplicem statuit ignorantiam, alteram negationis, cum rei alicuius penitus rudes, & ignari sumus, alteram affectionis, qua hi imbuti sunt, (ut ait Cicero) qui ignota pro notis habent. Hæc est illa ignorantia, qua omnes barbari infecti erant, Gorgias Leontinus, Protagoras, Menedemus, Epicurus, & cætera Sophistarum turba. Omnes nunc docti certatim contendunt, ut hæc fundant profligentq; nec profecto iniuria: est enim tanquã λειπή των κληών, & multorum perniciosorum errorum fons, & origo. De qua Quintilianus hunc in modum scribit, nihil est peius ijs, qui paulo aliquid vltro primas literas progressi falsam scientiæ persuasionem induerunt. *Idque aut.*] Duplex est ignorantia affectionis, quedam per simplicem si propositionem, ut si quis putaret hanc esse veram, nulla virtus est laudanda: quedam per syllogismū, ut si quis putaret hunc esse verū syllogismū, nulla virtus est laudanda, iustitia est virtus, ergo iustitia non est laudanda. *Præterea.*] Locus hic est vltimo capit. j. lib. posteriorum: definit solertiam, quæ est habitus intellectuius pertinens ad medium demonstrationis. Est enim ingenij promptitudo, & facilitas ad medium excogitandū in succincto




succincto tēpore. *Persuam cum facere.*] Hoc est *res* alienum  
*re* alieno dissoluere, & ita se ex vno debito explicare, vt  
 grauiori implicheris.

## De quatuor quæstionibus scibilibus.

Postremo autem de quæstionibus scibilibus hac  
 in parte nonnihil dicendū est. Sunt autē numero qua-  
 tuor quæ sunt, quod est, propter quid est, si est, & quid  
 est. Quæstiones quidem scibiles dictæ, quod per has qua-  
 rimus de qualibet re in vnaqua; scientia. Querimus  
 ergo aut de simplici, aut de cōposito. Simplex quidem  
 hoc loco intelligit, quod seorsum ex vno aliquo decem  
 generū sumitur, vt est, vel Deus, vel Homo, vel Cētau-  
 rus, vel Charibdis. Compositum autem, vt vtrum luna  
 deficiat, aut vtrum iustum natura, an lege potius, & in-  
 stitutione hominum constet. Quoties igitur de simplici  
 quærimus, prima & obuia protinus quæstio est, an sit,  
 secunda, quid sit. Primum nanq; querimus, an sit Deus  
 deinde quid sit Deus. Si autem de composito querimus  
 prima quæstio est, an subiecto prædicatum insit: secun-  
 da, quamorbem insit, hoc est, propter quid. Nam simi-  
 lac didicimus lunam deficere, continenter quamobrem  
 deficiat, querimus. Hactenus de demonstratione dicta  
 sufficiant.

Postremo.] Inter quatuor has quæstiones duæ sunt simpli-  
 ces, si est & quid est. Nam si est querit de subiecto an sit,  
 quid est, de prædicato, quid nam sit, vt an sit aliqua antipo-  
 dum regio, & quid sit. Duæ vero compositæ, quia est & pro-  
 pter quid est, illa querit an hoc huic insit, hæc cur prædica-  
 tum subiecto conueniat.






# INTRACTATVM

## OCTAVVM.

### P R A E F A T I O.

 **S** E Q V I T V R hinc tractatus de Definitione pariter & de diuisione. Quæ quidē, & partes huius quoq; artis sint, ex tripartita superius facta dialecticę diuisione facile intelligi potuit. Nūc illud addendū insuper est, q̃ sicut absq; demonstratione nulla scientia rite comparari potest, ita absq; duabus his partibus non scientia solum, sed nec ars vlla. Quo fit, vt & merito ipse quoq; philosophiæ instrumenta censerī debeant. Distāt autem, vel hoc ipso hæc tria inter se, quōd diuisiō quidem ipsa adiutum ad artes oēs, & disciplinas præparat, cū diligens quædam exploratrix quantum videlicet ars se vna quęq; extendat. Definitio vero præparata iā, atq; explorata, veluti lumine adhibito, illustrat, Demonstratio deinde hæc omnia perficit, & cōsummat. Ratio autem cur, cum ordo in his tribus ita se habeat, prius tamen de demonstratione, quā de cæteris duabus tractare instituorim, quia nimirum ipsa demonstratio est, cui reliquæ duę, nempe Definitio & Diuisiō, inferuire interdum probantur, & accommodari solent, quemadmodum etiam definitioni ipsa diuisiō.

Hinc & de definitione quoque prius dicendum, quā de diuisione,

Sequitur

[Sequitur hinc.] Huius rationem reddit Trapezuntius, cum simul definitione, & diuisione dicendū sit. finitio, & diuisio ita se habent, vt altera alterius ope egere videatur. Nec. n. nisi qui recta distributione vsus est, finire se vnquam intelliget, nec vnquam recte distribuere, nisi quid sit quod distribuendum est, circonseripseris. Itaque absque duabus.] Plato partitur vniuersam Dialecticam in finitionem, diuisionem, & resolutionem, siue argumētationem. Etsi autem est cuiuslibet artis, finire, diuidere, & vnum ex alio colligere, tamen solius est dialecticę pręcepta tradere, quibus id fiat. *Ratio autem.*] Duplex ratio, cur demonstrationem pręposuerit finitioni, & diuisioni. Tum quia demonstratio est dignior, tum quia demonstratio est velut totum, finitio, & diuisio partes eius.

De definitione quid sit, & quo pacto a nomine defferat, tum item & a descriptione, & quid sit descriptio.

Igitur quid sit definitio, ipsa definitione nunc explicemus oportet. Hęc a Platone quidem definitur hoc modo. Definitio est oratio quę quid sit, de quo agitur ostendit quā breuissime. In qua definitione oratio posita est, vt a nomine distinguatur: q̃ nomen quoque rei naturam quomocunq; significet, at ex vnica constat voce: definitio autem ex duabus saltem vocibus. Adiectum deinde est, quā quid sit de quo agitur, ostendit, quoniam inuenias orationes quidem, quas tñ definitiones nemo dixerit; quando quidem rei naturā non exponunt. Cuiusmodi orationes sunt, quę apophthegmata, seu dictēria dicuntur, vt, Nosce teipsum, Nequid nimis, & id genus alię. Postremo adiectum est, quā breuissime, quo ab alijs distinguitur orationibus. multo lōgioribus, vt potē quę certis cōstituuntur par-

tibus quales sunt Ciceronis, & cetera huiusmodi, ab Aristotele vero in Topicis ipsa ad hunc modum definitur. Definitio est oratio, quod quid est esse significans, hoc est oratio explicans, quæ sit rei natura essentiaue. Quo in loco aduertendū, est Aristotelem Græce loquentem, in definitione sua vsum verbo ἦν, quod Græcis est tēporis paratatici, Latinis præteriti imperfecti. Atq; hoc ipsum ita consueſſe Aristotelem Georgius Valla Placentinus fideliter asſerit, vt erat pro est poneret. Quasi verò id illi non cum alijs Græcis hominibus commune fuisset, vt certe fuit. Vnde ad confirmandū quod dico, ex Galeno Græce autore similem omnino orationē huc adferre nō grauabor. Galeni oratio illa huiusmodi est, atque ita legitur in quarto Therapeutica lib. ἐν τῷ γένος ἦν νόσου. Quam utiq; orationem Thomas Lincolnacer vir & Græcè, & Latine doctissimus ita vertit, atq; interpretatus est, Vnum quoddam genus est morbi. Quare ex loquēdi libertate & cōsuetudine (vt dixi) id potius euenire existimandum est, qua Græci verbū paratatici temporis plerunque pro præſenti vsurpant. Itaq; nos ἦν, Est vertimus: etsi Aristoteles interpretæ; quisquis ille fuerit, Erat interpretatus est; verbo ad verbū, ob id fortassis, quòd illud, quod diximus, vel nō animaduertit, vel prorsus ignorauit. Vnde & eam ipsam definitionē hic subiūciendā duximus his verbis, quibus ab Aristotele posita est, nèpe Græcis, ἐὰν γὰρ ὁ νόσος μὲν λόγος, ὁ τὸ τί ᾗ ἐστὶν ἀνασχετὴν. Sed ne illud quiddē omittendū puto, definitionē ipsam termini nomine, quod Græcè ὁ νόσος dicitur plerunque appellari a trāslatione terminorum terræ. Nam sicut per illos fundi in

*agro a se inuicem dispescuntur: ita per definitiones res a se inuicem discernuntur. Rursus autem, & a nomine Definitio differt: quoniam quod nomen obscure & indiscretè significat, id Definitio euidenter, & discretè exponit. Differt item, & a descriptione, quod Descriptio quidem veluti opacæ alicuius picturæ imaginē gerit. Definitio autem perfectæ picturæ faciem refert. Hinc & descriptio a Boetio definitur ex proprietatibus informatio quædam rei, & tanquā coloribus quibusdam depictio. Ex proprietatibus, inquit, hoc est, ex proprijs cuiusq; rei accidentibus. Atq; hæc proinde poetis, atq; oratoribus magis vsu venire solet: nec in id adhibetur, vt quid sit res indicet, sed qualis sit, quasi inspiciendam ante oculos ponat.*

*Igitur quid sit.] Non est igitur in commodum aliquam esse finitionem finitionis. Definitio est.] Locus est apud Aristotelem iij. cap. j. lib. Topicorum. Cæsarius dilucide singulas finitionis particulas enarrat. Nā est oratio propter simplices voces quæ finitiones non sunt, vt decens respectu honesti. Præterea ostēdens quid sit quā breuissime. Nam illæ orationes, quæ nō explicāt rei essentiā, & numerosæ sunt nō sunt finitiones. Nam sicut hūc terminum Romulus instituit, deinde Numa Pompilius eum constituit præsidem & custodem omnis amicitia. Differt item.] Descriptio Poetis crebro, nonnunquam Oratoribus in vsu est, verbosius rem explicat, nec in id adhibetur, vt quid res sit, indicet, sed quale sit, veluti ante oculos ponat. Videndus est Rodolphus agricola v. cap. j. lib.*

Quod duplex sit definitio.

Ergo duplicem esse definitionem, tam ex his quæ dicta sunt, autore Seuerino Boetio, quā ex Aurelio Augustino, vel potius alio quopiam, qui etiam

*Augustino ipso vetustior fuit (ut Laurētius Valla sentire videtur) colligere licet. Alia nāque dialectica est, alia rhetorica, & dialectica quidem est, quæ communi tantum designatur nomine, & definitio appellatur: rhetorica vero, quæ alio nomine, descriptio dicitur, qualis ea est, quæ paulò superius a nobis ex Boetio definita est. Inter utranq; porro hoc interesse ex eodem Boetio animaduertimus, quòd hæc quæ oratoribus apta est, non etiam philosophis perinde conuenit, quæ tamen philosophorum propria est, ea conuenire potest & oratoribus. Omnia nanq; (inquit ille) quæ philosophorū sunt, orator in dicendo recte usurpare, atq; his uti pōt. At contra philosophus in disputationibus suis, quæ oratorum propria sunt, cuncta fere contemnit. Neq; enim adiungit aliquando signum, neq; quod credibile est, aut probabile solum, sed quod necessarium omnino fuerit. Sed de harum utriusq; siue differentijs, siue speciebus, tam proprijs, quàm communibus, deinceps ex ordine dicere haud alienum fuerit.*

*Ergo duplicem.] Duas formas finitionis hoc loco constituit, Dialecticam & Rhetoricam. Alia nāque.] Dialectica finitio est exacta finitio genere & differentiā constans, ut Aristot. iij. cap. vj. Topicorū docet. Rhetorica vero.] Finitio. Rhetorica per accidentia rē declarat, ut hæc respectu hominis, animal sagax, prouidum multiplex, memor acutum plenum orationis, & consilij.*

De triplici, & Dialecticæ definitionis forma,  
ex Cicerone, tum quemadmodum  
alia ab alia distet.

Eius igitur definitionis, quæ Dialectica dicta est,

est, tres a M. Cicerone differentiæ ponuntur, siue formæ principales. Ex his una quidem est, quæ substantialis dicitur: altera vero. quam idem a partium enumeratione appellat: tertia quæ a nota dicitur. Porro eam, quæ substantialis dicitur, & philosophorum maxime propria est, Aristoteles plenam, atq; perfectam consistere ait ex genere, & differentiis, ut cum homo definit, animal rationale mortale. A partium vero enumeratione definitio est, cum enumeratis omnibus totius alicuius partibus, id quod totum est, cognoscitur quid sit. Quæ quidem definitione pœna quæ legibus sancita est, definitur hoc modo: Pœna est, quæ uno ex octo modis fit: nēpe aut dāno, aut vinculis, aut verberibus, aut talione, aut ignominia, aut exilio, aut servitute, aut morte. Eadē quoq; definitione; & mundus a Cleomede in libro de mundo ita definitur, Mundus est, inquit, ex cælo terraq; necnon ex naturis, quæ intra hæc concluduntur, constitutio. Vnde & admonendus hic est diligens lector, non esse necesse, ubi quodammodo partium infinitas quædam est, uniuersa in ipsa partiū enumeratione concludere, ut in definitione mundi iam facta. Tali item vsus est Cicero cum eum definit, qui non liber est, Is (inquit) est, qui neque sensu, neque vindicta, neque testamēto talis est. Etenim hæ partes sunt dandæ libertatis. Nec moueat quempiam, quod per hanc definitionem quid sit non liber, constitutum est nō quid sit: quando peræque definitione opus est, cum ostendere volumus, quid non sit quippiam, quàm quid sit. Porro a nota, ut Cicero, siue ab etymologia, ut Aristoteles, definitio dicitur, cum vis verbi, quæ in compositione si-



ta est, rem suam facta quadam discretione designat, ut in primo Offic. lib. Cicero, quid sit fides, hoc modo definit. Fides est inquit, quia fiat quod dictum est. Tribus igitur positus, veluti principalium definitionum formulis, sola prima, quæ substantialis est, & a toto dicitur, vere definitio nuncupatur, aliæ duæ nominis tantum honore.

Eius igitur.] Tres formas finitionis Dialecticæ subiicit substantialē a partium enumeratione, & a nota. *Ex genere & differentiis.*] Genus enim, & differentia sunt simpliciter notiora, & priora qualia esse debent, ex quibus finitio constat. *Qua quidem*] Hec octo genera penarum Ulpianus commemorat, in. l. si quis forte paragr. si. de pœnis. *Porrò à nota*] Hanc tertiam speciem finitionis vulgo a nominis interpretatione vocat. Videndus est Rodolphus Agricola. lib. j. cap. xij. *Tali item.*] Hos tres modos Boetius in commentarijs ad Topica Ciceronis explicat. Censu liberi fiebant, quorum nomina consensu domini, in sensum referebantur, & seruitutis vinculo liberabantur. Vindicta virga erat, quam Prætor manumittendi serui capiti imponens, eundem in libertatē vindicabat, asserens, aio te liberum. Is testamento liber fiebat, cui a testatore libertas relicta erat.

Quæ & quot sint in summa definitionum, siue Differentiæ, siue species, tam philosophis quam oratoribus, necnon & Poetis communes.

In summa autem ipsius definitiones, siue differentię siue species numero quindecim ex Boetio colliguntur, quarum tamen bonam partem ex Aurelio Augustino in eo, quem de Dialectica scripsit libello, si tamen autorem titulus non mentitur, Boetius collegisse videri

potest, quas & hic nunc per ordinem recensere collibitum est. Ex his igitur prima quidem a Græcis *ῥητορικὴ* dicta est, a Latinis vero substantialis, siue essentialis appellari potest, ut quæ substantiā essentiamue rei cuiuslibet proprie demonstrat, quæ & Philosophi proinde maxime utuntur. Cuiusmodi est hæc hominis definitio, animal rationale mortale risus, & disciplinæ capax. Hæc enim per species, & differētias descēdens, ad propriam tandem venit. Secunda verò quæ a notione Latine, Græce, *ἱστορικὴ* dicitur, Hæc rem nō per substantiam, sed per actum potius explicat: ut homo est quod rationali conceptione, & exercitio cunctis præst animantibus. Hic quidem non quid homo sit dictum est, sed quid agat, atque ita quodā quasi signo in notitiam deuocatur. Tertia, quæ a qualitate nomen accepit Græce *ποιητικὴ* dicta, quæ quale quippiam sit ostēdit potius quàm quid sit, ut homo est qui ingenio valet, artibus pollet, bonumque ac malum discernit. Hinc enim non quid homo sit, sed qualis sit designatus est. Quarta tamen est, quæ a Græcis *ὑπογραφικὴ*, à Latinis descriptiua, a Cicerone vero descriptio appellatur: ut luxuriosus est, qui victus non necessarij, sed sumptuosi appetēs est, delicijs affluens, & ad libidinem procliuus. Quinta vero est, quæ Græce *κατὰ λέξιν*, Latine ad verbum dicitur. Hæc vocem illam, de qua quæritur, alio sermone designat, & quodammodo quid sit declarat, ut conticescere est tacere. Qua etiam definitione locus tum ab Aristorele, tum a Cicerone sedes argumenti definitur, Sexta, quæ Græcis *κατὰ διαφοράν*, Latinis per differentiam dicitur: ut cum quæritur, quid inter regem, &

tyrannum

tyrānum intersit, vterque adiecta differentia, quid sit  
 definitur hoc pacto, Rex est, qui pietate & modestia er-  
 ga suos vtitur: Tyrannis autem, qui in suos saevit, &  
 crudelitatem exercet. Hinc & illud apud Terentium  
 in Adelphis, Hoc pater ac dominus interest. Septima  
 est, quæ κατὰ μεταφοράν id est, per translationem di-  
 citur, vt adolescentia est flos ætatis, senectus ætatis  
 occasus. Item caput arx corporis. Octava vero est,  
 quæ κατὰ ἀφαιρέσιν τοῦ ἐναντίου, id est, per priuantiam  
 eius contrarij quod definitur, dicitur, vt bonum est, qđ  
 malum non est. Quo quidem genere definitionis vti li-  
 cet, cū notum est alterum contrarium. Hac & Hora-  
 tius epistola prima ad Mæcenatem vsus est, cum ait.  
 Virtus est vitium fugere, & sapientia prima Stultitia  
 caruisse. Nona est quæ κατὰ ὑποτύπωσιν, id est, per  
 quadam informationem dī, vt Aeneas est filius Vene-  
 ris & Anchisæ. Porro hæc in indiuiduis, quæ Græcè  
 ἀτομα dicuntur, versatur semper. Desideratur præte-  
 rea, & in nominibus, quæ ὁμωνύμα sunt, hoc est, equivo-  
 ca, vt est Ajax Oileus, & Telamonius. Ergo quoties  
 vnū aliquē definire volumus, a genere, a corpore, a fa-  
 ctis, a dictis, ab animo, hoc genere definitionis vtimur.  
 Decima deinde species est, qđ dicitur ὡς τὸ πῶς hoc est,  
 vt secundum figuram dicam, vel exempli causa. Cuius-  
 modi definitio est, vt si quærat, quid sit animal, & re-  
 spondeatur, vt homo. Qua & Arist. vsus est, cū dixit,  
 οὐσία ἐστὶ, ὡς ἀνθρώπος, id est subst. antia, vt homo. Un-  
 decima, quæ κατὰ ἐκτετακτοῦς ἐκ τοῦ ὁμογενοῦς, id  
 est, per indulgentiam pleni ex eodem genere dicitur, vt  
 si quærat, quid sit quadrans, & respondeatur, cui  
 dodrans

*dodrans* deest, ut *as sit*, *Duodecima*, quæ κατὰ ἐπαύωρ dicitur, id est, per laudem, ut apud Ciceronem pro *Cluentio*, *Lex est mens, & animus, & consilium, & disciplina ciuitatis*. Qualis etiam ea est, quæ ab *Aristotele* philosophia definitur, *ars artium, & scientia scientiarum*, *Tertiadecima* est, quæ κατὰ ἀναλογίαι, id est, iuxta proportionem dicitur, ut cum maioris rei nomen minor designatur: ut edictum est *lex annua, & homo minor mundus*. *Quartadecima* vero, quæ κατὰ τὸ πρὸς τί, id est, ad aliquid dicitur, ut pater est, cui filius est: *Quintadecima* demum, quæ αἰτιώδης, id est, causalis dicitur, ut quæ causam rei de qua queritur, reddat, ut *dies est latio solis super terram*. Similis huic & illa est apud *Ouidium*, *Res est solliciti plena timoris amor*. Efficit enim amor & causa plerunque est, ut quis nimis solícite, anxietateque alteri timeat.

*In summa.*] Istas quindecim species finitionis Trapezuntius ad quatuor genera reducit, ad finitionem substantialem, descriptionem, partitionem & per diuisionem. cetera enim genera finiendi, aut leuiores sunt, quam ut finitiones appellari debeant: aut ad hæc quatuor facile reducuntur. *Cuiusmodi hæc est.*] Hanc hominis finitionem Arist. refellit ij. cap. vj. lib. Topicorum. Est enim Topicum elementum, finitionem esse quertendam, si in ea proprium ponatur, Cuius ratio est, quia proprio sublato, oratio quæ restat plena est finitio, quocirca fatendum est finitionem hominis hic adductam, non esse plene philosophicam. *Quartus autem.*] De hac specie disserit Arist. toto. lib. 5. Topicorū. *Tyrannus autem.*] Tyrannus olim honoris vocabulum erat, nam Tyrannum dominum ac fortem vocabant. Vnde est illud,

## DE DEFIN. ET DIVIS.

Pars mihi pacis erit dextram tetigisse tyranni.  
Sed postquā vi, & libidine dominari cœperunt, in inuidiam nomen abiit, quid inter regem, & Tyrannum intersit, pulchre Xenophon libro quarto ἀπομνημονευμάτων, docet βασιλείαν δὲ καὶ τυραννίδα, ἀρχάς μὲν ἀμφοτέρων ἡγεῖσθαι, διαφέρει δὲ ἀλλήλων ἐνόμισε, τὴν γὰρ ἐκόντων τῶν ἀνθρώπων, καὶ κατὰ νόμους τῶν πόλεων ἀρχὴν, βασιλείαν ἡγεῖσθαι. τὴν δὲ ἀκόντων τε, καὶ μὴ κατὰ νόμους, ἀλλ' ὅπως ὁ ἄρχων βούλοιο, τυραννίδα. Hoc est, regnum autem, & tyrannidem principatum utrūque esse arbitrabatur, sed inter eos multum putabat interesse. illum enim qui volētibus, & non repugnantibus hominibus, ac, secundum leges ciuitatem imperat principatum, regnum putabat, qui vero inuitis, & non secundum leges, ad principium voluntatem ageretur tyrannidem. Quibus verbis Xenophon indicat, regem esse qui volentibus hominibus, & secundum leges ciuitatis impetrat, tyrannum autē qui inuitis & contra leges. *Septima est.*] Hęc forma finitionis est finitio κατὰ χεσηκώς, hoc est, abusiue, omnis enim finitio debet cōstare ex notioribus, & prioribus, vt Aristoteles tertio capite sexti libri Topicorum docet. at omnis metaphora est obscura eodē teste, secūdo capite sexti libri Topicorū. *Item caput.*] Vt enim ἀκούπολις, hoc est, arx propugnaculum est fortissimum ciuitatis: sic caput nobilissima pars hominis. *Lex est mens.*] Nam vt Arist. i. rhetoricorū ἐν τοῖς τόμοις, εἰς σωτηρίαν τῆς πόλεως. In legibus salus ciuitatis posita est. & quē admodum corpus hominis maxime mente, & animo continetur: ita ciuitas legibus.

Ex quo constat, & a quibus sumatur  
ea definitio, quę substan-  
tialis dicitur.

Sane definitio illa, quę philosophis magis peculiaris, est cum ex genere, & differentijs constituatur precipue, interim tamen sumitur, aut a materia, aut  
a lpe-

a specie, siue forma, aut a subiecto, aut a fine. *A materia* quidem, vt statuam definitiōis ex ere, vel alia quolibet materia, quę huius vel illius rei referat simulacrum. *A forma*, siue specie, vt si quis definiat iram, quod est vlciscendi cupiditas, quę eadem a materia definitur esse, ebullitio sanguinis circa cor. *A subiecto*, vt cum dicit quispiam, *Astrologia est ars*, quę circa cęlestia corpora versatur. *A fine* vero, vt quem consequitur, vt *medicina est ars in humano corpore sanitatis effectrix*.

*Sanę definitio.* ] Finitio exacta & philosophica, præcipue inquit, genere & differentia cōstat. Nam cum penuria verarum differentiarum laboremus, interdum proprijs vel accidentibus vtimur. *Interim tamen.* ] Varius hic finiendi modus est apud Aristotelem, priuo capite primi libri, de anima: nec tamen ea finitio quę per formam tantum, vt ea quę per materiam tantū assignatur, plena est, sed ea quę ex materia & forma simul componitur, author Aristoteles loco citato. Ceterum subdificilis hoc loco emergit quęstio, si eiusdem rei varius est finiendi modus, ergo eiusdem rei plures erunt finitiones, quod tamen fieri nō posse Aristoteles tertio cap. vj. libri Topicorum hac rationē docet. finitio explicat rei essentiam, vnius autem rei vna est essentia, ergo vnius rei vna est finitio. nodus hic satis implicatus sic dissolui potest, eiusdem rei plures possunt esse finitiones eadem & recurrentes inter se, diuersę autem & non consentientes minime.

De virtute definitiones, tum & de  
eius vitijs.

Ante omnia autem, & quę sit virtus definitionis dicendum. Sanę hæc est, vt definitio suo ex altera parte definito respondeat. Hanc Rodolphus Agricola



legem definitionis vocat eamq; huiusmodi esse dicit, ut neque plura complectatur, quam ipsum definitum, neq; pauciora, sed de quocunque vnum dicitur, & alterum dicatur. Huic porro aliam idem adiungit: ut quid sit res, hoc est, substantiam rei explicet. Præter has deinde duas, tertiam quoque adiicit, ut sit aperta, hoc est, neque ambiguus nominibus, neque obscuris, aut ex longinquo translatis cõstet. Sunt & alia ad hanc rem ab eodẽ posita leges, quas hic breuitatis studio prætereo. Ex prædictis igitur, & quæ sint vitia definitionis, facile est intelligere. Sunt autem duo precipua, primum, ne quid abundet: alterum, ne quid deficiat. Et dictionũ quidem abundãtia, rei facit defectũ: defectus vero dictionum, abundantiam rei. Atque ex utroque minus apta definitio est. Sed hæc nunc exemplis ostendamus. Per abundantiam igitur definitio fit, si hominem ita definias, Homo est substantia animata sensibilis, Est hæc quidem definitio; declaratio quedam hominis. Nam hæc omnia homo est. Verum si conuertas, non respondebit. Per defectum vero, ut si quis definiat cupiditatem hoc modo, Cupiditas est aliena appetendi desiderium. Sed ne hæc quidem ex æquo respondent rei definitæ, propterea quod minus comprehensum ea est, quam res nominis postulabat. Nam non sola cupiditas auaritia est, imò præter auaritiam, quæ habendi proprie cupiditas dicitur, est insuper tum dominandi, tum vlciscendi cupiditas. Potest & tertium his duobus vitium adijci, quoties scilicet falsum quippiam definitio dicit, hoc pacto, Sapientia est pecuniæ quarendæ diligentia. Verum de definitione hæcenus.

ANTE OMNIA.] Docet certas leges, & virtutes bonæ finitionis. *Sanè hæc.*] Hæc igitur oratio animal bipes implume, non est hominis finitio, quia cum eo non conuertitur. *Huic porrò.*] Hæc igitur oratio, animal habens caput ad sydera erectū, non est hominis finitio, quia nō explicat quid sit homo. *Præter has.*] Malè igitur quispiam hominem sic finiret, arbor euerſa, quia cōstat metaphora quæ obscura est. *Et dictionum.*] Verba hæc Trapezuntij, sunt satis inuoluta, quorum hic est sensus, finitio in qua quidpiam desideratur, latius patet, quàm finitum, & sic defectus dictionum, quibus opus est in finitione, facit abundantiam rei, scilicet ipsius finitionis, quæ pluribus, quam finitum conuenit. Id hoc exemplo declaro, si quis finiat equum, animal quadrupes, finitio propter defectum dictionum pluribus, quam finitum conuenit. si autem aliquid abundauerit in finitione cōtrarium eueniet, scilicet definitū de pluribus dici quàm ipsam finitionem, vt si quis sic finiat hominem animal rationale medicum, homo dicitur de omnibus hominibus, non tamen animal rationale medicum. hæc est eorū perplexorum verborum dilucida explicatio.

### De diuisione.

Restat hinc tertium philosophiæ instrumentum, quod quidem est diuisio, quæ quem habeat vsum ad disciplinas cōparandas, hinc quoq; nosse licebit, quòd sine hac quemadmodum definitio quidem fieri debeat, haud planè intelligi possit. Quippe per quā ea, quæ ad definitionem sumuntur, ex ordine prius colliguntur. id quod faciliè liquebit, si exempli causa, nomē ipsum susceperis definiendū. Nam primò huius genus vox sumitur, deinde vocē ipsam diuido, in vocē significatiuam, & non significatiuam. Definitio igitur, Nomē quod est vox significatiua: quæ oratio quia nomini nondū equatur, rursus diuido significatiuā vocem in eam, quæ secundum

cundum placitum significatiua est, hoc est, ex hominum impositione, & eam quæ naturaliter significat. Itaque prædictæ orationi addo, secundum placitum, sitq; definitio nominis hoc modo. Nomen est vox significatiua secundum placitum. Verum quia nec sic definitio definito ex æquo convenit, idcirco id quod est significare secundum placitum, deinde diuido, ac dico, Vocum secundum placitum significantium, aliæ quidem cū tempore, aliæ, verò sine tempore significant. Sed quia ne sic quidem perfecta nominis definitio haberetur, rursus aliam aggredior diuisionem, nempe eius quod est significare sine tempore. Nam huius aliud quidem est, cuius partes extrâ significant: aliud verò, cuius partes extrâ nō significant. Itaque nominis definitionem tandem hoc modo compleo ac dico. Nomen est vox significatiua secundum placitum, sine tempore, cuius nulla pars extrâ significatiua est. Sed nunc quid sit diuisio, & quotupliciter dicatur, dicendum hinc est.

RESTAT HINC.] Finitionem esse inuestigandam ex diuisione. Aristo. xiiij. cap. j. lib. Posteriorū docet. Quòd sine hac.] diuidere enim nihil aliud est, quàm ex genere per differentias diuisio in species descendere, vide Rodolphum Agricola[m] septimo capite primi libri Quippe.] Docet exemplo finitionem per diuisionem esse inquirendam.

De diuisione quid sit, & quot modis dicatur

Diuisio igitur ( vt in vniuersum dicamus ) est communioris in minus communia diductio. Semper enim quod diuiditur, communius ijs est, per quæ diuisio fit, & per hoc latius patet. Fit autem multis modis. Si quidē alia est diuisio generis in species, alia cū totum veluti in partes secatur, quam proinde quidē partitionem

nem

nem dicere malunt: alia rursus, cum vox multorum significatina, in proprias significationes distrahitur. Quē tamen diuidendi modum Rodolphus Agricola nō admodum probat, sed Enumerationē potius dicendā existimat, quemadmodum & cum species in indiuidua ducitur, id quod etiam Io. Damasceno ita placet. Similiter autem & quoties ab vno ad plura, & à pluribus item ad vnū diductio fit, enumeratio dicenda videtur. Ab uno quidē ad plura, vt à medicina, homo medicus, liber medicus, herba medica, manus medica (hinc illud Vergilius. Dum medicas adhibere manus ad vulnera pastor Abnegat,) & item vas medicinale, & medicinale emplastrum, siue cataplasma, & id genus infinita alia. Hęc enim omnia ab vno sunt, quoniam à medicina nomen inuenere. Ad vnum autē, vt salubre medicamen, salubris esca, salubris aura. Hęc siquidem ad vnā tendunt sanitatem. Ceterum præter prædictos diuidendi modos, est qui secundum accidens dicitur, cum aut subiectum in accidentia diuiditur, aut accidens in subiecta aut accidens in accidentia. Ex prædictis igitur patet, quòd diuisionum alię quidem proprię dici possunt, alia vero impropria, & abusua.

**D I V I S I O** igitur. ] Hęc finitio diuisionis, tam ad logicos pertinet, qui voces præcipuē, quā ad phisicos, qui res potius considerant. *Semper enim.* ] Diuisum est communius mēbris diuidētibus, si ad singula referatur, sed si ad omnia simul, cum illis recurrit. *Fit autem.* ] Trapezuntius ita partitur, omnis diuisio, aut est per se, aut per accidens, diuisio per se, aut generis in species, aut totius in partes, aut vocis in suas significationes, per accidens, aut est subiecti in accidentia, aut accidentis in subiecta, aut accidentis in accidentia.

# DE DEFIN. ET DIVIS.

## De diuisione generis in species.

GENERIS in species diuifio fit, cum ipsum in species per differentias diducitur, aliquoties autem & in ipsas species citra differentias: vt magnitudinū hęc est linea, hęc superficies. illa verò corpus: aliquoties aut nominibus carēt ea, quę sub eodem genere cōtinentur species. Quod vbi contingit, accipimus vnius alicuius speciei differentiam: deinde quia aliarū specierum unā aliquam differentiam communem non inuenimus, circūloquitur eam alterius differētīę negatione, quemadmodum in animalis diuisione fieri videmus. cum ipsum ita diuiditur, animalīū aliud rationale, aliud irrationale. Hic irrationale, nō nisi eius, quod est rationale, negationem explicat. Quamobrem hęc vera differentia esse nō potest, quippe cum omnis species ex differentia constituatur. Nihil autem ex negatione constituitur. Ergo quoties negatione facimus diuisionem, prius affirmatio, post negatio subijciēda est: nec id ab re quidē: quippe quod affirmatio natura ipsa prior sit negatione. Aliquoties item & differentia loco specierum in diuisione ponuntur, vt cum dicimus. Quantitatis aliud continuum, aliud discretum: quę cū differētiarum nomina sint. vice tamen specierum posita sunt.

GENERIS in species.] Diuifio generis in spēs fit duobus modis. primò cum ipsum diuifum est genus, & membra diuidētia eius species, vt animalium aliud homo, aliud brutum. secundo, cum diuifum est genus, & membra diuidentia eius differentia, quę singulas inferunt species, vt substantiarum alia est corporea alia est incorporea. Hic irrationale.] Irrationale, insensibile, inanimatum, voce tantum priuatiua sunt: significant enim naturam quendam diuersam illi,

cui

cui ex aduerso opponuntur, vt incorporum significat spiritum, irrationale brutum. hic locus est apud Rodolphū Agri-  
colam libro primo capite septimo.

Vtrum in species, an in differentias re-  
ctius genera diuidantur.

Vnde & illud iam hand indignū inquisitu subori-  
tur. Vtrum in differentias, an in species rectius genera  
diuidant. Sanè huic inquisitioni ita ex Boetio obuiam  
itur: Quoniam definitio diuisionis, generis est in species  
proximas distributio, idcirco oportet secundū naturam  
diuisionis, in proprias species generis disgregationē fie-  
ri. Verū hoc inierdam fieri nequit propter eam, quæ su-  
prà reddita causa est. Multis siquidem speciebus nomi-  
na desunt, Atq; idco, quoniam quedā sunt genera pri-  
ma, quedam vltima, quedam media. Primum quidem  
est, vt verbi causa, substantia: vltimū, vt animal: mediū,  
vt corpus. Corpus nanq; vt animalis genus est ita sub-  
stantia corporis. Vnde quemadmodum neq; super sub-  
stantiam quicquam inueniri potest, quod generis loco  
collocari valeat, sic nec sub animali, Homo enim species  
est, non genus. Quare antiquior videbitur per species  
diuisio, si indigētia nominū nō sit. Ergo si his nō abūda-  
mus, genera prima, vsq; ad vltima conuenit in differen-  
tias separare. Hoc autem fit, si primum genus in suas  
differentias disgregeamus, nō in sequentis proxima, aut  
posterioris generis differentias, & rursus posterius in  
suas, & non in sequentis deinde differentias. Neque  
enim eadem sunt differentia substantia & corporis,  
aut corporis & animalis. Si quis igitur dicat, Substan-  
tiarum alia corporalis est, alia incorporealis, rectē qui-



dem diuisionem fecerit. Hæ nanq; propriæ differentiæ sunt substantiæ. At non rectè, si ita dixerit, substantiarum alia animata, alia inanimata est. Siquidem hæ corporis, non substantiæ differentiæ sunt, idest, secundi, non primi generis. Quare manifestum est, secundū proprias differentias diuisionem faciendam esse, quoties per differentias genus distribuendum venit.

Vnde & illud.] Huius quæstionis hæc est solutio. si species habent nomina imposita, præstat genera in species diuidere quàm in differentias, id enim diuisionis natura exigit. Corpus nanque.] Arist. v. cap. quarti libri Topicorum, hac ratione docet corpus non esse genus animalis. omne genus dicitur de sua specie: at corpus non prædicat de animali: nam est pars animalis, nulla autem pars dicitur de suo toto, ergo corpus non est genus animalis. hæc quæstio sic dissolui potest. corpus duobus modis sumitur, primo pro parte ea cui anima inest, & sic non est genus animalis. secundo corpus accipitur pro toto composito, & sic genus animalis est. Neque enim.] Differentia substantiā diuidens cum genere sumpta, corpus finit, quia quæcunque sunt differentiæ superiorum, etiam sunt differentiæ inferiorum: quam regulam quidam de differentia prædicati constitutiua intelligendam putant, possunt enim quædā esse differentiæ diuisionis prædicati, quæ nullo modo erunt differentiæ subiecti, vt volatile, aquatile animalis sunt differentiæ, non tamen hominis videndus est Aristoteles in ante prædicamentis.

De diuisione totius in partes, & quod modis tum dicatur, & de partium inter se differentia.

Totum quoniam multipliciter dicitur, eius quoque in partes multiplex diuisio est. Dicitur nanque totum aliud quidem secundum quantitatem, idque duobus modis. Nam aut continuum, idest, vt corpus: aut discrete-

secretum, vt grex, item exercitus & populus. Aliud vero quod vniuersale appellat, vt animal, & vniūquodq; superius, si ad eius referatur inferius. Aliud quod totum in modo dicitur. Aliud autem, quod ex quibusdam velut virtutibus & potētīs cōstat, vt anima. At hinc nunc exempla subiiciamus oportet: Totum igitur si continuum fuerit aut discretum, in eas diuiditur partes, ex quibus compositum cōstat, vt hominis corpus in caput, manus thoracem, & pedes. Quo etiam modo totus populus Romanus in tres partes olim diuisus fuit, in equestres, in senatores, & plebem. Caterū partium, & perinde etiam totius non eadem ratio est. Quaedam nanque pertinent ad substantiam, quaedam ex quātitate nomen habent, quaedam virtutis & efficacīe cuiusdam. Substantiē sunt, cuiusmodi corporis partes supradictae. Quantitatis vero, vt in ijs, quae extensa sunt, vt bipedale, tripedale, partes dicimus rei decē pedalis. Et in tempore, präteritum, instans, futurum. In numero, vt denarij quinque & quinq;. Et item vnum, duo, tria, quatuor. Virtutis autem partes sunt, quos & gradus quidem vocant, quemadmodum dicimus. Achilli plus roboris fuisse; quā Aiaci. Sic & animę partes quatuor faciunt, viuificandi, sentiendi, mouendi, & intelligendi. Rursus autem quae substantiæ partes sunt, aliæ de propinquo substantiā constituunt, vt materia, & forma, vt in homine corpus & anima, in arbore vita & lignum. Aliæ ad integritatem ritē explendam pertinent, vt domus, parietes, tectum, & fundamentum. Est præterea & alia partium differentia. Siquidem ex his aliæ quaedam sunt, quas ὁμογενεῖς Græci vocāt, nos cognatas

dicere possumus & similes, ut partes ligni, aut lapidis. Omnes enim tam ligni quam lapidis partes: eiusdem generis sunt: ut natura, ita nomine participant. *Alia vero* ἐτερογενῆς à Græcis dicta, à nostris alterigenæ, id est, alterius atq; alterius generis, siue dissimiles, ut partes domus, ligna, & lapides, & in homine caro, nervi, & ossa. At de partibus quidē totius secundū quantitatem hæcenus. Totius vero vniuersalis diuisio hoc modo fit: *Homines alij in Europa habitant, alij in Africa, alij in Asia.*

TOTUM quoniam.] Quemadmodum duplex est quantitas, alia continua alia discreta: ita duplex est totum, aliud secundum quantitatem continuam, aliud secundum discretam. *Aliud verò.*] totum vniuersale est quod ex multis particularibus colligitur, ut virtus scientia. *Totum in modo.*] Totum in modo est quilibet terminus sine determinatione sumptus, ut homo, & idem fit pars in modo, si cū determinatione sumatur, ut homo sapiens. *Aliud autem.*] totum potestate est quod diuiditur in potentias & virtutis, ut anima in vegetatricem, sentientem, intelligentem. *Ceterum parium]* quæ ab hoc loco dicuntur vsque ad finem capitis, sumpta sunt ex nono capite primi libri Rodolphi Agricolæ. *Si quidem ex his.*] similes partes dicuntur, quæ & nomen & appellationē sui totius sortiunt, ut partes sanguinis, ossis, quælibet. n. pars sanguinis, ossis, est sanguis & os. dissimiles dicuntur quæ nec nomē nec appellationem sui totius recipiunt, ut partes, capitis, pedis, nec enim pars capitis est caput, nec pars pedis est pes. Videndus est Aristoteles primo capite primi libri de historia animalium.

De diuisione vocis in significationes.

Diuiditur vox in plures significationes, quoties vel æquiuoca est, vel ambigua. *Æquiuoca*, ut canis: quæ vox cum vna & simplex sit, plura tamen significat, nempe canem domesticum, canem cælestem,

quæ

quæ stella ad Orionis pedem, autore Higino, micat, et canem marinum. Ambigua verò, ut oratio, qualis hæc Aio te Aeacida Romanos vincere posse, Hęc. n. Oratio ambigua prorsus est, quippe quæ significare videtur non tam Romanos Pyrrhum superaturos, quam Pyrrhum ipsos Romanos. Caterum præter hanc vocis divisionem est alia, quæ vox secundum plures modo dividitur: ut cum non plura significat vox aliqua, sed multis dicitur modis, ut infinitum, quod quidē dicitur aut secundum mensuram, ut est mundus opinione aliquorum infinitus: aut secundum multitudinem, ut cum decimus continuum dividi posse in infinitum, hoc est, in partes multitudine infinitas, quas partes proportionales quidam vocant: aut secundum tempus, ut cuius terminus inueniri non possit: aut secundum potentiam: quemadmodum Deū infinitum esse dicimus, Alia item divisio est, quæ cum determinatione, vox aliqua significare dicit, vel sine determinatione, ut homo: quæ vox quando sine determinatione dicitur (quo quidē tū maximè est, cum simpliciter profertur) facit in intellectu audientis dubitationem, quæ tamē protinus tollitur, si determinatio aliqua adijciatur, ut omnis homo.

**DIVIDITUR autem.]** Aequivocatio in simplici voce, ambiguitas in oratione locum habet, ut enim æquivocatio est multiplicitas significationum in voce simplici ita ambiguitas in structa orationis continet multiplicem sensum. Aio te Aeacida. ] Ennii versus est, quo finxit Appollinem Pyrrho regi Epirotarum Delphis responsa dedisse. Aeacida vocatiuus est Græcorum more, à nomine Acacides, quod Pyrrhi patris nomē fuit, ambiguitas nascitur ab accusatiuo te, qui vel à patre anteriori vel posteriori verbi vincere, cōstrui potest. *Est*

*est mundus.*] Quidam in ea sententias fuerunt, mundū neq;  
in cōpisse, neque interitūrum & sic omnium rerum esse men-  
suram. *Vt cum dicimus.*] Id de infinito potentia est intelli-  
gendum. est autem infinitum potentia res cuius quantita-  
tem dimetiēs vel numerans aliquis, semper inuenit aliquid  
quod supersit, infinitum actū ( vt hoc quoque in transcurso  
adijciamus) esset, si daretur corpus habens actū infinitam  
quantitatem, & tale nullum est in rerum natura, vt Ari-  
sto. mul. verbis lib. 3. de Physico auditu docet. *Quas partes.*] *Partes*  
proportionales dicuntur, quæ habent eadem propor-  
tionem cū partibus præcedētibus alicuius magnitudinis. Vt  
verbi causa, si magnitudo cubitalis diuidatur in duas me-  
dietates, & rursus medietas in aliam, & cetera, tunc enim di-  
uisio infinitū exhibito si vero fiat diuisio seruata eadē quan-  
titate partium, non exhibit in infinitum, vt si quis a linea cen-  
tum cubitorum semper subtrahat vnum cubitum, tandem  
tota magnitudo exhauritur.

De diuisione quæ secundum accidens fit.

Porro eorum quæ secundum accidens diuiduntur,  
alia est diuisio subiecti in accidentia, vt animalium  
aliud mansuetū, aliud ferum, aliud mediæ inter vtrum  
que naturæ: quemadmodum & id à Plinio annotatum  
est libro octauo, cap. 56. Alia accidentis in subiecta, vt  
feritatis alia serpentis, alia volucris, alia relinquorum  
beluarū est. Alia demum accidentis in accidentia, vt  
candidorum, aliud durum, vt margarita, aliud molle,  
vt lac. Quæ etiam diuisio vicissim in alterutra mēbra  
mutari potest: vt eorum quæ dura sunt, aliud albū est,  
vt alabastrum: aliud bigrū, vt ebenū, ac rursus eorum  
quæ mollia sunt, aliud album, aliud nigrum.

Porro eorum.] Diuisio subiecti in accidentia dicitur,  
cum diuisum est subiectum, & membra diuidentia eius sunt  
accidentia, vt animalium aliud sanum aliud ægrum. *Que-  
riam.*] sumptus est hic locus ex Boetio, cuius hic est sen-  
sus

sus, quando accidens diuiditur in accidentia, tunc diuisum, & illius contrarium per eandem differentias diuidi possunt, vt si album per durum, & molle diuidatur nigrum eisdem differentiis diuidi poterit. deinde singula membra in diuisum, & illius oppositum posse comutari, vt durum, & molle in album, & nigrum.

De quibusdam legibus, vt rectè diuisio fiat obseruandis.

Vt autem rectè ipsa diuisio procedat, certæ leges obseruandæ produntur. Prima: vt differentie, per quas genus in species diuiditur, e regione cõstituantur, & inter se oppositæ sint. Hinc nullus rectè dixerit, animalium aliud rationale est, aliud bipes: idcirco q̃ rationale & bipes, licet differant, nulla tñ à se inuicem oppositione seiunguntur. Huic sanè legi etiã subiaceret ea diuisio, quæ secundum accidens fieri dicta est. Secunda, vt quicquid in diuisio cõtinetur, id totum mēbra diuidentia explicet, hoc est, ne quid vltra citraue dicatur, quoties quippiam diuidendum est. Alioqui aut superflua, aut diminuta erit facta diuisio, id quod etiam in definitione cauendum est. Tertia, vt si fieri cōmodè possit, diuisio omnis binembris sit, id quod in definitione eodem modo requiritur. Verùm quò minus illud fiat, vocabulorum indigētia plerunquē impedimēto est, vt cūm quærit quispiam, quid est homo: respondentem minimè necesse foret dicere, animal rationale mortale, si id qđ est animal rationale, proprio nomine nuncupatum esset: quod deinde cum reliqua differentia iunctum, nempe mortali, definitionem hominis verissima atq; integra oratione perficeret. Eodem sanè modo & diuisio ipsa duobus tantum terminis proficeretur, si non interdum propria



vocabula deessent: vt cū dicimus, Figurarū, quæ quidem trilateræ, sunt, aliæ sunt equilateræ, aliæ ex tribus duo æqualia latera habent, aliæ totæ inæquales. Hæc trimēbris diuisio diobus clauderēt terminis, fieretq; bimembris, si ita proferretur. Figurarū quæ trilateræ, sunt aliæ sunt æquales, aliæ inæquales. Inæqualiū rursus, aliæ sunt duo tantum latera inæqualia habentes, aliæ tria, hoc est, omnia simul. Si cū dicimus, rerum alia bona sunt, alia mala, alia indifferentia, qualia sunt quæ neq; bona, neq; mala sunt. Hæc quidem diuisio trimembris quoq; est, ac bimēbris fit, si ita dicatur rerum alia sunt differentia, alia indifferentia. Differentium item, alia bona, alia mala. His tribus iam expositis legibus, quarta demum accedat, quæ est huiusmodi, Quoties genus aut in differentias, aut in species dissoluitur, post factam diuisionem, eorum per quæ diuisio fit, definitiones atq; exempla protinus subdenda sunt. Atque in hoc absolutus sit tractatus octauus.

Vt autem.] Profert quasdam leges bonæ diuisionis *Prima* ] Differentiæ condiuidentes aliquod genus debent esse oppositæ, hoc est diuersæ, & repugnantes, ita vt non possint vni & eidemque cōpetere, non enim semper necesse esse videtur, vt membra diuidētia aliquo oppositionis genere opponantur. rationale enim, & irrationale nullo oppositionis genere opponi videntur; id quod studiosus facili ex inductione quatuor formarum oppositorum colliget. *Secunda.* ] Quare hæc non est bona diuisio, hominum alius est medicus, alius physicus. diuisum enim latius patet ipsis membris diuidentibus.

# INTRACTATVM NONVM,

De locis Dialecticis.

## P R A E F A T I O.

**S**UPEREST pars illa Dialecticæ, quæ lo-  
cos nobis subministrat: a quib. argumen-  
ta veluti eruuntur, atque ea quidem po-  
tissimum, per quæ de quavis re, imò verò  
& de principijs etiam disciplinarum pro-  
babiliter disputare contingit. Vnde eue-  
nisse reor: quod Dialectica ipsa a quibuscū-  
dicta est ars artium, & scientia scientiarum, ac proinde di-  
gna iudicata, quæ primum locum inter artes atque scien-  
tias omnes obtineat. Tum & eodem iure disputatoria ars  
appelletur: id quod nomen ipsum apud Græcos planè in-  
dicat: quippe quod non aliunde deduci certū est, quā a Græ-  
co verbo διαλέγομαι, quod præter alia: quæ significat, disputo  
quoq; apud nos significat: id quod faciliè ijs pro cōperto  
esse potest: qui vel mediocriter illius gentis linguā callent.  
Quam qui improbant, ac per hoc vt inutilem contemnunt,  
hi, mihi videntur vel inuidia torqueri: vel stupore grauari:  
adeò vt sint planè sine omni iudicio. An iidem nesciunt  
a Quintiliano probatissimo: grauissimoq; studiorum cen-  
sore suasum esse, vt a Græco sermone pueri initium discipli-  
narum capebant? Nec iniuria quidem: quippe quod vt idem  
autor est) à Græcis ad nos omnes bonæ artes manarint: sed  
hi: vt video, sicuti nihil probant, nisi quod ad suum faciat  
palatum; ita Gryllum suum ducem (vt est apud Plutarchū)  
sequentes per loca inculta prorsus, steriliaq;: & penè deser-  
ta, glandibus adhuc vesci malunt, quam per amœnes, atq;  
feraces campos squatiantes: optimas colligere fruges: vnde  
probè pascantur. At de hoc satis superque ad præsens. Cæ-

terum

terum in hac parte de locis id præstitit : quod nec ante : nec post alius quispiam : Rodolphus Agricola è Frisia, quæ Germaniæ haud ignobilis prouincia est : vir profectò non satis laudatus : etiam a laudatissimo, viro Hermolao Barbaro, cuius proinde si etiam vestigia imitari velim : vix potero . Ita enim omnia, & grauius & acutè ab eo tradita sunt : vt veluti maiestas quædam in his elucere videatur . Tamen si quid obiter apud eundem inuenero : quò ad rem nostram faciat (faciet autem haud dubiè plurimum) haud grauabor huic operis parti inferere, quantum quidem nostra hæc institutio ferre possit.

Hic tractatus inuentionem, quæ locos nobis suppeditat, continet, cur autem Cæsarius post posuerit inuentionem in iudicio, dictum est a nobis in præfatione quinti tractatus. *Per quæ de quauis re.*] Hic Aristoteles statim in principio primi libri τῶν τοπικῶν . ἡ μὲν πρόθεσις τῆς πραγματίας μέθοδον εὐρεῖν ἀφ' ἧς δινησὸ μεθὰ συλλογίζεσθαι περὶ πάντος τοῦ προτεθέντος προβλήματος ἐξ ἐνδόξου, καὶ ἀντιλόγον ὑπέχοντες, μηδὲν ἐξοῦμεν ἐναντίων . Iam vero.] Nam principia scientiarum in eadem scientiâ non habent notiora, sed per argumenta probabilia, quæ ex locis topicis eruuntur, probantur. *Vnde euenisse.*] Dialectica est ars artium non dignitate, sed via, & ratio, quâ tradit ad disciplinas grauiores explicandas. locus hic est desumptus ex secundo cap. i. lib. Top. *Tum & eodem iure.*] Sic Rodolphus, nomen dialectices nonnulli latinè tentantes dicere, dissertaram, vel disputaturâ, quæadmodum grâmaticem literaturâ dixere. *Gryllum suum.*] Hoc est ineptum & insulsum aliquem authorê. Plutarchus in Dialogo, quem scripsit, an brutis insit ratio fingit Gryllum gratum a Circe venefica muliere in suam conuersum, cum multis alijs sociis Vlyssis. hos cû repeteret Vlysses, vt ad suos reduceret, Circe se facturam negauit, nisi Vlysses prius cum aliquo sociorum incertamen descenderet, quo instituto prodiit Gryllus, tanquam cæterorum dux, a quo Vlysses etsi astutissimus, & eloquentissimus (vt Homerus vbiq; fingit) superatus est. de hoc Gryllo Angelus Politianus

tianus vir prolioribus literis egregiè per politus libro secundo epistolarum, epistola nō tu & cetera, sic scribit. Nam etiam huic nostro seculo nondum audeo sperare, quoniam praua quadam consuetudine, sic penè quadam homines obbrutuerunt, vt glandem adhuc defendāt repertis frugibus, similesquē mihi Grillo vidētur illi, qui cum Vllis disputat apud Plutarchū, nec vllis potest adduci rationibus, vt ē sue rursus in hominem redire velit, quem prius ex homine, Circe mutauerat in suem.

### De vtilitate dialecticæ.

Quoniam igitur hæc pars ( vt dictum est ) peculiari nomine Dialectica appellatur, de vtilitate eius pauca nobis ex Aristotele dicēda vidētur, prius quā locos ipsos aggrediamur. Est autem utilis ( vt ille ait ) ad tria, ad exercitationes, ad colloquia, & ad eas quæ sunt secundū philosophiam disciplinas: quæ eadē Græcè idē his verbis expressit, *πρὸς τὴν γυμνασίαν ἐν τεύχεσι καὶ τὰς κατὰ διανοσίαν ἐπιστάμους*. Ad exercitationes quidem utilis sanè est, quia methodū hanc habentes facile de propositio quouis argumentari poterimus. Ad colloquio verò: cō quòd multorum recensentes opiniones, non ex his quæ extranea sunt alicui discipline, sed ex proprijs sermocinabimur ad eos vel potius contra eos transmutātes, si quid ab his nobis perperā dictū esse videatur. Quod quidem tum maximè fieri cōsuevit, cum inter confabulandum ( vt fit plerunque, vel in congressu, vel cōuictu ) quicquam proponebatur discutendum. Cuiusmodi profectò colloquia illa videri possunt, quæ apud Aul. Gellium in Noctibus Atticis, & apud Macrobiū in Saturnalibus passim leguntur. Ad eas porrò, quæ sunt secundum philosophiam, discipli-

plinas

plinas, utilis omnino est, quod cum possimus ad utranque partem disputare, facile in singulis intuebimur, quid verum vel falsum sit. Præterea autem, & ad primam eorum, quæ in vnaquaque disciplina principia sunt, utilis probatur. Nam ex proprijs propositæ alicuius discipline principijs dicere aut disputare de ipsis impossibile est; eo quod in vnaquaque disciplina prima omnium principia sunt. At qui id multo commodius fieri potest ex probabilibus, qualia præsertim in hac arte traduntur, quæ cum sit inquisitiua, ad omnium methodorum principia viam habere dicitur. Sed nunc quid sit locus deinceps dicamus.

*Quoniam igitur.*] Præmia, ut Plinius ait, ubique plurimum valet. Utilitas etiam homines desidiosos excitare solet. Scripturus igitur Arist. locos dialecticos, dialecticę utilitatē proponit, ut ea re animos iuuenum in spem vberissimi fructus futuri erigat. Hic locus est ij. cap. j. lib. Topicorum. *Est autem.*] Rodolphus agricola vj. cap. ij. lib. hunc locum Aristotelis his verbis vertit. Arist. itaque dialecticam tribus his utilem putauit, exercitationi, disserendi, confutando, aduersario, & probandis primis artiū principijs. *Non ex his.*] Extranea Arist. vocat aduersarium sectarum opiniones, propria vero, quæ ab aduersario concessa sunt. *Ad eas porro*] Nam proposita questione aliqua, utrinque rationibus adductis, facile elucescet veritas. Si autem non dubitaueris (ut Plato ait) veritas te fugiet: Dubitatio enim, veritatis est inuentio. Propterea recte dictum est ab Aristotele διαπορίκναι περὶ πάντων, οὐκ ἐστὶ ἀχρεῖον, hoc est, omnia in dubium reuocare non est inutile.

De loco quid sit, tum & de argumento ipso.

Locus igitur est (ut ab Aristotele & Cicerone definitur) sedes argumenti: quæ definitio (si tamen definitio

definitio dici meretur) ab eodem Cicerone a similitudine instituta esse monstratur. Vt igitur (inquit) earum rerum, quæ absconditæ sunt, demonstrato et notato loco facilis inuentio est: sic cum peruestigare argumentum aliquod volumus, locos nosse debemus, ex quibus argumenta ipsa promantur. Argumentum deinde ab ipso quoque definitur, ratio rei dubiæ faciens fidem. Itaque locus est, veluti publicum receptaculum, et (ut Rodolphus Agricola ait) thesaurus quidam, in quo faciendæ fidei instrumenta reposita sunt: hæc nimirum sunt ipsa argumenta. Argumentum igitur, quod fidem rei ducit facit, hoc est, rem dubiam probat, a loco aliquo educatur oportet.

Locvs igitur.] Locus est id vnde ad propositam materiam conueniens ducitur argumentum. Idque indicat definitio loci data a Rodolpho Agricola, communis quædam rei nota, cuius admonitu quid in quaque reprobabile sit inueniri potest. Et quemadmodum locus naturalis continet locatum: ita locus dialecticus continet in se argumentum. Quam sententiam Cic. quoque his verbis probat, locus est sedes argumenti. Videndus est Arist. initio. I. lib. Rhetoricorum ad Theophrastum. Argumentum.] Ratio inquit, quia licet visus faciat fidem de his quæ videntur, tamen non est argumentum, quia non est ratio rei dubiæ inquit, quia nihil probari nisi dubium, aut tanquam dubium potest. facies fidem ait, quia omne argumentum aut probabiliter, aut necessario rem conficit. Sic Quintilianus argumentum est ratio probationem prestant, qua colligitur aliud per aliud, & quæ quod est dubium, per id quod dubium non est, confirmat. Vide fabium lib. v. cap. x.

De multiplici argumenti significatione, & quemadmodum ab argumentatione differat quod hi cargumentum vocamus.

ARGUMENTI sanè multiplex significatio a



Quintiliano traditur. Siquidem & fabule ad actum scenarum compositæ, argumenta dicuntur. Rursus omnis scribendum destinata materia, argumentum appellari potest. Et argumenta etiam dicuntur orationum, velut themata, quem modum de Ciceroni orationibus Asconius Pædinus exponit. Argumentum (inquit) huius orationis tale est. Verum nullum horum tale argumentum est, quale hic queritur, ab arguendo dictum, quod videlicet rem arguat, hoc est, probet. Nam argue re veteres etiam ostendere dixerunt. Hinc illud Vergil. Degeneres animos timor arguit. Hoc inquam tale argumentum ab argumentatione differt: & argumentatio est verborum contextus, certum aliquid ex ijs quæ antecedunt, concludens, ut syllogismus & inductio. Argumentum verò ipsius argumentationis ratio, quod & medium nonnunquam dicitur. Ac proinde ut in corpore anima, & in anima rursus mens, ita in argumentatione argumentum. Item vis illa atque sententia & ratio, quæ oratione clauditur, cum aliquid probatur ambiguum. Argumentum vocatur. Ipsa verò argumenti elocutio expressioq; , Argumentatio dicitur. Vnde a Boetio ita definitur, Argumentatio est argumenti per orationem explicatio.

ARGUMENTI *savè.* Locus hic est apud Fabium decimo cap. v. libri Institutionum oratoriarum. Hoc inquam. Argumentum differt ab argumentatione, ut pars a toto. Nam argumentum est una propositio argumentationis, vel ipsum medium, vel ut Boetius ait, vis, ratio quæ in argumentatione continetur, Argumentatio est integra orationis series.

De quaestione, quid sit, & quæadmodum ab Enun-  
ciatione, Propositione, & Cōclusionē differat.

Ergo cum argumentum sit ratio, quæ rei dubiæ fi-  
dem faciat, quid hoc loco res dubia vocetur, inuestigā-  
dum quoq; est. Itaq; sciendum, q̄ res dubia haud aliud  
quippiam hic intelligi debet, quàm propositio dubita-  
lis, quæ proinde q̄onis sibi nomen inuenit, atq; sortita  
est, quandoquidem Quæstio dubitabilis propositio defi-  
niri solet. Quocirca Quæstio non simpliciter proposi-  
tio dicenda est, sed quæ cum interrogationis notā pro-  
ponitur; ut nunquid anima immortalis est? Eadem ta-  
men oratio, si simpliciter proferatur, nempe citra inter-  
rogationis notā, quatenus videlicet aliquid de aliquo  
enuntiat, Enunciatio dicitur. Quatenus vero ipsa syllo-  
gismi aliquis pars sit, Propositio appellatur. Insuper  
et conclusio esse pōt, cū ex sumptis propositionibus col-  
lecta fuerit factō syllogismo, aut ut cunq; aliter proba-  
ta, conuenienti adhibito argumento. Est enim conclusio  
argumento vel argumentis probata propositio. Sed il-  
lud exemplo nunc ostēdamus. Agē igitur quæstio sit,  
Num anima immortalis est. Id ita quispiam probaue-  
rit, tali principio ex Platone desumpto, Quicquid sem-  
per mouetur, immortale est; anima autem semper mo-  
uetur, anima igitur immortalis est. atque ita eadē ora-  
tio, quæ prius in dubitationē adducta, quæstio proinde  
erat, postea facta est conclusio. Quæ si in altero syllogis-  
mo pars sumpta fuerit, propositio dicitur, et ante hoc  
Enūciatio. Igitur quæstio propositio, enūciatio, et cōclu-  
sio, subiecto req; ipsa idē sunt, & si rōne distinguātur.

ERGO cum.] Quæstio, propositio, enuntiatio, conclusio.

# DE LOCIS DIALECT.

sunt eadem secundum rem, sed differunt rōne: idem. n. pronun-  
ciatū pōt esse qđ, propositio, enunciatio, conclusio.

Quo pacto locus sedes argumenti intelligatur,  
& de loci diuisione, & de argumenti

rursus multiplici acceptione

Sed nunc etiā aperiāmus oportet, quod pacto intel-  
ligi planē possit quod dictū est, Locus est sedes argumē-  
ti. Sanē id ipsum aperire, nō parū huic parti lucē af-  
ferre videbitur. Itaque dicāmus ex Boetio, qđ sedes ar-  
gumēti partiū maxima propositio intelligi debet, par-  
tim maxime propositionis differētia, in quā etiā, velu-  
ti mēbra quedā, locus ipse diuidit, vt sit ipsius diuisio  
hōi. Locorū alius est locus maxima, alius locus dif-  
ferentia maxime. Porro maxima propositio quē dici-  
tur, aliquoties quidē intra ambitū argumēti continēt,  
hoc est, ipsi argumētationi inseritur; aliquoties verō ex-  
tra posita, vim tñ argumēti supplet ac p̄ficit. Agē igitur  
exēplū subiiciāmus eius argumēti, intra cuius am-  
bitum maxima propositio cōtinetur. sit qđ; quæstio. An  
sit regnū melius Cōsulatus? fiat qđ; argumētatio hoc pa-  
cto. Quod diuturnius bonū est, melius eo est qđ minus  
diuturnū est, regnum aut diuturnius est, quam cōsula-  
tus, regnum igitur melius est quā consulatus. Huic  
nimirū augmentationi maxima propositio inserta est,  
quæ quidem est qđ diuturnius bonum est, melius eo est,  
quod minus diuturnū est. Quæ præterea ita nota est, vt  
extrinsecus p̄batione nō egeat, quinimo ipsa alijs pro-  
batia esse potest. Et quia inde nascitur argumentū, re-  
ctē locus, id est, sedes argumēti vocatur. Rursus subi-  
ciā exēplum in quo extra posita maxima p̄positio ni-

*hilominus vim affert argumēto. Sit ergo alicui ppositi-  
tū ostendere, quod inuidus sapiens nō est, à quo proinde  
hmoi necētur syllogismus, Qui inuidus est alienis affli-  
gitur bonis, at qui sapiens bonis alienis nō affligitur, sa-  
piens igitur inuidus non est. Hic quidē maxima propo-  
sitiō inclusa nō est, sed extra posita, vim tñ argumenta-  
tioni ipsi subministrat. Est. n. huic argumentationi fides  
ex ea propositione, quę dicit, Cuiusq; definitio nō con-  
uenit, nec ipsum definitū. Insuper & argumentū, quo fi-  
des rei dubię facta est, à definitione deductū est. Scien-  
dū aut q argumēti noīe, tñ hic, tñ alibi, nunc quidē ma-  
xima ppositio, imō & tota ipsius argumētationis pro-  
batio intelligitur: nunc ipsa argumentatio, quę maxi-  
ma propositione cōfirmari solet, id quod his quoq; ver-  
bis Quintil. apertē indicat lib. 5. vbi de argumentis di-  
sputat: hoc. n. noīe (inquit) cōplectimur omnia, q Græ-  
ci enthymemata epichiremata, et apodixeis vocāt. In-  
terim verò & terminus, qui medius constituit, quoties  
alijs duobus adiunctis argumentatio cōtextitur, ac per  
hoc vim tenet probationis: Argumentum appellatur.*

*SED nunc.] Finit o loci aliquid difficultatis continere  
videbatur: ideo Cæsarius eā copiosius explicat. Itaque dica-  
mus.] Ex hac diuisione exploratum est omnem locum. Dia-  
lecticum esse tanquā propositionem per se notā, à qua  
argumenta vim suā habent. Quod diuturnius bonum est.] Maxi-  
ma hec propositio est apud Aristot. j. c. iij. lib. Topicorum.*

*Quid sit locus maxima, & quid locus  
differentia maximē.*

*Ex his igitur quę dicta, sunt, manifestum euadit,  
quod locus qdem maxima est vniversalis & principa-  
lis & demonstrabilis, atq; ita per se nota ppositio. Cu-*

iusmodi est maxima illa suprà posita. Cuicunq; definitio nō cōuenit, nec ipsum definitum, & id genus aliā. Ideo aut̃ vniuersales, & maximè propositiones dicuntur: qm̃ ipsæ sunt, quæ cæteras continent propositiones, quippe per quas consequens, & rata cōclusio fit. Locus verò differētia maxima est; quo maxima à maxima differt: vt si dicam, à definitione, aut à definito, aut ab alio quouis huius generis cōi termino. Siquidē per hūc iā maxima propositio, in qua ipse ponitur, ab ea differt maxima, in qua idē terminus vel nō ponitur omnino, vel si ponitur, non tamen qui argumentū præstet ad fidem rei dubiæ faciendā. Quare ab illa iā aliquoties repetita maxima, hæc differt maxima, Cuicunq; non conuenit definitū, nec ipsa definitio: propterea quod tamen si idem terminus in vtraq; ponitur, ab eodem tamē in vtraq; nō sumitur argumentū. Vnde illarū duarū maximarum, altera à definitione, altera à definito, vt nomen, ita differentiā accipit. Atq; id ipsum quidem est, quod Boetius prope verbis innuere visus est, Differētię (inquit) maximarum propositionū idcirco dictæ sunt, quod cum plurimæ sint propositiones, quæ maximè vocātur, per has illæ veluti differre inter se dignoscuntur, vt cum ex quibus terminis maximè propositiones cōstituantur, per ipsas nomine expresso indicantur. Itaque non in eo quod maximè, inter se differūt, sed in eo quod hic a definitione, ille a definito, & hic rursus a genere, aut à toto locus sit. Præterea si maximè propositiones loci argumentorum sunt, & differentias maximarum locos esse necesse est. At de his quidem hæc tenus. Nunc propositū prosequamur, hoc est, re ipsam, quam



*querimus aggrediamur.*

Ex his igitur.] Propositio maxima per similitudinem sic dicta videtur: ut enim maior propositio in syllogismo dicitur, in qua est veluti firmamentum totius syllogismi, & cui minor inest: Sic hęc dicitur maxima propositio, ex qua plurima depromi possunt, ad varias quęstiones probandas. *Cuiusmodi.*] Est igitur hęc maxima propositio, A quocunque finitio remouet, ab eodẽ finitũ, & cui genus nõ conuenit, nec spēs. Locus verò quia est differentia maximẽ est ut cũ dicimus, locus est a finitione, a genere, a specie. Est. n. locus differentia maximẽ, que vnã maximã ab alia separamus.

Quo pacto loci differentiarum maximarum diuidantur.

Restat igitur, ut posthabita locorum maximarum diuisione, eos deinde subdiuidamus locos, qui maximarum differentię dicti sunt, idque ob eã in primis commoditatem, quòd hi illis pauciores sint, quippe qui eos contineant ut vniuersaliores. Vnde & per hos facilior transitus fiet, attestante id ipsum Aristotele in Topicis, lib. xi. Accedit, quòd ex horum diuisione rẽ quã querimus, citius assequi poterimus. Sit autẽ diuisio huiusmodi, Locorũ, qui maximarum differentię dicti sunt, alij ab his dicuntur terminis, hoc est, nomen accipiunt, qui in quęstione positi sunt, alij extrinsecus sumuntur, alij inter hos mediũ sunt. Sed illud nunc animaduertendũ hic est, quòd cũ dicitur, ab his terminis, qui in quęstione positi sunt, id cum primis intelligendum est ab altero illorum. Nam cum duo sint in unaqualibet proposita quęstione termini, subiectus vnus, & prædicatus alter, ab horũ altero locus differentia maximẽ nomen accepit. Ut sit proposita quęstio. Est ne conchã animal? in hac duo sunt termini, animal & cõcha. Dubitat au-



tem vtrum animal de cōcha prædicetur. Tertius proinde restat inueniendus, qui illos duos cōnectat, atq; id quod propositū est, ita esse confirmet, vnde & medium appellatur, & ratio, & argumentū. Hinc iam tertius ille terminus ab altero illorum nomen accipiet, vt potē quod ad eū sit aut vt definitio, aut vt definitū, aut vt genus, aut vt totū, aut vt causa. aut quomodocunq; aliter. Vt sit, exēpli causa, tertius iste terminus, animalis definitio, quæ est substantia animata sensibilis. Tunc sic argumentor, Concha est substantia animata sensibilis, igitur concha est animal, quod nimirū iā antea dubitari poterat: cuius dubitationis scrupulus hinc pēdere videtur, quod conchæ nec videant, nec ullū aliū sensum habeant, q̃ cibi & periculi, hoc est, gustus & tactus, auctoribus Aristotele & Plinio. Ergo qui tertius accessit terminus, & a definitione alterius ē duobus, veluti ē loco aliquo eductus, hunc scrupulū sustulit. factusq; est illius argumentationis probatio, & argumentū, cuius deinde maxima superueniens propositio (quæ quidem est, de quocunq; prædicatur definitio, & definitū) omnem tollit dubitationem, ambiguitatemq;: si fortē interim dubitabatur adhuc quænam sit ipsius definitionis ad definitum habitudo.

RESTAT igitur.] Postposita diuisione locorum maximarum, redit ad diuisionem eorum locorum qui differentie maximarum dicti sunt. Quod hi illis pauciores sint.] Omnia vniuersaliora sunt pauciora, loci qui sunt differentie maximarum sunt vniuersaliores, ergo sunt pauciores ipsis maximis. Ratio hæc est Boetij libr. ij. differentiarum Topicarum. Locorum.] Hæc diuisio locorum est Themistij, cuius Boetius refert sententiam libr. iij. differentiarum Topicarum Aristot. verò lib. j. Rhetoricorum locos artificiales, & inarti-

inartificiales partitur. Quæ partitionē Arist. Cic. lib. 2. de Oratore ad Q. fratrem. Quintil. lib. v. imitati sunt. Loci mediij a Themistio constitui facile ad internos reduci possunt, cui sententiæ Rodolphus. 3. cap. 1. lib. subscribit. *Autoribus Arist. & Plin.* Gustus & tactus sunt sensus necessarij omni animali: ceteri videntur ornamenta quedam, autor Arist. ultimo cap. 3. lib. de Anima. Plin. in cani rem lib. x. cap. xvij. scribit, Tactus sensus omnibus est etiam quibus nullus alius. Nam & ostreis, & terrestribus vermibus quoq; . Aestimauerim omnibus sensum, & gustatus esse cur enim alios alia sapores appetunt; in quo est præcipua nature architectio. Hactenus Plinius.

De tribus locis, qui a substantia dicuntur.

Terminorum porro, qui in quæstione ponuntur, alij substantiam rei indicant, alij ipsam consequuntur substantiam. Substantiam rei indicant, siue à substantia termini dicti sunt quicunq; in definitione, vel sola consistunt. Definitio quippe est, quæ substantiam rei monstrat, indicatq; . Sed id iam exëplo patefaciamus. Age igitur, quærat an arbor sit animal, fiatq; huiusmodi argumentatio, animal est substantia animata sensibilis, arbor autem substantia animata sensibilis non est, non est igitur arbor animal. Locus quidem differentia maxime, a definitione. Locus vero maxima, Cuicunq; definitio non conuenit, nec definitum. Præterea autem & quoties à descriptione argumentum ducitur, Locus à substantia dici potest. Nam vt definitio substantiam rei monstrat per genus, & differentias, ita descriptio eiusdem intelligentiam claudit quibusdā accidētibus, vnā proprietatē, quæ rei conueniat efficientibus, vel substantialibus differentijs præter cōueniens genus aggregatis. quod quidem tum maxime contingit. cū pri-

gister Ire viā, quā mōstrat eques. Locus quidē differentia maxime a proprio. Locus vero maxima, Si cui proprium alicuius rei conuenit, & id cuius est proprium.

TERMINORVM porro.] Locorum qui sumuntur a terminis positis in quæstione, alij sumuntur a substantia, alij a concomitantibus substantiam. locus a substantia dicitur, quando sumitur argumentum ab his, que sunt de substantia rei de qua quæritur, cuiusmodi est genus, species, differentia. Finitio autem est tota rei substantia. A concomitantibus substantia sumitur argumentum, quando ducitur argumentum ab aliquo, quod eius rei de qua quæritur, comitatur substantiam. *Huius tale.*] Hoc Enthymema sic in syllogismū conijcitur. Omnis substantia accidentibus substat, nulla albedo accidentibus substat, ergo nulla albedo est substantia. *Ad quod probandum.*] Hic locus sic in formam syllogismi reducitur, omni amorī sapientiæ est studendum, philosophia est amor sapientiæ, ergo philosophiæ est studendum. *At nunc illud.*] Ab his tribus locis, finitione, descriptione, interpretatione nominis quatuor modis argumentari possumus, duobus affirmatiue ex parte subiecti, & prædicati, & ab iisdem terminis totidem negatiue.

De his locis, qui terminorum substantiam consequuntur.

His ita præmonitis, eos iam aggrediamur locos, qui terminorum substantiam cōsequuntur. Horum sane multifaria diuisio est. Siquidem plura sunt, quæ singularibus substantiis adherescunt. Ex his igitur alij a toto dicuntur, alij a partibus, alij a causis, alij ab effectibus, siue ut Cicero ait, ab effectis, nonnulli a generatione, & a corruptione, & alij item ab vrbibus, quidem etiam a communiter accidentibus. Sed ex his omnibus primus exponendus venit, qui a toto dictus est: quod ut cōmodius fiat, quot modis ipsum totum dicatur, subiungere

cere oportet. Dicitur autem totū duobus modis: Aut enim ut genus, quod et totū vniuersale dicitur, aut ut id, quod ex partibus integratur. A toto igitur, quod & genus est, argumentū ducitur, ut si queratur. An iustitia sit bona, fiat q; syllogismus hoc modo, omnis virtus est bona, iustitia aut virtus est, iustitia igitur bona est. Locus quidem differentia maximè, a toto, hoc est, a genere. Locus verò maxima, Quæ generi adsunt, & speciei. Rursus sit questio, an humane res prædētia regantur? Dicimus ergo sic, Mundus prouidentia regitur, humane aut res mūdi partes sunt, humane igitur res prouidentia reguntur. Locus quidem differentia maximè, a toto, id est, ab integro, quod partibus constat. Locus verò maxima, quod toti conuenit, & partibus. Porro ut a toto, tum hoc: tum illa argumenta ducuntur, ita & contra ab vtriusq; partibus duci possunt. Itaq; a partibus totius, quo genus est, argumentum ducitur, ut si queratur, An virtus sit mentis bene compositæ habitus, & fiat syllogismus hoc pacto, Iustitia, fortitudo, temperantia, atq; prudentia, habitus sunt mentis bene compositæ, & hæc quatuor vni virtuti velut generi subiiciuntur, virtus igitur mētis bene cōpositæ habitus est. Locus quidem differētia maximè, a partibus totius siue generis. locus verò maxima. Quod singulis in est partibus, id toti inesse necesse est. A partib. aut, quæ integri partes esse dicuntur, argumentum ducitur, ut si hæc questio. Est me Rhetorica utilis? Dicimus hoc modo, Inuentio utilis est, & dispositio: & elocutio, & memoria, & item & pronuntiatio, & hæc quinque Rhetoricæ partes sunt, ut ex quibus ipsa integratur.

Rhetorica igitur utilis est. Tum verò et per destructionem argumentatio procedit, ut si quærat quispiam, num hic, quem servum esse constiterit, liber sit. Hunc si quis non esse liberum monstrare velit, hic dicet. Si neq; censu, neq; vindicta, neq; testamento liber factus est, liber non est. At nulla earum parte liber factus est, non est igitur liber. Locus quidem in differentia maxime a partibus, siue (ut Ciceroni placet) a partium enumeratione. Locus vero maxima, Si omnes partes a re qualibet abiunctæ fuerint, & totum necessario abiungetur.

His ita præmonitis.] Explicat hoc capite locos quosdam, qui substantiam eius rei de qua queritur, consequuntur. A toto igitur.] A toto universali affirmatiue colligimus, quoniam ipsum totum cum nota universali sumitur, ut Traianus omnibus virtutibus præditus fuit, ergo etiam iustitia. Quæ generi.] Quæ generi insunt, etiam alicui formarum conveniunt. Videndus est Aristo. 2. cap. 2. l. p. Topicorum.

### De alijs quibusdam modis totius,

Sunt præterea ab his duobus modis alij modi totius. Namq; & totum dicitur in quantitate, & totum in modo, & totum in tempore, & totum in loco. Quorum tamen duos posteriores sub toto in quantitate comprehendere placere licet, horum verò partes sunt, quæ sub ipsis particulariter sumuntur. Totum ergo in quantitate est, cum universaliter quicquam dicitur, ut est omne animal, cuius partes sunt homo, leo, bos, & aliud quodvis animal. Totum in modo dicitur, cum simpliciter aliquid proponitur, ut homo, aut ambulat. Pars verò in modo est, quoties idem cum adiectione aliqua proponitur, ut homo literatus, aut ambulat pedetentim. Totum in tempore



tempore est, vt cū dicimus semper, cuius partes sunt, nunc, hodie, aliquādo. Totum in loco, vt cum dicimus, vbiq; , cuius partes sunt, hic alicubi Rome. At horum omnium nunc exempla subiiciantur. Igitur a toto ad partem secundum quantitatem exemplum sit. Si in omnibus est vero vates Apollo, & in hoc verus esse perhibetur, quod dixit. Aio te Aeiacida Romanos vincere posse. A toto autem ad partem secundum tūpus, vt si Deus semper est, & nunc est. Rursus a toto ad partem secundum locum, vt si vbiq; Deus est, & hic est. Ceterum in his haudquaquam id consequens est: si a parte ad totum argumētum ducitur, nisi per negationem siue destructionem, vt non est hic, ergo nec vbiq; est. At verò a parte secundum modum vtiq; recte argumentatio procedit, licet nō contrā: vt, si quoquo modo mouetur Deus, & simpliciter mouetur: irascitur aut Deus, ergo mouetur; & si quis pedentium ambulat, & simpliciter ambulat. Talius ferè exemplis tū hic, tum alibi per hunc tractatum, si cui id magis libeat, vti omnino potest, vt a toto vniuersali, siue a genere ad species, siue partes: per destructionem quidem, vt si nō est animal, quod eminus videtur, ergo nec homo est, nec equus: per constructionem verò, vt homo est, aut equus, ergo animal. Sic & a toto, quod partibus integratur, ad ipsas partes per constructionem quidem, vt domus est, ergo tectum est, & parietes: & fundamentum. Per destructionem verò, vt si non est paries, aut tectum, aut fundamentum neque domus est.

SUNT præterea.] Totum in quantitate hoc loco dicitur quilibet terminus communis cum nota vniuersali sumptus



ptus. Totum verò vniuersale est terminus cōmunis sine nota vniuersali sumptus, vt iustitia est totum vniuersale, omnis iustitia est totum in quantitate. Ab utroq; termino eodem modo argumentamur. *Ceterum in his.*] A parte in loco ad totum validum est argumentum negatiuè tantum, vt in cōlo non sunt mala, ergo nec vbique.

De locis qui a causis dicuntur.

A causis loci dicuntur, vel ab efficiente, vel a materiali, vel a formali, vel a finali. Tot enim modis causa dicitur. Et efficiens quidem causa est, quæ principium motus præstat, vt aliquid fiat. Materia, quæ formas rerum subiecta suscipit. Forma aut, quæ cuiuslibet rei species est & ratio. Finis verò, cuius gratia aliquid fit. Effectus porro, qui has sequitur. Ab efficiente igitur causa argumentum ducitur, vt si quis iustitiam naturalem esse ostendere voluerit, & dicat hoc modo, Congregatio hominum naturalis est: homo quippe naturaliter ciuile animal est. Iustitiam verò hominum fecit congregatio; Iustitia igitur naturalis est. Locus quidem differentia maximè a causa efficiente. Locus verò maxima. Quorum efficiens causa naturalis est ipsa quoque naturalia sunt. A materiali vero, vt si quis Mauros non habere arma contendat, idcirco quod ferrum eis desit. Vel hoc modo, Ferrum non est, igitur gladius non est. Locus quidem differentia maximè a causa materiali. Locus verò maxima, Si nō est causa materialis, neque ipsa, quæ ex ea conficiantur, esse possunt, A formali autem: vt si quis probet Dædalū non potuisse volare, quoniam nullas naturali forma pennas habuisset. Locus quidem differentia maximè a causa formali. Locus verò maxima, Tantum vnūquodq; potest, quantum forma

cuius

eius naturalis permittit. *A* fine, siue à causa finali argumentum ducitur: vt sit propositum, an iustitia bona sit, fiatq; hoc modo argumētum. Si beatum esse bonum est, & iustitia bona est. Hic est enim iustitiæ finis, vt si quis secundum iustitiam viuat, ad beatitudinem perducat. Locus quidem differentia maxime à fine, siue à causa finali. Locus vero maxima, Cuius finis bonus est, ipsum quoque bonum est.

A CAUSIS.] Causa dicitur in vniuersum, ad cuius esse aliud sequitur. Causarum tractatio frequens est, & apud Dialecticos, & physicos. Causæ pertinent ad philosophum naturalem, quatenus principia quedam sunt, & ad motum reducuntur. Ad dialecticum vero quatenus vel per eas fuit, vel demonstrat ab eis argumenta ducuntur. *Congregatio hominum naturalis est.*] Hic locus sic ad syllogismum reducitur. omnis congregatio hominum est naturalis, iustitia orta est ex congregatione ergo iustitia est naturalis. *Tantum vnumquodque potest.*] A causa formali metimur vniuscuiusque rei virtutem, ergo si forma non adfuerit, quæ requiritur ad talem operationem, & operatio aberit. vt calor est quedam forma accidentalis mediante qua ignis calefacit, ergo si hæc cesset etiam cessabit calor.

De locis, qui ab effectibus dicuntur, & item à generatione & corruptione.

Ab effectibus quoq; harum argumenta ducuntur. Verum ad hoc ipsum scire oportet, duplicem esse cuiuslibet effectus causam necessariam, vt sine qua effectus esse, non potest, & sufficientem, quæ certe huiusmodi est; vt si adsit, impossibile sit effectum non esse. Itaq; ab effectu ad causam necessariam ita argumentari possumus per constructionem, Gladius est, ergo ferrum est: & domus est, ergo intritum est, & lapides, & ligna.

## DE LOCIS DIALEC.

*Locus q. max. ab effectu ad causam necessariam, Loc. ve. ma. Posito effectu, ponitur & eius necessaria causa Rursus ab effectu ad causam sufficientem per destructionem potius, quàm per constructionem, quādo construendo argumentationem nō semper euenit, quod inferre volumus. Vnde non recte sequitur. Hinc interijt, ergo iugulatus est. Siquidem id euenire posset alio quouis casu, aut letali morbo correpto alicui. Destruendo tamen ratū est quod infertur, vt, nō interijt, ergo iugulatus non est. Item, lumen solis nō est, ergo eius lux non est, Propterea scire debemus, quod ex ipsis causis latior patet argumētandi cāpus, autore Hegio. Itaq; ab efficiente quidem causa arguere possumus statuā commendabilē esse, quia Phidias eam fecerit, aut Polyclethus, aut Paraxiteles. Hinc illud ouidiij, Materiā superabat opus. A materia vero res pretiosas aut vtilis esse, quippe quod tela serica pretiosior sit lanea, & lanea item linea. Et iuxta Horatij sententiam, Vilius argentum est auro. Hinc ēt scientia de anima. honorabilior ab Aristotele dicta est cetera quamvis de natura parte. A forma aut res extare, & item dignas, & minus dignas esse, vt hominē, quod rationale animal sit, digniorē quolibet animali. A fine, res bonas siue vtilis, vt exēpli causa, liberales artes, q. bonos & vtilis habeant fines. Ceterum qui ab effectibus dictus est locus, hūc Boetius eundem esse dicit cum loco a generationibus. Sed nos eos seiūximus, quod generatio videlicet non sit, quæ ad causas ipsas sequatur, cuiusmodi tamen effectus definitus: sed quæ potius via quædam sit ad effectus producendos: quemadmodum corruptio ad*

eorum

eorum desitionem. At qui horum speculatio aliū postulat locum. A generatione igitur, argumentum ducitur hoc modo, Assuesfactio ad virtutem bona est, igitur virtus bona est. Lo. qu. ma. a generatione. Lo. ve. ma. Cuius generatio bona est, ipsum quoq; bonū est. A corruptione vero, vt desuesfactio a vitio bona est, igitur vitium malū est. Loc. qu. diff. ma. a corruptione. Locus vero max. Cuius corruptio bona est, ipsum quod corrūpitur, siue quòd corruptū est, malū est. Sane sciendū, quòd quoties ab hoc loco argumentamur, prædicatum consequentis contrarium, seu oppositum esse debet prædicato antecedentis. Quod tamen non ita euenit in loco à generatione, ob eam fortassis causam, quod per hanc aliquid acquiratur, per illam autem deperdatur acquisitum. Et enim vt generatio, rei productio est: ita corruptio, eiusdem abolitio.

A B. effectibus.] Diuisio quā hoc loco Cæsarius proponit est apud Aristot. iij. cap. ij. lib. Auscultatoriorum. Est autem causa necessaria vel, vt loquitur Aristot. actu, quam necessario sequitur effectus, vt ex arbore bona fructum ferente, necessario bonus sequitur fructus. Alia est causa sufficiens non tamen necessaria quæ impellit, & addiuuat ad effectū cōsequendū, vt colloquium respectu amoris. Hic interijr.] Sic iugulare, est causa sufficiens interitus non tamē necessaria. At qui horum.] In his duobus locus à generatione, & corruptione argumentationes cōponuntur prædicatis euariatis secundū has voces bonū, & malū. A generatione, sic generatio domus bona est, ergo domus est bona. Generatio Catilinæ perniciofa fuit, ergo Catilina perniciosus. At in loco à corruptione diuersum sumit prædicatū in antecedente, & cōsequente vt domicilia latronū funditus euertere bonū ē, ergo ipsa domicilia mala sunt. Arist. in Topicis sæpe hos locos inculcat.

iusmodi est maxima illa suprà posita. Cuicunq; definitio nō cōuenit, nec ipsum definitum, & id genus alia. Ideo aut̃ vniuersales, & maximè propositiones dicuntur: qm̃ ipsæ sunt, quæ ceteras continent propositiones, quippe per quas consequens, & rata cōclusio fit. Locus verò differētia maxima est, quo maxima à maxima differt: vt si dicam, à definitione, aut à definito, aut ab alio quouis huius generis cōi termino. Siquidē per hūc iā maxima propositio, in qua ipse ponitur, ab ea differt maxima, in qua idē terminus vel nō ponitur omnino, vel si ponitur, non tamen qui argumentū præstet ad fidem rei dubiæ faciendā. Quare ab illi iā aliquoties repetita maxima, hæc differt maxima, Cuicunq; non conuenit definitū, nec ipsa definitio: propterea quod tamet si idem terminus in vtraq; ponitur, ab eodem tamē in vtraq; nō sumitur argumentū. Vnde illarū duarū maximarum, altera à definitione, altera a definito, vt nomen, ita differentiā accipit. Atq; id ipsum quidem est, quod Boetius prope verbis innuere visus est, Differētiæ (inquit) maximarum propositionū idcirco dictæ sunt, quod cum plurimæ sint propositiones, quæ maximè vocātur, per has illæ veluti differre inter se dignoscuntur, vt cū ex quibus terminis maximè propositiones cōstituantur, per ipsas nomine expresso indicantur. Itaque non in eo quod maximè, inter se differūt, sed in eo quod hic a definitione, ille a definito, & hic rursus a genere, aut à toto locus sit. Præterea si maximè propositiones loci argumentorum sunt, & differentias maximarum locos esse necesse est. At de his quidem hæctenus Nunc propositū prosequamur, hoc est, rē ipsam, quam

quæ-



*quærimus aggrediamur.*

EX HIS igitur.] Propositio maxima per similitudinem sic dicta videtur. ut enim maior propositio in syllogismo dicitur, in qua est veluti firmamentum totius syllogismi, & cui minor inest. Sic hæc dicitur maxima propositio, ex qua plurima depromi possunt, ad varias questiones probandas. *Cuiusmodi.*] Est igitur hæc maxima propositio, A quocunque finitio remouet, ab eodẽ finitũ, & cui genus nõ conuenit, nec spēs. Locus verò quia est differentia maxime est ut cū dicimus, locus est a finitione, a genere, a specie. Est. n. locus differentia maxime, quæ vnā maximā ab alia separamus.

Quo pacto loci differentiarum maximarum diuidantur.

Restat igitur, ut posthabita locorum maximarum diuisione, eos deinde subdividamus locos, qui maximarum differentie dicti sunt, idque ob eā in primis commoditatem, quod hi illis prouiores sint, quippe qui eos contineant ut vniuersaliores. Vnde & per hos facilius transitus fiet, attestante idipsum Aristotele in Topicis lib. xi. Accedit, quod ex horum diuisione res quæ quærimus, citius assequi poterimus. Sit autẽ diuisio huiusmodi, Locorum, qui maximarum differentie dicti sunt, alij ab his dicuntur terminis, hoc est, nomen accipiunt, qui in questione positi sunt, alij extrinsecus sumuntur, alij inter hos medij sunt. Sed illud nunc animaduertendũ hic est, quod cū dicitur, ab his terminis, qui in questione positi sunt, id cum primis intelligendum est ab altero illorum. Nam cum duo sint in unaqualibet proposita questione termini, subiectus vnus, & prædicatus alter, ab horũ altero locus differentia maxime nomen accepit. Ut sit proposita questio. Est ne concha animal? in hac duo sunt termini, animal & cõcha. Dubitat au-



tem vtrum animal de cōcha prædicetur. Tertius proinde restat inueniendus, qui illos duos cōnectat, atq; id quod propositū est, ita esse confirmet, vnde & medium appellatur, & ratio, & argumentū. Hinc iam tertius ille terminus ab altero illorum nomen accipiet, vtpotē quod ad eū sit aut vt definitio, aut vt definitū, aut vt genus, aut vt totū, aut vt causa. aut quomodocunq; aliter. Vt sit, exēpli causa, tertius iste terminus, animalis definitio, quæ est substantia animata sensibilis. Tunc sic argumentor, Concha est substantia animata sensibilis, igitur concha est animal, quod nimirū iā antea dubitari poterat: cuius dubitationis scrupulus hinc pēdere videtur, quòd conchæ nec videant, nec ullū aliū sensum habeant, q̃ cibi & periculi, hoc est, gustus & tactus, autoribus Aristotele & Plinio. Ergo qui tertius accessit terminus, & a definitione alterius ē duobus, veluti ē loco aliquo eductus, hunc scrupulū sustulit. factusq; est illius argumentationis probatio, & argumentū, cuius deinde maxima superueniens propositio (quæ quidem est, de quocunq; prædicatur definitio, & definitū) omnem tollit dubitationem, ambiguitatemq;: si fortē interrim dubitabatur adhuc quenam sit ipsius definitionis ad definitum habitudo.

RESTAT *igitur.*] Postposita diuisione locorum maximarum, redit ad diuisionem eorum locorum qui differentiæ maximarum dicti sunt. Quòd hi illis pauciores sint. Omnia vniuersaliora sunt pauciora, loci qui sunt differentiæ maximarum sunt vniuersaliores, ergo sunt pauciores ipsis maximis. Ratio hæc est Boetij libr. ij. differentiarum Topicarum. Locorum. Hæc diuisio locorum est Themistij, cuius Boetius refert sententiam libr. iij. differentiarum Topicarum Aristot. verò lib. j. Rhetoricorum locos artificiales, & inarti-

inartificiales partitur. Quæ partitione Arist. Cic. lib. 2. de Oratore ad Q. fratrem. Quintil. lib. v. imitati sunt. Loci medij a Themistio constitui facile ad internos reduci possunt, cui sententiæ Rodolphus. 3. cap. 1. lib. subscribit. *Autoribus Arist. & Plin.* Gustus & tactus sunt sensus necessarij omni animalib; ceteri videntur ornamenta quedam, autor Arist. ultimo cap. 3. lib. de Anima. Plin. in cam rem lib. x. cap. xvij. scribit, Tactus sensus omnibus est etiam quibus nullus alius. Nam & oistreis, & terrestribus vermibus quoq; . Aestimauerim omnibus sensum, & gustatus esse cur enim alios alia sapores appetunt; in quo est præcipua nature architectio. Hactenus Plinius.

De tribus locis, qui a substantia dicuntur.

Terminorum porro, qui in questione ponuntur, alij substantiam rei indicant, alij ipsam consequuntur substantiam. Substantiam rei indicant, siue à substantia termini dicti sunt quicunq; in definitione, vel sola consistunt. Definitio quippe est, quæ substantiam rei monstrat, indicatq; . Sed id iam exëplo patefaciamus. Age igitur, quærat an arbor sit animal, fiatq; huiusmodi argumentatio, animal est substantia animata sensibilis, arbor autem substantia animata sensibilis non est, non est igitur arbor animal. Locus quidem differentia maxime, a definitione. Locus vero maxima, Cuicunq; definitio non convenit, nec definitum. Præterea autem & quoties à descriptione argumentum ducitur, Locus à substantia dici potest. Nam ut definitio substantiam rei monstrat per genus, & differentias, ita descriptio eiusdem intelligentiam claudit quibusdā accidētibus, unam proprietatē, quæ rei conveniat efficientibus, vel substantialibus differentijs præter cōueniens genus aggregatis. quod quidem tum maxime contingit. cū pri-

ma genera describuntur. Huius tale sit exemplum. *Albedo nullus subiaceret accidentibus, ergo albedo substantia non est. Etenim substantia est, quæ omnibus subiaceret accidentibus. Locus quidem differentia maximè, a descriptione, Locus vero maxima, Cuicunque non conuenit descriptio, nec descriptum. Præter hos duos a substantia locos, tertius est, qui a nominis interpretatione dicitur, quem Marc. Cicero Notationem, Aristoteles Symbolum vocat, illis haud multum absimilis. Siquidem interpretatio nominis, eius rei quæ nomine ipso significatur, quædã quasi designatio est. Ab hac argumentum ducitur, si quærat. Vtrum Philosophiæ studendum sit. Ad quod probandum talis instituitur syllogismus. Philosophia amor sapientiæ est, at qui sapientiæ esse studendum nemo dubitat Philosophiæ igitur studendum est. Locus quidem differentia maximè, ab interpretatione. Locus vero maxima, cui nominis interpretatio conuenit, & ipsum nomen, cuius interpretatio facta est. Sanè hoc loco rectè uti possunt ij, qui linguarum imperiti non sunt. Siquidem interpretari nihil aliud est, quàm linguam vnā per aliam exponere. Fit tamen, & in eadem nonnunquam lingua: ut locuples dicitur, qui locis abundat, hoc est prædijs, & possessionibus. Cauiendum autem ne temere quicquam interpretemur, quemadmodum ij solent, qui nullius propè linguæ satagunt. Quo fit, ut idem dictum lapidē esse interpretentur, quod pedem ledat: & poterā, quod pedibus quasi tria sit: cum vtrunque Græcā originē habeat; id quod Laurentius Valla quoque attestatur. Insuper, & alia pleraque ad eundē interpretatur modum, ridicule videlicet*

delicet magis, quàm scitè. Neque verò neminis interpretatio ob id dicenda non est, si ad viuin (quo dicitur) nō reddiderit, id quod interpretandum proponitur, vt cælum, quod (vt Varro interpretatur) quasi celatū dictum est. Nec item refert, si non rei cui attribuitur, omni ex parte conueniant, vt Philippus, quod nomē interpretatur, amator equorum. Quid si non omnibus cōueniat, qui hoc nomine vocentur? dummodo tamē illi conueniebat, cui primū impositū est, patri fortassis Alexandri Magni. Ex quo frustra mihi laborare videntur hi, qui duplicem nominis interpretationem inducunt. Vnam quidem, quæ cum interpretato conuertatur: alteram verò, quæ conuertibilis nō sit. At nunc illud potius scire debemus, quod per dictos locos variè argumentari possimus, nunc subiūciendo nunc prædicando eundē terminū, atque ipsum etiam de aliquo nunc construendo, nunc destruendo. Tum & cōuerso ordine totidē modis, verbi gratia, à definito, à descripto, ab interpretato nomine. simulq; & maximas ipsas toties variare, id qd studiosi s huius artis facili ex seipso intelliget, alioqui inutilis prorsus, qui huic studio addicatur. Sed iā ad reliquos huius diuisionis locos transeundum esset, nisi illud scurreret prius admonendum, quod vt à definitione ad definitum, à descriptione ad descriptum, & a nominis interpretatione ad interpretatum, firma est & perpetua consequendi ratio, ita & à proprio, ad id cuius est proprium, & contra, vt si quid risibile est, idem homo est. Hinc, & equus mansuescere posse probatur, cum animal sit disciplinæ capax, iuxta illud Horatii. Fingit equum tenera docilem cernicema-

*gister Ire viā, quā mōstrat eques. Locus quidē differen-  
tia maxime a proprio. Locus vero maxima, Si cui pro-  
prium alicuius rei convenit, & id cuius est proprium.*

*TERMINORVM porro.]* Locorum qui sumuntur a ter-  
minis positis in quæstione, alij sumuntur a substantia, alij a  
cōcomitantibus substantiam. locus a substantia dicitur,  
quando sumitur argumentum ab his, que sunt de substantia  
rei de qua queritur, cuiusmodi est genus, species, differentia  
Finitio autem est totæ rei substantia. A cōcomitantibus sub-  
stantia sumitur argumentum, quando ducitur argumentum  
ab aliquo, quod eius rei de qua queritur, comitatur substan-  
tiam. *Huius tale.]* Hoc Enthymema sic in syllogismū conij-  
citur. Omnis substantia accidentibus substat, nulla albedo  
accidentibus substat, ergo nulla albedo est substantia. *Ad quod  
probandum.]* Hic locus sic in formam syllogismi reducitur,  
omni amorī sapientiæ est studendum, philosophia est amor  
sapientiæ, ergo philosophiæ est studendum. *At nunc illud.]*  
Ab his tribus locis, finitione, descriptione, interpretatione  
nominis quatuor modis argumentari possumus, duobus af-  
firmatiuè ex parte subiecti, & prædicati, & ab iisdem termi-  
nis toridem negatiue.

De his locis, qui terminorum substan-  
tiam consequuntur.

His ita præmonitis, eos iam aggrediamur locos,  
qui terminorum substantiam cōsequuntur. Horum sa-  
nè multifaria diuisio est. Siquidem plura sunt, quæ sin-  
gularibus substantijs adherescunt. Ex his igitur alij a  
toto dicuntur, alij a partibus, alij a causis, alij ab effecti-  
bus, siue ut Cicero ait, ab effectis, nonnulli a genera-  
tione, & a corruptione, & alij item ab vrbibus, quidam  
etiam a communiter accidentibus. Sed ex his omnibus  
primus exponendus venit, qui a toto dictus est: quod ut  
cōmodius fiat, quot modis ipsum totum dicatur, subij-  
cere



cere oportet. Dicitur autem totū duobus modis: Aut enim ut genus, quod et totū vniuersale dicitur, aut ut id, quod ex partibus integratur. A toto igitur, quod & genus est, argumentū ducitur, ut si queratur, An iustitia sit bona, fiat q; syllogismus hoc modo, omnis virtus est bona, iustitia aut virtus est, iustitia igitur bona est. Locus quidem differentia maximè, a toto, hoc est, a genere. Locus verò maxima, Quæ generi adsunt, & speciei. Rursus sit questio, an humanae res prouidentia regantur? Dicimus ergo sic, Mundus prouidentia regitur, humane aut res mūdi partes sunt, humane igitur res prouidentia reguntur. Locus quidem differentia maximè, a toto, id est, ab integro, quod partibus constat. Locus verò maxima, quod toti conuenit, & partibus. Porro ut a toto, tum hoc: tum illa argumenta ducuntur, ita & contra ab vtriusq; partibus duci possunt. Itaq; a partibus totius, quo genus est, argumentum ducitur, ut si queratur, An virtus sit mentis bene compositæ habitus, & fiat syllogismus hoc pacto, Iustitia, fortitudo, temperantia, atq; prudentia, habitus sunt mentis bene compositæ, & hæc quatuor vni virtuti velut generi subiiciuntur, virtus igitur mētis bene cōpositæ habitus est. Locus quidem differētia maximè, a partibus totius sine generis. locus verò maxima. Quod singulis in est partibus, id toti mēsse necesse est. A partib. aut, quæ integri partes esse dicuntur, argumentum ducitur, ut si hæc questio. Est me Rhetorica utilis? Dicimus hoc modo, Inuentio utilis est, & dispositio: & elocutio, & memoria, & item & pronuntiatio, & hæc quinque Rhetoricæ partes sunt, ut ex quibus ipsa integratur,



Rhetorica igitur utilis est. Tum verò et per destructionem argumentatio procedit, ut si querat quispiam, num hic, quem servum esse constiterit, liber sit. Hunc si quis non esse liberum monstrare velit, hic dicet. Si neque censu, neque vindicta, neque testamento liber factus est, liber non est. At nulla earum parte liber factus est, non est igitur liber. Locus quidem in differentia maximè a partibus, siue (ut Ciceroni placet) a partium enumeratione. Locus vero maxima, Si omnes partes a re qualibet abiuncta fuerint, & totum necessario abiungetur.

*Hic ita poemonitis.]* Explicat hoc capite locos quosdam, qui substantiam eius rei de qua queritur, consequuntur. *A toto igitur.]* A toto uniuersali affirmatiue colligimus, quoniam ipsum totum cum nota uniuersali sumitur, ut Traianus omnibus virtutibus præditus fuit, ergo etiam iustitia. *Quæ generi.]* Quæ generi insunt, etiam alicui formarum conueniunt. Videndus est Aristo. 2. cap. 2. l. p. Topicorum.

### De alijs quibusdam modis totius,

Sunt præterea ab his duobus modis alij modi totius. Namque & totum dicitur in quantitate, & totum in modo, & totum in tempore, & totum in loco. Quorum tamen duos posteriores sub toto in quantitate comprehendere plane licet, horum verò partes sunt, quæ sub ipsis particulariter sumuntur. Totum ergo in quantitate est, cum uniuersaliter quicquam dicitur, ut est omne animal, cuius partes sunt homo, leo, bos, & aliud quoduis animal. Totum in modo dicitur, cum simpliciter aliquid proponitur, ut homo, aut ambulat. Pars verò in modo est, quoties idem cum adiectione aliqua proponitur, ut homo literatus, aut ambulat pedetentim. Totum in tempore

tempore est, vt cū dicimus semper, cuius partes sunt, nunc, hodie, aliquādo. Totum in loco, vt cum dicimus, vbiq; , cuius partes sunt, hic alicubi Rome. At horum omnium nunc exempla subiiciantur. Igitur a toto ad partem secundum quantitate exemplum sit. Si in omnibus est vero vates Apollo, & in hoc verus esse perhibetur, quod dixit. Aio te Aeiacida Romanos vincere posse. A toto autem ad partem secundum tempus, vt si Deus semper est, & nunc est. Rursus a toto ad partem secundum locum, vt si vbiq; Deus est, & hic est. Ceterum in his haudquaquam id consequens est: si a parte ad totum argumētum ducitur, nisi per negationem siue destructionem, vt non est hic, ergo nec vbiq; est. At verò a parte secundum modum vtiq; recte argumentatio procedit, licet nō contrā: vt, si quoquo modo mouetur Deus, & simpliciter mouetur: irascitur aut Deus, ergo mouetur: & si quis pedentium ambulat, & simpliciter ambulat. Talius ferè exemplis tū hic, tum alibi per hunc tractatum, si cui id magis libeat, vti omnino potest, vt a toto vniuersali, siue a genere ad species, siue partes: per destructionem quidem, vt si nō est animal, quod eminus videtur, ergo nec homo est, nec equus: per constructionem verò, vt homo est, aut equus, ergo animal. Sic & a toto, quod partibus integratur, ad ipsas partes per constructionem quidem, vt domus est, ergo tectum est, & parietes: & fundamentum. Per destructionem verò, vt si non est paries, aut tectum, aut fundamentum neque domus est.

SUNT præterea.] Totum in quantitate hoc loco dicitur quilibet terminus communis cum nota vniuersali sumptus

ptus. Totum verò vniuersale est terminus. cōmunis sine no-  
ta vniuersali sumptus, vt iustitia est totum vniuersale, omnis  
iustitia est totum in quantitate. Ab utroq; termino eodem  
modo argumentamur. *Ceterum in his.*] A parte in loco ad  
totum validum est argumentum negatiuè tantum, vt in cō-  
lo non sunt mala, ergo nec vbique.

De locis qui a causis dicuntur.

A causis loci dicuntur, vel ab efficiente, vel a mate-  
riali, vel a formali, vel a finali. Tot enim modis causa  
dicitur. Et efficiens quidem causa est, quæ principium  
motus præstat, vt aliquid fiat. Materia, quæ formas  
rerum subiecta suscipit. Forma aut, quæ cuiuslibet rei  
species est & ratio. Finis verò, cuius gratia aliquid fit.  
Effectus porro, qui has sequitur. Ab efficiente igitur  
causa argumentum ducitur, vt si quis iustitiam natu-  
ralem esse ostendere voluerit, & dicat hoc modo, Con-  
gregatio hominum naturalis est. homo quippe natura-  
liter ciuile animal est. Iustitiam verò hominum fecit  
congregatio; Iustitia igitur naturalis est. Locus quidem  
differentia maxime a causa efficiente. Locus verò ma-  
xima. Quorum efficiens causa naturalis est, ipsa quoq;  
naturalia sunt. A materiali vero, vt si quis Mauros  
non habere arma contendat, idcirco qd ferrum eis de-  
sit. Vel hoc modo, Ferrum non est, igitur gladius non  
est. Locus quidem differētia maxime a causa materia-  
li. Locus verò maxima, Si nō est causa materialis, neq;  
ipsa, quæ ex ea conficiantur, esse possunt, A formali au-  
tem: vt si quis probet Dædalū non potuisse volare, quo-  
niā nullas naturali forma pennas habuisset. Locus qui-  
dem differentia maxime a causa formali. Locus verò  
maxima, Tantum vnūquodq; potest, quantum forma

*eius naturalis permittit. A fine, siue à causa finali argumentum ducitur: vt sit propositum, an iustitia bona sit, fiatq; hoc modo argumentum. Si beatum esse bonum est, & iustitia bona est. Hic est enim iustitiæ finis, vt si quis secundum iustitiam viuat, ad beatitudinem perducat. Locus quidem differentia maximè à fine, siue à causa finali. Locus vero maxima, Cuius finis bonus est, ipsum quoque bonum est.*

A C A V S I S. ] Causa dicitur in vniuersum, ad cuius esse aliud sequitur. Causarum tractatio frequens est, & apud Dialecticos, & physicos. Causæ pertinent ad philosophum naturalem, quatenus principia quedam sunt, & ad motum reducuntur. Ad dialecticum vero quatenus vel per eas fuit, vel demonstrat ab eis argumenta ducuntur. *Congregatio hominum naturalis est.* ] Hic locus sic ad syllogismum reducitur. *omnis congregatio hominum est naturalis, iustitia orta est ex congregatione ergo iustitia est naturalis. Tantum vnum, quodque potest.* ] A causa formali metimur vniuscuiusque rei virtutem, ergo si forma non adfuerit, quæ requiritur ad talem operationem, & operatio aberit. vt calor est quedam forma accidentalis mediante qua ignis calefacit, ergo si hæc cesset etiam cessabit calor.

De locis, qui ab effectibus dicuntur, & item à generatione & corruptione.

Ab effectibus quoq; harum argumenta ducuntur. Verum ad hoc ipsum scire oportet, duplicè esse cuiuslibet effectus causam necessariam, vt sine qua effectus esse, non potest, & sufficientem, quæ certe huiusmodi est; vt si adsit, impossibile sit effectum non esse. Itaq; ab effectu ad causam necessariam ita argumentari possumus per constructionem, Gladius est, ergo ferrum est: & domus est, ergo intritum est, & lapides, & ligna.

Locus q. max. ab effectu ad causam necessariam, Loc.  
ve. ma. Posito effectu, ponitur & eius necessaria causa  
Rursus ab effectu ad causam sufficientem per destru-  
ctionem potius, quàm per constructionem, quādo con-  
struendo argumentationem nō semper euenit, quod in-  
ferre volumus. Vnde non recte sequitur. Hinc interijt,  
ergo iugulatus est. Siquidem id euenire posset alio quo-  
uis casu, aut letali morbo correpto alicui. Destruendo  
tamen ratū est quod infertur, vt, nō interijt, ergo iugu-  
latus non est. Item, lumen solis nō est, ergo eius lux non  
est, Propterea scire debemus, quod ex ipsis causis la-  
tior patet argumētandi cāpus, autore Hegio. Itaq; ab  
efficiente quidem causa arguere possumus statuā com-  
mendabilē esse, quia Phidias eam fecerit, aut Polycle-  
tus, aut Paraxiteles. Hinc illud ouidiij, Materiā supe-  
rabat opus. A materia vero res pretiosas aut vtilēs  
esse, quippe quod tela serica pretiosior sit lanea, & la-  
nea item lineā. Et iuxta Horatiij sententiam, Vilius ar-  
gentum est auro. Hinc et scientia de anima. honorabi-  
lior ab Aristotele dicta est cetera quauis de natura  
parte. A forma aut res extare, & item dignas, & mi-  
nus dignas esse, vt hominē, quod rationale animal sit,  
digniorē quolibet animali. A fine, res bonas siue vti-  
les, vt exēpli causa, liberales artes, q̄ bonos & vtilēs  
habeant fines. Ceterum qui ab effectibus dictus est lo-  
cus, hūc Boetius eundem esse dicit cum loco a genera-  
tionibus. Sed nos eos seiūximus, quod generatio videli-  
cet non sit, quæ ad causas ipsas sequatur, cuiusmodi ta-  
men effectus definitus: sed quæ potius via quædam sit  
ad effectus producendos: quemadmodum corruptio ad  
eorum



*eorum desitionem. At qui horum speculatio aliū postulat locum. A generatione igitur, argumentum ducitur hoc modo, Assuesfactio ad virtutem bona est, igitur virtus bona est. Lo. qu. ma. a generatione. Lo. ve. ma. Cuius generatio bona est, ipsum quoq; bonū est. A corruptione vero, vt desuesfactio a vitio bona est, igitur vitium malū est. Loc. qu. diff. ma. a corruptione. Locus vero max. Cuius corruptio bona est, ipsum quod corrūpitur, siue quòd corruptū est, malū est. Sane sciendū, quòd quoties ab hoc loco argumentamur, prædicatum consequentis contrarium, seu oppositum esse debet prædicato antecedentis. Quod tamen non ita euenit in loco à generatione, ob eam fortassis causam, quod per hanc aliquid acquiratur, per illam autem deperdatur acquiritum. Et enim vt generatio, rei productio est: ita corruptio, eiusdem abolitio.*

*A B. effectibus.]* Diuisio quā hoc loco Cæsarius proponit est apud Aristot. iij. cap. ij. lib. Auscultatoriorum. Est autem causa necessaria vel, vt loquitur Aristot. actu, quam necessario sequitur effectus, vt ex arbore bona fructum ferente, necessario bonus sequitur fructus. Alia est causa sufficiens non tamen necessaria quæ impellit, & adiuuat ad effectū cōsequendū, vt colloquium respectu amoris. *Hic interijt.]* Sic iugulare, est causa sufficiens interitus non tamē necessaria. *At qui horum.]* In his duobus locus à generatione, & corruptione argumentationes cōponuntur prædicatis euariatis secundū has voces bonū, & malū. A generatione, sic generatio domus bona est, ergo domus est bona. Generatio Catilinæ perniciofā fuit, ergo Catilina perniciosus. At in loco à corruptione diuersum sumit prædicatū in antecedente, & cōsequente vt domicilia latronū funditus euertere bonū ē, ergo ipsa domicilia mala sunt. Arist. in Topicis sæpe hos locos inculcat.



## DE LOCIS DIALECT.

De locis, qui ab vsibus, & communiter  
accidenribus dicuntur.

Vsum definiunt rei cuiusq; operationem, at minus  
proprie. Quādoquidem multarum rerum vsus aliquis  
esse probatur, quarum tamē nulla est operatio, vt libro  
rum quidem est aliquis, nulla autem operatio: & agri  
item, & gladij. Itaque rectius definitur, cuiusq; rei fun  
ctio. In quibusdam tamen coincidunt vsus, & opera  
tio, vt visio oculi, vsus eius est, & functio, & operatio  
pariter. Sed & illud hic cauendum moneo, ne abusum  
pro vsus vsurpemus: vt hi faciunt, qui ita argumentan  
tur. Interficere hominem malum est, igitur gladius ma  
lus est, quando certe in hoc non vsus gladij est, sed abu  
sus. Quippe ad propulsandam potius iniuriam, non ad  
inferendam gladius factus est. Vnde illud Diui pauli ad  
Roma. cap. xij. Non frustra gladium gestat is, qui in re  
publica potestate fungitur. Dei enim minister est vin  
dex ad irā, ei, qui male agit. Ab vsibus igitur, siue ab  
vsu argumentum ducitur, si ita argumentet quispiam.  
Equitare bonum est, igitur equus bonus est. Locus qui  
dem differentia maxime ab vsibus, siue ab vsu. Locus  
vero maxima, Cuius vsus bonus est, ipsum quoque bo  
nū est. Cōmuniter accidentia, vt hoc loco accipiuntur,  
sunt, que sese conitāt, idq; vel semper, vel plurimum.  
Ab his igitur argumenta ducuntur, quoties ea sumun  
tur accidentia, que relinquere subiectum, vel non pos  
sunt, vel nō solēt: vt si quis hoc modo dicat, Sapientem  
non pœnitet, pœnitentia enim malum factum sequitur,  
Quod quia in sapientem non cadit, ne pœnitentia qui  
dem. Loc. q. m. a communiter accidentibus. Locus  
vero

vero maxima, Cui non inest aliquid ei, nec illud quod illius est consequens, inesse potest. Rursus & hoc modo secundum affirmationem, Pluit; ergo vapores in sublimem leuati sunt. Vnde nec illud iam prætereundum est, quod aliquoties quæ naturaliter priora sunt, in propositione tamen sunt consequentia; vt Peperit, igitur cum viro concubuit. Quocirca non recte ita proponitur; Inimicitia sunt, igitur bellum est. Sed contrario potius, Bellum est, igitur inimicitia sunt. Nam vt ludum plerunque comitatur certamen & ira; ita ex ira inimicitia saepe oriuntur, & ex his funebre bellum: id quod ab Horatio elegantissime adnotatum est tercia ad Mæcenatem epistola: Ludus enim genuit trepidum certamen & iram: Ira truces inimicitias, & funebre bellum. Aliquoties vero, quæ naturaliter antecédunt, ea, & in propositione priora sunt, vt arrogans est; ergo odiosus est. Ex arrogantia enim quisque fit odiosus. Tale est & illud; quod Anselmus inter medijs ordinis theólogos, (nisi iudicio fallor) collocandus; in libro de casu diaboli adnotauit his verbis; Aliud est, inquit, rem aliquam causam esse alterius rei: aliud positionem rei causam esse; vt aliud sequatur. Nam incendium non sit causa ignis, sed ignis est diuerso incendijs; positio tamen incendijs causa est; vt ignem esse sequatur.

V s u m definiunt.] Vñus, vt inter locos numeratur, nihil aliud est, quam actus ipse vtendi, siue operatio siue functio vocetur. Sed & illud;] Ducitur argumentum ab vñu, quando ab ipsa rei bonitate vel malitia colligimus. Nam ex hoc sumitur maxima per contrarium, cuius vñus malus est, ipsum malum est, & cuius vñus bonus est ipsum bonum est. Commis-

*niter accidētia.*] Hęc sunt quę *ὡς περ το πολὺ*, hoc est frequenter eueniunt, vt cōptus est, ergo amat. philosophus est. ergo suum negotium agit, & hominum conspectū fugit. *Rursus & hoc modo.*] Est enim pluuia vapor calidus, fumosus eleuatus, à corporibus humidis per calorē solis, vsque ad mediam aeris regionem, à cuius frigore condensatur, & in nubē conuertitur, quę nubes rursus in aquam dissoluitur.

De locis qui extrinsecus sumuntur  
qui & quod sunt.

*Expositis locis, qui ab ipsis terminis in quæstione positis sumuntur, restant dehinc exponēdi, qui licet extrinsecus sumpti argumenta tamen quæstionibus sup-  
peditant. Hi vero sunt, a rei iudicio siue ab autoritate, a similibus, a partibus, a proportionē, a maiore, a minore, ab oppositis, à repugnantibus, à transumptione, & a transmutata proportionē.*

*Expositis locis.*] Extrinseci loci dicuntur, quando sumitur argumentum ab his, quę sunt omnino separata, à substantia rei de qua quæritur, vt liberalitas est virtus ergo non est vitium.

De loco ab authoritate, siue a rei iudicio.

*Locus qui rei iudicium tenet, siue ab autoritate dicitur, huiusmodi ab est, vt si dicamus id esse, quod vel oēs indicāt, vel plu. & hi vel sapiētes, vel in vnaquaque artium pænitus eruditi. Huius exemplum est, præter firmamentum esse planetarum orbes septem: quoniam id ita astrologi doctissimi, & in astrologia sapientes, penitusq; eruditi iudicarint. Locus quidē differentia maxime, ab authoritate, siue à rei iudicio. Locus vero maxima, Quod omnibus vel pluribus, vel sapientibus*

pientibus hominibus videtur, ei contradicere non oportet. Huic & illa ascribitur maxima. Vnicuique in sua arte perito credendum est. Sane hic locus etsi per alias quoque complures disciplinas usum suum præstat, in duabus tamen id præcipue spectatur observaturque; Vnam quidem, quæ veluti cæterarum artium fundamentum quoddam est, ac per hoc omnium infima, quippe literas docēs, unde & nomen habet, à Grecis γραμματικὴ dicta: altera verò quæ quoniam circa diuinos versatur sermones Theologiæ nomē illis ab accepit. Hinc etiam in disciplinarum omnium suprema existit, & tanquam aliarum regina haberi debet. Verū vt illius autoritas in primis apud poetas est atque historicos, cæterosque idoneos, atque probatos scriptores: ita huius autoritas ex nouo & veteri testamento potenda est. Porro cum duplex sit autoritas, humana atque diuina: scire debemus, quòd humana plerunque vacillat, diuina semper firma manet. Humanæ igitur contrarietate interdum licet, diuinæ nunquam: illa sæpe rationibus fulcitur, hæc rationibus nullis indiget, sibi sufficientissima. Ergo cum in humanis disciplinis aliquis instituendus est, is (vt Aurelij Augustini, & verbis & sententia utar) duplici via ducitur, autoritate, & ratione. Et tempore quidem autoritas, natura vero ratio est. Itaque quamuis imperitis adhuc autoritas videatur esse accommodatior (oportet enim, vt Aristoteles ait, addiscentem credere) ratio tamen apertior est eruditis. Autoritas igitur imperitis adhuc, ianuam quodammodo aperit doctrinarum, & discipulum ducit. Ratio autem eundem iam eruditum præ-

*sis vestigijs hæere facit, & omnia intromissa luce com-  
monstrat.*

**Locvs qui.]** Locus ab authoritate illis maximè niti-  
tur, quæ in finitione probabili explicantur: est enim pro-  
babile, vt Aristoteles primo capite primi libri Topicorum  
finit, quod vel omnibus, vel pluribus, vel sapientibus, & his  
vel omnibus, vel pluribus, vel maximè notis videtur. *Vna  
quidem.]* Grammatica minimum ratione plurimum vsu, to-  
ta authoritate constat. *Porro.]* Humana authoritas est, cu-  
ius prima origo a nobis est, vt syngraphum instrumentum:  
diuina quæ vel Dei, vel nominis voce profertur. videndus  
est Cicero, initio partitionum oratoriarum, & Rodolphus  
agricola vicefimotertio capite primi libri. *Altero vero.]* Plus  
valet authoritas in sacrosancta theologia, quàm ratio,  
quia circa arduas res, & à sensibus remotas versatur, in qui-  
bus ratio humada nutat.

De locis a similibus, & a partibus.

*Similia sunt, quibus eadem qualitas inesse perspi-  
citur. Vnde & similitudo definitur, rerum differentium  
eadem qualitas. Atqui simile, vt hic accipi videtur,  
sunt qui ita definiant: Simile est, quod eandem cū alte-  
ro sue veritatis probabilitatem habet. A similibus er-  
go, siue a simili, hoc pacto, argumentum ducitur, vt si  
dubitetur, an homini proprium sit bipedem esse, id ita  
probamus, Similiter inest equo quadrupedem esse, vt ho-  
mini bipedem: at non est equo quadrupedem esse pro-  
prium, igitur nec homini esse bipedem. Locus quidē dif-  
ferentia maximè a similibus. Locus vero maxima, De  
similibus idē est indicium. Sane hoc loco vsus est diuus  
Paulus, Si Christus (inquit) mortuus surrexit, & nos  
mortui resurgemus. Vnde errare conuincuntur, qui  
hunc locū vno pede claudicare dicunt: quod (vt aiūt)  
fallat*

*fallat plerūque adducta similitudo. Verum id quotiēs accidit non iam a similitudine, sed potius a dissimilitudine erroris sui causam habet. Quapropter Quintilianus huic præcipuē loco iudicium adhibendum monet: Solent enim, inquit, nos fallere plerunq; similitudinum species, ideoq; adhibendum est his iudicium. Huic loco haud dissimilis est locus, qui a paribus dicitur. Sunt autem paria, quæ eiusdem sunt quantitatis, & paritas ipsa quantitatis veluti similitudo quædā est. Ab hoc argumentum fit, si ita proponatur, Si cui in animo est Demosthenem laudare, cur non & Tulliū laudabit, cum alter alteri par sit? Nempe quantus in eadem persuadendi arte vnus, tantus & alter. Locus quidem differentia maximē, a paribus, Locus vero maxima, Parium idem est iudicium.*

*SIMILIA sunt.] Vt Cornus & Aethiops dicuntur similia, quia eis eadem qualitas secundum speciem inest. Vnde errare.] Omnium locorum ē quibus argumenta ducuntur, nulli minus est virium quā loco à simili: parum contra renitentem valet aduersarium plurimum ad illustrandam orationem, vt apud Quintilianum, quæmadmodum vascula oris angusti, sparsam humoris copiam respuunt, sensim autem instillantibus replentur: ita tenera puerorum ingenia, pro modo virium suarum docenda sunt, insuper in loco à simili hoc obseruandum est. sat esse similia in vno tantum sentire, non autem in omnibus. Vt quemadmodum oculus in corpore, ita mens in anima: in eo est similitudo, quia vt oculus est ornamentum corporis, ita mens animæ: si quis autem ita ratiocinaretur, vt oculus in corpore, ita mens in anima: sed oculus est corporeus, ergo mens est corporea: fallaci vteretur conclusionē: quia in eo non consistit similitudo. Hanc rem totā paucis verbis Cicero in præceptis herennianis libro quarto expressit: non enim res tota toti rei necesse*



necesse est similis sit ad ipsum, ad quod confertur, similitudinem habeat oporteat. *Si cui in animo.*] De comparatione Demosthenis, & Ciceronis videndus est Plutarchus.

### De loco à proportionē.

Confinis porrò duobus illis quodammodo est, quia proportionē locus dicitur. Nam ut similitudine rei comparatur secundum qualitatem, & paritate secundum quantitatem: ita proportionē habitudo comparatur habitudini. Est enim proportio quædam habitudinis cōparatio. A proportionē igitur argumentum ducitur, ut si queratur, an sorte eligendi sint in civibus magistratus, dicimus, minime: quia nec regendis navibus sorte præficitur gubernator. Locus quidē differentia maxime, a proportionē. Locus vero maxima, Quod in vnaquaq; re evenit, id in eius proportionali evenire probabile est. Hoc loco Aristoteles usus est in Ethicis libro primo, cū ait, ut locus in capite, ita mens in anima. Sane hic locus accommodari in primis iudiciis potest, necnō & negotiatoribus. Siquidem ut operatio ad operationē, ita merces ad mercedē; & ut meritum ad meritum, ita præmium ad præmium, & rursus, ut delictum ad delictum, ita pœna ad pœnam. Hæc enim omnia proportionalia sunt.

CONFINIS porrò.] Locus a proportionē similis est duobus locis superioribus, a pari & a simili. est igitur locus, à proportionē vnius habitudinis ad alteram comparatio, hoc loco. *Aristoteles.*] Locus est Apud Aristotelem sex to capite primi libri Ethicorum, huius exempli in superiori capi e, a nobis facta est mētio. *Siquidem ut operatio.*] Huius loci

loci plenior explicatio ex libro quinto Ethicorum Aristoteles cuni de iustitia distributiua disputat, repetenda est.

De locis, à maiore & à minore.

Maius quod hic dicitur, & item minus, hoc pacto definiri possunt: Maius est, quod suae veritatis maiorem habet probabilitatem. è diuerso minus, quod minus, quod minorem. A maiore autem argumentum dicitur, si ita dicas: Non potest: rex arcem, aut urbem expugnare, ergo nec miles. Item, non licuit Herodi habere uxore viri alieni, igitur neque fratris. Locus quidem differentia maximè, a maiore. Locus vero maxima, Si id quod magis videtur inesse, non inest, nec id quod minus videtur inesse, inerit. A minore vero conuerso modo, vt, si quilibet vel gregarius miles pōt expugnare aut arcem, aut urbem, & imperator. Item, Si Scipioni priuatio licuit Caium Gracchum mediocriter Reipublicae statum labefactantem interficere, quanto magis consulibus licuit persequi ac demum vltimo afficere, supplicio Catilinam, terras cedere, atque incendio vastantem? Item, Si feræ diligunt partus suos, quam in liberos nostros vti diligentia debemus? Locus quidem differentia maximè, a minore. Locus vero maxima, Si id quod minus videtur inesse, inest, & id quod maius videbitur inesse, inerit. Hos locos Cicero & Quintilianus vocāt a comparatione maiorū & minorū. A comparatione quidem maiorum: vt, Si quis sacrilegium aut peculatum committit, & furtum committet. A comparatione vero minorum (qui tamen oratoribus magis quam philosophus vsui est) vt Qui facile palam mentitur, idem & peierabit.

MAIUS quod hic dicitur.] Horum locorū plena sunt oīa apud Dialecticos, & rhetores. vnum hoc dignū obseruatione, maius dici duobus modis. primo secundum rem, & quantitatem: huius exemplum est apud Aristotelem primo rhetoricorum, hic patrem interfecit, ergo quamuis alium interficere audebit. hoc est argumentum à maiori, si rem spectemus, sed à minori si probabilitatem. secundo aliud est maius secundum probabilitatem quod habet maiorem vel minorem suæ probabilitatis veritatem; vt Imperator non potest par esse viribus Turcarum, ergo; neque dux aut comes. eodem modo distinguendum est minus, ex qua distinctione facile est intelligere locum Ciceronis in Topicis cū ait, quod valet in maiore valet in minore, & contra: quod enim valet in maiore negatiue etiā valet in minori: si enim quod est difficilius, & probabilius fieri non potest, ergo nec id quod est facilius, & minus probabile: vt si fines non regantur in vrbe, nec aqua arceatur, & quod valet in minori, valet in maiori affirmatiue, vt aqua in vrbe arceatur, ergo fines regantur. huius loci duæ elementa topica apud Aristotelem frequenter repetita sunt. si id quod videtur magis inesse non inest, nec id quod videtur inesse, inest, & si id quod minus videtur inesse, inest, & id quod magis inest. Si Scipioni.] Hęc historia est apud Plutarchū in vita Gracchorum, & Valeriū maximū libro tertio capite, de fortitudine.

### De loco, à transumptione.

Cæterum qui à transumptione locus dicitur, non is est, quem vulgus dialecticorum esse putat, atque definit, quoties nomen magis notum transumitur pro nomine minus noto, in qua tamen opinione, & Boetium esse deprehendo, virum alioqui de arte dialectica optime meritū. Sed vt cū bona eius venia dixerim, quandoque bonus dormitat Homerus: imo idem poeta ait, Sepe opere in longo fas est obrepere somnum. Itaque acutius, atq; subtilius hoc animaduertentes, Alexan-

der Hegius, nostra fere ætate apud Dauentriam, nobile profecto & præclarum Germaniæ oppidū, haud in celebris gymnasiarcha, vir alioqui inter priscos philosophos connumerandus, & post hunc Iacobus Faber Stapulensis, obseruandissimus quondam præceptor meus, tum Parrhisiis Philosophiæ studijs operam nauarem, & ante hos Buridanus homo certe ingenio fecilior, quā institutione, longe aliter hunc locū exponunt, atq; exēplis insuper declarant: vnde & ab his transumptio definit esse, quoties nomen metaphoricū s; hoc est, trāslatitiæ sumptum, per propriū explicatur. Ab hoc aut argumentum ducitur, verbi causa, si dicamus, Dialectica utilis est ad omnem methodū, igitur ad omnē scientiam utilis est. Locus quidem differentia maximè, a nominis transumptione. Locus vero maxima. Quicquid alicui conuenit sub noīe metaphoricū s sumpto, eidem conuenit, & sub nomine propriè sumpto. Sane hoc loco nō philosophi modo vtuntur interdum, ceteriq; scriptores sed & sacræ literæ eo plene sunt, ac scatent propemodum: vt, si leo rugiens fugiendus est, & diabolus fugiendus est. Item, si Christus leo est, & rex est.

CAETERVM.] Huius loci triplex est vsus. Primus quando thesim ad hypothesim transferimus, vt si queratur quid iustitia in omni re valeat, & ostendatur eam multum in Reip. administratione posse. Secundus quando nomen notius sumitur pro innotiore, vt sapiens pro philosopho. Tertius quando nomen per metaphoram sumptum per proprium explicatur, vt si quis pro ardere amore, vehementer amare dicat. Ad omnem methodum.] μέθοδος, est brevis via, hinc per translationem significat dicendi compendium, & rationem rerum dicendarum. Ex rex est.] Nam leo

## DE LOCIS DIALECT.

animal est ferox, & omnium animalium generosissimum, & leones tantum ex feris clementia vtuntur in supplices, prostratis enim parcunt, vide Plinium libro viij. cap. xvj.

De locis ab oppositis, & a repugnantibus.

Ad oppositis vero toties argumēta ducuntur, quoties inter se aliqua opponi dicuntur. Opponuntur autem modis quatuor. Aut enim contrariè, vt album, nigrum: aut priuatiue, vt iustum. iniustū; aut relatiue vt dominus seruus: aut contradictoriè, vt videre, nō videre. At de his quidem in tractatu de predicamentis satis (vt arbitror) dictum est. Itaque a contrarijs argumentum ducitur hæc modo, Si bona est sanitas egritudo mala est. Vel, si est aliquod animal sanū, idē egrum non est. A priuatiuis vero, vt si iniustitia fugienda est, sequenda est iustitia. Vel, si quid videns est, idem profecto non est cæcū. A relatiuis autem, vt quisquis pater est, filium habeat necesse est. Vel, si quis pater est alicuius, eius filius non est. Porro a contradictorijs, vt si quis est videns, idem iam non est non videns. Locus quidem differentia maxime, ab oppositis. Locus vero maxima, In contrarijs, priuatiuis, relatiuis, & contradictorijs, opposita sibi conuenire non possunt, In relatiuis insuper alterum sine altero esse non potest. Præter hæc autem sunt & repugnantia, quæ a nonnullis disparata dicuntur. Repugnantia quidem, quod licet nulla oppositione inter se aduersa sint, a se tñ adeo diuersa sunt, vt alterum de altero nequaquā predicari possit: disparata verò, quod veluti dispares res significēt. Ab his igitur argumētum ducitur, vt si ita dicamus homo est, igitur lapis non est. Item, si quid homo est, id neque



*bos est, neque equus, neque aliorum quicquā, quod ab homine diuersum est. Locus quidem differentia maximē, a repugnantibus, siue a disparatis. Locus vero maxima. Quæ sibi repugnant, hæc neutiquam conuenire possunt.*

**AB oppositis.]** Regula tradi solet ab affirmatione vnius oppositorum, ad negationem alterius, rate, & exploratę fidei est argumētum, quam regulam ex inductione facile est probare *A relatiuis.* Aliud sunt relata aliud relatiue opposita. Dicuntur relata quando sumuntur sine comparatione alicuius tertij, & sic mutuo se inferunt, vt dominus est, ergo seruus est. Relata opposita dicuntur, quādo conferuntur ad idem tertium, & sic affirmatio vnius infert negationem alterius, vt Anchises fuit pater Acneę, ergo nō fuit eius filius.

**De loco à transmutata proportionē.**

*Adijcitur à quibusdam præter prædictos locos, qui extrinsecus sumuntur, locus a transmutata proportionē dictus. Is autem huiusmodi est, vt si ita dicamus, Sicut octo ad quatuor, ita sex ad tria: quippe qđ vtrobique dupla sit pportio. Ergo sicut octo ad sex, ita quatuor ad tria: quæ numerorū ad se inuicē habitu do, proportionem vtrobique constituit sesquitertiā. Octo enim sex superant binario, quæ tertia pars est senarij. Itidem & quatuor tria, vnitatem quæ, & ipsa pars est tertia ad tria, siue ad ternarium. Hinc & transmutata proportio dicuntur, quòd ab vna in alium quasi trāsitus fiat. Cæterum talem argumentationem hac maxima corroborant; Si vt primum ad secundum, tertium se habet ad quartum, & vt primum ad tertium, secundum se habet ad quartum.*

**AD IICITVR.]** Proportio est mutua duarum quantitatum inter se commensurabilium habitudo, vt dupla inter  
vnum



## DE LOCIS DIALECT.

tinum, & duo. Colligimus igitur ab hoc loco ex quantita-  
tum commutatione ab vna proportionē ad aliam, vt in  
exemplo Cæsarij a proportionē dupla ad sesquitertiam.  
Huius loci exempla, ab Arithmetica petenda sunt Propor-  
tio dupla est quando maior numerus bis minorem conti-  
net. Sesquitertia est quando maior numerus continet mi-  
norem, & tertiam eius partem, vt inter quaternarium, &  
ternarium.

### De locis medijs.

Medij dehinc loci sequuntur, quibus expositis, fi-  
nē protinus huic tractatui imponemus. Sed cur ita di-  
cantur, dicendum Prius. Medij quidem loci dici viden-  
tur, quoniam in his argumēta neque extrinsecus omni-  
no petuntur, neque ipsa terminorum substantia, sed ab  
ipsorum terminorum (vt exempli causa) vel casibus,  
vel coniugatis, leui quadam mutatione deflectuntur.  
Similiter & qui a diuisione locus dictus est, medius in-  
ter vtrosque collocatur: quoniam ex eo nūc ab ipsis in  
quæstione positis terminis, nunc extrinsecus argumēta  
sumuntur. Sint igitur loci medijs tres, a casibus, a coniu-  
gatis, a diuisione. Et casus quidem est, cum principale  
aliquod nomen in aduerbiū deflectitur, vt a iustitia ius-  
te. Coniugata vero dicuntur, quæ ab eodem diuersimo  
de deducta fluxerunt, vt a iustitia, iuste, & iustus, ius-  
ta, iustum. Sed hæc omnia a Cicerone Coniugata dicun-  
tur, quòd quasi ab vno iugo deducantur, quæ & idē ita  
definit. Coniugata dicuntur, quæ sunt ex verbis generis  
eiusdem. Eiusdem generis verba sunt, quæ orta ab vno  
varie commutantur, vt sapiens sapienter, sapientia. A  
casibus igitur argumentum ducitur, vt si quærat de  
quopiā, sint ne prudens: & arguatur esse talis, hoc mo-  
do

do, Prudenter agit, ergo prudens est. *A coniugatis vero si hoc pacto, Iustitia bona est, ergo qui iustus est, bonus est: Locus quidem differentia maximæ a coniugatis. Locus vero maxima. Si vnū coniugatorū cuipiam conuenit, & reliquum.*

[MEDII dehinc.] Medius locus dicitur quando ducitur argumentū ab eo quod partim conuenit cū eo, de quo queritur, & partim differt. Vt si in dubiū reuocetur an iustitia sit laudanda, sic colligendum est, iustus est laudandus, ergo iustitia est laudanda. Argumentū ducitur a coniugatis, quæ partim conueniunt & partim differunt. *Et casus quidem est.* Casus hoc loco dicuntur ea nomina, quæ a primo deriuata cū eo ipso componuntur, vt sapienter iuste a sapiens iustus. Hæc tamen omnia quia per tenui separantur discrimine, eodem nomine coniugata dicuntur. Locus est in Topicis Ciceronis ad Trebatium. Orta ab eodē verba vocat quæ habet idem principium & finem diuersum, vt temperans tēperantia. Hæc verborum coniugationem Græci συζυγίζω vocant, quam Aristo. in Topicis multum & sæpe commendat.

### De loco à diuisione

Restat locus à diuisione, qui (vt Boetio placet) hoc modo tractatur, Omnis enim (inquit) diuisio vel negatione fit, vel partitione. Negatione, quidē, vt si qs ita pronunciet, Omne animal aut habet pedes, aut non habet. Partitione uero, vt si qs ita dicat, Omne animal aut sanum est, aut ægrum: & quoties vox diuiditur in sua significata. Fiunt igitur argumēta à diuisione, tum per negationem, tum per partitionem. Verum qui diuisionibus vtuntur, hi aut directā ratiocinatione cōtendant, aut ad aliquod impossibile, inconueniensq; ducūt atque id quod reliquerant, rursus assumūt. Si igitur in quæstione propositum, an nulla origo temporis fuerit:

T quod

quod q̄ negare uolet, is directā rōcinatione id demon-  
 strabit hoc modo, Tempus aut originem habet, aut non  
 habet, Sed quia mundus æternus est (id enim paulisper  
 disciplinæ gratia cōcedatur) tempus quoque æternum,  
 quippe quòd mundus sine tempore esse non potuerit.  
 Quod uero æternum est, origine omnino caret: tempus  
 igitur originem non habet. At si per impossibile idem  
 ostendi desideretur, dicetur hoc pat̄ro, Tempus aut ori-  
 ginē habet, aut non habet: sed si tēpus habet originem  
 non fuit semper. Tempus autē habet originem, fuit igi-  
 tur, quando non fuit tempus. At qui fuisse, temporis est  
 significatio: fuit igitur tempus, quando non fuit tem-  
 pus: quod fieri prorsus impossibile est: non est igitur ul-  
 lum principium temporis. Quo fit, ut ad alteram diui-  
 sionis partem tandem redeatur, & dicatur tempus ori-  
 gine carere. Locus quidem differentia maxime, a diui-  
 sione. Locus uero maxima, Cōdiuidentium vno subla-  
 to, alterum manet, & posito altero, tollitur reliquum.  
 At uero qui per partitionem diuisionibus utuntur, hi  
 id duobus modis tētant. Nam quæ diuiduntur, aut si-  
 mul esse possunt, aut nō possunt: simul esse possunt, cum  
 vocē in significationes diuidimus, nō possunt uero, quæ  
 negationis modo diuidūtur, ut aut sanus est, aut eger.  
 Itaq; si q̄ratur, an canis substātia sit, tūm quispiam p̄  
 diuisionem id ita monstrauerit, Latrabile animal sub-  
 stantia est, bellua marina substantia est, sidus item cæ-  
 leste substantia est. Hæc autem tria canis nomen si-  
 gnificat: est igitur canis substantia. Per modum ve-  
 ro negationis a diuisione argumentum ducitur hoc mo-  
 do. Aut sanus est aut eger, sed sanus non est, igitur æ-  
 ger

*ger. Vel sic, æger non est, igitur sanus. Vel ita, sanus est, igitur æger non est. Vel hoc modo, Aeger est, igitur sanus non est.*

**RESTAT locus.]** Quemadmodum diuisio fit duobus modis per negationem & partitionem: ita etiam duobus modis argumentamur a diuisione, per diuisionem, & partitionem. Diuisio fit per negationem, quando alterum membrorum negatiue circumloquimur. Per partitionem, quando membra diuidentia affirmatiue efferuntur. Cum diuisio fit per negationem colligimus, ab affirmatione vnius membri ad negationem alterius. *Ad verò.]* Quando diuisio fit affirmatiue ostendere oportet id de quo dubitamus singulis membris inesse diuidentibus, & sic inerit etiam diuisio.

### **Quemadmodum Dialectica probatio a demonstratione differat.**

*Expeditis locorum differentijs, illud postremo veluti coronidem adijcere operæ pretium est, quo videlicet pacto dialectica probatio a demonstratione differat. Differt autem primo, quod demonstratio omnis ex proprijs concinnatur: Dialectica vero probatio ex communibus. Deinde, quod demonstratio ex solis necessarijs cōmeat: Dialectica verò probatio interdū ex necessarijs interdū ex probabilibus. Tertio, quod demonstratio duobus tantum utitur speciebus argumentationis nempe syllogismo, & inductione: Dialectica verò probatio omnibus fere, utpote nunc syllogismo, nunc enthymemate, nunc exemplo. Quo fit, ut non sit proprium dialecticæ opinionem aggignere cum formidine de opposito, ut nonnulli falsò persuadēt, sed dialecticam potius fidem quæ cum ex necessarijs fit, colligiturq; non minus certa est, quàm quæ per demonstrationē paritur: Hoc tamen*

a scientia differens, quòd scientia ex proprijs aggignitur: illa vero ex communibus, & nulli sciētiē peculiatiter additis, Caterum opinionem facere infirmiori ipsius dialecticæ parti cōpetit: qua proinde oratores frequentius, Philosophi rarius vtuntur. Quod quidem & diuinus Seuerinus Boetius ita esse cōprobat, atq; his contestatur verbis, Sed ea quidem argumēta (inquit) quæ ex definitione, vel genere, vel differētia, vel causis, vel ex diuisione ducuntur, demonstratiuis maxime syllogismis vires, atq; ordinem subministrant. Reliqua vero dialecticis, & verisimilibus.

EXPEDITIS.] Appendicem addit, qua obiter docet discrimen inter syllogismum Dialecticum, & demonstratiuum. *Differēt autem.*] Prima differentia inter probationem demonstratiuam, & dialecticam. Demonstratio constat ex principijs certæ scientiæ additis, Dialectica verò, vt communis est facultas, ita etiam omnibus principijs vtitur. Id docet Aristot. initio lib. j. Rhetoricorum, & viij. cap. j. lib. posteriorum, & xj. cap. j. lib. Elenchorum, *Deinde.*] Secunda differentia demonstratio componitur ex omnibus, & solis necessarijs, sed dialectica probatio fere ex probabilibus Videndum est sextum cap. primi libri posteriorum. *Tertio.*] Tertia differentia, demonstrator vtitur tantum duabus formis argumentationis, syllogismo, & inductione. Nam hæ si recte componantur, semper necessario conficiunt conclusionem, quod proprium est demonstratoris. at Dialecticus omnibus formis promiscue vtitur.

## IN TRACTATVM

## DECIMVM.

## P R Æ F A T I O.



**A**BSOLVITIS hætenus a nobis nouem ex decem, quos instituimus, tractatibus artis Dialecticæ, in quibus eas partes ipsius artis pertractauimus, quantum compendio licet, per quas recte, diligenterq; differendi ratio comparatur, qui certe, & finis totius artis esse existimatur (quippe per quem verum a falso discernitur) institutio huic nostro iam satisfecisse videri possumus. Cæterum quoniam falsum sub veri specie plerumque obrepit, quo & incauti facile illuduntur (fallit enim vitium specie virtutis, vt non tam eleganter quam vere à Iuuenale Satyrico poeta dictum est, & ab Horatio in eundem sensum, Decipimur specie recti) idcirco ab Aristotele prouidò nimirum artis magistro id etiam curatù est, vt post artis præcepta talia quoq; relinqueret præcepta, quibus etsi nihil, quòd ad artem faciat, disceremus, his tamen instructi facile vitare possemus sophistarum argutias captionesque, quorùm hæc est præcipua intentio, vt fallant, non doceant: magis appareant scientes, non sint reuera. Vnde & hic illud, neque incommode, neque importune ex Aurelio Augustino adiecerò, quòd vir ille de eadem re in tertio de doctrina Christiana scriptum reliquit. Cuius hæc sunt verba, Sunt multæ falsæ conclusiones rationum (quæ sophisticata appellantur) & veras plerumque ita imitantes, vt non solum tardos, sed ingeniosos minus diligenter attentos decipiant. Quare & nos iam ob eandem certe causam, Aristotelem hac quoque in parte sequentes, decimum illis nomen adicere in animo constituimus tractatum. In quo proinde de sophisticis elenchis



## DE ELENCO SOPHIST.

chis (sic enim ab illo appellati sunt) siue de locis sophisticis agamus, vt studiosi adolescentes, si quibus hæc nostra lucubratio quoquo modo profuerit vnquam, post artem vel medicritè perceptam, ex hoc iam etiam percipere possint, quænam sint, propria huius artis, quæ non sint: tam etsi sine his nec ars ipsa satis sibi constare potest, vt nec Grammatica, quæ rectè loquendi scientia definitur, nisi in hac quoq; de Barbarismo atque Solæcismo fœdissimis eius artis vitijs cura desumeretur nō parua: id & in morum disciplina iam pro cōperto omnibus esse potest. Atque adeo hæc cura de artium quoque vitijs prodendis necessaria est: quod vitia latius serpere soleant suapte natura, & (vt supra dictum est) nonnunquam virtutum species sibi induant, quo citius circumueniant incautos. Hinc rectissime ab eodem Horatio dictum est, In vitium ducit culpæ fuga, si caret arte. Sed iam de Elencho quid primum dicamus, & vnde huius tractatus inscriptio.

CAESARIUS in hanc præfatione docet rationem, cur post vtranq; dialecticæ partem inuentionem, & iudicium, nunc tradat locos sophisticos ex quibus fallaces conclusiones colliguntur, *Cæterum quoniam.*] Ex hoc loco præcipua ratio sumitur loci superioris. Etsi is qui nouit contexere verum syllogismū, etiam nouit fallacem (rectum enim est index sui & obliqui, vt primo de anima Aristot. docet) tamen quoniam sæpenumero falsum sub veri specie irrepit, visum est Cæsario etiam post Aristot. eos addere locos, quibus cognitis captiosas cōclusiunculas dextre dissoluere possimus. Non enim minus est ingeniosum acute posse ponere questionem quam propter diluere. Essè autem quosdam impossibiles syllogismos, Aristot. j. cap. j. lib. Elenchorum similitudine eleganti docet. Quemadmodum quidam homines, à natura formosi sunt, quidam fucoso exornant, & vt argentum quoddam est verum quoddam adulterinum: ita etiam quidam sunt veri syllogismi quidem fallaces. Quod non solum in Dialectica, sed Rhetorica, & alijs artibus vsu venit. Vnde Aristot. ad finem ij. Rhetoricorum locos quosdam

dam tradidit, quibus falsas argumētationes dissoluere possemus. *Quorum hæc est præcipua intentio.*] Id ex Platonis sophista perspicuum est. Plato enim postquam sex proposuit sophistæ finitiones, eas epologo perstringens ait. Prima inuestigatio docuit sophistam mercenarium venatorem iuuenū ac diuitum. Secunda, Mercatorem circa animi doctrinas. Tertia circa hæc eadem cauponem. Quarta suorum inuentorem venditorem. Quinta, circa sermones artificiosum nimium litigatorem. Sexta purgatorem animæ, extirpantem eas opiniones quæ doctrinis impedimento sunt. Septima, accedat sophista est cōtradictor. Ad vltimum Plato ita colligit. Sophista in omnibus repugnat, ergo sophista in omnibus sapiens esse videtur. Est enim prestigiator, & verarū rerū imitator. Aristo. verò paucis verbis multa complexus est. Ait enim *εἰς τὴν σοφιστικὴν γαίνομένῃ σοφίᾳ οὐσα καὶ μὴ, καὶ ὁ σοφιστὴς χρηματιστής, ἀπὸ γαίνομένῃς σοφίας, ἀλλ' οὐ καὶ αὐτῆς.* Hoc est. sophisticè est apparens sapientia, sed quæ non existit. Et sophista est aucupator pecuniarum ab apparente sapientia, sed quæ reuera non est. Hæc copiosius finiusque ex Platone, & Aristotele commemoravi, vt tyrones sophistæ nomen, quod in inuidiam nunc abiit, & cuius toties mentio incurrit, planè. intelligerent. *Nonnunquam virtutum species sibi induant.*] Est enim quedam virtutum, & vitiorū vicinitas, vt Quidius libro 1. de Remedio amoris eleganter docet.

Et mala sunt vicina bonis, errore sub illo,

Pro vitio virtus crimina sæpe tulit.

Quem locum nos etiam in scholiis, quæ Panegiricum Plinij scripsimus, copiosius charrauimus.

Qua ratione de sophisticis elenchis inscriptio huius tractatus.

Sed antequam reliqua huius tractatur exequamur, dicere haud grauabor, cur de sophisticis elenchis in scriptus sit, tūm qui ab Aristo nobis relictus est li-

ligitur. Unde etiam liquidò nunc apparet, ab huiusmodi syllogismo dialecticū syllogismum duplici rōne differre. Primum, quod hic syllogismus planè sit: deinde quod ex probabilibus colligat. Ceterum probabilia ab Aristotele esse definiuntur, quæ videntur omnibus, aut plurimis: aut sapientibus, & his quidem vel omnibus, vel plurimis, vel maxime familiaribus et probatis: ut vnumquenq; amare eum, à quo beneficia acceperit.

Ex his iam.] Arist. j. cap. j. lib. Topicorum duplicem syllogismū sophisticum constituit: alterum qui falsum sumit, & bene concludit, ut omnis substantia est animal, omnis homo est substantia, ergo omnis homo est animal: alterum qui verum assumit, & male colligit, ut omnis homo est animal, omnis equus est animal, ergo omnis equus est homo. Priorem Aristot. putat dignum nomine syllogismi, posteriorem minime.

### De quinque sophistarum finibus, quas & metas vocant.

Cum ergo sophista omnem nervum, omnemq; conatum eo intendat, ut eo altercantem circumveniat, illaqueetq; videndum est, quot & quæ sint, quæ ipse conicēct, ac si proponat, ut fines initi certaminis: quos ubi etiam affecutus fuerit, se iam victorem aduersus corrixantem nimis superbè, insolenterq; proclamat atque vociferatur. Sunt verò hæc numero quinque, Redargutio, falsum, Inopinabile, Solæcismus, & Nugatio. Est autem Redargutio, cum vi disputationis cogitur quispiam aut negare quod antea concesserat, aut quod prius negauerat rursus concedere. Falsum verò, quod nullam habet veritatis causam, ac ne apparētem quidem

dem. Inopinabile vero, quod præter opinionē omnium, & maxime sapientum proponitur, ut matrem odisse filiū suū. Tametsi id de Medea fingunt poetæ, Solæcismus est quoties secundum locutionē cogitur respōdens barbarizare. Et Donato definitur vitium in contextu partium orationis contra regulam artis Grammaticæ factū. Videtur tamen hoc loco & pro barbarismo communiter accipi, qui ab eodē Donato definitur, una orationis pars vitiosa in communi sermone, A Diomede verò, contra Romani sermonis legem, aut scripta, aut pronuntiata vitiosa dictio. Nugatio porro est, cum respondens cogitur idem sæpius dicere. Vnde & à nonnullis definitur, eiusdem verbi inutilis repetitio.

CUM ergo] Sophistæ qui fucatam quandam speciem sapientie profitebantur, semper in vnum ex his quinque finibus collutabant, & cum vnum horum assequuti erāt, se aduersarium vicisse existimabant. *Vt disputationis.*] Recte hoc dictum est, nam si respondens ingeij ostentandi gratia, utranque partem Thematis propositi defendat, & affirmet, quod prius negauerat, vel contra, non dicitur impegisse in metam redargutionis. *Falsum vero.*] Hic finis est quando respondens cogitur concedere, id quod omnibus est perspicuum esse falsum, ut virtus est vitium. *Inopinabile.*] Id quod *παράδοξον* apud græcos est: hoc loco inopinabile dicitur, ut peccata omnia equalia sunt, omnia mouetur, nihil mouetur. *Negatio.*] Hæc est eiusdem verbi ab eadem parte orationis, inutilis repetitio, ut Cato scē Vticæ interfecit. Nisi idem ornatus causa bis repetatur, ut Cæsar Cæsar fateas Reip. De hac figura videndum est initium iij. libr. ad Herennium.

De locis, sophisticis, & eorum  
diuisione.

Nunc ad ipsos locos veniamus, locos dico sophi-  
sticos: hoc enim nomine à Georgio Vulla Placētino mi-  
hi non absurde appellari videntur: quippe quòd ex his  
perinde fallacia & sophistica argumenta ducuntur  
atq; ex locis dialecticis argumēta & probationes dia-  
lectica. Ab Aristotele tamē modi dicuntur, nonnun-  
quam etiam loci. Horum autem prima diuisiō hāc est,  
quòd alij in dictione positi sunt, alij extra dictionē. In  
dictione rursus, alius ab equiuocatione, alius ab amphi-  
bologia, alius à cōpositione, alius à diuisione, alius ab  
accentu, alius à figura dictionis. Extra dictionem  
item, alius ab accidente, alius ab eo quod est secundum  
quid ad id quod simpliciter dicitur, alius ab ignoran-  
tia elenchi, alius à petitione principij, alius à conse-  
quēti, alius ab eo quod est non causam pro causa pone-  
re, alius ab eo quod est plures interrogationes vnam fa-  
cere. Patet igitur huiusmodi siue locos, siue modos in  
summa esse numero tredecim, ex quibus quidē in di-  
ctione sex enumerati sunt, extra dictionē vero septem.  
Præterea sciendum, quod argumentationes, quæ istius-  
modi struuntur fallacijs, nunc sophismata, nunc para-  
logismi à Græcis dicuntur, nominibus profectò accom-  
modatissimis: quippe quæ à verbis deducuntur, σοφί-  
σθαι γὰρ παραλογίζεσθαι, quæ verba apud Latinos inter-  
pretantur imponere, siue decipere. Hinc & impostura,  
& deceptiones. A deo enim his cauillationibus atque  
argutijs decipitur imperitus quispiā, vt credat id esse  
quod non est, & non esse quod est. Vnde etiam Ari-



*stoteles fallacias ipsas, & sophistica argumenta, quòd intra colorem tātum sint veritatis, oricalco recte comparat, auri videlicet respectu. Nam vt oricalcum imperitis hominibus aurum esse videtur, ita hæc ab imperitis vera argumenta esse creduntur, cum tamen à peritis statim falsa esse deprehendantur.*

NUNC ad ipsos locos veniamus.] Quemadmodum ex locis Dialecticis argumenta eruuntur ad thema propositum probandum vel improbandum: ita ex locis sophisticis argumenta ducuntur ad fallendum decipiendumq; Et vt loci Dialectici in locos internos, & externos diuiduntur: ita etiam loci sophistici in eos qui in dictione, & eos qui extra dictionem sunt, diuiduntur. Vtriusque membri Cæsarius hoc cap. partes enumerat, sequenti capite diuisionem declaraturus. *Vt credat.*] Hinc potest colligi descriptio fallaciæ, quæ est deceptio quæ aliquis opinatur id quòd est verum, esse falsum vel id quod est falsum esse verum.

Qua ratione ex his locis alij in dictione, alij extradictionem existere dicantur.

Nec illum omittendum putauerim, quanquam fortassis haud ita magni momenti, cur ex dictis iam locis alij in dictione alij extra dictionem existere dicantur. Sanè in dictione dici ob id videri possunt, quòd quæ ex his locis fallaciæ struuntur, apparentiæ suæ causam habent ex proprietate siue affectione aliqua, quæ voci (hoc est, dictioni) in primi conuenit Cuiusmodi sunt, quæ iam dictæ sunt, equiuocatio, amphibologia, compositio, diuisio, accentus, & vocis figuratio. Extra dictionem vero, quod ex his sumpta argumenta & compositæ fallaciæ credulitatis suæ causam sumunt, vel ex rebus



rebus ipsis quæ significantur, vel ex animi intentione, quæ sola rerum rationes, & rarum pariter ad se inuicem consequentias expendit atq; discernit. Vnde & inter ipsas quoq; fallacias nonnihil discriminis habetur: quippe quod per fallacias quæ ex dictione proueniunt, decipitur quisspiā potissimū, quoties cū alio quolibet disputat. Per fallacias verò, quæ præter dictionem accidunt, quoties secum disputat, aut quippiam considerat, pensiculatq; attentius.

*Nec illud omittendum*] Sophisticus syllogismus dicitur fieri in dictione, quoties causa cur verus syllogismus esse videatur, potissimum ex dictione sumitur, vt si quis ita colligat, omne sanum est animal, omnis vrina est sana, ergo omnis vrina est animal. Cum dico deceptionem esse in dictione, dictionem tam pro simplici, quàm pro composita accipio. Fallax syllogismus dicitur fieri extra dictionem, quando ratio causa, cur verus in speciem appareat non proprie ex dictione, sed ex habitudine rei ad rem sumitur. Quod tamen sine vocibus nō fit: vt quidam homo est animal, quidam equus est animal, ergo quidam equus est homo.

### De loco ex æquiuatione.

Aequiuocatio dicitur, cū dictio siue vox simplex plura significat. Cæterū æquioca vox duobus dicitur modis. Aut enim simpliciter talis est, aut Analogicōs. Simpliciter quidem, vt canis, quod omnem æque quadrupedem latrabilem, piscem morinū, & sidus cæleste significat. Analogicōs autem, vt animalis nomen, quod tam viuum, quàm pectum animal significat, sed non ex æquo. Itaq; & paralogismos, quorum ex hoc loco argumenta ducuntur, tot modis variari contingit.

Primo,

Primo, cum id quod in argumentatione sumitur, simpliciter æquiuocum est, ut, Omne expediens bonum est, malum autem expediens est, malum igitur bonum est. Expediens hoc loco æquiuocum est. Nam & necessarium, & aliud utile, & opportunum, expediens dicitur, & quod per se bonum est. In minore igitur propositione pro utili siue necessario assumptum est. Pecunie nanque & mercium abiectiones, & id genus alia, cum per se mala sint, sæpenumero tñ utilia sunt & necessaria. In maiore autem expediens sumptum est, ut per se bonum significans: ac per hoc ex æquiuoco paralogismus nomē inuenit. Tali cauillo olim vsus (vi est apud Herodotum) A pollo diuinus vates, si credimus, cum Cræsum Lydorum regem oraculo consulto induceret, ut Cyro Persarum regi bellum indiceret, ita dixit, Perdet Cræsus Halyn, transgressus plurima regna. Perdo enim significat, & destruo, & amitto. Sciedum tamen, quod hic versus apud Herodotum Græce integer non legitur, sed apud Suidam aliunde haud dubie repetitus.  $\kappa\rho\omicron\iota\varsigma\sigma\epsilon\iota\varsigma\alpha\lambda\iota\upsilon\delta\iota\alpha\beta\alpha\varsigma\mu\epsilon\gamma\alpha\lambda\eta\nu\alpha\rho\chi\eta\nu\kappa\alpha\tau\alpha\lambda\acute{\upsilon}\sigma\eta$ . Quam Cicero secundo de diuinat. libro ita vertit, ac Latinum reddidit, Cræsus Halyn penetrans magnam peruertet opum vim. Secundo cum id sumitur, quod Analogicōs æquiuocum dicitur, ut omne animal est motus sensuumq; per se particeps: quod autem pictum est, animal est: igitur quod pictum est, sensibus & motu participat. Item, omnes gemmæ sunt pretiosi lapilli, at in palmitibus gemmæ reperiuntur, testante id Vergilio. Turgent in palmitibus gemmæ: igitur in palmitibus pretiosi reperiuntur lapilli. Sunt porro

pōrro qui præter duos æquiocationis modos addūt in  
super & tres alios, nempe ex compositione, & consigni-  
ficatione, & ex transumptione. Ex compositione qui-  
dem, quoties vox siue dictio simplex & incomposita,  
vnum aliquid significat duntaxat, composita autē plu-  
ra: vt immortalē, quod nomen cōpositum significat, &  
id quod potest non mori, & quod non potest mori: cum  
tamen simplex mortale id significet, quod potest mo-  
ri. Et consignificatione autem, vt cum sic contexitur  
sophisma, Quicumque sanabatur, sanus est: agrotās au-  
tem sanabatur, agrotans igitur sanus est. Participium  
agrotans cum alias vnum aliquid significet, ex consi-  
gnificatione tamen ad diuersa tempora trahitur, nem-  
pe ad præsens & præteritum imperfectum. Ex tran-  
sumptione verò, vt sit quis pratū os habere dicat, quia  
rideat, hoc est, letum sit, & fertile & pingue. Hinc Ver-  
gilius in Bucolicis dixit, Omnia nunc rident, de arbori-  
bus & fructibus inibi loquens.

*Æquiocatio.*] Simpliciter æquiocū hoc loco vocat æ-  
quiocum a casu, quod plura habet significata eque pri-  
mo, nec vnum propter similitudinem alterius, vt canis. Id  
dicitur æquiocum ἀναλογικῶς, quod vulgo a consilio æ-  
quiocum dicitur, quod plura habet significata, sed vnum  
propter similitudinem alterius, vt homo. Id enim consilio,  
studio factum esse videtur, vt vnum significatum propter  
similitudinem alterius significaret. Nec debet quis hanc æ-  
quiocū distinctionem tanquam sophisticam, & inutilem  
conuellere, ea enim ex ipso Aristotele vj. cap. j. lib. Ethico-  
rum sumpta est, vt ergo duplex est æquiocum: ita etiam  
duplex ex hoc loco constituitur fallacia. *Tali cauillo.*] Hac  
de re Vergilius Polydorus libro quinto, cap. viij. hūc in mō-  
dum scribit. Fallebant præterea mortales eiusmodi demo-  
nes amphibologijs, nodosis, flexiloquis responsis, hoc est,

ita ambiguis, vt in ambas partes agi possint. Nam vt Crœsus victus a Cyro rege Persarum: ita Pyrrhus a Romanis, quorū vterq; se ex oraculo superiorem fore sperabat. Hi erant cacodæmones, quibus homines humanas hostias immolabant. *Quod nomen compositum.*] Theologi multū interesse putant inter has propositiones, homo potest nō mori & homo non pōt mori. Vltima negat potentiā, prima minime. Vnde ex hoc loco hæc fallacia componi potest, omne quod est immortale non potest mori, homo secundum statū primæ naturæ erat immortalis, quia poterat non mori, ergo non poterat mori.

### De loco ex amphibologia.

Amphibologia autem (quemadmodū ex nomine ipso intelligi dat) dicitur, cū ratio intra se ambiguam claudit sententiā, qualis illa Apollinis (*Aio te Acacida Romanos vincere posse*) ad Pyrrhū Epirotarum regem, cum oraculū consulisset ipse super euētu belli, quod contra Romanos animo destinauerat. Quē ver sum ex Ennio depromptū esse idē Cicero testat eodem de Diuinatione libro. Sanè tota orationis ambiguitas ex eo dependet, quod accusatiuis, te, vt etiam Romanos, nunc à tergo, nunc à fronte eius verbi, vincere, construi potest. Atq; ita incertū relinquitur ab Acacide, hoc est, à Pyrrho Romanos vinci posse, an contra, Acacidem à Romanis. Ex hoc igitur loco captio struitur, cum tale sophisma conficitur, Quicquid videt quispiam, hoc ipsum videt: at videt aliquis columnam, columna igitur videt. Item, Quosunque vellem me apprehendere, vellem vt me apprehenderent, hostes autem vellem me apprehendere, igitur vellem vt hostes me apprehenderent. Similiter autem & hoc modo,

Quis-

*Quisquis arat littus, littus proscindit aratro: Ast operam perdens, littus prehibetur arare: Ergo operam perdens, littus proscindit aratro. Differt aut amphibologia ab equiuocatione, q̄ æquiuocatio quidem ex nomine ipso res diuersas significante in capti mem adducit. Amphibologia autem ex oratione fallaciam inuenit. Quo sanè nomine hunc appellare libuit, quam apud Aristotelem Græcè legitur ἀμφιβολογία.*

*Amphibologia.]* Vt equiuocatio in vocibus simplicibus, ita amphibologia in oratione plura significat. Aio te. Locus hic supra a nobis explicatus est. *Quicquid videt quispiam.]* Deceptio est in vocabulo hoc ipsum, nam si accusatiuus est, vera est oratio sin nominatiuus, falsa. *Quoscunque.* Captio est ex accusatiuo me, qui potest pendere vel a verbo apprehendere, a parte anteriori, & tunc sensus est, quicquid ergo apprehenderem, vel a parte posteriori, & tunc sensus est quod me apprehenderent.

De loco ex compositione, & diuisione.

Compositionem hoc loco pro oratione composita, & diuisionem pro oratione diuisa accipere debemus. Et composita quidem oratio est, quæ sensum habet compositum. Diuisa autem, quæ diuisum. Porro compositus sensus est, cum in ipsa oratione partes secundum situm magis debitum intelliguntur. Diuisus vero, cum e contra. Rursus autem debitus partium in ipsa oratione situs is est, quæ idiomatis peritus magis talem adiudicarit. Quod tamen vt facilius deprehendat, tres ad hoc regulæ a Iodoco Clichthouero traditæ sunt, tribus vocabulis a Iacobo Fabro Stapulensi priuè

annotatæ: quas proinde hic subscribendas haud ab re existimauerim. Vocabula autem sunt, Modus, Determinatio, Determinabile. Itaque ex his prima regula est: Si modus fuerit, aut subiectum, aut prædicatum propositionis, situs partium orationis magis debitus est: vt possibile est sedentem ambulare, aut sedentem ambulare est possibile. Secunda. Si determinatio posita inter duo determinabilia vtrique ex æquo propinqua, præcedens determinauerit, situs magis debitus est: vt quicquid viuit semper, est. Adiectum est autem ex æquo propinqua: quoniam si nõ ex æquo vtrique propinqua fuerit tunc si propinquus determinauerit, sensus magis debitus intelligitur: vt, Quicumque scit litteras, nunc didicit illas. Tertia regula est, Si determinabile positum inter duas determinationes vtrique ex æquo propinquum cum præcedenti iungatur, sensus compositus est, & situs partium orationis magis debitus: vt, Vidi imaginem auream, vestem habentem. His ita prælibatis, ad sophismata veniamus, quorum ex hoc loco deceptio struitur. Interea tamen ad illud præmonendum, quoties contextitur syllogismus iuxta expositos locos, si in eo sumpta oratio, in sensu quidem diuiso vera fuerit, in composito autem falsa, deceptio ex loco a compositione prodesse dicetur: sin vero contra, captio per locum ex diuisione facta esse intelligetur.

*Compositionem*] Quid sit compositio & diuisio, hoc loco Cæsarius quadam gradatione docet. *Si modus.*] Sic contra, quando modus determinat verbum, situs orationis est minus debitus, & sensus diuisus, vt hominem possibile est ambulare, *Quicquid viuit.*] Aduerbiū, semper, est determina-



tio posita inter duo determinabilia, scilicet uiuit & est: debet autem cum verbo est, cohærere. *Intraea tamem.* Est ergo fallacias compositionis, quando a sensu diuiso uero proceditur ad sensum compositum falsum, fallacia uero diuisionis quando proceditur a sensu composito uero ad diuisum falsum, id exempla sequentis capituli declarant.

De sophismatis, quæ per locos a compositione, & diuisione fiunt.

Igitur iuxta tria superius annotata uocabula, sophismata conficiuntur tribus quoque modis. Primo, cum modus variatur, ut quemcunque possibile est ambulare, fieri potest ut ambulet: atqui sedentem possibile est ambulare, ergo fieri potest ut sedens ambulet. Secundo, cum determinatio variatur, ut quicumque sci literas, nunc didicit illas. atqui Grammaticæ peritus scit literas, igitur Grammaticæ peritus nunc dicit eas. Item, quod unum solum potest ferre, plura potest ferre: quod autem unum solum potest ferre, non potest plura ferre: igitur quod potest plura ferre, non potest plura ferre. Tertio, cum determinabile variatur, ut quicumque bonus est, bonus est, atqui malus artifex bonus est, malus igitur artifex, bonus est. Et hætenus quidem, secundum compositionem facti paralogismi peccant. Qui uero sequuntur, secundum diuisionem totidem modis peccant, iuxta trium uocabulorum supra positorum annota tionem. Primo, ut Quiescentem ambulare est impossibile, igitur quiescentem impossibile est ambulare. Secundo, ut quocunque uidisti hunc percussum, hic percussus est: atqui, oculo uidisti hunc percussum, oculo igitur hic percussus est. Ter-

tio, sed esto sit quispiam artium imperitus, moribus autem probus, tunc tale connecto sophisma, Quicumque malus est, malus est, at malus artifex, est bonus, igitur malus, artifex bonus est. Per diuisionem præterea fiunt paralogismi, quoties coniunctio tum copulatiua, tum disiunctiua, nunc terminos, nunc ipsas copulat disiungitue propositiones, ut quaecumque sunt duo, & tria, sunt paria, atque imparia, at quinque sunt duo, & tria, quinque igitur sunt paria & imparia.

Igitur.] Modum, determinationem, determinabile, intelligit. *Vt quemcumque*] Maior propositio in sensu composito est vera, minor in sensu composito est falsa. *Vt quicumque.*] Si particula nunc, construatur cum verbo sit, verus est sensus si autem cum verbo didicit, sensus est falsus. *Item quod.*] Sophisma est compositionis, quia ex parte prædicati, plura ponuntur, ad quæ subiectum referi potest coniunctim, & diuisim: coniunctim facit propositionem falsam. *Tertio.*] Fallax est collectio ex nomine malus. Nam in antecedente sumitur pro malo moris, in consequente pro malo artis, hoc est in perfectione. *Secundo.*] Si ablatius oculo construatur cum verbo vidisti, sensus est compositus: & verus, si cum participio percussus, sensus est diuisus, & falsus. *Vt quaecumque.*] Accipiendo duo, & tria secundam compositionem, minor est vera, quia quinque sunt duo, & tria simul, secundum diuisionem autem falsa, quia quinque neque duo, neque tria sunt.

### De loco per accentum.

Accentus, quem & veteres Latini, autore Quintiliano, tenorem appellauere, & à Grecis προσωδια & item τόπος dicitur, à Prisciano definitur lex siue regula ad eleuandam deprimendam ve syllabam vnius cuiusque particulae orationis. Ab eodem insuper

in acutum, graue, & qui ex utrisque fit, circumflexum diuiditur. Porro acutus ( vt Diomedes tradit ) apud Latinos incorruptis semper, interdum in productis syllabis versatur. Circumflexus in his quæ producuntur. Grauis autem per se nusquam consistere in verbo vlllo potest, sed id his, in quibus circumflexus est, aut acutus, ceteras syllabas obtinet. Apud Græcos aut cum acutus in dictione tria loca obtineat. vltimū, penultimū & antepenultimū, circumflexus quotlibet syllabarū sit dictio, non nisi penultimū tenebit locū. Igitur ut nulla vox sine vocali est, ita nulla sine accētū. Ac proinde recte quidam putauerūt accentū veluti animam vocis esse. Sed de accentu quidem hactenus plus satis, quando apud Latinos pronuntiatio vocū iuxta accentum regulas in totum propemodum abolita est, cuius tamen loco quantitas syllabarum perinde obseruatur, Fiunt autem per locum ab accentu sophismata tribus modis. Primo, quando pro syllabę quantitate variata, variatur & significationis, vt quicquid malum est, fugiendum est, pomum autem malum est, igitur pomum fugiendum est. Secundo, quādo variatur ipsius syllabę aut aspiratio, aut orthographia, vt Ad aram, fiunt sacra, atqui hara porcorum stabulum est ( vnde illud Ouidij, Immundę cura fidelis harę, & illud item Ciceronis. Ex hara productę, nō schola ) igitur ad porcorū stabula fiunt sacra. Tertio, quando dictio aliqua interim diuiditur, interim tota manet, vt quicquid inuite fit, coacte fit, vinum autem fit in vite, ergo vinum fit coacte. Ceterum de loco siue modo per accentum, Aristoteles dicit non facile esse dialecticis orationes facere in

his, quæ sunt sine scriptura. In scripturis autem & poematibus magis, quod in his scilicet accentum per certas notas, & syllabarum ob metri legem, accuratior habeatur observatio.

**Accentus]** Totum hoc caput partim ex Latinis, partim ex Græcis grammaticis est perspicuum. cum ait Cæsarius circumflexum accentum apud græcos non nisi penultimam afficere syllabam, id canonibus accentum apud Græcos omnino repugnant, accentus enim circumflexus ultimam, & penultimam syllabam afficit: qua hunc locum mendosum aut mutilatum esse puto, & sic legendū nisi ultimum vel penultimum tenebit locum. **Primo]** deceptatio est in nomine malum, nam prima longa significat pomum, breui, prauum. **Secundo quando]** Ara authore Varrone, quasi ansa dicta est, quia sacrificantes aram manibus tenebant, sic etiam iurantes olim aram tenebant. Vnde est illa nobilis Periclis sententias: sum amicus vsque ad aras.

### De loco a figura dictionis.

A Figura dictionis hic locus nominatur, q̄ per eum quicumque sunt paralogismi, causam apparentiæ non aliunde habeant, quam à vocis siue dictionis cum alia qualibet siue voce, siue dictione cōfiguratione, hoc est (vt planius dicum) à cōsimili dictionis cum alia qualibet dictione definitiæ siue terminatione. Nec video tamē cur a quibusdam tam longē repetatur hoc loco figuræ definitio, qua a Geometris definitur magnitudo, quæ termino vel terminis clauditur, cū secundum hanc definitionem, figura nihil commune cum dictione habeat, vnde similitudo aliqua intelligi possit. Ex hoc igitur loco captiones struuntur, quoties argumentationem

nem factam constare ac recte se habere quis autumat  
 similitudine vocis hallucinatus, cuiusmodi hæc est. Di-  
 scere est circa disciplinam exerceri, at exerceri circa di-  
 sciplinam est docere, discere ergo docere est. Captio est  
 per figuram dictionis. Figuratum siquidē est passivum  
 in actuum, & actuum in passivum. Nam exerceri cir-  
 ca disciplinam, & actionis & passionis expressivum  
 est. Quandoquidē exerceri esse potest tā impersonalis,  
 quam passivi verbi modus infinitivus, ita ut ab imper-  
 sonali actio à passivo passio significetur. Fiunt præte-  
 rea secundum hunc locum paralogismi, cū ab uno præ-  
 dicamento transitus fit ad alterum, ut quicquid heri  
 vidisti, hodie vides, at qui album heri vidisti, albū igi-  
 tur hodie vides. Hic transitus est à substantia ad quali-  
 tatē. Similis huic argumētatio est hoc modo. Quicquid  
 heri emisisti, hodie comedisti, crudum heri emisisti, ergo  
 crudum hodie comedisti. Atque id quidem est, quod  
 Aristoteles his verbis significare videtur. Quæ autem  
 per figura dictionis (inquit) fiunt sophismata, accidunt  
 quando vel non idem ut idē interpretantur, ut mascu-  
 linū, femininū, vel femininum, masculinum: vel quod  
 inter hæc est, nempe neutrum, alterum horum. Vel  
 rursus quale, quantum: vel quantum, quale: vel fa-  
 ciens, patiens, & alia quænamadmodum hæc prius di-  
 visa sunt. Siquidem aliquid est, quod non est eorum,  
 quæ sunt facere aut pati, & si vocis figura videatur,  
 ut valere, quod qualitatem potius dicit, nempe sani-  
 tatem (est enim valere sanum esse) quam actionē aut  
 passionem.



A figura dictionis.] Hec fallacia est, quando vna dictio est similis alteri terminatione, sed non significatione: vt si quis sic colligat poeta est primæ infectionis, ergo etiam poema. *Quicquid fieri emisisti.*] Dictio hec quicquid, in antecedente significat substantiam, album in minori significat qualitatem, & sic à prædicamento in prædicamentum fit transitus. *Quæ autem.*] Ex tertio capite primi libri elenchorum addit multos modos, quibus hec fallacia committitur.

### De loco, ab accidente.

Sequuntur loci, qui extra dictionem dicti sunt. Ex his primus est, qui ab accidente dicitur. Is autem est (quemadmodum & Aristoteles tradit) per quem captiones fiunt, quoties similiter quodcumque existimabitur rei & accidenti inesse. Nam quia multa eidem accidunt, nõ est necesse omnibus prædicatis, & ei de quo prædicantur, omnia illa similiter inesse. Quandoquidem hoc pacto omnia illa eadem erunt, quemadmodum sophistæ dicunt: vt si Socrates est alter à Platone, Plato autem homo est, Socrates igitur ab homine alter est. Tale est & illud apud Aulum Gellium sophisma, quod proponitur hoc pacto, Quod ego sum, tu nou es: ego autem sum homo, tu igitur homo non es. Item & hoc modo. Homo animal est, animal autem genus, homo igitur genus est. Ac rursus, Polycarpus est homo, at vero homo disyllabum est, polycarpus igitur disyllabum est. Sanè hæc & alia id genus sophismata per accidens fieri dicuntur. Per accidens inquam, hoc est, per extraneum siue diuersum quodammodo aliquid, vt in quibus complexio orationis, eas quæ circa naturam sunt diuersitates, ad naturam ipsam transfudit. Aliud quippe est, secundum naturam esse, & aliud



*aliud secundum personales accidentalesque proprietates, ut verbi causa, animal cum de homine prædicatur essentialiter de homine dicitur: cum vero de animali genus prædicatur, huiusmodi prædicatio essentialis non est, sed per accidens (ut nec cum de ea voce que est homo, dissyllabum prædicatur) propterea quod aliud est animal homo, aliud animal genus. Animal si quidem genus, simpliciter animal est, hoc est, tale animal, quod cunctas sub se species communi ratione colligit catenus videlicet, quatenus vitam absolutam sentiendi vi prædictam gerant. Homo autem animal una talium est specierum, quæ vitæ tali nempe absolutæ rationalitatem & dexteritatem affert. Homo igitur non est simpliciter animal, sed tale animal. Tale porro animal non est genus, sed species. Sed hæc fortassis multo altius repetita sunt, quam præsens institutio ferat.*

*Sequuntur loci.]* Captiuncule hæctenus tractatæ ad distinctionum significationum cuiusque vocis referuntur: pertinet enim ad genus sermonis: sequentis vero captiones potius a rebus quam à genere sermonis (ut iam dictum est) oriuntur. *Is autem est.]* Ex hoc loco oriuntur fallaces syllogismi, quoties similiter quid existimamus rei, & accidenti inesse nam cum plura eidem sed diuersa ratione accidunt, si accidentia male accommodantur, vitiosum sit argumentum. *Vt si Socrates]* in hoc sophismate non sit distinctio substantiæ accidentis. Nam est aliter à Platone, secundum accidens, sed Socrates secundum essentiam est homo. *Tale est.]* In huius sophismatis solutione, multos vehementer impeditos & occupatos fuisse video. alij asserunt collectum esse, ut olim barbari sophistæ loquebantur, non à distributo ad distributū: alij alias tenebrosas excogitant solutiones. sed his nugacissimis omissis nugis, id quod res est dicamus cum sic colligimus, quod ego sum, tu non es, ego

sum homo ergo tu nō es homo, in maiore ppositione proponitur me, alium a te esse, secundū personę proprietatem, in minori vero essentiam, & naturā intelligimus quare falsa intelligitur conclusio. *Item & hoc modo*] solvantur hi duo syllogismi fallaces, quia mutatur genus suppositionis, siue significationis terminorū. nam à termino primę intentionis ad terminum secundę proceditur. *Sed per accidens.*] ratio huius est, quia omnis prædicatio, in qua prædicatur terminus secundę intentionis, de termino primę est accidentaria, ut animal est genus, homo est species. *Propterea quod.*] sensus huius loci hic est, non eodem modo accipitur animal cum prædicatur de homine, & cum subiicitur generi, nam in hac prædicatione, homo est animal, animal sumitur pro re ipsa quam significat ex impositione, sed in hac, animal est genus, animal sumitur pro ipso vocabulo, quod talis rei est significatiuum.

Quo pacto à recentioribus hic locus tractetur.

Nec tamen ignoro hunc locum ab accidenti latius explicari à recentioribus hoc modo, ut sit accidens, & id cui accidit videlicet res subiecta, & præter hæc attributum: quæ & ita distinguunt nominibus magis familiaribus, ut accidens sit, quod medium in syllogismo dicitur, res subiecta minor extremitas, attributū maior extremitas. Hinc paralogismus per hunc locū fieri dicunt, quoties vel medium, vel maior extremitas, vel minor extremitas in syllogismo non recte sumitur. Medium quidem, ut si ita arguatur, Cuiuslibet contradictionis altera pars est vera ( & accipio hic nunc verbum, cuiuslibet, more istorum, contra vim propriā pro signo distributivo, ut ipsi dicunt, qualia sunt omnis & nullus ) atqui hæc propositio, homo est lapis, est contradictionis altera pars, igitur hæc propositio, homo est lapis, vera est. Captio est in verbo contradictionis assu-

*mendum nanque erat. At qui hæc propositio homo est, lapis, est contradictio: eo quòd hic terminus in maiore solum vniuersaliter sumebatur. Maior vero extremitas, ut si ita proponas. Omne animal substantia non est. omnis autem homo est animal, igitur nullus homo substantia est. Hic captio est in verbo substantiæ, quod in maiori (ut oportebat) vniuersaliter sumptum non est, propterea quòd negatio ei præposita non sit. Verum id ita sophistæ pro arbitrio statuerunt, contra autorum & eorum qui recte loqui didicerunt, consuetudinē. Minor porò extremitas, non recte sumitur si ita cõtexas syllogismum. Nullum dextrum est sinistrum, cuiuslibet autem hominis oculus est dexter, ergo neuter oculus hominis est sinister. Hic oculus minor extremitas particulariter sumit in minore contra præscriptam secundi modi primæ figuræ legem, Quare ita assumendum erat cuiuslibet autem hominis vterq; oculus est dexter.*

*! Nec tamen.] Latissime patet hæc fallatia accidētis nam completitur omnes syllogismo in materia & forma vitio-  
so. Captio est] nam hic terminus contradictio: solum sumitur vniuersaliter in maiore, debet autē totum esse medium in minore, & non hoc totum aggregatum contradictionis altera pars. propterea deceptio pendet a termino medio. Maior vero extremitas] substantia maior extremitas, sumitur particulariter in maiore, quia nota vniuersalis affirmatiua, distribuit terminum tantum immediate sequentem: at in conclusionē vniuersaliter sumitur.*

*De loco ab eo quod est secundum quid,  
ad id quod simpliciter est.*

*Definitur hic locus ab Aristotele per id, quòd hoc quidem simpliciter dicitur, illud autem, quo*

quomodo & non præcipue. Quoquomodo, inquit, hoc est, vel secundum locum, vel secundum tempus, vel ad aliud, vel secundum aliud, videlicet cum quod secundum partem dicitur, simpliciter accipitur. Itaque & perallogismi secundum hunc locum quatuor fiunt modis. Primo in his, quæ secundum loco dicuntur: ut Apud Thraces quædam gentes olim, ut Solinus autor est, recens natos cum fletu excipere, de functos gaudio prosequi pium esse ducebant: igitur pium est, puerperia deslere, & funera gaudio prosequi. Secundo in his quæ sint secundum tempus: ut bonum est uti victu tenui cum egrotamus igitur simpliciter uti bonum est. Item, expedit merces in mare proijcere, cum timetur aufragium, igitur expedit proijcere merces. Tertio in his, quæ sunt ad aliud: ut diuitiæ male utentibus non sunt bonæ, ergo diuitiæ bonæ non sunt cum tamen ipsæ (ut diuus Ambrosius ait) virtutum sint instrumenta. Quarto autem in his, quæ sunt secundum aliquid ut Aethiops dentibus albus est, igitur albus est. Præterea cum ex diuisis coniunctum infertur, hoc pacto, Coriscus bonus est, & idein citharædus Coriscus igitur bonus est citharædus. Esto autem vita bonus sit, non arte. Huiusmodi paralogismus per hunc locum factus esse intelligitur.

Definitur.] Techna ex hoc loco struitur, quando id quod particulariter, siue secundum partem in antecedente sumitur, in conclusione sumitur vniuersaliter, & secundum totum. talis non est rara collectio quoniam a particulari vno ad vniuersale non est firma consecutio, ut diuine male utentibus obstant magis quam profunt, ergo diuitiæ malæ sunt: bonum est apud Tribales populos patrem sacrificare: er-

go id ubiq; honestum. *Vt apud Thraces.*] Historia hæc est apud Pomponium Mela, secundo capite secundi libri. Itaque lugentur apud puerperia, natiq; deflentur, funera contra festa sunt, & veluti sacra, cantu deflentur. Huius ratio, vt existimo, est, quia vt plenius ait, existimabant vel optimum esse non nasci, vel natos statim emori. Vide Plinium primo capite septimi libri. *Secundo in his.*] Huius loci multa exempla sunt apud Aristotelem in fine ult. capitis secundi libri Topico. *Virtutum sunt instrumenta.*] Sic Aristot. viij. cap. j. lib. Ethico. fieri non potest, aut non facile fit, vt is res agat preclaras, cui facultates defunt.

### De loco ab ignorantia Elenchi.

Per ignorantiam Elenchi, siue quod idem est, per inscitiam redargutionis, fiunt paralogismi, quoties omittitur aliquid eorum, quæ ad orationem (vt Aristoteles ait) hoc est, ad ipsius Elenchi definitionem requiruntur. Definitur autem ab eodem hoc pacto, Elenchus est contradictio vnus & eiusdem non nominis, sed rei, & nominis non synonymi, sed eiusdem, ex his quæ data sunt ex necessitate, non connumerato eo quod est in principio, ad idem, secundum idem, similiter, & per idem tempus. Qua quidem definitione certum est nusquam ab Aristotele longiorem factam esse, idque (vt reor) propter sophistarum importunitates. Quapropter & singulas eius particulas latius explicare, atque distinguere necessum fortassis fuerit. Quandoquidem in ea quædam syllogismi tantum causa ponuntur, quædam ob contradictionem solum, quædam etiam ad vtrunq; spectant. Syllogismi causa ponuntur, partim ex his quæ data sunt ex necessitate, partim, non connumerato eo quod est in principio. Ob contradictionem vero, vt quæ postremo loco enumeratæ sunt: cuiusmodi sunt ad idem

secundum



*secundum idem, similiter, & per idem tempus. Præter hæc autem ad vtrumq; reliqua pertinent. Porro paralogisimi, qui per hunc locum fieri cōsueuerunt, hoc præcipue peccant, q̃ ex quatuor postremis aliquid omittitur. Vnde & quatuor quoq; modi assignantur. Primus, cum omittitur particula ad idem, vt decem sunt dupla ad quinque, & non sunt dupla ad sex: ergo decem dupla sunt, & dupla non sunt. Similiter si quis Socratem inter duos locatum, idcirco pronūciat ipsum dextrum esse & nō dextrū. Secundus modus est, quando omittitur particula secundū idem, vt hoc est duplū secundum longitudinem, & non est duplum secundum latitudinem: duplum igitur est, & non duplum, aut si quis oculum nigrum esse dicat, et nō nigrum: propter ea quia id quod circa orbem ipsius oculi est, qui medius pupillam tenet album sit, ipse vero orbis niger spectetur. Tertius, quando omittitur particula similiter, vt cognosco Socratem, & eundem nō cognosco venientē, igitur cognosco Socratem, & eundem non cognosco. Quartus vero, quando omittitur particula per idem tempus, vt si quis Socratem proponat sedentem, & nō sedentem, ad diuersa tempora respiciendo.*

*Per ignorantiam. Hæc fallacia cōmittitur, cū aliqua parit cula finitionis elēchi omittitur. nā elēchus est cōclusio opposita alicui propositionū cōcessarū in syllogismo, q̃ in modo, & figura cōclusionē colligebant. syllogismus vero elēchi est. syllogismus, qui ex opposito cōclusionis cū altera propositione colligit oppositū alterius, s. contrariā vel contradictoriā. Qua quidem definitione.] Locus est apud Aristotelem iij. cap. primi libri Elenchorum, nunquam ab Aristotele datā esse existimo finitionem tam tenebrosam (cum tamen ipsa præcipiat omnem finitionē perspicuā esse oportere, datur enim*  
discendi



discendi causa) nec ex tot partibus cōpactam. sed putō Aristotelē tot particulis in hac finitione vsum, ad explōdēdas oēs oīum sophistarum cauillationes. *Est contradiēctio.* Hoc est conclusio contradictoria alicui prēmissarum. *Vnius & eiusdem.*] Scilicet subiecti & predicati. & secundū nomen, & secundū rem vt homo, homo. non omnis sed rei, nō satis est esse eandē vocē, sed oportet eandē rem esse per vocē significatā. *Et nominis.* Oportet elenchū contradictionē esse, non eiusdē nominis synonymi, sed eiusdē secundū vocē. *Ex his quæ data sunt.*] Hoc est cōcessa ab aduersario. *Non contrumērato.*] Non accepto q̄sito ad s̄llogismum demonstratiōis. *Ad idē.*] Respectu eiusdem. *Similiter.* Vt dictio eodē modo accipiat. *Per idē tempus.*] Vt dictio secundū diuersum tēpus nō accipiat, cētera satis dilucide a Cæsario explicātur. *Ob contradiēctionem.*] Hoc addit authore Aristotele qui ait, dico aut opponi eiusdē de eodē nō aut æquiuoce, & quęcūque cētera contra sophisticas determinauimus importunitates.

### De loco a petitione principij.

In principio petere, est id, quod ad demonstratiōnem propositum est, ponere & accipere, vt confessum. In principio igitur petitur aliquid, cum eius adhuc consideratur demonstratio, quod tamen vt confessum accipitur. Vnde & ab Aristotele definitur secundo Priorum analyticorum volumine hoc modo, Petere (inquit) id quod est in principio, est ostendere quicquam per id, quod per seipsum manifestum non est, quod profecto est propositum non ostendere. Accidit autem modis quatuor. Primo, quando a syllogista & incollectilis ratiocinatio fuerit. Secundo, quando id quod sumitur, ignotius eo est, quod colligere volumus. Tertio, quando quod sumimus, eque ignotū est, atque id quod conficere volumus. Quarto, cum posterius sumitur ad monstrandum id, quod prius est, Caterum præter hos sunt

sunt & alij quatuor modi, quos octauo libro *Topico-*  
*rum* idem auctor recensent. Primus, cum quod parti-  
 lariter demonstrandum est, vniuersaliter quis postula-  
 uerit: vt si quis nolens probare, contrariorum eandem  
 esse disciplinam, postulauerit idcirco omnium opposito-  
 rum eandem esse disciplinam. Secundus, cum quod vni-  
 uersaliter est ad ostendendum propositum, particulari-  
 ter ab aliquo petitur: veluti si de omnibus contrarijs  
 propositum est, de aliquibus solum quispiam postulet.  
 Tertius vero, cum quis diuidens propositum petit: vt  
 si cum oportet quempiam coniunctim ostendere medi-  
 cinam sani & aegri esse, is tum vtrunq; postulet seor-  
 sim, atque diuisim: verbi causa, Est ne medicina sani?  
 & rursus, Est ne medicina aegri? atque idem dehinc  
 ita argumentetur, Medicina sani est, et medicina item  
 aegri est, igitur medicina sani est, & item aegri, Quar-  
 tus demum, cum quis eorum quæ ex necessitate se inui-  
 cem sequuntur, alterum petit: vt si cui propositum est  
 ostendere, quod diameter est incommensurabilis lateri  
 quadratis, is assumat, quod diametro latus incommensi-  
 rabile est.

[In principio.] Hæc captio committitur, quando anteceder  
 non probat consequens quia id quod tanquam manifestum  
 & perspicuum sumitur, æque ignotum est, atq; id quod est  
 probandum, vt si quis ita colligat, sunt qui aduersa nobis ve-  
 stigia figant, ergo sunt antipodes. Primo quando.] Et omnis  
 homo est animal, nullus homo est equus, ergo nullus homo  
 est animal. Secundo quando. vt Pythagoras docuit animas in  
 diuersa migrare corpora, ergo eius assertores non erant.  
 Tercio quando.] vt anima equi non remanet separata a corpo-  
 re, ergo nec anima bouis, Quarto.] Vt homo est capax disci-  
 plinæ, & ergo animal rationale est capax disciplinæ.

## De loco à consequenti.

A Consequenti locus dicitur, quemadmodum & Aristoteles tradit, quoties propter consequens redargutio sit, ut si quis petat consequentiā conuerti, quā tñ cōuertitur minime. Exempli gratia, si quis, quia hoc ex necessitate est, & illud est, idcirco putauerit, quia illud sit, & alterū quoq; ex necessitate esse. Vnde & de inceptis, quæ propter opinionem ex sensu sunt, hoc modo plerūq; fiūt. Hinc sæpenumero id quod fel est, mel esse suspicantur, eo q̄ flauus color ut fel, ita et mel quoq; consequitur. Quapropter si quis ita argumentetur, hoc mel est, igitur flauum, rectè quidem sequitur: at contrā non rectè, si hoc modo, Hoc flauū est, igitur mel est. Huius aut loci, alij duos, alij tres statuūt modos. Ex his primus est, quoties quis, ut ab antecedēte ad consequēs rectè sese habet consequentiæ ratio, ita è contrario à cōsequente ad ipsum antecedens firmam similiter atq; constantem cōsequentiæ vim esse existimauerit: ut si animal est, homo est, igitur si homo non est, animal non est. Secundus, quoties facta consequentia, ab abolitione antecedentis credit aliquis & consequens peræque aboleri posse, ut si homo est, animal est, igitur si homo non est, animal non est. Tertius vero modus est, quoties excommunitè accidentibus per id, quod consequens esse salet, volumus ostendere id quod præcedit: ut qui insanus est, in solitudinem fugit, Democritus autem in solitudinem fugit, igitur Democritus insanus est. Dicitur autem per consequens, quoniam consequitur insanum esse, in solitudinem fugere, veruntamen non conuertitur. Non enim si quis fugit in

solitudinem, consequens continuò est, vt insaniat. Inuenias siquidem qui res humanas despiciens, stabilitatem & quidem quærat, & ob hoc ad loca à tumultibus libera secedat, quemadmodum Democritum fecisse memoriæ proditum est, proinde falsò creditum est ab Atheniensibus, eum insaniuisse. Quemadmodum falsò quoque creditum est olim ab infidelibus nostræ religionis monachos desipuisse, & relictis omnibus quæ possederant in deserta loca secesserint: vnde et Anachorita dicti sunt & Eremitæ, vt de paulo primo Eremita & Hilarione Hieronymus, de diuo Antonio Athanasius, et de alijs compluribus Senerus Sulpitius in eo libro, quæ de vita diui Martini, inscribit memoriæ prodiderunt.

*A consequenti.* ] Hæc fallacia committitur, cum credimus consequens conuerti cū antecedente, quod tamen non conuertitur, vt si pluit, terra est madida, ergo si terra est madida, pluit. si iustitia est, virtus est, ergo si est virtus, est iustitia. hæc captio cōplectitur omnes vitiosas argumentationes, quæ canones consequentiarum nō obseruant. *Vt si animal est.* ] Hoc exemplum non conuenit huic primo modo, nam animal esse non infert hominem esse quare sic legendum puto, si animal non est, ergo homo non est, igitur si homo non est, animal non est. fallacia est consequentis, quia antecedens infert antecedens. *Secundus.* ] Hic syllogismus est in primo modo syllogismorum conditionalium, in quo a positione antecedentis ad positionem consequētis est colligendum. *Et quemadmodum.* ] De hac re videndus est Virgilius Polydorus, de Inuentoribus rerum. i. cap. vij. libri.

De loco ab eo quod est, nunc causam  
vt causam ponere.

Hic locus ab eo nomen habet, quod est non causam  
vt causam ponere, quod quidem fit dicente Aristotele,  
cum

cum assumitur id quod non causa est, tanquam propter illud fiat regargutio. Accidit aut tale quid in his syllogismis, qui sunt ad impossibile, in quibus scilicet necessarium est interimere aliquid ex his, quæ sumpta sunt. Huius quidem exemplum est, quo & Aristoteles ipse utitur, ut si queratur, Sunt ne anima & vita idē? & si à respondente concedatur, ita deinde elenchus sophisticus fit, Omne quod est contrarium corruptioni, generatio est: atqui mors corruptio quaedam est vitæ contraria, & anima & vita sunt idem, vita igitur est generatio, & vivere generari. Hoc autem impossibile est, quippe qui vivit, iam non generatur, sed gonitus est. Hic si is, qui proposuerat, num anima & vita sunt idē, per interemptionem inferat ob consequētis scilicet falsitatis, igitur idem non sunt anima & vita, & respondens hoc quoque cōcedat argumentationis vi impulsus, ne tūc quidem subterfugere poterit redargutionis notā. Quippe qui quæ antea concessa sunt, eadē ipse postea negauerit: quod certā per imperitiam eius accidit, nō aduertētis eā propositionem, quæ interēpta est, causam non esse cur illatum sit consequens falsum, ac per hoc ne interimendam quidem fuisse, Quandoquidem ipsa posita, aut non posita, nihilo minus id quod impossibile est, eodem syllogismo collectū sequitur. Quin hæc potius interimēda erat, Mors corruptio quaedam est: quæ mimirum falsa propositio est. Siquidem neque mors corruptio, neque vita generatio est: sed ut generationē vita, ita corruptionem mors comitatur. Itaque in syllogismo superius factō, quæ propositio causa nō erat, ut causa sumpta est.



## DE LOCIS DIALECT.

**Hic locus.]** Hic elenchus componitur, quando putamus aliquid esse causam conclusionis, quod tamen non est causa, ut ebrietas est mala, ergo vinum est malum. *Quæ interempta est.]* Hæc scilicet anima & vita sunt idem. nam ea sublata, nihilominus falsa sequitur conclusio. *Siquidem.]* Huius ratio est, quia generatio est motus ad formam acquirendam, corruptio vero formæ est abiectio. Mors autem & vita non sunt motua, sed motum concomitatur, & eius terminis sunt.

De loco ab eo quod est, plures interrogationes ut vnam facere,

Restat ultimis ex his, qui extra dictionem dicti sunt, locus, nomē, hinc sortitus, quod per eum plures interrogationes factæ, una esse credantur. Quoties igitur due pluresve interrogationes fiunt, ad quas responsio datur perinde, atque una facta sit, captio per hunc locum fieri dicitur. Quod profecto tunc evenire solet, cum latet respondentem plures esse, idque vel per imperitiā, vel ob non diligentem ad respondendum circumspectionem. Porro interrogationes plures dicuntur, quum plura de vno, aut vnum de pluribus, aut plura de pluribus interrogantur, De quibus & Aristoteles hoc modo. In harum autem aliquibus quidem, inquit, facile est videre, quod non una, sed plures quoque dandæ sunt responsiones, ut *utrum terra est mare, an cælum?* In aliquibus, verò non ita facile, ut putas ne hic & hic homo est? Quo fit, ut cum aliquis percusserit hunc, & hunc hominem, & non homines percussisse dicatur. Rursus, cum interrogamus, *Sint ne hæc bona an non?* demonstratis tam bonis quam malis, utrumvis responderit aliquis, redargutionem haudquaquam effugiet, ob falsi videlicet concessionem,



*sione. Quandoq; autē assumptis, hoc est, admissis quibusdam, redargutio non minus fiet, vt si quis concedat similiter & vnum & plura dici, vt exempli causa, alba, vel nuda, vel cæca. Nam si cæcum est; quod visum non habet, natū tamen habere, & cæca erunt q̄ visum non habent, nata tamen habere. Igitur cū hoc quidem visum habet, illud autem non habet: si tum interroget quispiam, sunt ne hæc videntia, an nō videntia? vtrūlibet respondens dederit, erunt proculdubio ambo vel videntia, vel non videntia. Quod quidē vtiq; falsum esse statim deprehenditur ex hypothesi facta: Hæc ita ex Aristotele penē ad verbū, vt cætera magna ex parte, quæ in hoc tractatu continentur, omisis multorū ambagibus in re non magni momenti.*

*RESTAT vltimus.] In hâc impingimūs captionē, quando duę plures nobis proponitur interrogationes, ad quas vnā damus responſionē. similis captio est apud Gellium, lib. xvj. cap. ij. postulo vt respondeas; desitſine facere adulteriū an non? vtcunq; dialectica lege respondeas, herabis in captione siue aias siue negas. tã si te dicas adulterū quā si neges. Vt virum.] exemplum in quō plura prædicata interrogantur de vno subiecto. In aliquibus verò.] Exemplum in quo vnum prædicatum de pluribus subiectis dicitur. Sine ne.] Distinctione hic cauillus est submouendus. hæc sunt bona, hæc verò mala. Igitur.] Exemplum quando plura prædicata dicuntur de pluribus subiectis, adhibenda est etiā distinctio, hæc esse videntia, illa verò non.*

*Quemadmodum ad ignorantiam Elenchi  
omnes prædicti loci reducī possint,  
& quod dupliciter Elenchus  
accipiatur.*

*INQUIRENDVM deinceps, quō pacto prædicti loci*

oēs, siue elenchi sophistici ad redargutionis inscitiam reuocari possint, idq; ex Aristotelis præsertim instituto, ut qui de omnibus his ita pronunciat: Aut distinguendi sunt, inquit, apparentes syllogismi omnes, atq; redargutiones, aut ad ignorantiam elenchi reducendi, vel ab ijs præcipuè, qui hanc omnium dictorum modorū principium faciunt: quatenus elenchus ipse generatim accipiat, simulq; omnes intra suæ definitionis ambitū positas particulas amplectatur. Dico autem generatim, quando alioqui ex dictis modis siue locis unus, & ipse habeatur, nēpe ad quatuor ultimas particulas factæ definitionis relatus. Itaq; sciendū, quod oēs paralogismi, quicunque iuxta præscriptos modos fiunt, peccant vel quia syllogismi non sint, tametsi videntur: vel quia cōtradictio in his non rectè sese habeat, vel quia nō eadem vbique tam rei, quàm nominis ratio obseruetur, id quod nunc per singulos locos discurrendo breuiter ostendere operepretiū fuērit. Ergo quicunq; fiunt ꝑ equiuocationem, per amphibologiam, & per figurā dictionis, omnes ad elenchū reducuntur, eo q̃ in his duplex tum nomen, tum oratio sumitur, ob rei videlicet significatæ diversitatē. Similiter autē & qui per cōpositionem, & diuisionē, & accentū fiunt, ob ipsius tum orationis, tum nominis variationē. Porro qui secundū accidēs fiunt, & itē propter consequens, & per id, quod est sumere quod in principio est, necnō per id, qđ est non causam, ut causam ponere: propterea quod unusquisq; horū præuicator sit præscriptæ nuper syllogisticæ legis. Qui verā propter id: quod quoquomodo, & simpliciter, quoniam non de eodem affirmatio & negatio est

quare

quare nec in his vlla est vera contradictio, licet credatur. Postremò aut & qui sunt propter id, quod est plures interrogationes vt vnā facere: quòd in his non enu-  
cleamus, neq; discernimus propriā ipsius propositionis  
rationem, quæ quidē est vt vnū de vno dicatur. Nam  
eadem est vnus rei & rei simpliciter definitio, vt ho-  
minis, & vnus hominis. Cū ergo, quæ in syllogismo  
sumitur, apparet esse propositio, & nō est, quatenus in  
ea non vnū de vno prædicatur, manifestū quòd & hic  
ad inscitiam redargutionis reuocandus est. Est enim re-  
dargutio syllogismus quidem, nempe contradictionis.  
Ex quo iam palam factum est, omnes locos siue modos  
ad ignorantiam elenchi reuocari posse, hos quidem, qui  
in dictione sunt, quoniam in his apparens est contradi-  
ctio: illos autem, qui extra dictionem, maiori ex parte  
propter syllogismi rationem definitionemq;.

INQVIRENDVM.] Quoniam fallacia elenchi latissi-  
mè patet, docet quoquomodo ceteræ fallaciæ ad eā reduci  
possint. Quatenus elenchus.] Cæsarius innuit elenchū duobus  
modis accipi. primo generatim, vt est quoddam vniuersale  
omnium fallaciarum, & omnes fallacias suo ambitu cōple-  
ctitur, & sic omnes redargutiones ad elenchum reducūtur.  
secundo modo elenchus accipit particulariter pro quatuor  
vltimis particulis finitionis, & hoc sensu, elenchus est ex nu-  
mero fallaciarum. Præuicator sit.] Hoc est trāsgredit præ-  
scriptas leges. Vt vnum de vno.] Vna propositio est in qua  
vnum, hoc est vniuocum de vniuoco dicatur, ut Iustitia est  
virtus. videndus est Aristoteles septimo capite primi libri  
de Interpretatione:

Ex quibus causis sophisticæ prodeant  
deceptiones.

CONSENTANEVM fortassis fuerit inuesti-

sum homo ergo tu nō es homo, in maiore ppositione pro-  
ponitur me, alium a te esse, secundū personę proprietatem,  
in minori vero essentiam, & naturā intelligimus quare fal-  
sa intelligitur conclusio. *Item & hoc modo*] solvantur hi duo  
syllogismi fallaces, quia mutatur genus suppositionis, siue  
significationis terminorū. nam à termino primę intentio-  
nis ad terminum secundę proceditur. *Sed per accidens.*] ra-  
tio huius est, quia omnis prædicatio, in qua prædicatur ter-  
minus secundę intentionis, de termino primę est accidenta-  
ria, ut animal est genus, homo est species. *Propterea quod,*  
sensus huius loci hic est, non eodem modo accipitur animal  
cum prædicatur de homine, & cum subijcitur generi, nam  
in hac prædicatione, homo est animal, animal sumitur pro  
re ipsa quam significat ex impositione, sed in hac, animal est  
genus, animal sumitur pro ipso vocabulo, quod talis rei est  
significatiuum.

Quo pacto à recentioribus hic locus tractetur.

Nec tamen ignoro hunc locum ab accidenti latius  
explicari à recentioribus hoc modo, ut sit accidens, &  
id cui accidit videlicet res subiecta, & præter hæc at-  
tributum: quæ & ita distinguunt nominibus magis sa-  
miliaribus, ut accidens sit, quod medium in syllogismo  
dicitur, res subiecta minor extremitas, attributū ma-  
ior extremitas. Hinc paralogismus per hunc locū fie-  
ri dicunt, quoties vel medium, vel maior extremitas,  
vel minor extremitas in syllogismo non recte sumitur  
Medium quidem, ut si ita arguatur, Cuiuslibet contra-  
dictionis altera pars est vera (& accipio hic nunc ver-  
bum, cuiuslibet, more istorum, contra vim propriā pro-  
signo distributivo, ut ipsi dicunt, qualia sunt omnis &  
nullus) atqui hæc propositio, homo est lapis, est contra-  
dictionis altera pars, igitur hæc propositio, homo est la-  
pis, vera est. Captio est in verbo contradictionis assu-

*mendum nanque erat. At qui hæc propositio homo est, lapis, est contradictio: eo quòd hic terminus in maiore solum vniuersaliter sumebatur. Maior vero extremitas, vt si ita proponas. Omne animal substantia non est. omnis autem homo est animal, igitur nullus homo substantia est. Hic captio est in verbo substantiæ, quod in maiori (vt oportebat) vniuersaliter sumptum non est, propterea quòd negatio ei præposita non sit. Verum id ita sophistæ pro arbitrio statuerunt, contra autorum & eorum qui recte loqui didicerunt, consuetudinẽ. Minor porro extremitas, non recte sumitur si ita cõtexas-syllogismũ. Nullum dextrum est sinistrum, cuiuslibet autem hominis oculus est dexter, ergo neuter oculus hominis est sinister. Hic oculus minor extremitas particulariter sumit in minore contra præscriptam secundi modi prima figuræ legem, Quare ita assumendum erat cuiuslibet autem hominis vterq; oculus est dexter.*

*[Nec tamen.]* Latissime patet hæc fallacia accidẽtis nam complectitur omnes syllogismo in materia & forma vitiosos. *Captio est]* nam hic terminus contradictio: solum sumitur vniuersaliter in maiore, debet autẽ totum esse medium in minore, & non hoc totum aggregatum contradictionis altera pars. propterea deceptio pendet a termino medio. *Maior vero extremitas]* substantia maior extremitas, sumitur particulariter in maiore, quia nota vniuersalis affirmatiua, distribuit terminum tantum immediate sequentem: at in conclusione vniuersaliter sumitur.

De loco ab eo quod est secundum quid,  
ad id quod simpliciter est.

Definitur hic locus ab Aristotele per id, quod hoc quidem simpliciter dicitur, illud autem, quo-



quomodo & non præcipit. Quomodo, inquit, hoc est, vel secundum locum, vel secundum tempus, vel ad aliud, vel secundum aliud, videlicet cum quod secundum partem dicitur, simpliciter accipitur. Itaque & paralogismi secundum hunc locum quatuor sunt modis. Primo in his, quæ secundum loco dicuntur: ut Apud Thraces quædam gentes olim, ut Solinus autor est, recens natos cum fletu excipere, de functos gaudio prosequi pium esse ducebant: igitur pium est, puerperia de flere, & funera gaudio prosequi. Secundo in his quæ sunt secundum tempus: ut bonum est uti victu tenui cum egrotamus igitur simpliciter uti bonum est. Item, expedit merces in mare proijcere, cum timetur aufragium, igitur expedit proijcere merces. Tertio in his, quæ sunt ad aliud: ut diuitiæ male utentibus non sunt bonæ, ergo diuitiæ bonæ non sunt cum tamen ipsæ (ut diuus Ambrosius ait) virtutum sint instrumenta. Quarto autem in his, quæ sunt secundum aliquid ut Aethiops dentibus albus est, igitur albus est. Præterea cum ex diuisis coniunctum infertur, hoc pacto, Coriscus bonus est, & idem citharædus Coriscus igitur bonus est citharædus. Esto autem vita bonus sit, non arte. Huiusmodi paralogismus per hunc locum factus esse intelligitur.

Definitur.] Techna ex hoc loco struitur, quando id quod particulariter, siue secundum partem in antecedente sumitur, in conclusione sumitur vniuersaliter; & secundum rotum. talis non est rara collectio quoniam a particulari vno ad vniuersale non est firma consecutio, ut diuitiæ male utentibus obstant magis quam prosunt, ergo diuitiæ malæ sunt: honestum est apud Tribales populos patrem sacrificare: er-



go id ubiq; honestum. *Vt apud Thraces.*] Historia hæc est apud Pomponium Mela, secundo capite secūdi libri. Itaque lugentur apud puerperia, natiq; deflentur, funera contra festa sunt, & veluti sacra, cantu deflentur. Huius ratio, vt existimo, est, quia vt plenius ait, existimabant vel optimum esse non nasci, vel natos statim emori. Vide Plinium primo capite septimi libri. *Secundo in his.*] Huius loci multa exempla sunt apud Aristotelem in fine ult. capitis secundi libri Topico. *Virtutum sunt instrumenta.* Sic Aristot. viij. cap. j. lib. Ethico. fieri non potest, aut non facile fit, vt is res agat preclaras, cui facultates defunt.

### De loco ab ignorantia Elenchi.

Per ignorātiā Eleuchi, siue quod idem est, per inscitiam redargutionis, fiunt paralogismi, quoties omittitur aliquid eorum, quæ ad orationem (vt Aristoteles ait) hoc est, ad ipsius Elenchi definitionem requiruntur. Definitur autem ab eodem hoc pacto, Elenchus est contradictio vnius & eiusdem non nominis, sed rei, & nominis non synonymi, sed eiusdem, ex his quæ data sunt ex necessitate, non connumerato eo quod est in principio, ad idem, secundum idem, similiter, & per idē tempus. Qua quidem definitione certum est nusquam ab Aristotele longiorem factam esse, idque (vt reor) propter sophistarum importunitates. Quapropter & singulas eius particulas latius explicare, atque distinguere necessum fortassis fuerit. Quandoquidem in ea quædam syllogismi tantum causa ponuntur, quædam ob contradictionem solum, quædam etiam ad vtrunq; spectāt. Syllogismi causa ponuntur, partim ex his quæ data sunt ex necessitate, partim, non connumerato eo quod est in principio. Ob contradictionem verò, vt quæ postremo loco enumeratæ sunt: cuiusmodi sunt ad idem

*secundum idem, similiter, & per idem tempus. Præter hæc autem ad utrunq; reliqua pertinent. Porro parralogisini, qui per hunc locum fieri cōsueuerunt, hoc præcipue peccant, q̃ ex quatuor postremis aliquid omittitur. Vnde & quatuor quoq; modi assignantur. Primus, cum omittitur particula ad idem, vt decem sunt dupla ad quinque, & non sunt dupla ad sex: ergo decem dupla sunt, & dupla non sunt. Similiter si quis Socratem inter duos locatum, idcirco pronūciat ipsum dextrum esse & nō dextrū. Secundus modus est, quando omittitur particula secundū idem, vt hoc est duplū secundum longitudinem, & non est duplum secundum latitudinem: duplum igitur est, & non duplum, aut si quis oculum nigrum esse dicat, et nō nigrum: propter ea quia id quod circa orbem ipsius oculi est, qui medius pupillam tenet album sit, ipse vero orbis niger spectetur. Tertius, quando omittitur particula similiter, vt cognosco Socratem, & eundem nō cognosco venientē, igitur cognosco Socratem, & eundem non cognosco. Quartus vero, quando omittitur particula per idem tempus, vt si quis Socratem proponat sedentem, & nō sedentem, ad diuersa tempora respiciendo.*

*Per ignorantiam. Hęc fallaciā cōmittitur, cū aliqua particula finitionis elēchi omittitur. nā elēchiis est cōclusio opposita alicui propositionū cōcessarū in syllogismo, q̃ in modo, & figura cōclusionē colligebant. syllogismus vero elēchi est syllogismus, qui ex opposito cōclusionis cū altera propositione colligit oppositū alterius, s. contrariā vel contradictoriā. Quæ quidem definitione.] Locus est apud Aristotelem iij. cap. pruni libri Elenchorum, nunquam ab Aristotele datā esse existimo finitionem tam tenebrosā (cum tamen ipsa præcipiat omnem finitionē perspicuā esse oportere, datur enim discendi*

discendi causa) nec ex tot partibus cōpactam. sed puto Aristotelē tot particulis in hac finitione. vsum, ad explōdēdas oēs oīum sophistarum cauillationes. *Est contradictio.* Hoc est conclusio contradictoria alicui prēmissarum. *Vnius & eiusdem.*] Scilicet subiecti & predicati. & secundū nomen, & secundū rem vt homo, homo. non omnis sed rei, nō satis est esse eandē vocē, sed oportet eandē rem esse per vocē significatā. *Et nominis.* Oportet elenchū contradictionē esse, non eiusdē nominis synonymi, sed eiusdē secundū vocē. *Ex his quæ data sunt.*] Hoc est cōcessa ab aduersario. *Non connumerato.*] Non accepto q̄sito ad syllogismum demonstratiōis. *Ad idem.*] Respectu eiusdem. *Similiter.* Vt dictio eodē modo accipiat. *Per idem tempus.*] Vt dictio secundū diuersum tēpus nō accipiat, cētera satis dilucide a Cæsario explicātur. *Ob contradictionem.*] Hoc addit authore Aristotele qui ait, dico aut opponi eiusdē de eodē nō aut æquiuoce, & quęcūque cētera contra sophisticas determinauimus importunitates.

### De loco a petitione principij.

In principio petere, est id, quod ad demonstratiōnem propositum est, ponere & accipere, vt confessum. In principio igitur petitur aliquid, cum eius adhuc desideratur demonstratio, quod tamen vt confessum accipitur. Vnde & ab Aristotele definitur secundo Priorum analyticorum volumine hoc modo, Petere (inquit) id quod est in principio, est ostendere quicquam per id, quod per seipsum manifestum non est, quod profecto est propositum non ostendere. Accidit autem modis quatuor. Primo, quando a syllogista & incollectilis ratiocinatio fuerit. Secundo, quando id quod sumitur, ignotius eo est, quod colligere volumus. Tertio, quando quod sumimus, æque ignotū est, atque id quod conficere volumus. Quarto, cum posterius sumitur ad monstrandum id, quod prius est, Caterum præter hos

sunt & alij quatuor modi, quos octauo libro Topico-  
rum idem auctor recensent. Primus, cum quod parti-  
culariter demonstrandum est, vniuersaliter quis postula-  
uerit: vt si quis nolens probare, contrariorum eandem  
esse disciplinam, postulauerit idcirco omnium opposito-  
rum eandem esse disciplinam. Secundus, cum quod vni-  
uersaliter est ad ostendendum propositum, particulari-  
ter ab aliquo petitur: veluti si de omnibus contrarijs  
propositum est, de aliquibus solum quispiam postulet.  
Tertius vero, cum quis diuidens propositum petit: vt  
si cum oportet quempiam coniunctim ostendere medi-  
cinam sani & aegri esse, is tum vtrunq; postulet seor-  
sim, atque diuisim: verbi causa, Est ne medicina sani?  
& rursus, Est ne medicina aegri? atque idem dehinc  
ita argumentetur, Medicina sani est, et medicina item  
aegri est, igitur medicina sani est, & item aegri, Quar-  
tus demum, cum quis eorum quæ ex necessitate se inui-  
cem sequuntur, alterum petit: vt si cui propositum est  
ostendere, quod diameter est incommensurabilis lateri  
quadrati, is assumat, quod diametro latus incommensu-  
rabile est.

[In principio.] Hæc captio committitur, quando antecedens  
non probat consequens quia id quod tanquam manifestum  
& perspicuum sumitur, æque ignotum est, atq; id quod est  
probandum, vt si quis ita colligat, sunt qui aduersa nobis ve-  
stigia figant, ergo sunt antipodes. *Primo quando.*] Et omnis  
homo est animal, nullus homo est equus, ergo nullus homo  
est animal. *Secundo quando.* vt Pythagoras docuit animas in  
diuersa migrare corpora, ergo eius assertores non erant.  
*Tertio quando.* Vt anima equi non remanet separata a corpo-  
re, ergo nec anima bouis, *Quarto.*] Vt homo est capax disci-  
plinæ, & ergo animal rationale est capax disciplinæ.

## De loco à consequenti.

A Consequenti locus dicitur, quemadmodum & Aristoteles tradit, quoties propter consequens redargutio fit, ut si quis petat consequentiā conuerti, quā tñ cōuertitur minimè. Exempli gratia, si quis, quia hoc ex necessitate est, & illud est, idcirco putauerit, quia illud sit, & alterū quoq; ex necessitate esse. Vnde & de inceptis, quæ propter opinionem ex sensu sunt, hoc modo plerūq; fiūt. Hinc sæpenumero id quod fel est, mel esse suspicantur, eo q̄ flauus color ut fel, ita et mel quoq; consequitur. Quapropter si quis ita argumentetur, hoc mel est, igitur flauum, rectè quidem sequitur: at contrā non rectè, si hoc modo, Hoc flauū est, igitur mel est. Huius aut loci, alij duos, alij tres statuūt modos. Ex his primus est, quoties quis, ut ab antecedēte ad consequēs rectè sese habet consequentiæ ratio, ita è contrario à cōsequente ad ipsum antecedens firmam similiter atq; constantem cōsequentiæ vim esse existimauerit: ut si animal est, homo est, igitur si homo non est, animal non est. Secundus, quoties facta consequentia, ab abolitione antecedentis credit aliquis & consequens per æque aboleri posse, ut si homo est, animal est, igitur si homo non est, animal non est. Tertius vero modus est, quoties ex communiter accidentibus per id, quod consequens esse salet, volumus ostendere id quod præcedit: ut qui insanus est, in solitudinem fugit, Democritus autem in solitudinem fugit, igitur Democritus insanus est. Dicitur autem per consequens, quoniam consequitur insanum esse, in solitudinem fugere, veruntamen non conuertitur. Non enim si quis fugit in



solitudinem, consequens continuò est, vt insaniat. Inuenias siquidem qui res humanas despiciens, stabilitatem & quidem quærat, & ob hoc ad loca à tumultibus libera secedat, quemadmodum Democritum fecisse memoriæ proditum est, proinde falsò creditum est ab Atheniensibus, eum insaniuisse. Quemadmodum falsò quoque creditum est olim ab infidelibus nostræ religionis monachos desipuisse, q̄ relictis omnibus quæ possederant in deserta loca secesserint: vnde et Anachorita dicti sunt & Eremitæ, vt de paulo primo Eremita & Hilarione Hieronymus, de diuo Antonio Athanasius, et de alijs compluribus Senerus Sulpitius in eo libro, quæ de vita diui Martini, inscribit memoriæ prodiderunt.

*A consequenti.*] Hæc fallacia committitur, cum credimus consequens conuerti cū antecedente, quod tamen non conuertitur, vt si pluit, terra est madida, ergo si terra est madida, pluit. si iustitia est, virtus est, ergo si est virtus, est iustitia. hæc captio complectitur omnes vitiosas argumentationes, quæ canones consequentiarum nō obseruant. *Vt si animal est.*] Hoc exemplum non conuenit huic primo modo, nam animal esse non infert hominem esse quare sic legendum puto, si animal non est, ergo homo non est, igitur si homo non est; animal non est. fallacia est consequentis, quia antecedens infert antecedens. *Secundus.*] Hic syllogismus est in primo modo syllogismorum conditionalium, in quo a positione antecedentis ad positionem consequētis est colligendum. *Et quemadmodum.*] De hac re videndus est Virgilius Polydorus, de Inuentoribus rerum. i. cap. vij. libri.

De loco ab eo quod est, nunc causam  
vt causam ponere.

Hic, locus ab eo nomen habet, quod est non causam  
vt causam ponere, quod quidem fit dicente Aristotele,  
cum



cum assumitur id quod non causa est, tanquam propter illud fiat regargutio. Accidit aut tale quid in his syllogismis, qui sunt ad impossibile, in quibus scilicet necessarium est interimere aliquid ex his, quæ sumpta sunt. Huius quidem exemplum est, quo & Aristoteles ipse utitur, ut si quærat, Sunt ne anima & vita idē? & si à respondente concedatur, ita deinde elenchus sophisticus fit, Omne quod est contrarium corruptioni, generatio est: atqui mors corruptio quædam est vitæ contraria, & anima & vita sunt idem, vita igitur est generatio, & vivere generari. Hoc autem impossibile est, quippe qui vivit, iam non generatur, sed genitus est. Hic si is, qui proposuerat, num anima & vita sunt idē, per interemptionem inferat ob consequētis scilicet falsitatē, igitur idem non sunt anima & vita, & respondens hoc quoq; cōcedat argumentationis vi impulsus, ne tūc quidem subterfugere poterit redargutionis notā. Quippe qui quæ antea concessa sunt, eadē ipse postea negauerit: quod certā per imperitiā eius accidit, nō aduertētis eā propositionem, quæ interēpta est, causam non esse cur illatum sit consequens falsum, ac per hoc ne interimendam quidem fuisse, Quandoquidem ipsa posita. aut non posita, nihilo minus id quod impossibile est, eodem syllogismo collectū sequitur. Quin hæc potius interimēda erat, Mors corruptio quædam est: quæ nimirum falsa propositio est. Siquidem neq; mors corruptio, neq; vita generatio est: sed ut generationē vita, ita corruptionem mors comitatur. Itaq; in syllogismo superius factō, quæ propositio causa nō erat, ut causa sumpta est.

Hic locus.] Hic elenchus componitur, quando putamus aliquid esse causam conclusionis, quod tamen non est causa, ut ebrietas est mala, ergo vinum est malum. *Quæ interempta est.*] Hæc scilicet anima & vita sunt idem. nam ea sublata, nihilominus falsa sequitur conclusio. *Siquidem.*] Huius ratio est, quia generatio est motus ad formam acquirendam, corruptio vero formæ est abiectio. Mors autem & vita non sunt motua, sed motum concomitatur, & eius terminis sunt.

De loco ab eo quod est, plures interrogationes ut vnam facere.

Restat ultimis ex his, qui extra dictionem dicti sunt, locus, nomen, hinc sortitus, quod per eum plures interrogationes factæ, una esse credantur. Quoties igitur duæ pluresve interrogationes fiunt, ad quas responsio datur perinde, atque una facta sit, captio per hunc locum fieri dicitur. Quod profecto tunc evenire solet, cum latet respondentem plures esse, idque vel per imperitiā, vel ob non diligentem ad respondendum circumspectionem. Porro interrogationes plures dicuntur, quum plura de uno, aut unum de pluribus, aut plura de pluribus interrogatur. De quibus & Aristoteles hoc modo. In harum autem aliquibus quidem, inquit, facile est videre, quod non una, sed plures quoque dandæ sunt responsiones, ut utrum terra est mare, an cælum? In aliquibus, verò non ita facile, ut putas ne hic & hic homo est? Quo fit, ut cum aliquis percusserit hunc, & hunc hominem, & non homines percussisse dicatur. Rursus, cum interrogamus, Sint ne hæc bona an non? demonstratis tam bonis quam malis, utrumvis responderit aliquis, redargutionem haudquaquam effugiet, ob falsi videlicet concessionem.

sione. Quandoq; autē assumptis, hoc est, admissis quibusdam, redargutio non minus fiet, vt si quis concedat similiter & vnum & plura dici, vt exempli causa, alba, vel nuda, vel cæca. Nam si cæcum est; quod visum non habet, natū tamen habere, & cæca erunt q̄ visum non habent, nata tamen habere. Igitur cū hoc quidem visum habet, illud autem non habet: si tum interroget quispiam, sunt ne hæc videntia, an nō videntia? vtrūlibet respondens dederit, erunt proculdubio ambo vel videntia, vel non videntia. Quod quidē vtiq; falsum esse statim deprehenditur ex hypothesis facta: Hæc ita ex Aristotele penē ad verbū, vt cætera magna ex parte, quæ in hoc tractatu continentur, ommissis multorū ambagibus in re non magni momenti.

RESTAT vltimus.] In hâc impingimūs captionē, quando duę plures nobis proponiuntur interrogationes, ad quas vnā damus responsonē. similis captio est apud Gellium, lib. xvj. cap. ij. postulo vt respondeas, deserisne facere adulteriū an non? vtcunq; dialectica lege respondeas, herabis in captione siue aias siue negas. tã si te dicas adulterū quā si neges. *Vt verum.*] exemplum in quo plura prædicata interrogantur de vno subiecto. *In aliquibus verò.*] Exemplum in quo vnum prædicatum de pluribus subiectis dicitur. *Sine.*] Distinctione hic cauillus est submouendus. hæc sunt bona, hæc verò mala. *Igitur.*] Exemplum quando plura prædicata dicuntur de pluribus subiectis, adhibenda est etiam distinctio, hæc esse videntia, illa verò non.

Quemadmodum ad ignorantiam Elenchi  
omnes prædicti loci reducī possint,  
& quòd dupliciter Elenchus  
accipiatur.

INQUIRENDVM deinceps, quo pacto prædicti loci

oēs, siue elenchi sophistici ad redargutionis inscitiam  
 reuocari possint, idq; ex Aristotelis præsertim institu-  
 to, ut qui de omnibus his ita pronunciat: Aut distingen-  
 di sunt, inquit, apparentes syllogismi omnes, atq; redar-  
 gutiones, aut ad ignorantiam elenchi reducendi, vel ab  
 ijs præcipuè, qui hanc omnium dictorum modorū prin-  
 cipium faciunt: quatenus elenchus ipse generatim acci-  
 piatur, simulq; omnes intra suæ definitionis ambitū po-  
 sitas particulas amplectatur. Dico autem generatim,  
 quando aliqui ex dictis modis siue locis unus, & ipse  
 habeatur, nēpe ad quatuor ultimas particulas factæ  
 definitionis relatus. Itaq; sciendū, quod oēs paralogis-  
 mi, quicunque iuxta præscriptos modos fiunt, peccant  
 vel quia syllogismi non sint, tametsi videntur: vel quia  
 cōtradictio in his non rectè sese habeat, vel quia nō ea-  
 dem vbique tam rei, quàm nominis ratio obseruetur,  
 id quod nunc per singulos locos discurrendo breuiter  
 ostēdere operæpretiū fuērit. Ergo quicunq; fiunt ꝑ equi-  
 uocationem, per amphibologiam, & per figurā dictio-  
 nis, omnes ad elenchū reducuntur, eo q̄ in his duplex  
 tum nomen, tum oratio sumitur, ob rei videlicet signi-  
 ficatæ diuersitatē. Similiter autē & qui per cōpositio-  
 nem, & diuisionē, & accentū fiunt, ob ipsius tum ora-  
 tionis, tum nominis variationē. Porro qui secundū ac-  
 cidēs fiunt, & itē propter consequens, & per id, quod  
 est sumere quod in principio est, necnō per id, qđ est non  
 causam, ut causam ponere: propterea quod unusquisq;  
 horū præuaricator sit præscriptæ nuper syllogisticæ le-  
 gis. Qui verā propter id: quod quoquo modo, & simpli-  
 citer, quoniam non de eodem affirmatio & negatio est

quare

*Quare nec in his vlla est vera contradictio, licet credatur. Postremò aut & qui sunt propter id, quod est plures interrogatones vt vnā facere: quòd in his non enunciamus, neq; discernimus propriā ipsius propositionis rationem, quæ quidē est vt vnū de vno dicatur. Nam eadem est vnius rei & rei simpliciter definitio, vt hominis, & vnius hominis. Cū ergo, quæ in syllogismo sumitur, apparet esse propositio, & nō est, quatenus in ea non vnū de vno predicatur, manifestū quòd & hic ad inscitiam redargutionis reuocandus est. Est enim redargutio syllogismus quidem, nempe contradictionis. Ex quo iam palām factum est, omnes locos siue modos ad ignorantiam elenchi reuocari posse, hos quidem, qui in dictione sunt, quoniam in his apparens est contradictio: illos autem, qui extra dictionem, maiori ex parte propter syllogismi rationem definitionemq;.*

[INQUIRENDVM.] Quoniam fallacia elenchi latissimè patet, docet quoquomodo cæteræ fallaciæ ad eā reduci possint. *Quatenus elenchus.* [Cæsarius innuit elenchū duobus modis accipi. primo generatim, vt est quoddam vniuersale omnium fallaciarum, & omnes fallacias suo ambitu cōplectitur, & sic omnes redargutiones ad elenchum reducūtur. secundo modo elenchus accipit particulariter pro quatuor vltimis particulis finitionis, & hoc sensu, elenchus est ex numero fallaciarum. *Præuicator sit.*] Hoc est transgredit præscriptas leges *Vt vnum de vno.*] Vna propositio est in qua vnum, hoc est vniuocum de vniuoco dicatur, ut Iustitia est virtus. videndus est Aristoteles septimo capite primi libri de Interpretatione:

Ex quibus causis sophisticæ prodeant  
deceptiones.

CONSENTANEVM fortassis fuerit inuesti-

DE LOCIS DIALLECTICIS.  
gare quoque quibus ex causis huiusmodi impostura  
atq; deceptiones proueniāt. Itaq; dicamus ex Aristotele, q̄ deceptio omnis prouenit in his quidē, quæ per  
equiuocationē & amphibologiam fiunt, sophismatis: eò  
quòd nō potest quispiam distinguere id quod multiplex  
est, siue multipliciter dicitur, ab eo quod vno modo di-  
citur duntaxat. At in his, quæ per cōpositionem, & di-  
uisionem: eo quòd nihil interesse putatur inter oratio-  
nē cōpositam & diuisam. Similiter autē & in his, quæ  
per accentū fiunt: propterea q̄ nōnullis idē significare  
videtur eadē vox intensa & remissa, hoc est, acuto vel  
gravi accētū prolata. Et in his itē, quæ per figurā fiunt  
ob dictionis similitudinē: quòd difficile sit diiudicare,  
quæ similiter atque aliter proferātur. Ferē enim quis-  
quis hoc facere poterit, is in procinctu est, vt qđ verum  
est videat: & per hoc prōptus erit vel cōcedere, qđ con-  
cedendū est, vel negare, quod est negandū. Rursus autē  
in his, quæ per accidens: eò quòd quis nescit diiudicare,  
idem ne sit an diuersum quod sumitur, tum an vnū, an  
multa. Similiter autē in his, quæ per cōsequens fiūt: per  
hoc quod arbitramur, vt cōsequens ab antecedēte non  
separatur vnquā (est enim ipsum antecedētis pars quæ-  
dam) ita nec a consequēte antecedēs separatū iri. Por-  
rò in his, quæ fiunt propter omisionē orationis, hoc est,  
alicuius particularū, quæ in elēchi rōne posite sunt, &  
in his quæ sunt propter id, quod aliquo modo & simpli-  
citer dicitur: & in his itē, quæ quod in principio est, su-  
munt: tñ & in his q̄ p non causam vt causam accidūt:  
& quacumq; plures interrogationes aut vnā faciunt:  
propterea q̄ in his omnibus non exactē discernimus,  
neque



neque sumptus propositiones, neq; ipsius syllogismi verum terminum, hoc est, rationem definitionemq;: per hoc quod parum nobis differre videantur ea, quæ iam dicta sunt, ut nō causa & causa, quod simpliciter quomodo, & interrogationes plures, & interrogatio una.

*Consentaneum.*] Epilogo quodam ex sexto capite primi libri eléchorum fontem, & originem omnium deceptionum indicat. *Similiter autem.*] Consequens non separatur ab antecedente, posito antecedente, ut si homo est, animal est: consequens tamen potest animo, & mente separari ab antecedente, ut Porphyrius in communitatibus docet.

De recta solutione paralogysmorum.

Quia vero non minor ars est soluere nodos, quā eosdem implicare atque constringere, quod quidem ita esse, argumento nobis esse potest, Gordij Phrygiæ regis nodus in Iouis templa suspensus: quem Alexāder Magnus (ut est apud Iustinum historicum) idcirco quod ingenio soluere nequiuisset, gladio vsus violenter abscidit, ob hanc nimirum causam, quia sophistarum argutias captionesq;: quod syncategorematū nexibus, seu nodis quibusdā implicitæ atque inuiolatæ sint, ut struere fortassis non facile, ita proculdubio soluere lōge est difficillimū. Aristoteles tādē ipse cum quēadmodum struantur illæ certis locis præscriptis id iam monstrasset, eadem quo pacto etiam dissoluerentur, pari cura atq; diligentia docere instituit. Vnde & ab eodē recta solutio definitur, falsi syllogismi manifestatio. Porre falsus syllogismus duobus dicitur modis. Aut. n. quia ex falsis collectus, sit, aut quia syllogismus non est, tametsi videat. Ergo cū duobus modis falsum esse syllogismum

contingat, duobus quoque modis ipsum dissoluendū do-  
cet, nempe aut per interemptionem, aut per distinctionem.  
Per interemptionem quidem, ut quoties ex falsis  
collectus est. Per distinctionem verò, cum apparet syl-  
logismus, & non est. Verum enim verò, ut id quod quæri-  
mus breviori via, quam quæ ab Aristotele tradita est,  
assequi possimus ex Iacobo Fabro Stapulensi tres re-  
gulas in animum induxi hic subiiciendas. Quarū primæ  
hæc est; in omnibus paralogismis, qui fiunt per æqui-  
vocationem, amphibologiam, compositionem, divisionem,  
& accentum, si quod sumptum multiplex, distinguen-  
dum est. Alioqui confusionem parit, quæ tollitur inte-  
rim, cum ipsum distinguitur. insuper & in eisdem con-  
sequentia ratio discutienda examinandaque venit. Se-  
cunda, In omnibus paralogismis, qui fiunt per figuram  
dictionis. per accidens, per id quod est secundū quid &  
simpliciter, per ignorantiam elenchi, per consequens,  
per non causam ut causam, per id quod est plures inter-  
rogationes facere ut unam, consequentia neganda est,  
& mox cur negata sit, ratio subiungenda. Tertia, In  
omnibus paralogismis, qui fiunt per id quod est petere  
id quod est in principio, ipsum antecedens aut negan-  
dum planè est, aut certè addubitandum.

Q V I A vero.] Ex tertio capite secūdi libri Elenchorum  
rationem diluendorum sophismatum docet. omnis syllo-  
gismus aut verus, aut falsus est. verus admittendus est, fal-  
sus dissolvendus. quemadmodum syllogismus est falsus  
duobus modis, aut enim vitiosus est secundum materiam,  
aut secundum formam, sic etiam duobus modis dissolvitur:  
si vitiosus est secundum materiam, negandum id quod fal-  
sum assumitur: si vitiosus secundum formam negandum est

con-

consequens, & statim ratio subiicienda, cur malè colligat. multum profuerit ad hanc rem studiosè legere Rodolphum Agricolam libro secundo, de recta argumentorū solutione. *[Ut est apud Iustinum.]* Locus est apud Iustinum libro vndecimo. habes, studiosè lector, in toutū Cæsarium scholiola, qua tenebrosū Aristotelem euoluere volētibus, vicenastorum & verbosorum cōmentariorum esse poterunt. Etenim Cæsarius vnus ex omnibus qui post Aristotelem dialectica scripserūt (absit inuida verbo) proximè Aristotelis mētem, non solum adumbrasse, sed etiam ad viuū expresse videtur. Vale. Lugdunī, ad confluentes ex diuē Trinitatis celeberrimo florentissimoque Gymnasios Anno dñi M. D. LVI. pridie Calendas Ianuarias.

## P E R O R A T I O.

Habes studiosè lector, siue adolescens: siue adultæ ætatis iuuenis, dialecticam tibi paratam, non aliam ob causam (sic mihi crede) nisi vt posthac, quicquid in studijs liberalibus addiscendum tibi fuerit citra crassam illam & fœdam barbariem, facile id iam assequi videri possis. Quippe quòd hanc sola visa sit hactenus deesse ad ternarium illum studiorum numerum, quæ triuij communi nomine appellant: id quod in primis triuialium ludorū magistri atque præceptores sæpe hac multum cōquesti sunt aliquot annis, tales vtique; præceptorum qui (vt pro comperto ipse habeo) totis viribus ad hoc contendunt, vt docilem iuuentutem ritè instituāt, à barbarie auocent, bonas artes doceant. Itaque si hanc dialectica nostra talis tibi visa fuerit, vt ex ea id, quod summopere tui moliuntur præceptores, pro voto assequi potueris, bene est; sin verò nondum id a me præstitum sit (quod equidem vereri possum) conatū saltem quaeso, si non rem ipsam laudaueris.

IN GARRVLVM SOPHISTAM  
IOANNIS MVRMELLII RVRE-  
MVNDENSIS EPIGRAMMA.

GARRVLE qui nostrum tentas lapidare libellum  
In lucem pueris ede Sophista tuum.  
Non decet in rudium cœtu traducere doctos,  
Vana loquitur turpe est; gloriolamque sequi.  
Ecquid apud calathos; inter muliebria pensa  
Reddere te clarum lana caprina potest?  
Quando nihil præter verbosa sophismata nosti,  
Barbarie sordens, Grammaticæq; rudis.  
Ecquid habes sophiæ, quod te in penetralia ducat?  
Ecquid Aristotelem Porphyriumque tenes?  
Haud opere pretium est (mibi crede) resellere nugas,  
Digna legi scribens experire virum.  
Saucius & possum genuinum insigere dentem:  
Deque meo crudum vulnere vulnus erit.  
Ingenijs hominum studeo prodesse iuandis,  
Estque mibi vero gloria nulla prior.

IOAN-

IOANNES MVRMELLIVS  
RVREMVNDENSIS PETRO  
SVO S. P. D.



**P**OGAS me sedulò, & crebrò adhortaris  
Petre suauissimè, vt breuite arte insti-  
tuam, qua nam ratione voces eas, quæ in  
cathegorijs locū habēt, discernere queas  
ab illis, quæ à prædicamētis: alienæ sunt, & vt cer tos  
quosdam tibi tradā canones, quib. facile discas, in quo  
vnaquæq; vox categorica prædicamento reponatur.  
Ardua profectò res est, & sæuis caninæ facundia mor-  
sibus exposita, in tam varia & multūga opinionum  
diuersitate, dialecticorū alijs alia sentientib. breui ea  
libello perstringere, quæ plurib. longissimi operis volu-  
minibus vix satis exactè potuerint vel à doctissimo  
Philosopho explicari. Cū tñ mecum cogitè, quantum  
vtilitatis tibi studiosisq; liberaliū artium iuuenib. ex  
hoc quod petis, prouenturum sit, vtcunq; pro tps, quo  
suppetit otīū, breuitate, notis tuis non morem gerere  
non possem. Accipe igitur lucubratiunculā hac nr̃am,  
vt habeas εἰσαγωγήν quandā in Aristotelis decē prædi-  
camenta, & ingenium tuum ne Grāmaticæ solū, sed  
fructuosius etiā dialecticæ studijs excolito, vt vera di-  
gnosces à falsis, & finiendi, diuidendi, argumētandiq;  
rationem tenēs, rectā viam habueris, & iter expeditū  
ad optimam quanq; disciplinam. Vale, & præcepto-  
rem tum dilige. Alcmariæ Phrisionum oppido studijs  
liberalibus sanè quàm accommodato, Anno à partu  
Virginis. M. D. XIII. Idibus Septembris.

# IN ARISTOTELIS

## DECEM PRAEDICAMENTA

IOANNIS MVRMELII

Ruremundensis Isagogæ.



SAGOGEN hanc in decem Aristotelis Peripateticorum principij *κατηγορίαι* tribus digero capitibus, quorum primo quidem agam de vocibus, a prædicamentorum serie reiectis, & alienis: secundo autem superiis, quibus in ordine categorico locus est: tertio vero dictiones aliquot tradam, quæ vel diuersa prædicamenta, vel ad vnius eiusdemque seiunctas species referuntur. Porro vt hæc facilius memoriæ commendari possit, & tenacius inhzere, singula capita in suos titulos sunt distributa.

De vocibus à prædicamentorum serie reiectis, & alienis Isagoges in Aristotelis Prædicamenta, Caput primum.

Decem esse prædicamenta	titu. j.
De prædicamentorum quæstiuis	titu. ij.
Nouæ regulis cognosci voces a prædicamentis alienas	tit. iij.
De reiectis à prædicamentorum ordine vocibus regularum nouem, prima	titu. iij.
Secunda regula	titu. v.
Tertia regula	tit. vj.
Quarta regula	titu. vij.
Quinta regula	titu. viij.
Sexta regula	titu. ix.
Septima regula	titu. x.
Octaua regula	titu. xj.
Nona regula	titu. xij.
Bisariam aliquid locum habere in prædicamento	tit. xij.
De	



De dictionibus quibus in ordine categorico locus est.

Caput Isagoges huius secundum.

Series categoricę Substantię titulus primus

De ijs, quę sunt prædicamenti Substantię, regula prima titulus secundus.

Regula secunda titulus iij.

Regula tertia titulus iij.

Regula quarta titulus v.

Regula quinta titulus vj.

Regula sexta titulus vij.

Regula septima titulus viij.

Regula octava titulus ix.

Regula nona titulus x.

Regula decima titulus xj.

Regula undecima titulus xij.

Regula duodecima titulus xij.

Series categoricę Quantitatis titulus xiiij.

De ijs, quę sunt prædicamenti Quantitatis, regula prima titulus xv.

Regula secunda titulus xvj.

Regula tertia titulus xvij.

Quarta regula titulus xvij.

Quinta regula titulus xix.

Series prædicamenti Ad aliquid titulus xx.

De ijs, quę sunt prædicamenti Ad aliquid, prima regula titulus xxj.

Secunda regula titulus xxij.

Tertia regula titulus xxiiij.

Series prædicamenti Qualitatis titulus xxiiij.

De ijs, quę sunt primę speciei Qualitatis, regula prima titulus xxv.

Secunda

solitudinem, consequens continuo est, vt insaniat. Inuenias siquidem qui res humanas despiciens, stabilitatem & quidem quærat, & ob hoc ad loca à tumultibus libera secedat, quemadmodum Democritum fecisse memorie proditum est, proinde falsò creditum est ab Atheniensibus, eum insanuisse. Quemadmodum falsò quoque creditum est olim ab infidelibus nostræ religionis monachos desipuisse, & relictis omnibus quæ possederant in deserta loca secesserint: vnde et Anachorita dicti sunt & Eremitæ, vt de paulo primo Eremita & Hilarione Hieronymus, de diuo Antonio Athanasius, et de alijs compluribus Seuerus Sulpitius in eo libro, quæ de vita diui Martini, inscribit memoriæ prodiderunt.

*A consequenti.* ] Hæc fallacia committitur, cum credimus consequens conuerti cū antecedente, quod tamen non conuertitur, vt si pluit, terra est madida, ergo si terra est madida, pluit. si iustitia est, virtus est, ergo si est virtus, est iustitia. hæc captio complectitur omnes vitiosas argumentationes, quæ canones consequentiarum nō obseruant. *Vt si animal est.* ] Hoc exemplum non conuenit huic primo modo, nam animal esse non infert hominem esse quare sic legendum puto, si animal non est, ergo homo non est, igitur si homo non est, animal non est. fallacia est consequentis, quia antecedens infert antecedens. *Secundus* ] Hic syllogismus est in primo modo syllogismorum conditionalium, in quo a positione antecedentis ad positionem consequētis est colligendum. *Et quemadmodum.* ] De hac re videndus est Virgilius Polydorus, de Inuentoribus rerum. i. cap. vij. libri.

De loco ab eo quod est, nunc causam  
vt causam ponere.

Hic locus ab eo nomen habet, quod est non causam  
vt causam ponere, quod quidem fit dicente Aristotele,  
cum

cum assumitur id quod non causa est, tanquam propter illud fiat regargutio. Accidit aut tale quid in his syllogismis, qui sunt ad impossibile, in quibus scilicet necessarium est interimere aliquid ex his, quæ sumpta sunt. Huius quidem exemplum est, quo & Aristoteles ipse utitur, ut si quaeratur, Sunt ne anima & vita idē? & si à respondente concedatur, ita deinde elenchus sophisticius fit, Omne quod est contrarium corruptioni, generatio est: atqui mors corruptio quadam est vitæ contraria, & anima & vita sunt idem, vita igitur est generatio, & vivere generari. Hoc autem impossibile est, quippe qui vivit, iam non generatur, sed genitus est. Hic si is, qui proposuerat, num anima & vita sunt idē, per interemptionem inferat ob consequētis scilicet falsitatē, igitur idem non sunt anima & vita, & respondens hoc quoq; cōcedat argumentationis vi impulsus, ne tūc quidem subterfugere poterit redargutionis notā. Quippe qui quæ antea concessa sunt, eadē ipse postea negauerit: quod certā per imperitiam eius accidit, nō advertētis eā propositionem, quæ interēpta est, causam non esse cur illatum sit consequens falsum, ac per hoc ne interimendam quidem fuisse, Quandoquidem ipsa posita, aut non posita, nihilo minus id quod impossibile est, eodem syllogismo collectū sequitur. Quin hæc potius interimēda erat, Mors corruptio quadam est: quæ nimirum falsa propositio est. Siquidem neq; mors corruptio, neq; vita generatio est: sed ut generationē vita, ita corruptionem mors comitatur. Itaq; in syllogismo superius factō, quæ propositio causa nō erat, ut causa sumpta est.

## DE LOCIS DIALECT.

**Hic locus.]** Hic elenchus componitur, quando putamus aliquid esse causam conclusionis, quod tamen non est causa, ut ebrietas est mala, ergo vinum est malum. *Quæ interempta est.]* Hæc scilicet anima & vita sunt idem. nam ea sublata, nihilominus falsa sequitur conclusio. *Siquidem.]* Huius ratio est, quia generatio est motus ad formam acquirendam, corruptio vero formæ est abiectio. Mors autem & vita non sunt motua, sed motum concomitatur, & eius terminis sunt.

De loco ab eo quod est, plures interrogationes ut vnam facere.

Restat ultimis ex his, qui extra dictionem dicti sunt, locus, nomen, hinc sortitus, quod per eum plures interrogationes factæ, una esse credantur. Quoties igitur due pluresve interrogationes fiunt, ad quas responsio datur perinde, atque una facta sit, captio per hunc locum fieri dicitur. Quod profecto tunc evenire solet, cum lateat respondentem plures esse, idque vel per imperitiā, vel ob non diligentem ad respondendum circumspectionem. Porro interrogationes plures dicuntur, quum plura de uno, aut unum de pluribus, aut plura de pluribus interrogantur, De quibus & Aristoteles hoc modo. In harum autem aliquibus quidem, inquit, facile est videre, quod non una, sed plures quoque dandæ sunt responsiones, ut *utrum terra est mare, an cælum?* In aliquibus, verò non ita facile, ut putas ne hic & hic homo est? Quo fit, ut cum aliquis percusserit hunc, & hunc hominem, & non homines percussisse dicatur. Rursus, cum interrogamus, Sint ne hæc bona an non? demonstratis tam bonis quam malis, utrumvis responderit aliquis, redargutionem haudquaquam effugiet, ob falsi videlicet concessionem.

sionē. Quandoq; autē assumptis, hoc est, admissis quibusdam, redargutio non minus fiet, vt si quis concedat similiter & vnum & plura dici, vt exempli causa, alba, vel nuda, vel cæca. Nam si cæcum est; quod visum non habet, natū tamen habere, & cæca erunt q̄ visum non habent, nata tamen habere. Igitur cū hoc quidem visum habet, illud autem non habet: si tum interroget quispiam, sunt ne hæc videntia, an nō videntia? utrūlibet respondens dederit, erunt proculdubio ambo vel videntia, vel non videntia. Quod quidē vtiq; falsum esse statim deprehenditur ex hypothesi facta. Hæc ita ex Aristotele penē ad verbū, vt cætera magna ex parte, quæ in hoc tractatu continentur, ommissis multorū ambagibus in re non magni momenti.

RESTAT vltimus.] In hāc impingimūs captionē, quando duę plures nobis proponitur interrogationes, ad quas vnā damus resolutionē. similis captio est apud Gellium, lib. xvj. cap. ij. postulo vt respondeas, deserisne facere adulteriū an non? vtcunq; dialectica lege respondeas, herabis in captionē siue aias siue negas. tā si te dicas adulterū quā si neges. *Vt virum.*] exemplum in quo plura prædicata interrogantur de vno subiecto. *In aliquibus verō.*] Exemplum in quo vnum prædicatum de pluribus subiectis dicitur. *Sine.*] Distinctione hic cauillus est submouendus. hæc sunt bona, hæc verō mala. *Igitur.*] Exemplum quando plura prædicata dicuntur de pluribus subiectis, adhibenda est etiam distinctio, hæc esse videntia, illa verō non.

Quemadmodum ad ignorantiam Elenchi  
omnes prædicti loci reduci possint,  
& quod dupliciter Elenchus  
accipiatur.

INQUIRENDVM deinceps, quo pacto prædicti loci

oēs, siue elenchi sophistici ad redargutionis inscitiam  
 reuocari possint, idq; ex Aristotelis præsertim institu-  
 to, ut qui de omnibus his ita pronunciat: Aut distinguen-  
 di sunt, inquit, apparentes syllogismi omnes, atq; redar-  
 gutiones, aut ad ignorantiam elenchi reducendi, vel ab  
 ijs præcipue, qui hanc omnium dictorum modorū prin-  
 cipium faciunt: quatenus elenchus ipse generatim acci-  
 piatur, simulq; omnes intra suæ definitionis ambitū po-  
 sitas particulas amplectatur. Dico autem generatim,  
 quando alioqui ex dictis modis siue locis unus, & ipse  
 habeatur, nēpe ad quatuor ultimas particulas factæ  
 definitionis relatus. Itaq; sciendū, quod oēs paralogis-  
 mi, quicunque iuxta præscriptos modos fiunt, peccant  
 vel quia syllogismi non sint, tametsi videntur: vel quia  
 cōtradictio in his non recte sese habeat, vel quia nō ea-  
 dem vbique tam rei, quàm nominis ratio obseruetur,  
 id quod nunc per singulos locos discurrendo breuiter  
 ostēdere operepretiū fuērit. Ergo quicunq; fiunt p̄ equi-  
 uocationem, per amphibologiam, & per figurā dictio-  
 nis, omnes ad elenchū reducuntur, eo q̄ in his duplex  
 tum nomen, tum oratio sumitur, ob rei videlicet signi-  
 ficatæ diuersitatē. Similiter autē & qui per cōpositio-  
 nem, & diuisionē, & accentū fiunt, ob ipsius tum ora-  
 tionis, tum nominis variationē. Porro qui secundū ac-  
 cidēs fiunt, & itē propter consequens, & per id, quod  
 est sumere quod in principio est, necnō per id, qđ est non  
 causam, ut causam ponere: propterea quod unusquisq;  
 horū præuaricator sit præscriptæ nuper syllogisticæ le-  
 gis. Qui verā propter id: quod quoquomodo, & simpli-  
 citer, quoniam non de eodem affirmatio & negatio est



quare nec in his vlla est vera contradictio, licet credatur. Postremò aut & qui fiunt propter id, quod est plures interrogationes vt vnā facere: quòd in his non enucleamus, neq; discernimus propriā ipsius propositionis rationem, quæ quidē est vt vnū de vno dicatur. Nam eadem est vnius rei & rei simpliciter definitio, vt hominis, & vnius hominis. Cum ergo, quæ in syllogismo sumitur, apparet esse propositio, & nō est, quatenus in ea non vnū de vno prædicatur, manifestū quòd & hic ad inscitiam redargutionis reuocandus est. Est enim redargutio syllogismus quidem, nempe contradictionis. Ex quo iam palam factum est, omnes locos sine modos ad ignorantiam elenchi reuocari posse, hos quidem, qui in dictione sunt, quoniam in his apparens est contradictio: illos autem, qui extra dictionem, maiori ex parte propter syllogismi rationem definitionemque.

INQVIRENDVM.] Quoniam fallacia elenchi latissimè patet, docet quoquomodo cæteræ fallacie ad eā reduci possint. Quatenus elenchus.] Cæsarius innuit elenchū duobus modis accipi. primo generatim, vt est quoddam vniuersale omnium fallaciarum, & omnes fallacias suo ambitu cōplectitur, & sic omnes redargutiones ad elenchum reducuntur. secundo modo elenchus accipit particulariter pro quatuor vltimis particulis finitionis, & hoc sensu, elenchus est ex numero fallaciarum. Præuicator sit.] Hoc est transgredi præscriptas leges. Vt vnum de vno.] Vna propositio est in qua vnum, hoc est vniuocum de vniuoco dicatur, ut Iustitia est virtus. videndus est Aristoteles septimo capite primi libri de Interpretatione:

Ex quibus causis sophisticæ prodeant  
deceptiones.

CONSENTANEVM fortassis fuerit inuensi-

gare quoque quibus ex causis huiusmodi impostura  
 atq; deceptiones proueniāt. Itaq; dicamus ex *Aristo-*  
*tele*, q̄ deceptio omnis prouenit in his quidē, quæ per  
 equiuocationē & amphibologią fiunt, *sophismatis*: eò  
 quòd nō potest quispiam distinguere id quod multiplex  
 est, siue multipliciter dicitur, ab eo quod vno modo di-  
 citur duntaxat. At in his, quæ per cōpositionem, & di-  
 uisionem: eo quòd nihil interesse putatur inter oratio-  
 nē cōpositam & diuisam. Similiter autē & in his, quæ  
 per accentū fiunt: propterea q̄ nōnullis idē significare  
 videtur eadē vox intensa & remissa, hoc est, acuto vel  
 graui accētū prolata. Et in his itē, quæ per figurā fiunt  
 ob dictionis similitudinē: quòd difficile sit dijudicare,  
 quæ similiter atque aliter proferātur. Ferē enim quis-  
 quis hoc facere poterit, is in procinctu est, vt qđ verum  
 est videat: & per hoc prōptus erit vel cōcedere, qđ con-  
 cedendū est, vel negare, quod est negandū. Rursus autē  
 in his, quæ per accidens: eò quòd quis nescit dijudicare,  
 idem ne sit an diuersum quod sumitur, tum an vnū, an  
 multa. Similiter autē in his, quæ per cōsequens fiūt: per  
 hoc quod arbitramur, vt cōsequens ab antecedēte non  
 separatur vnquā (est enim ipsum antecedētis pars quæ  
 dam) ita nec a consequēte antecedēs separatū iri. Por-  
 rò in his, quæ fiunt propter omissionē orationis, hoc est,  
 alicuius particularū, quæ in elēchi rōne posite sunt, &  
 in his quæ sunt propter id, quod aliquo modo & simpli-  
 citer dicitur: & in his itē, quæ quod in principio est, su-  
 munt: tū & in his q̄ p non causam vt causam accidūt:  
 & quacumq; plures interrogationes aut vnā faciunt:  
 propterea q̄ in his omnibus non exactē discernimus,

*neque sumptus propositiones, neq; ipsius syllogismi verum terminum, hoc est, rationem definitionemq; per hoc quod parum nobis differre videantur ea, quæ iam dicta sunt, ut nō causa & causa, quod simpliciter quomodo, & interrogationes plures, & interrogatio vna.*

*Consentaneum.]* Epilogo quodam ex sexto capite primi libri eléchorum fontem, & originem omnium deceptionum indicat. *Similiter autem.]* Consequens non separatur ab antecedente, posito antecedente, ut si homo est, animal est: consequens tamen potest animo, & mente separari ab antecedente, ut Porphyrius in communitatibus docet.

De recta solutione paralogyismorum.

Quia vero non minor ars est solvere nodos, quā eosdem implicare atque constringere, quod quidem ita esse, argumento nobis esse potest, Gordij Phrygiæ regis nodus in Iouis templa suspensus: quem Alexāder Magnus ( ut est apud Iustinum historicum ) idcirco quod ingenio solvere nequiuisset, gladio vsus violenter abscedit, ob hanc nimirum causam, quia sophistarum argutias captionesq;, quod syncategoremātū nexibus, ceu nodis quibusdā implicitæ atque inuiolatæ sint, ut struere fortassis non facile, ita proculdubio solvere lōge est difficillimū. Aristoteles tādē ipse cum quēadmodum struantur illæ certis locis præscriptis id iam monstrasset, eadē quo pacto etiam dissoluerentur, pari cura atq; diligentia docere instituit. Vnde & ab eodē recta solutio definitur, falsi syllogismi manifestatio. Porro falsus syllogismus duobus dicitur modis. Aut. n. quia ex falsis collectus, sit, aut quia syllogismus non est, tametsi videat. Ergo cū duobus modis falsum esse syllogismum

contingat, duobus quoque modis ipsum dissoluendū do-  
cet, nempe aut per interemptionem, aut per distinctionem. Per interemptionem quidem, ut quoties ex falsis  
collectus est. Per distinctionem verò, cum apparet syl-  
logismus, & non est. Verum enim verò, ut id quod quæri-  
mus breviori via, quam quæ ab Aristotele tradita est,  
assequi possimus ex Iacobo Fabro Stapulensi tres re-  
gulas in animum induxi hic subiiciendas. Quarū primæ  
hæc est; in omnibus paralogismis, qui fiunt per æqui-  
vocationem, amphibologiā, compositionē, diuisionem,  
& accentum, si quod sumptum multiplex, distinguen-  
dum est. Alioqui confusionem parit, quæ tollitur inte-  
rim, cum ipsum distinguitur. insuper & in eisdem con-  
sequentia ratio discutienda examinandaque venit. Se-  
cunda, In omnibus paralogismis, qui fiunt per figuram  
dictionis. per accidens, per id quod est secundū quid &  
simpliciter, per ignorantiam elenchi, per consequens,  
per non causam ut causam, per id quod est plures inter-  
rogationes facere ut vnam, consequentia neganda est,  
& mox cur negata sit, ratio subiungenda. Tertia, In  
omnibus paralogismis, qui fiunt per id quod est petere  
id quod est in principio, ipsum antecedens aut negan-  
dum planè est, aut certè addubitandum.

Q V I A vero.] Ex tertio capite secūdi libri Elenchorum  
rationem diluendorum sophismatum docet. omnis syllo-  
gismus aut verus, aut falsus est. verus admittendus est, fal-  
sus dissoluendus. quemadmodum syllogismus est falsus  
duobus modis, aut enim vitiosus est secundum materiam,  
aut secundum formam, sic etiam duobus modis dissolvitur:  
si vitiosus est secundum materiam, negandum id quod fal-  
sum assumitur: si vitiosus secundum formam negandum est  
con-

consequens; & statim ratio subiicienda; cur malè colligat. multum profuerit ad hâc rem studiosè legere Rodolphum Agricolam libro secundo, de recta argumentorû solutione. *Ut est apud Iustinum.* ] Locus est apud Iustinum libro vndecimo. habes, studiosè lector, in toutû Cæsarium scholiola, qua tenebrosû Aristotelem euoluere volētibus, viceuasto rum & verborum cōmentariorum esse poterunt. Etenim Cæsarius vnus ex omnibus qui post Aristotelem dialectica scripserūt (absit inuida verbo) proximè Aristotelis mētem, non solûm adumbrasse, sed etiam ad viuûm expresse vide tur. Vale. Lugduni, ad confluentes ex diuē Trinitatis celeberrimò florentissimoque Gymnasios Anno dñi M. D. LVI. pridie Calendas Ianuarias.

## P E R O R A T I O.

Habes studiosè lector, siue adolescens: siue adultæ ætatis iuuenis, dialecticam tibi paratam, non aliam ob causam (sic mihi crede) nisi vt posthac, quicquid in studijs liberalibus addiscendum tibi fuerit citra crassam illam & fœdam barbariem, facile id iam assequi videri possis. Quippe quòd hâc sola visa sit hætenus deesse ad ternarium illum studiorum numerum, quæ triuij communi nomine appellant: id quod in primis triuialium ludorû magistri atque præceptores sæpe hac multum cōquesti sunt aliquot annis, tales vtique; præceptores qui (vt pro comperto ipse habeo) totis viribus ad hoc contendunt, vt docilem iuuentutem ritè instituât, à barbarie auocent, bonas artes doceant. Itaque si hâc dialectica nostrâ talis tibi visa fuerit, vt ex ea id, qđ summopere tui moliuntur præceptores, pro voto assequi potueris, bene est; sin verò nondum id a me præstitum sit (quod equidem vereri possum) conatû saltē quaeso, si non rem ipsam laudaueris.

INGARRVLVM SOPHISTAM  
IOANNIS MVRMELLII RVRE-  
MVNDENSIS EPIGRAMMA.

GARRVLE qui nostrum tentas lapidare libellum  
In lucem pueris ede Sophista tuum.  
Non decet in rudium cœtu traducere doctos,  
Vana loquitur turpe est, gloriolamque sequi.  
Ecquid apud calathos, inter muliebria pensa  
Reddere te clarum lana caprina potest?  
Quando nihil præter verbosa sophismata nosti,  
Barbarie sordens, Grammaticæq; rudis.  
Ecquid habes sophiæ, quod te in penetralia ducat?  
Ecquid Aristotelem Porphyriumque tenes?  
Haud operæpretium est (mihi crede) refellere nugas,  
Digna legi scribens experire virum.  
Saucius & possum genuinum insigere dentem:  
Deque meo crudum vulnere vulnus erit.  
Ingenijs hominum studeo prodesse iuandis,  
Estque mihi vero gloria nulla prior.

IOAN-



IOANNES MVRMELLIUS  
RVREMVNDENSIS PETRO  
SVO S. P. D.



**P**OGAS me sedulo, & crebro adhortaris Petre suauissime, vt breuite arte institutam, qua nam ratione voces eas, quę in cathgorijs locū habēt, discernere queas ab illis, quę à prædicamētis: alienę sunt, & vt certos quosdam tibi tradā canones, quib. facile discas, in quo vnaquęq; vox categorica prædicamento reponatur. Ardua profectò res est, & sæuis caninæ facundiæ moribus exposita, in tam varia & multūga opinionum diuersitate, dialecticorū alijs alia sentientib. breui ea libello perstringere, quę plurib. longissimi operis voluminibus vix satis exactè potuerint vel à doctissimo Philosopho explicari. Cū tñ mecum cogitē, quantum vtilitatis tibi studiosisq; liberaliū artium iuuenib. ex hoc quod petis, prouenturum sit, vtcunq; pro tpis, quo suppetit otiū, breuitate, notis tuis non morem gerere non possem. Accipe igitur lucubratiunculā hac nr̃am, vt habeas εἰσαγωγὴν quandā in Aristotelis decē prædicamenta, & ingenium tuum ne Grāmaticæ solū, sed fructuosius etiā dialecticæ studijs excolito, vt vera dignoscens à falsis, & finiendi, diuidendi, argumētandiq; rationem tenēs, rectā viam habueris, & iter expeditū ad optimam quanq; disciplinam. Vale, & præceptorem tum dilige. Alcmariæ Phrisorum oppido studijs liberalibus sanè quàm accommodato, Anno à partu Virginis. M. D. XIII. Idibus Septembris.

# IN ARISTOTELIS

## DECEM PRAEDICAMENTA

IOANNIS MVRMELII

Ruremundensis Isagogæ.



SAGOGEN hanc in decem Aristotelis Peripateticorum principij *κατηγορίαι* tribus digero capitibus, quorum primo quidem agam de vocibus, a prædicamentorum serie reiectis, & alienis secundo autem superiis, quibus

in ordine categorico locus est: tertio vero dictiones aliquot tradam, quæ vel diuersa prædicamenta, vel ad vnius eiusdemque seiunctas species referuntur. Porro vt hæc facilius memoriæ commendari possit, & tenacius inhzere, singula capita in suos titulos sunt distributa.

De vocibus à prædicamentorum serie reiectis, & alienis Isagoges in Aristotelis Prædicamenta, Caput primum.

Decem esse prædicamenta	titu. j.
De prædicamentorum questitiuis	titu. ij.
Nouæ regulis cognosci voces a prædicamentis alienas	titu. iij.
De reiectis à prædicamentorum ordine vocibus regularum nouem, prima	titu. iij.
Secunda regula	titu. v.
Tertia regula	titu. vj.
Quarta regula	titu. vij.
Quinta regula	titu. viij.
Sexta regula	titu. ix.
Septima regula	titu. x.
Octaua regula	titu. xj.
Nona regula	titu. xij.
Bisariam aliquid locum habere in prædicamento	titu. xij.
De	

De dictionibus quibus in ordine categorico locus est.

Caput Isagoges huius secundum.

Series categoricę Substantię	titulus primus
De ijs, quę sunt prædicamenti substantię, regula prima	titulus secundus.
Regula secunda	titul. iij.
Regula tertia	titul. iij.
Regula quarta	titul. v.
Regula quinta	titul. vj.
Regula sexta	titul. vij.
Regula septima	titul. viij.
Regula octaua	titul. ix.
Regula nona	titul. x.
Regula decima	titul. xj.
Regula vndecima	titul. xij.
Regula duodecima	titul. xij.
Series categoricę Quantitatis	titul. xiiij.
De ijs, quę sunt prædicamenti Quantitatis, regula prima	titul. xv.
Regula secunda	titul. xvj.
Regula tertia	titul. xvij.
Quarta regula	titul. xvij.
Quinta regula.	titul. xix.
Series prædicamenti Ad aliquid	titul. xx.
De ijs, quę sunt prædicamenti Ad aliquid, regula prima	titul. xxj.
Secunda regula	titul. xxij.
Tertia regula	titul. xxij.
Series prædicamenti Qualitatis.	titul. xxiiij.
De ijs, quę sunt primę speciei Qualitatis, regula prima	titul. xxv.
	Secunda

Secunda regula	tit.xxvj.	Tertia regula.	tit.xxvij.
Quarta regula.			tit.xxviii.
De iis, quę sunt secundę speciēi qualitatis, reg.i.	tit.xxix.		tit.xxix.
Secunda regula	tit. xxx.	Tertia regula	tit. xxxi.
De iis, quę sunt tertię spēi qualitatis, reg.i.			tit. xxxii.
Secunda regula	tit. xxxiii.	Tertia regula	ti. xxxiiii.
De iis, quę sunt quartę spēi qualitatis, reg.i.			tit. xxxv.
Secunda regula			tit. xxxvi.
Series predicamenti Actionis			tit. xxxvii.
De iis, quę sunt in predicamento actionis, reg.			tit. xxxviii.
Series predicamenti Passionis			tit. xxxix.
De iis, quę sunt in predicamento passionis, reg.			tit. xl.
Series predicamenti Vbi			tut. xli.
Descriptio Vbi, ex Trapezuntio			tit. xlii.
De iis, quę sunt prædicamento Vbi, regula			tit. xliii.
Series predicamenti Quando			titu. xliiii.
Descriptio Quando, ex Trapezuntio			tit. xlv.
De iis, quę sunt in prædicamento Quando reg.			tit. xlv.
Series predicamenti Situs			tit. xlvii.
Descriptio Situs, ex Trapezuntio			tit. xlviii.
De iis, quę sunt in prædicamento Situs, regula			tit. xlix.
Series predicamenti Habitus			tit. l.
Descriptio Habitus			tit. lj.
De iis, quę sunt in prædicamento Habitus, regu.			tit. lii.

De dictionibus aliquot, quę velut ad diuersa prædicamenta, vel ad vnius eiusdemq; se iunctas species referuntur.

Caput huius introductionis tertium.

Quod vna eademq; species secundum aliud, atque aliud veris generibus supponi possit	titu. j.
De habitu, dispositione, scientia, sensu & positione,	tit. ii.
De raro, spisso, leui, & aspro.	tit. iii.
De calido, humido, & lumine.	tit. iiii.
De doctore, Imperatore, viro, Comite.	titu. v.

De

DE VOCIBVS A PRAEDICA-  
*mentorū serie reiectis & alienis Isago-*  
*ges in Aristotelis prædicamenta,*  
*Caput primum.*

*Decem esse prædicamenta.*

*Titulus. I.*

PRIMVS omnium Aristoteles decem *κατηγορίας* consti-  
 tuit, quæ à Quintiliano elemēta dicuntur, a Seuerino Bec-  
 tio prædicamenta. Sunt autē hæc, Substantia, Quātitas, Ad  
 aliquid, Qualitas, Agere, Pati, Vbi, Quando, Situs, & Habe-  
 re Substantia est (vt singulatim exēpla referātur) vt homo.  
 Quantitas, vt linea. Ad aliquid, vt pater. Qualitas, vt iusti-  
 tia. Agere, vt secare. Pati, vt secari. Vbi, vt in Academia.  
 Quando, vt hodie. Situs, vt iacere. Habere vt rogatum esse.  
 Sed & his ea versiculis complexi sumus.

Arbor, sex, seruos, feruore, refrigerat, vstos:

Ruri, cras, stabo, nec tunicaticus ero.

*De prædicamentorum quasiuivis. Titulus. II.*

DECEM prædicamentorum quæstiuia tradunt eruditi,  
 quid quantum, quid huius, quale, quid agens, quid patiens,  
 vbi, quando, quomodo situm est, quomodo habituatum est.  
 Cum enim quæritur, quid est Socrates? respondetur. homo,  
 animal, aut substantia, quæ a quibusdā dicitur essentia. Quan-  
 tus est Socrates? interrogatus rñdet, quadricubitus. Quid  
 Platonis? magister. Qualis? temperans. Quid agit? dispu-  
 tat. Quid patitur? Verberatur. Vbi philosophatur? Athen-  
 nis. Quando locutus est Alcibiadi? hodie. Quomodo situs  
 est? stat. Qomodo habituatus est? palliatus.

*Novem regulis cognosci voces à prædicamentis alienas. Tit. III.*

QVEMADMODVM (vt Seuerini Boetij verbis utar) qui  
 ferere ingenuum volet agrum, liberat arua prius fructici-  
 bus, falce rubos, silicemque refecat: ita & nos primum te  
 docebimus, quæ voces a prædicamentis alienæ sint, vt ijs  
 reiectis, in prædicamentorum serie collocandas faciliors ra-

tionem comprehendas. Tenendę igitur tibi sunt nouem regulę, quas his triuialibus versiculis comprehendendi:

Complexum, consignificans, fictum, polysemum,  
Vox logicę, Deus, excedens, priuatio, parsque,  
Hęc studiose categorijs non accipiuntur.

*De reiectis à prædicamentorum ordine vocibus regularum  
nouem Prima. Titulus. I I I I.*

PRIMA regularū hæc est, Nulla vox complexa, nisi simplicis loco accipitur, in prædicamento ponitur, proinde si quis te rogarit in qua categoria collocat iustus homo, in nulla, respondeo. Signatę autem additum est, nisi simplicis loco accipitur, quod ob verborum inopiã sæpenumero pluribus pro vno cogimur vti ita vt tametsi voces sunt plures, intellectus tamen sit simplex, & res, quę significatur, vna. Exempli gratia, corpus animatum, licet vox sit cõplexa, genus tñ est vnũ, sic & quantitas continua, & quãtitas discreta.

*Secunda. Titulus. V.*

συνηγεμα =  
τὸν ὅλον =  
μα =  
NULLI synkategoremati locus est in categoria. Synkategorema dicitur, vox consignificatiua, id est, ea quę nec vniuersalem rem, nec particularem significat, sed cõsignificat, id est, cum alia dictione orationem ad significandum ingreditur, vt omnis, nullus aliquis, quidam, hic, ille, vtinam, quidẽ, apud, heu. Sciendum hoc loco est, ex octo partibus orationis (quas Grammatici cõstituunt) duabus duntaxat nomini quidem & verbo locum patere prædicamēti: participium autem sub verbo suo comprehendendi, aduerbium verò sub nomine. Nam vt literati docēt, & nomen in aduerbium, & rursum aduerbium in nomen aliquando transit. Loci aduerbia ad prædicamentum Vbi, pertinent. Temporis, ad Quando Qualitatis verò, & quantitatis aduerbia, ad Qualitatem Quantitatemque reducuntur.

*Tertia regula Titulus. VI*

OMNIS vox rei commentitię & fabulosę (quam natura non fert) significatiua, est à prædicamentis aliena: vt Cerberus Sphinx, Chimæta, Siren, Cyclops, Harpia, Styx, Acheron,

*Quarta,*



*Quarta regula.**Titulus. VII.*

NULLA vox polysena in categoriam recipitur, nisi ambiguitate deposita, vnum significet: πολύσενος Græce dicitur multa significans: vt canis, terrestre significat, marinum, & celestem: vnde lepidum extat Ausonij de lepore capto epigramma. πολύσενος

Trinarcij quondam currentem in littoris ora.

Ante canes leporem cæruleus rapuit:

At lepus: in me omnis terre pelagique rapina est,

Forssitam & cæli, si canis astra tenet.

*Quinta regula.**Titulus. VIII.*

VOCES logicę, quas aliarum gratia dialectici vsurpant, sunt a prædicamentis alienę. Voces logicas, id est rationales, appello eas, quas iuniores terminos secundę intentionis vocant, cuiusmodi sunt, Nomen, verbum, oratio, propositio, subiectum, prædicatum, genus species, & id genus alia.

*Sexta regula.**Titulo IX.*

NULLI dictioni infinitum significanti locus est in prædicamento. Infinitum quidem actu intelligo, non potentia. Proinde Deus, numen, æternum, increatum, creator, & id genus reliqua nullius sunt categorię.

*Septima regula.**Titulus X.*

OMNIS vox omnia rerum ambiens genera loco categorię vacat. Sunt autem quatuor (quę vulgo transcendentia dicuntur) teste Ioanne Pico, ens, vnum, verum, & bonum: si ita accipiatur, vt eorum negationes sint, nihil, diuisum, falsum, & malum. Addita sunt illis alia duo, aliquid, & res ab recentioribus Auicenam secutis.

*Octaua regula.**Titulus XI.*

NULLA vox priuationem significans, locum habet in prædicamento, vt cæcitas, surditas, tenebrę.

*Nona regula.**Titulus XII.*

NULLA vox partis principijve materialis seu constitutiuę significatiuę, in prædicamenti serie reponitur. Proinde forma, materia, corpus, anima, caput, pectus, venter, manus, pes, & id genus reliqua sunt à prædicamentis reiecta.

*Bifariam aliquid locum habere in prædicamento. Tit. XIII.*

**BIFFARIAM** aliquid in prædicamento locum habet, nam aut per se in recta serie collocatur, vt genera, species, & indiuidua: aut per aliud prædicamento attinet, idque trifariam. Primùm enim differētis omnes specificę eius sunt prædicamenti, cuius genera, quorũ illæ sunt, diuisiuæ, non secundæ qualitatis speciei, vt ex Neotericis quidam loquaculi sophistę falsò autumant. Deinde autem partes, & principia ei prædicamento attinent, cuius ea sunt, quę ex illis constituuntur: vt caput, pes manus, ad Substantiam referuntur: vnitas, & punctum ad Quantitatem. Postremò verò motus species ad suum quęque terminum reducuntur: vt generatio, & corruptio ad Substantiam, clementum & diminutio ad Quantitatem, alteratio ad Qualitatē, loci mutatio ad Vbi. Trapezuntius motum quidem speciem quantitatis facit: generare vero, corrumpere, augere, diminuere, alterare, & loco mouere, Actioni subijcit. Sunt qui motum ob ambiguitatem à prædicamentorum serie remouent, cum de suis (quę videntur species) non vniuocè, verum æquiuocè prædicetur.

*De dictionibus, quibus in ordine categorico locus est.*

*Caput Isagoges huius secundum.*

*Series Categoriae substantiæ.*

*Titulus. I.*

	Substantia	
Corporea		Incorporea
	Corpus	
Simplex		Mistum
	Corpus mistum	
Animatum		Innanimatum
	Corpus inanimatum	
Sensibile		Insensibile
	Animal	
Rationale		Irrationale
	Homo	
Socrates	Plato	Xenophon

*De ijs, quę sunt prædicamenti Substantiæ,*

*Regula prima.*

*Titulus. II.*

**OMNE** nomen significans substantiam incorpoream,  
est

est primi praedicamenti, ut spiritus, angelus, demon, manes. nomine nunc intelligo animam à corpore separatam. Propert.

Sunt aliquid manes, lethum non omnia finit.

Angelus autem bifariam accipitur, nunc pro spiritu, estque huius categoriae: nunc ut est officij nomen non substantiae (nam *ἄγγελος* Graece, interpretatur nuntius Latine) & est primi generis qualitatis, tamen si quidam istud praedicamentum aliquid coniiciant.

*Regula secunda. Titulus. III.*

MUNDVS, caelum, orbés celestes, planetæ, stellæ, & elementa sunt huius praedicamenti. Caeli sunt decem: Cælum empyreum, cælum crystallinum, firmamentum, & septem planetarum orbés. Planetæ septem sunt, Saturnus, Iupiter, Mars, Sol, Venus, Mercurius, Luna, quos hoc versu cõplexi sumus. Luna, Hermes, Cypris, Sol, Mar, Iouis, & pater huius. Rerum naturalium elementa sunt, quatuor, ignis, aer, aqua, & terra, de quibus hic noster est versiculus: Aer, ignis, aqua, & tellus sunt semina rerum.

*Regula tertia. Titulus. IIII.*

OMNIS animalis species est praedicamenti Substantiæ. Specierum animalis, hæc sunt specialissime, ut homo, equus, leo: ille verò subalterne, ut pecus, bestia, belua, fera, quadrupes, piscis, avis, serpens, vermis. Pecudis species, sunt, bos, equus, alinus, mulus, camelus, ovis, capra, porcus, ceruus, elephas, & id genus reliqua. Fere species sunt, leo, ursus, pardus, tigris, lupus, vulpes, & id genus cetera. Pisces subiiciuntur balæna, cancer, conger, mullus, salmo, carpio, cõcha, ostreum, gobio, rhõbus, & ceteræ species innumere. Avis species sunt, aquila, philomela, bubo, noctua, ciconia, passer coruus, monedula, psittacus, perdix, turdus, vultur, & cetera. Serpētis, drachon basiliscus, vipera, cerastes, seps, natrix. Vermis, apex, araneus, bombyx, blatta, culex, crabro, Gryllus, limax, pulex, pilio, hirudo, tinea, teredo, & eiusmodi alia.

*Regula quarta. Titulus. V.*

OMNE nomen arboris est in categoria substantiæ. ut pomus, malus, spirus, abies, laurus, salix, betula, vitis, robur, taxus, castanea, fagus cupressus.



## Regula decima. Titulus. XI.

OMNIA metallorum & fossilium nomina sunt in prædicamento Substantiæ, ut aurum, argentum, electrum, æs, orichalcum, stannum, plumbum, ferrum, alumen, sulphur, nitrum, sal, cadmia, † vernix, minium, chrysocolia, & reliqua.

† Vernix  
nomen est,  
neq; graecū,  
neq; Latinū,  
sed a barbarica  
vulgari appellatione  
in formam Latinā  
translatum.  
vulgo. n.  
res ipsa  
vernix dicitur.

## Regula undecima. Titulus. XII.

OMNIA impressionum nomina, siue ea sint ignitæ, siue aeræ, siue aquæ, siue terreæ, siue radiorum apparitione fiât, huius sint prædicamenti. Impressio à philosophis res naturales indagantibus, dicitur corpus mixtum, imperfectum. Impressiones ignitæ sunt stipulæ ardentes, cæges, dali, sidus volans, candelæ, trabes, columnæ, teretes, lanceæ, clipei, globi, facies ignitæ, pyramides, draco volans, & similes. Adduntur his comètes, & galaxias. Impressiones aquæ sunt vapor, pluuie, ros, pruina, nix, grando, fontes, flumina, mare. Aeræ, venti, terremotus, fulmina, ecnephias, typhon. Quæ radiorum apparitione fiunt, sunt halon, iris, virgæ, parelij. De terreis impressionibus in proximâ regula dictum est, ubi de metallis, & fossilibus.

Est autem  
spes gummi  
quæ  
Gracis  
sandarachâ  
dicitur:

## Regula duodecima. Titulus. XIII.

OMNÈ nomen substantiam rei inanimatæ significans, est in categoria Substantiæ. Hæc regula continet in se quasdam suprà positas, & cam breuitatis gratia damus ob multa de quibus nondum meminimus. Dicimus itaque montem, collem, urbem, oppidum, demum, templum, turtē, tunicam, togam, gladium, cultrum, panem, vinum, lac, mel, ceruissiam: carnein, os, dolium, paterā, hastam, scrinium, & id gentis reliquæ huius esse prædicamenti: nec assentimur ijs, qui simpliciter aiunt eiusmodi res ob figuram ab artifice indutâ esse de quarto genere Qualitatis, cum substantia longe preponderet accidenti. Quisquis recte sentit, gladium Substantiam quidem esse figuram, verò eius Qualitatem non diffitetur. Quidam contendunt nullius esse prædicamenti nomina rerum artificio productarum, quòd substantiam simul & Qualitatem complectantur.

re  
quibusdā  
videtur.  
κομὴν  
χαρᾶξι.  
α. αὐλὸν  
ἵππας  
παρὶ  
τοῖς  
Vnaque  
quædam  
res a forma  
sui habet.  
ut sit  
id quod est.

	Quantitas	
Continua		Discreta
	Quantitas continua.	
Intrinsècus		extrinsècus
mensuratiua		mensuratiua
	Quantitas continua intrin-	
	secus mensuratiua	
Latabilis		Illatabilis

Hęc linea,                      Linea,  
Ista linea    Illa linea.

*De ijs, quæ sunt prædicamentis Quantitatis, Regula prima. i. XV.*

OMNE nomen magnitudinis est in prædicamēto Quanti-  
tatis, vt linea, superficies, corpus, longitudo, latitudo, altitu-  
do, profunditas, crassities, bicubitum, tricubitum, pedale, bi-  
pedale, tripedale, sesquipedale, & id genus cetera.

*Regula secunda*

*Titulus.*

XVI.

OMNE nomen mēsuræ ad hoc prædicamentū pertinet, vt  
uncia, digitus, palmus, pes, vlna, cubitū passus, stadium, diau-  
lus, miliū, dolichus, modius, sextarius, cōgius, hemina, chæ-  
nix, vrna, cotyla, cyatus, as & partes eius, si capiant ita, vt me-  
rā quantitātē significēt. Ponderū nomina meo iudicio sunt  
a prædicamētis aliena, q̃ cū quātitate qualitatē significāt, vt  
libra, sēlibra, bilibris, trilibris, pōdo, talentū. Sed hęc docto-  
ribus relinquo exactius disputāda. Illud quoq;, sit ne linea  
species infima, an subalterna, quod & de tpe pōt dubitari.

*Regula tertia.*

*Tit.*

XVII.

OMNE nomen numerale est huius categoriæ, vt duo,  
tria, quatuor, quinque, decem, centum, millē binarius, terna-  
rius, centenarius. Primus autem, secūsus, tertius & id genus  
alia, pertinent ad prædicamentū Ad aliquid. Vnitas autem  
non est numerus, sed eius principium.

*Regula quarta.*

*Tit.*

XVIII.

OMNIS modulus, quo dictionem dum proferimus, men-  
suramus, est huius prædicamenti: nam quantitas, id est, quæ  
syllabę longę breuēve mensurantur, ex quo prouenit ora-  
tio, species est discretæ quantitatis.

*Regula*



Regula quinta.

Tit. XIX.

Locvs & tempus sunt categoriz quãtitatis, tametsi quidam loco in predicamento Ad aliquid reponant, & diuus Aurelius Augustinus in confessionem opere fateatur se, quid sit tempus, ignorare. Aeuum quoq; huius predicamenti esse censendum est æternitatem verò nullius. Partes temporis sunt, hora, dies, septimana, mensis, annus, olympias, lustrium, seculum, & id genus reliqua.

Series predicamenti Ad aliquid

Titul. XX.

Aequaliter comparabile

Inequaliter comparabile

Ad aliquid inæqualiter comparabile

Dignius correlatio

Idignius correlatio

Relatium correlatio dignius

Respicens filium

Non respiciens filium

Pater

Hic pater,

Iste pater, Ille pater.

De ijs, quæ sunt predicamenti Ad aliquid, Regula prima. Ti. XXI.

OMNE categorema principali significato rem significans non absolutam, sed alterius respectiuam, est predicamenti ad aliquid, vt pater, filius, auus, nepos, maritus, vxor, socer, gener, magister, discipulus, patronus, cliens: dominus, seruus, res, parasitus, patronus, libertus. (est autem patronus nomen ambiguum, & modò ad clietem refertur, modò ad libertum) dux, comes, dnplu, dimidiu: magnu paruum: multum, paucum, maius, minus, prius, posterius: amicus, inimicus, hospes, ciuis, socius, sodalis, hostis, similis, dissimilis, equalis, inæqualis, & alia sexcenta.

Regula secunda.

Titulus. XXII.

NOMINA cognitionis & affinitatis sunt huius categoric, vt parens, proles, pater, filius auus, nepos, frater, soror, sobrinus, consobrinus, coniunx, compater, affinis, leuir, socer, genes, vitricus, prinignus.

Patroni  
cuiusmo  
di nome

Tertia

PLERAQUE nomina cum præpositione composita huius sunt prædicamentis, vt commilito, collega, cōsacerdos (qui Græce symyſtes dicitur) concanonicus, conuictor, cōtubernalis, cōdiscipulus, coauditor, compotor, competitor, collaſteus, collaſtaneus, conſeruus, cognominis, conſanguineus, coepulo, cohabitator, confabulator, congerro, cōiunx, concolor, conſonus, & eiufmodi reliqua.

Series prædicamen. Qualitatis. titu. xxij.

## Qualitas

Formę attinens

Materię attinens

Qualitas formę attinens

Comparata

Natura inſita

Facilè dimobilis

Affectio

Difficulter dimobilis

Spiritualis

Habitus

Corporalis

Habitus ſpiritualis

Intellectualis

Moralis

Habitus intellectualis

Theoticus

Practicus

Habitus intellectualis

Theoreticus

Concluſionis

Principiorum

Scientia

Contemplatiua

Actiua

Scientia contemplatiua

Principalis

Adminiculatiua

Logice

Disputatoria

Non disputatoria

Dialecticę

Hęc Dialecticę, Platonis dialecticę, Chryſippi dialecticę.

De ijs

*De ijs, quæ sunt primæ speciei Qualitatis. Regula prima.*

*Titulus.*

*xxv.*

OMNIS dispositio, & habitus corporalis est in primò Qualitatis genere, vt calor, frigiditas, sanitas, simitas, cecitas, cādor, nigredo, fuscum, robur, ægritudo, morbus, & eius spēs, vt febris, paralyſis, pleuritis, podagra. Dispositio, quæ & affectio dicitur, & latius accipitur & preſſius. Primo modo est qualitas ad bene maleve operandum acquisita. Secundo est qualitas ad bene maleve operandū acquisita, per facile à subiecto dimobilis. Habitus est ad operandum comparata qualitas difficulter a subiecto dimobilis.

*Dispositio quid, & quomodo modis dicitur. Habitus quid.*

*Regula secunda*

*Titulus. xxvi.*

OMNIS habitus intellectualis est in primo genere Qualitatis. Habitus intellectuales sunt quinque, quibus semper assentimur vero: Sapientia, Intellectus, Scientia, Prudentia, & Ars. Duo, quibus modò vero assentimur, modò falsò: sunt autem opinio & suspicio. Sapientia est habitus cognitiuus Dei & diuinorum. Intellectus est habitus primorum principiorum cognitiuus. Scientia est habitus conclusionis per demonstrationem acquisitus. Prudentia est recta ratio rerum à nobis agendarum. Ars est recta ratio rerum à nobis efficiendarum. Opinio est assensus rei validior. Suspicio est assensus rei minus, validus. Scientiarum igitur & artium nomina in hoc genere collocantur, Grammatica, Dialectica, Rethorica, Arithmetica, Musica, Geometria, Astronomia, Physice, Ethice, Metaphysice, Poetice, agricultura, militia, Ianificium, & id genus alia.

*Habitus intellectuales quomodo & quomodo sunt. Sapientia, Intellectus, Scientia, Prudentia, Ars, Opinio, Suspicio.*

*Regula tertia.*

*Titulus. xxvii.*

OMNES habitus morales, id est, virtutes & vitia sunt in hoc primo genere Qualitatis, vt iustitia, iniustitia fortitudo, audacia, timiditas, liberalitas, auaritia, prodigalitas. A Theologis nostris ponuntur etiam in hac specie habitus spirituales infusi, vt fides, spes, charitas, & id genus virtutes supernaturales: item habitus concreti, vt species intellectuales, & rationes angelorum mentibus concreatæ; sed huiusmodi habitus non capit definitio à veteribus Peripateticis data, nec mirum, cum illi vere religionis ac sapientiæ

expertes

expertes id genus habitus non nouerint. Quare malim eos reponere inter Qualitates præter hæc quatuor genera apparentes: ait aliam tradere habitus finitionē, atq; vulgo datur. Nec mirandū videatur, quòd dixerim Qualitates præter hæc quatuor genera apparentes. Nam, Scuerino Boetio interprete, Aristotelis in prædicamentorum libro hæc verba sunt. Et fortasse alij quoque apparebunt Qualitatis modi, sed qui maxime dicuntur, re tot sunt.

*Quarta regula. Titulus XXVIII.*

NOMINA magistratuum & dignitatum sunt in hoc primo genere Qualitatis, vt pontifex, episcopus, sacerdos, rex, consultor, prætor, censor, ædilis, & id genus reliqua. Pauper item, diue, fortunatus, infortunatus, beatus, felix, miser, nobilis, ignobilis, honoratus, gloriosus, & huiusmodi nomina sunt huius speciei.

*De ijs, quæ sunt secunda speciei Qualitatis,*

*Regula prima. Titulus. XXIX.*

OMNIS naturalis potentia vel impotentia est in secundo genere qualitatis. Naturalis potentia est Qualitas ad bene operandum innata, vt salubritas durities, Naturalis impotentia est Qualitas ad male debiliterve operandum, aut ad patiendum innata, vt in salubritas, mollicies. Trapezuntius autem in dialecticis, Naturalis (inquit) potentia, vel impotentia, dicitur vis quædam insita, vel imbecillitas, qua facilius quicquam aut egrius vel pati, vel agere natura potest, vt durū, molle, valetudinarius, robustus, & c. hæc huiusmodi sunt natura insita, non aduentitia. Hæc ille Vires igitur naturales planetarum, siderum, elementorum, animalium, plantarum, lapidum, & cæterorum sunt huius generis.

*Regula secunda. Titulus. XXX.*

OMNE simpliciter speciei proprium est in hoc secundo genere Qualitatis, vt risibile, flebile, discipline susceptiuum, hinnibile, latrabile, mugibile, gannibile, & eiusmodi alia.

*Regula tertia. Titulus. XXXI.*

OMNIS anime potentia est huius secundi generis. Animæ potentia uis est eius, qua alicuius operis est effectiua. Eius quinque sunt genera, vt hæc subiecta indicabunt.

Alendi

Potentia	Vegetabilis	Alendi	
		Augendi	
		Minuendi	
		Generandi	
	Sensitiua	Exterior	Visus
			Auditus
		Interior	Odoratus
			Gustus
			Tactus
			Sensus cōis
	Appetitiua	Cupiendi	Imaginatio
			Existimatio
			Phantasia
			Memoria
	Motiua	Iraſcendi	
			Volendi
			Progrediendi
			Nandi
	Intellectiua	Serpendi	
			Volendi
Simplex apprehendendi			
		Componendi	
Diuidendi			
Ratiocinandi			
Contemplandi			
Consultandi			
Agens			
Possibilis			

Non ignorandum est ab Auicenna, Alberto Magno, & plerisque alijs poni quinque sensus interiores, sensum communem, vim imaginatiuam, existimatiuam, phantasiam, & memoriam. Ab Auerroei vero, Thoma Aquinate, & Marsilio Ficino in libro de Voluptate quatuor dūtaxat, vim existimatiuam a phantasia non separantibus. Nicephori hominis alioqui praestantis doctrinae opinio neutiquā mihi probatur

batur, visum & cæteros sensus ponentis in ea qualitatis specie, quæ dicitur Habitus & affectio.

*De ijs, quæ sunt tertiæ speciei qualitatis, Regula prima.*

*Titulus.*

*XXXII.*

OMNIS passio & passibilis qualitas, est in tertio genere Qualitatis. Passio (vt hic accipitur) est qualitas transiens, quæ sensui passionem infert, aut quæ a passione infertur, vt rubor ex uerecundia, excandescētia ex ira, pallor ex timore, ira ex contristatione. Passibilis qualitas dicitur qualitas permanens, quæ sensui passionem infert, aut quæ infertur a passionibus, vt dulcedo, amarities, albor nigror.

PASSIO modò est actionis affectus, prædicamentum quidem ab alijs distinctū, vt calefieri, infrigidari: modò est qualitas transiens vel animæ, vel corpori ex passione innata, & res quædam mediâ inter passionem & qualitatem, qualitas inquam inchoata & imperfecta, quæq; non potis est subiectum denominare, vt ira ex contemptione, erubescētia ex verecundia.

*Secunda regula.*

*Titulus XXXIII.*

OMNIS qualitas sensibilis in hoc tertio genere collocatur, vt color, album, nigrum, flauum, liuidum, puniceum, purpureum, viride, cæruleum, sonus, vox, murmur, crepitus, susurrus, strepitus, fragor, sibilus, echo, odor, sapor, dulce, amarum, pingue, salsum, acre, austerum, acutum, acidum, calidum, frigidum, tepidum, humidum, siccum, leue, asperum, graue, leue.

*Tertia regula.*

*Titulus XXXIII.*

PASSIONIS animæ, quæ & affectiones, & perturbationes dicuntur, a quibusdam in hac tertia specie collocantur. Iacobus autem faber Stapulensis homo doctissimus, & de optimis studijs scribendo meritis optimè, ponit eas in prædicamento passionis: nos supra medias esse diximus inter Passionem & Qualitatē. Stapulensis Aristotelis verba pensitat illas passiones aientis. Qualitates minimè, pensitat & originem earundem, & (vt ita loquar) fluxitatem. Illi autem rem putant passioni superadditam, & si non Qualitatem perfectam, at semen & elementum Qualitatis, unde quæ



deq; si accesserit permanētia, facile possibilis Qualitas coalescat. Passiones animæ duodecim Egidius Romanus, & alij neoterici ponūt, amorem, desiderium, odium, abominationem, delectationem, dolorem seu tristitiā, spem, desperationem, audaciā, timorem, iram, segnitie. His addūtur a quibusdam zelus, gratia, nemesis, misericordia, inuidia, erubescencia. Nonnulli species quoque rerum tum sensibilibum, tum intelligibilium & passionēs appellant, & in hoc tertio genere qualitatis reponunt.

*De ijs quæ sunt quartæ speciei Qualitatis, regula prima.*

*Titulus. XXXV.*

OMNIS figura, & circa vnumquodque constans forma, est in quarto genere Qualitatis. Scuerinus Boetius figurā & formā hoc modo separat, Figura, inquit, est triagulum vel quadratum: forma autem ipsius trianguli vel quadrati quædam Qualitas vnde etiam formosos homines dicimus. Figura enim quædam vel pulchrior, vel mediocris vel alio quodam modo constituta qualitas forma nominatur. Figura (vt Geometræ definiūt) est quæ sub aliquo vel aliquibus terminis continentur. Sub aliquo quidem, vt circulus: sub aliquibus verò, vt triangulum vel quadratum. Nicephorus inter figuram & formam hoc discrimen tradit. Figura dicitur talis expressio & linearis effictio. Forma extrinsecus promi nens coloris qualitas, idea, & informatio, & interpolata coloratio, & simpliciter talis quædam iniecta visui, superficiēi forma. Sunt qui figuram in rebus inanimatis accipiunt, formam autem in rebus animatis. Alij porrò figuram quidem fastigiosè cedentem: formam verò supernam superficiē vocant. Hactenus Nicephorus.

*Secunda regula.*

*titulus.*

*XXXVI.*

OMNIS qualitas circa quantitatem consistens, & in hoc quarto genere, vt paritas & imparitas circa numerum: rectitudo & curuitas circa lineam: concavum, connexum, & planum circa superficiem. teres, totundum, orbiculare, turbatum, pyramidale, quadratum, trigonum, tetragonum, pentagonum, circa corpus.

*Series*

*De ijs, quæ sunt in prædicamento Passionis,**Regula.**Titulus.**X L.*

OMNIS dictio significans pati, est huius prædicamenti ut ad intelligendum agi, delectari, cōtristari, irasci, sentire, videre, audire, odorari, olfacere, gustare, tangere, dementari, doceri, vri, secari, calefieri frigefieri, humectari, ficari, discere, sperare, metuerere, & id genus reliqua. Scire verò est in prædicamento. Qualitatis.

*Series prædicamenti Vbi.**Titulus.**X L I.*

	Vbi	
Commune		Proprium
	Vbi commune	
Extra aquam		In aqua.
	Vbi commune	
	extra aquam	
In ciuitate		Extra ciuitatem
	Vbi commune	
	extra aquam	
	in ciuitate	
Sub tecto		Sub dio
	Sub tecto	
In loco sacro		In loco profano
	Sub tecto in	
	loco profano	
Publico		Priuato
	In ædificio	
	riuato	

In ædificio Socratis,

In domo Platonis,

*Descriptio Vbi, ex Trapezuntio.**Titulus. X L I I.*

V B I, est quæ à loci circumscriptione procedit, corporis locatio. Non est enim idem locus & Vbi. nam Locus est in eo quod capit, Vbi verò in eo quod circumscribitur.

*De ijs, quæ sunt in prædicamento Vbi, Regula**Titulus.**X L I I I.*

OMNIS dictio significans in loco, est in prædicamento Vbi, ut in igni, in aere, in aqua, in terra, in vrbe, in agro, in eremo in villa, in templo, in theatro, Romæ, Athenis, in

Z

Academia,

Academia, in Lyceo, domi, militie, humi, ruri, hic, istic, illic.

*Series prædicamenti Quando. Titulus. XLIIII.*

Quando.

Præsens

Non præsens

Quando non præsens

Præteritum

Futurum

Quando futurum

Paulò post  
futurum

Non paulò post  
futurum

Mox

Hoc mox

Illud mox, Illud mox.

*Descriptio quando, ex Trapezuntio. Titulus. XLV.*

QUANDO est quæ relinquitur ex tempore rerum esse  
tio. Id diuiditur in præteritum, instans, & futurum, quâuis  
nihil horum fit: nam cum hæc tria tempora, sint, quâdo tempus  
nô est, sed affectio rei, quæ fuisse, vel esse, vel futura dicitur.

*De ijs, quæ sunt in prædicamento Quando. Regula. Tit. XLVI.*

OMNIS dictio significans in tempore, est in categoria  
Quando, vt hodie, heri, nudiustertius, superiori mense, supe-  
riori anno, manè, meridie, vespere, cras, perêdie, olim, quon-  
dam olympiade centesima, anno ab urbis origine quingête-  
simo, anno à Virginis partu supra millesimum & quingente-  
simum decimotercio, & id genus cetera.

*Series prædicamenti Situs. Titulus. XLVII.*

Situs

Ex natura

Ex appetitu

Situ ex appetitu

Intellectiuo

Sensitiuo

Situs ex voluntate

Sui corporis

alieni corporis

Situs sui corpo-  
ris voluntarius

In pedes  
erecti

Non erecti in  
pedes

Status

Hic status,

Iste status, Ille status.

Descriptio

*Descriptio Situs, ex Trapezuntio.**Titulus. XLVIII.*

**SITVS** est partium quædam positio ac ordinatio, quæstantia, sedentia, aspera, læuia, & huiusmodi dicuntur.

*De ijs, quæ sunt in prædicamento Situs, Regula.**Titulus. XLIIX.*

**OMNIS** dictio significans positionem quandam partium ac ordinationem, est in prædicamento Situs, ut status, sessio, accubitus, iacere, raritas, spissitudo, asperitas, læuor, accliuitas, decliuitas, inclinatio, inflexio, supinitas, & id genus reliqua.

*Series prædicamenti Habitus.**Titulus. L.***Habitus****Domesticus.****Militaris.****Habitus domesticus****Vnius partium  
corporis****Plurium partium  
corporis****Habitus domesticus  
plurium corporis  
partium.****Mediate  
adiacens****Immediate  
adiacens****Indusiatura****Hæc indusiatura, Ista indusiatura, Illa indusiatura.***Descriptio. Habitus.**Titulus.***LI.**

**HABITVS** est res media inter corpora, & quæ eis adiacens, secundum quam hæc quidem haberi, illa verò habere dicuntur, ut armatura, tunicatio.

*De ijs, quæ sunt in prædicamento Habitus, Regula.**Titulus.***LII.**

**OMNIS** dictio habitum significans, est huius categoriæ, siue is sit domesticus, siue militaris, siue ad velamen, siue ad cultum corporis pertineant, ut armatum esse, lorica-  
tum, pharetratum, galeatum, scutatum, palliatum, togatum, pileatum, calceatum, anulatum, torquatum, coronatum, & huiusmodi alia.

De dictionibus aliquot, quæ vel ad diuersa prædicamenta, vel ad vnius eiusdemq; seiunctas species referuntur.

Caput huius introductionis tertium.

*Quod vna eademque species secundum aliud, atque aliud diuersis generibus supponi.* Titulus. I.

TAMETSI verissime dictum sit à philosopho in prædicamentorum libro: Diuersorum generum & nō subalternatim positorum diuersæ sunt species id est, secundum speciem differentiæ: nihilo tamen minus vna eademque species pro diuersis rationibus supponi diuersis generibus potest, quod ne cui parum eruditorū mirabile videatur, ipsius Aristotelis ex eodē libro verbo subiiciā. At verò (inquit) non decet conturbari, ne quis nos dicat de qualitate propositionem facientes, multa de relatiuis interposuisse. Habitus enim & dispositiones eorū, quæ ad aliquid sunt esse dicebamus. Penè enim in omnibus talibus genera. Ad aliquid dicuntur, nihil autem eorū, quæ singula sunt. Et nō multò pōst subdit, Amplius si contingat hoc ipsum & Quale, & Relatiuum esse, nihil est inconueniēs in vtriusque hoc generibus enumerare. Quæ verba Boetius enarrans: Nam cum sit verū (inquit) vna eademque rem duobus diuersis generibus nō posse esse suppositam, illud tamen conuenit, secundum aliud atque aliud vnā eandemq; speciem duobus generibus posse subnecti.

*De habitu, dispositione. scientia, sensu, & positione.* Titulus. II.

SICUT Aristoteli & Boetio placet, habitus (quæ & habitudo dicitur) dispositio, scientia, & sensus modo in relatione, modò in qualitate numerantur. In relatione quidem: nam & habitus, habilis rei habitus dicitur: & res habilis, habitu habilis. Dispositio, dispositæ rei dispositio: disposita res, dispositione disposita. Scientia, scibilis rei scientia: scibilis res, scientia scibilis. Sensus, sensibilis rei sensus: sensibilis res, sensu sensibilis: in Qualitate verò, quòd ab eis subiecta

bicēta qualia denominantur. Sic, & positio nunc ad aliquid est, in eo quod positi rei positio est, & posita res est, positio-  
ne posita: nunc prædicamentum ab alijs distinctum, quod, &  
Situs dicitur, in eo quod ab illa sedentia, stantia, rara, spissa,  
aspera, leuia, & eiusmodi denominantur. Recentiores Dia-  
lectici duplicia relatiua constituentes, hæc quidem, quæ ap-  
pellant secundum dici, illa verò secundum esse, nihil ex alijs  
prædicamentis inter relatiua secundum esse numerant: at non  
parum multa inter secundum dici relatiua. Hoc insuper ad-  
dunt, priorem ad aliquid definitionē a Platone profectam,  
vtrinque relatiuis cōuenire, quam Aristoteles, posteriore  
solis secundum esse relatiuis conuenienti, iure corrēxit.

*De raro, spisso, leui, & aspero. Titulus. III.*

RARVM, spissum, leue, & asperum (si Alberto Magno credimus) trifariam accipiuntur. Primum quidem, ut posi-  
tiones quasdam partium significant. Nam rarum ideo voca-  
tur, quia partes eius ita distant à se ut inter eas alieni gene-  
ris corpus possit admitti, ut spongia, pumex. Spissum, quo-  
niā ita sibi partes vicinæ sunt, atque ad se inuicē stricte, ut in-  
ter eas nullum corpus possit incidere, ut ferrum, adamas. Le-  
ue, quod eius partes equali iacent superficie, ita ut nulla earum  
emineat, ut lamina argentea. Asperum, cuius partes inæqua-  
liter sitæ sunt, ita ut aliæ emineāt, aliæ verò sint depressæ, ut  
tyrocestis. Et hoc modo sunt in categoria situs. Deinde  
autem, ut tactui inferunt passionem, & sic in tertio Qualita-  
tis genere collocantur. Postremum verò, ut figuræ sunt, & in  
quarta specie Qualitatis reponuntur.

*De calido, humido, & lumine. Titulus. II II.*

CALIDVM, humidum, & lumen, primum quidem spe-  
ctantur, ut igni calidum natura inest, aquæ humidum, lumen  
corpori luminoso, suntque in secundo genere Qualitatis. De-  
inde autē, ut Substantiarum susceptibiliū affectiones sunt, &  
in primo Qualitatis genere collocantur. Postremum verò, ut  
sensum passione afficiunt, lumen quidem visum, illa vero ta-  
ctum, & sunt tertij generis eiusdem prædicamenti.

De

Rarum  
Spissum  
Leue,  
Asperum


TUPON-  
sis.  
præter a-  
lia quæ  
significa-  
hac vo-

gladium  
quoque  
significa-



**DOCTOR** si ad discipulum refertur, est in categoria Relatiuorum, nam doctor discipuli doctor est, & discipulus est doctoris discipulus. Si cum significat, qui docendi quopiā habitu pręditus est, tametsi iam nemo sit ei discipulus, est in prima specie Qualitatis. Ita Imperator, cum ad exercitum mutuo refertur, nomē est Ad aliquid, cum eum significat, qui habitum & auctoritatem habet imperandi, in primo Qualitatis genere numerantur. Porro, vir si maritum significat, Relatiuum nomen est si sexum, in secunda specie Qualitatis, si ætatem, in prima eiusdem collocatur. Comes verò si ducis comes dicitur, relatiuum est indignius correlatiuum: si autem comitis comes, vt in illo mimographi. Comes facundus in via prouehicolo est, relatiuum est æquali consistens comparatione.

F I N I S



REGISTRVM,  
ABCDEFGHIKLMNOPQRSTUVWXYZ.

Omnes sunt quaterniones: præter Z,  
qui sunt duerniones.



VENETIIS,  
Apud Ioan. Mariam Lenum.

---

M D LXXIII.











